

## ՄԱՍՈՒՆՑԻ ԴԱՎԻԹ

[Էջ III]

ՀԱՅԿԱԿԱՆ ՀԵՐՈՍԱԿԱՆ ԷՊՈՍԸ

ՆԱԽԱԲԱՆ

Հայ ժողովուրդը դարերի ընթացքում ստեղծել է բազմաթիվ դյուցազներգություններ, որոնց մեջ ամենաբնորոշը, առավել նշանակալիցը, ամենից ավելի արտահայտիչն ու հերոսականը, մեծն ու համայնապարփակը «Մասունցի Դավիթ» էպոսն է:

«Մասունցի Դավիթ» էպոսը հայ ժողովրդական ավանդության մեջ, բանասացների բերանում կրում է մի քանի անուն, որոնք և ընդգծում են նրա միասնությունն ու ամբողջականությունը:

Էպոսը կոչվում է «Մասնա ծոեր»: «Ծուռ» բառը հայերենում ունի մի քանի նշանակություն՝ դիվահար, խենթավուն, խելահեղ քաջ, և իմաստային այս տարբերակներից յուրաքանչյուրը էպոսի հերոսների համար բնորոշ է նրանց կյանքի այս կամ այն պարագայում:

Էպոսն անվանում են նաև «Ջոջանց տուն», այսինքն՝ «Մեծերի տուն», «Ավազների տուն» (տարիքով և դիրքով ավազների), «Հսկաների տուն»:

Կա ևս մի անուն՝ «Քաջանց տուն», որ նշանակում է «քաջերի տուն», կամ դրսևորում է էպոսի առնչությունը քաջերին, ոգիներին վերաբերող մի շարք ավանդությունների հետ: Այդ քաջանց տոհմին պատկանող կանանցից է ծնվում հերոսների երեք կրտսեր սերունդ:

Ինչպես Մուրոմցի Իլյան ոչ թե Մուրոմի, այլ ամբողջ Ռուսաստանի հերոսն է, այնպես էլ Մասունցի Դավիթը ոչ միայն Մասնա, այլև, ամբողջ Հայաստանի հերոսն է:

[Էջ IV]

Միշտ չէ, որ բանասացներն էպոսը լրիվ են հաղորդում, նրանք հաճախ պատմում են միայն մեկ կամ երկու հատված, էպոսի միասնությունն ընդգծելով այն ողորմիներով, որոնք փառաբանում են մնացած բոլոր հերոսներին: Պատմվող հատվածը կոչվում է այն հերոսի անունով, որի մասին հյուսված է էպոսի տվյալ ճյուղը:

Էպոսի հիմնական մասը երրորդ ճյուղն է, որն անմիջականորեն կապված է ամբողջ դյուցազնաշրջանի չորս սերնդի հերոսներից գլխավորի, ըստ ավանդության երրորդ դյուցազնի՝ Դավթի հետ, որն առավել մոտ ու հարազատ է ժողովրդի սրտին, նրա հիշողության մեջ առավել փայփայված, առավել երկրային, ամենից ավելի ժողովրդական:

Էպոս ասացողները, տղամարդ թե կին, գերազանցապես եղել են ավագ սերնդի ներկայացուցիչներ, հաճախ՝ ավեգարդ ծերունիներ. էպոսը նրանք պատմել են հայկական տարբեր բարբառներով, մեծ մասամբ Մոկաց, Մշո, Մասնա, ինչպես և արարատյան բարբառներով:

«Մասունցի Դավիթը» պատմվում է երգաձայն, ուղիղ առոգանությամբ, իսկ նրա առանձին դրվագներ երգվում են և հանգավոր բանաստեղծության ձև ունեն: Միմյանցից

երբեմն շատ հեռու բարբառներից յուրաքանչյուրի բնորոշ առանձնահատկությունը ավելի ցայտուն է դրսևորվում էպոսի չերգվող մասերում, քանի որ մեզեղու, հանգի ու չափի հետ կապված երգի մեջ միշտ էլ ավելի լավ է պահպանվում հնագույն տեքստը:

Մոտ երեք քառորդ դար է հավաքվում և գրի են առնվում «Սասունցի Դավթի» տարբեր վարիանտները: Այդ գործի առաջին նախաձեռնողը եղել է հայ ժողովրդի բանահյուսության հայտնի հետազոտող Գարեգին Սրվանձտյանը: Այնուհետև նույն գործը շարունակել են մի շարք մարդիկ, և առաջին հերթին՝ հայ անվանի գիտնական, Հայկական ՍՍՌ Գիտությունների ակադեմիայի իսկական անդամ հանգուցյալ պրոֆ. Մանուկ Աբեղյանը, որն էպոսի վարիանտներից մեկը գրի է առել 1886 թվականին, Վաղարշապատում, և այնուհետև մի ամբողջ հիսնամյակի ընթացքում բազմիցս անդրադարձել է էպոսին, նրա մասին գրել երկու ծավալուն ուսումնասիրություն:

Բանահավաքներից ոմանք գրի են առել էպոսի բոլոր չորս ճյուղերը, ոմանք էլ միայն նրա առանձին մասերը:

Ի մի հավաքված նյութերը կազմում են շուրջ երկու և կես հազար տպագիր էջ և ունեն ավելի քան հիսուն վարիանտ:

Տարբեր ժամանակ հրատարակված բազմաթիվ վարիանտներից բացի, «Սասունցի Դավթի» էպոսն ունի երկու հիմնական հրատարակություն: Դրանցից առաջինը, որ լույս է տեսել Մ. Աբեղյանի ընդհանուր խմբագրությամբ և Կ. Մելիք-Օհանջանյանի աշխատակցությամբ, բաղկացած է երկու ստվար հատորից, որտեղ զետեղված են էպոսի բոլոր տպագիր և անտիպ վարիանտները (1936, 1944 և 1951 թթ.): Երկրորդը՝ ՍՍՌՍ

[էջ V]

Գիտությունների ակադեմիայի Հայկական ֆիլիալի Գրականության և լեզվի ինստիտուտի կողմից պատրաստված և 1939 թվականին տպագրված «Սասունցի Դավթի» համահավաք տեքստն է, որ պարունակում է ավելի քան տասը հազար տող (կազմողներ՝ Մ. Խ. Աբեղյան, Գ. Ա. Աբով և Ա. Տ. Ղանալանյան, խմբագրություն և առաջաբան՝ ակադեմիկոս Հ. Ա. Օրբելու):

«Սասունցի Դավթի» էպոսում չորս սերնդի պատկանող հերոսները, միմյանց լրացնելով, ավելի ճիշտ՝ միասին մի ամբողջություն կազմելով, արտացոլել են իրենց կերպարներն ստեղծող ժողովրդի պատկերացումները, նրա լավագույն երազանքներն ու ակնկալությունները:

Այդ կերպարների մեջ ժողովուրդը մարմնավորել է նաև այն մարդկանց ընդհանուր հայացքները, ովքեր պատերազմ չեն հրահրում, բայց ստիպված են կռվել, ովքեր չեն ուզում հեղել ո՛չ իրենց, ո՛չ էլ այլոց արյունը ի հաճույս իշխելու տենդով բռնված զավթիչների: Այդ հայացքները խարսխված են այն դարավոր փորձի վրա, որ ժողովուրդը ձեռք է բերել կործանարար պատերազմների, ասպատակությունների, արյունահեղ կոտորածների, օտար նվաճողների և սեփական թագավորների լծի ներքո կրած տառապանքների բովում:

Մեզ առանձնապես մոտ և հասկանալի է ժողովրդի գիտակցության մեջ անհիշելի ժամանակներում ստեղծված Սասունցի Դավթի կերպարը, հերոս, որը ջերմ ու անաղարտ

սիրտ ունի, արձագանքում է օգնության ամեն մի կանչի և սխրագործություններ է կատարում ի բարօրություն իր ժողովրդի, իր հայրենիքի:  
ԷՊՈՍԻ ԲՈՎԱՆԴԱԿՈՒԹՅՈՒՆՆ ՈՒ ԿԵՐՊԱՐՆԵՐԸ

Էպոսի հիմնական սյուժեի զարգացումը բնության ուժերի՝ իսկական մարդու վերամարմնավորվելու ընթացքն է, որոնք մարդկային հասարակության պատմության արշալույսին սկսեցին ընդունել կենդանական կամ մարդկայնացված ձևեր: Հերոսների յուրաքանչյուր հաջորդ սերանդը ավելի ու ավելի է մոտենում երկրին, ավելի ու ավելի է մոտենում երկրավոր մարդու կերպարանքին:

Էպոսի հերոսները, ինչքան էլ իրենց ծագմամբ, գերբնական հատկություններով ու արարքներով կապված լինեն բնության և նրա ուժերի հետ, այն ուժերի, որ հնագույն մարդն անհամեմատ ավելի սուր էր զգում, քան այն մարդը, որն արդեն վարժվել էր իրեն ենթարկել այդ ուժերի թեկուզ մի մասը — խորապես մարդկային են: Սրանք կենդանի մարդիկ են օժտված արիությամբ ու բարձր հատկություններով, սակայն իրենց մեջ կրում են նաև մարդկային թուլություններ: Նրանց երկրային կյանքը պատկերող գրույցներում վառ արտացոլում են գտել ոչ միայն նրանց սխրագործ-

[Էջ VI]

ծությունները, այլև մարդկային զգացմունքները: Էպոսի հերոսները սխրանքներ են կատարում, որովհետև այդպես է պահանջում՝ ժողովրդի բարօրությունը, և, որովհետև նրանք իրենց մեջ այդ կատարելու ուժ են զգում, այդ սխրանքները նրանց ոչ մի առավելություն չեն տալիս, հերոսները չեն խզում իրենց կապը ժողովրդի հետ: Հասակ առնելուց հետո էլ նրանք չեն կորցնում իրենց հոգու մանկական անաղարտությունը, պարզասրտությունը, օգնության ամեն մի կանչի անհապաղ արձագանքելու հատկությունը:

Չնայած էպոսի լեզվի սեղմությանը, բառերի անսովոր ժլատությանը, ոճի մոնոմենտալությանը, մանրամասնություններ նկարագրելուց խուսափելու ձգտումին, «Սասունցի Դավթի» էջերից իբրև կենդանի մարդիկ հառնում են հերոսների կերպարները՝ տղամարդ թե կին, որոնք այնքան տարբեր լինելով իրարից իրենց բնավորությամբ, միևնույն ժամանակ ունեն ինչ-որ ընդհանուր բան:

Էպոսն սկսվում է այն պատմությամբ, թե ինչպես Բաղդադի խալիֆի ուղարկված հարկահանները Հայաստան գալով՝ մի վառ լուսավորված աշտարակում հանկարծ տեսնում են հայոց Գագիկ թագավորի դստերը՝ Ծովինարին (ծովածին, ծովագն): Խելքահան լինելով նրա հիասքանչ ու հմայիչ կերպարանքից, նրանք թողնում են իրենց գործը, շտապում Բաղդադ և խալիֆին հայտնում, որ անհրաժեշտ է, ինչ գնով էլ լինի, ձեռք բերել այդ գեղեցկուհուն:

Խալիֆը դեսպաններ է առաքում Հայաստան, որոնք նրա անունից պահանջում են գեղեցկուհի Ծովինարին և սպառնում են չտալու դեպքում պատերազմի դուրս գալ:

Հայաստանում տարբեր կարծիքներ են ծայր առնում: Ոմանք պնդում են, թե պետք է տալ Ծովինարին, ոմանք էլ առաջարկում են պատերազմել և չտալ արքայադստերը, քանի որ խալիֆը կռապաշտ է, իսկ աղջիկը խաչապաշտ (այստեղ և էպոսի մնացած բոլոր մասերում

մահմեդականները ներկայացված են իբրև կռապաշտներ): Սակայն Ծովինարն ինքը միանում է այն մարդկանց կարծիքին, ովքեր գտնում են, որ ավելի լավ է տալ աղջկանն ինայել հազարավոր մարդկանց կյանքը:

Ծովինար խանում ասաց.

— Որ ես էն կռապաշտ թագավոր չառնեմ,  
Զամեն տի սպանի իմ պատճառով,  
Աղեկն էն է, ես էրթամ,  
Ուրիշ մարդու թող բան չըլնի:  
Ե՛ս մենակ մեռնիմ իմ հոր թերեն.  
Ես մեկ ջան եմ, էրթամ, կորսըվիմ,  
Քանց մեր Հայաստան էրկիր ավերի,  
Էն հազար-հազար հոգիք կորուսանին:  
Դարձավ ասաց.— Հա յրիկ, ինձ տուր էնոր:

[Էջ VII]

Ծովինարը պայման է դնում, որ խալիֆը մի ամբողջ տարի չմոտենա իրեն: Խալիֆը համաձայնվում է և արքայադստեր համար հատուկ դրյակ է կառուցել տալիս:

Մի օր Ծովինարը դուրս է գալիս ծովափ զբոսանքի: Համբարձման տոնն է լինում (հայ կանայք այդ օրը դուրս են գալիս դաշտ և բախտագուշակ կատակերգերով վիճակ հանում): Զբոսանքից հոգնելով, Ծովինարը առանձնանում է. հանկարծ նա ծարավ է զգում: Երկնքին ուղղած նրա աղերսով ժայռի միջից վճիտ աղբյուր է բխում, և աղջիկն իր խմած ջրիք հղիանում է:

Այնուհետև Ծովինարին տանում են Բաղդադ: Պարզվում է, որ նա երեխա է ունենալու: Խալիֆը մահվան դատավճիռ է կայացնում: Արքայադուստրը խնդրում է մահապատիժը հետաձգել մինչև ծննդաբերության օրը, քանի որ այլապես իր հետ կմեռնի մի անմեղ եակ: Ժամանակ են տալիս: Ծովինարը երկու տղա է ծնում, մեկի անունը՝ Սանասար, մյուսինը՝ Բաղդասար: Կրկին հայտնվում են դահիճները: Բայց Ծովինարը դարձյալ ժամանակ է խնդրում երեխաներին կերակրելու և մեծացնելու համար: Պատիժը մի քանի անգամ հետաձգվում է: Այդ ժամանակամիջոցում խալիֆը մտերմանում է Ծովինարի հետ, և արքայադուստրը բարեհաջող կերպով խուսափում է մահապատժից: Տղաները ոչ թե օրով, այլ ժամով են մեծանում և տակավին հինգ տարեկան չդարձած՝ ահ ու սարսափի մեջ են զգում Բաղդադի ավազանու երեխաներին, որոնց հետ նրանք խաղում են: Այս հողի վրա վիճաբանություն է տեղի ունենում վեզիրի և խալիֆի միջև: Վճռում են արտակարգ ուժի տեր տղաներին հեռացնել տանից, քանի որ խաղի մեջ նրանց ամեն մի հարվածից մեկի վիզն է ծովում, մյուսի ոտքն է ջարդվում: Եղբայրները ճանապարհ են ընկնում իրենց պապի մոտ: Կարճ ժամանակամիջոցում պատանի դուստրուներ դառնալով, Սանասարն ու Բաղդասարը գնում են նույն ծովի ափը, որտեղ ժայռից բխող աղբյուրը նրանց կյանքի էր կռչել: Ուզում են լողանալ: Բաղդասարը սիրտ չի անում նետվել ծովի ալիքների մեջ, իսկ Սանասարը համարձակորեն ծով է մտնում, և այստեղ հրաշք է կատարվում: Սանասարի առաջ ծովը հետ է քաշվում, տղան իջնում է նրա հատակը, ընկնում ստորերկրյա թագավորություն և այստեղ Մարութա Բարձրիկ Աստվածածինը նրան շնորհում է հռչակավոր Թուր-Կայծակին և Քուռկիկ Ջալալին: Սա բացառիկ հատկություններ և արտակարգ ուժ ունի, օժտված է մարդկային լեզվով խոսելու ձիրքով, կարող է երկար

ճանապարհ անցնել, թռչել մինչև արևը և իսկույն իջնել երկիր: Քուռկիկ Ջալալին ամենից առաջ փորձում է Սանասարի ուժը, հսկային մինչև արևն է բարձրացնում, որ այրի, բայց Սանասարը իրեն գցում է ձիու փորատակը: Քուռկիկ Ջալալին նետվում է ժայռերի վրա, որպեսզի ջախջախի Սանասարին, բայց դյուցազնը ճարպկորեն թռչում է ձիու մեջքին: Ի վերջո նժույզը հնազանդվում է:

[Էջ VIII]

Սանասարը ծովի հատակում ձեռք է բերում զենք ու զրահ: Նրա բազկի վրա դրոշմվում է հրաշագործ մի խաչ: Խմելով ծովի ջուրը, նա այնպիսի հսկա է դառնում, որ եղբայրը նրան չի ճանաչում և սարսափահար փախչում է: Սանասարին դժվարությամբ է հաջողվում Բաղդասարին համոզել, որ ինքը իրոք նրա եղբայրն է:

Շարունակում են իրենց ճանապարհը: Եղբայրներին զարմացնում է այն, որ կապույտ ջրի մի բարակ շերտ կտրում-անցնում է մի մեծ գետի ամբողջ հոսանքը: Գայթակղված այդ փոքր ջրի մեծ ուժից, Սանասարն ու Բաղդասարը գտնում են կապույտ ջրի ակունքն ու այնտեղ վիթխարի ապառաժներից ամրոց կառուցում:

Ու գնացին, գտան գաղբուր:  
Էդ աղբրի ջուր լույա մի ջուր է,  
Կերթա, կը կտրե զիր տակի մեծ գետ:  
Տեսան, անուշ ջուր էր, ու տեղն էլ էր անուշ:  
Սանասար ասաց. — Էստեղ խորոտ է.  
Աղեկ է, որ մենք էստեղ մնանք.  
Մեզ համար տուն մի ու քոչք շինենք:

Իրենց ամրոցի շուրջը բնակություն հաստատելու համար եղբայրները 40 ընտանիք են բերում, ամրոց շինելուց առաջ նրանց համար 40 տուն են պատրաստում: Երբ նրանք ավարտում են ամրոցի կառուցումը, վճռում են նրան անուն տալ, քանի որ վերջինս թե՛ գեղեցիկ է, թե՛ մեծ, բայց անուն չունի:

Եվ ահա հանդես է գալիս մի կերպար, որ հանդիպում է նաև ռուսաց բիլինաներում ու իրանական էպոսում՝ ծերունի սերմնացանը: Պատանի եղբայրները նրան բերում են իբրև պատվավոր հյուրի, Քուռկիկ Ջալալու մեջքին նստեցրած ման են ածում ամրոցի շուրջը, և ծերունին քարաժայռերի մեծությունից ապշած՝ կնքում է ամրոցի անունը, ավելի ճիշտ ասում է, որ անուն փնտրելու հարկ չկա, քանի որ ամրոցը տեղով-տեղ Սասուն է (ժողովրդական մեկնաբանությամբ՝ սարսափելի, ահռելի, ահարկու):

Հավվոր նայեց դարգահի վերա,  
Էդոր վերին հարկեր տեսավ,  
Քարեր հանած էդա բարձր հարկեր,  
Տեսավ քարափներ պատ շարած,  
Զարմացած մնաց, հարցուց, ասաց.  
— Էդո՞ր անուն դնեմ:  
Աստված ձեր տուն շինի,  
Ես ի՞նչ անուն դնեմ էս տան:  
Աստված բարի տա ձեզ,

Դուք ինչքա՞ն ուժ ունիք,  
Որ վեր հաներ եք էս մե ծ-մեծ քարեր:  
Վա՛, էս ի՞նչ սասան քարեր են.

[Էջ IX]

Դուք էն սասուն քարեր  
Ի՞նչպես հաներ եք էն վերին տեղ,  
Ու քարե սան սուն եք զարկե.  
Էս տո՛ւն շեք շինե դուք.  
Ապա սասուն մ՛եք շինե:  
Վա՛, քանի սասուն բերդ մի.  
Էս տուն չէ, էս սասուն է:  
Սանասար ասաց.— Բա՛՛վ է, պապիկ,  
Էլ ձեն մի՛ հանի. էլ անուն մի՛ դնի.  
Ա՛յ պապի, անուն դրվավ.  
Անուն էղավ Սասուն:  
Քանց էդա ավել ի՞նչ անուն:  
Որ դու ապիր՝ սասուն քարեր,  
Քարե սանսուն եք զարկե.  
Մեր բերդի անուն էղավ Սասուն, Սասուն,  
Մեր տան անուն՝ Սասնա տուն:

Այսպես է մեկնաբանվում ամբողջի անունը: Այստեղից էլ հենց ծագում է ամբողջ մարզի անունը, որը և հասել է մինչև մեր օրերը<sup>1</sup>:

Ահա այլեզարդ այս ծերունին է այն իմաստունը, որ կնքել է Սասնա ամբողջի անունը:

Սանասարն ամուսնանում է Քաջանց արքայադստեր՝ Դեղձունի հետ: Երեք որդի են ունենում, դրանք են Մհերը, Ձենով Հովանը և Վերգոն:

Սանասարը էպոսի առաջին ճյուղի գլխավոր հերոսն է:

Ոչ միայն իր հրեղեն ծագմամբ, այլև իր արարքներով նա բազմաթիվ թելերով դեռևս կապված է հնագույն առասպելների հետ, մարմնավորում է կոսմիկական էակի մի շարք գծեր, էակ, որ մարդկային արտաքին ունի, բայց իր մեջ բնության ուժեր է բովանդակում, կապված է բնության կենսարար ու բարեբեր տարերքի՝ ջրի հետ: Ջրից ծնված այս հսկան ջրից է ստանում իր անխոցելի զենք ու զրահը, ամենակործան սուրը, ջրից է ստանում իր հասակը, անսահման ուժն ու զորությունը: Ջրից է ստանում իր հրաշալի Քուռկիկ Ջալալին, որն օժտված է մարգարեական ձիրքով, կարող է մարդու պես խոսել, սլանալ հողմից արագ, ծովի խորքերից սուրալ մինչև արևը:

Առաջին ճյուղի հիմնական կերպարներից է գեղեցկուհի Դեղձունը: Նա իր մեջ խտացնում է մայրիշխանության ժամանակների տան տիրուհու (և ոչ թագուհու) մի շարք գծեր, որոնցով նա տարբերվում է իր շրջապատի կանանցից և շատ-շատերից բարձր է կանգնած:

Չափազանց մոնումենտալ է այն դրվագը, երբ Դեղձունը Սանասարի

-----  
1 Այս պատմությունը հիշեցնում է այսպես կոչված «կիկլոպյան» շինությունները, որ մեզ են հասել Հայաստանի հնագույն բնակիչներից և տարածված են Հայաստանի, Ադրբեջանի ու Վրաստանի տերիտորիայում: Հավանաբար նման շինություններ եղել են նաև Սասունում:

[Էջ X]

մահից հետո բազմամյա կամավոր ինքնաբանտարկումից հետո մոտենում է պատուհանին նայելու իր թոռանը, որը կարողանում է կրել իր հսկա հոր ասպազենը, բարձրացնել ծանր թուրը: Դեղձանի խոսքերը ուղղված սքանչելի Քուռկիկ Ջալալուն հնչում են ազնիվ մետաղի պես.

Էլավ, իրան տեղեն կայնեց, ասաց.  
— Իմ մուրազ կատարվեց, տ'էլնեմ դուրս.  
Գնաց գլուխ փանջարեն վեր կախեց,  
Աչքեց տեսավ՝ նորամանուկ Դավիթ  
Մհերի ձին հեծե, կայնե: Կանչեց.  
— Քուռկի կ Ջալալի, մեռնե մ քե, մուրազ:  
Դավիթ շատ զարմացավ, կայնեց:  
Դեղձուն շարունակեց.— Քուռկի կ Ջալալի,  
Իմ Դավիթ հեւ չունի՝ անես հերություն,  
Իմ Դավիթ մեր չունի՝ անես մերություն,  
Իմ Դավիթ դու տանես իր նոր Կաթնով Աղբուր,  
Դավիթ ձիուց իջնի, իջնի ջուր խմի,  
Իմ Դավիթ դու տանես իր հոր փորձաքար,  
Դավիթ իր թուր զարկի, զարկի սան, փորձի:  
Քուռկի կ, քե ամանաթ իմ նորամանուկ Դավիթ:

Դժվար է հավատալ, թե դա հենց այն Դեղձունն է, որն իր նամակով մի օր կախարդեց երկվորյակ եղբայրներին և նրանց սրտում բորբոքեց նոր, նրանց տակավին անձանոթ մի կրակ, հմայեց այնպես, ինչպես չէր կարողանա հմայել ոչ մի կախարդուհի, եթե չունենար այն հրապույրը, որ հատուկ է Դեղձունին՝ և՛ Սպիտակ ամրոցի դեռափթիթ միանձնուհուն, և՛ Տան մորը՝ Մասնա տիրուհուն, և՛ կռվի գնացող թոռանը բարի ճանապարհ մաղթող զառամյալ տատիկին:

«Մասունցի Դավիթ» էպոսի երկրորդ ճյուղի հերոսը Սանասարից և Դեղձունից ծնված Մեծ Մհերն է, որը հայտնի է Առյուծաձև Մհեր (առյուծ պատառող) մականունով: Նա հորից ժառանգում է ոչ միայն հրաշագործ ասպազենը և իմաստուն նժույգը, այլև անմահական Կաթնաղբյուրից գերբնական ուժ ստանալու հատկությունը:

Օժտված լինելով անպարտելի ուժով, նա մարդկային միջավայրում, երկրային կյանքի բովում ձեռք է բերում մարդկային թուլություններ: Մեծ Մհերը տոգորված է այն կրակով, որի համար Պրոմեթեոսը մարդու հանդեպ տաժած սիրուց զանց առավ աստվածների կամքը, կրակ, որը մեծ Հերակլեսին կիսաստծուց դարձրեց մարդկային ցեղի հավատարիմ ծառա, ոչ թե անձնական փառքի, այլ մարդկային բարօրության համար սխրագործություններ կատարող հերոս:

Ունենալով գերբնական ծագում, անարատ աղբյուրի թոռը՝ Մհերը իր կյանքի առաջին իսկ օրերից ոչ թե տարիներով է մեծանում, այլ ժամերով:

[Էջ XI]

Երիտասարդ հսկան, որը կարող է արմատահան անել ծառերը և տանել դրանք թեթև մահակի պես ուսին դրած, մտքովն էլ չի անցկացնում ձի նստելու հնարավորությունը, իսկ երբ առիթ է լինում նծույգ ընտրելու, ապա նրա ձեռքի ծանրության տակ ճկվում են մարտական լավագույն ձիերը:

Մանկական հոգու տեր միամիտ հսկան պատրաստ է իր բոլոր ուժերը նվիրաբերելու հանուն մարդկային բարօրության: Լսելով, որ երկիրը սովի է մատնված (հացի ճանապարհին մի հրեշավոր առյուծ է պատկած լինում), նա նետվում է թշնամու դեմ, մի կողմ է քաշում ամեհի գազանի հետ կռվելու եկած գորքը և մեն-մենակ, իր գորավոր ձեռքերով, երկու կտոր է անում առյուծին:

Կանչեց, մի ձեռ թալեց էդ առյուծի վերի՝ ծնոտ,  
Մյուս ձեռ թալեց ներքի՝ ծնոտ,  
Ճղեց էդ առյուծ մեջտեղեն,  
Արե՛ց էնոր երկու կտոր:  
Մեկ դրեց ճամփու էս, դին, մեկել՝ էն դին:

Այնուհետև Մհերը կռվի է դուրս գալիս հարևան երկրի վրա իշխող Ճերմակ Դևի դեմ, որը փակել է աղբյուրի ճանապարհը, սպանում է Դևին և ամուսնանում նրա ամբողջում գերության մեջ տառապող չնաշխարհիկ արքայադստեր՝ Արմաղանի հետ:

Մհերը կռվի է դուրս գալիս նաև Մըսրա Մելիքի՝ Մոսուլի թագավորության դեմ:

Ժամանակ անց, երբ մեռնում է Մըսրա Մելիքը, նրա կինը՝ Իսմիլ խանումը, Մհերին խնդրում է գալ և օգնել իրեն իբրև անօգնական մնացած այրու:

Մհերը չի լսում Արմաղանին և վստահ իր հավատարմության ուժին մեկնում է Մըսրը1:  
Այստեղ նրան հարբեցնում են, տանում Իսմիլ խանումի պալատը, և նա հակառակ իր ցանկության դառնում է կրտսեր Մելիքի Հայրը:

Մըսրա Մելիքի երակներում եռում է հսկա հոր արյունը, նա ժառանգ-

-----

1 Ժողովրդի հասկացողությամբ և ուսումնասիրողների կարծիքով այստեղ նկատի է առնված Եգիպտոսը, որն արաբները Մըսրը են անվանում: Նման մեկնաբանությունը առիթ է տալիս մի շարք թյուրիմացությունների, ինչպես և անախրոնիզմների, քանի որ հայերի և Եգիպտոսի տիրակալների ընդհարումները վերաբերում են միայն Մամեյլուքների ժամանակաշրջանին:

Իրականում Մըսրը անվան տակ այստեղ պետք է հասկանալ Մոսուլը: Եվ այն ժամանակ հասկանալի են դառնում էպոսի մի շարք մոմենտներ, մասնավորապես այն, որ երբ



Դավիթը Մասնա մոտակայքում սպանում է բազմաթիվ ռազմիկների, գետը նետում վերջիններիս դիակները, Մըսըրում ապրող նրանց հարազատները տեսնում են ջրի հետ եկած մարմինները: Հենց այդ գետը այն գետն է, որը Մասունը կապում է Մոսուլի հետ և պատկանում է Եփրատ գետի սիստեմին:

[Էջ XII]

գել է նաև նրա ուժը, իսկ սրտում զգում է մարդկանց և բոլոր ժողովուրդների վրա իշխելու բուռն ծարավ, որը նրան ներշնչել է իր մայրը:

Լույս աշխարհ բերելով իր այդ որդուն՝ Մհերը դրանով իսկ Իսմիլ խանումի հոգում ծնում է այն հույսը, թե «հիմա կշողշողա Մըսրա աստղը, իսկ Մասնա աստղը կխավարի»: Իսմիլի կողմից Մելիքին տրվող այդ խրատները, իբրև հրաշագործ հակաթույն, սթափեցնում են Մհերին, և նա իր հոր հրեղեն ձիով Մըսըրից (Մոսուլից) սլանում է հայրենի Մասուն:

Մհերը վերադառնում է իր սիրեցյալ կնոջ մոտ, որը երդվել է քառասուն տարի հրաժարվել ամուսնական կյանքից: Բայց Մհերը խախտել է տալիս նրան այդ երդումը, ցանկանալով վառել Մասնա ճրագը, որպեսզի վերջինիս լուսից խավարի Մըսրա աստղը, և իր ուստրերն ու դուստրերը պաշտպան ունենան այն աղետների դեպքում, որ կարող է նրանց գլխին բերել Մըսրա Մելիքը:

Իրականանում է Մհերի ու Արմաղանի երազանքը — ծնվում է Դավիթը, շիրիմ է իջնում Մհերը, շիրիմ է իջնում Արմաղանը:

Սկսվում է էպոսի երրորդ գլխավոր ճյուղը:

Մհերի և Արմաղանի մահից հետո հարց է ծագում, ինչպե՞ս կերակրել մանուկ Դավթին: Մասունցի բոլոր ստնտունների կաթից երեխան հրաժարվում է: Վճռում են նրան տանել Իսմիլ խանումի մոտ: Գուցե Դավիթը չհրաժարվի այդ կնոջ կաթից, որը իր հոր հետ նույն մահիճն է կիսել: Բայց ինչպե՞ս ուղարկել: Ճանապարհը հեռու է և դժվար: Տղային կապում են Քուռկիկ Ջալալու մեջքին, և սա մանկանը հասցնում է Իսմիլ խանումի մոտ: Դավիթը սնվում է նրա կաթով, ինչպես և Մասունից բերած յուղով ու մեղրով, հասակ առնում իբրև մի դյուցազուն:

Նա ավելի արագ է աճում, քան Մըսրա Մելիքը, ոչ թե օրով, այլ ժամով, ոչ թե ժամով, այլ րոպեներով: Երեք-չորս տարում այնպիսի փահլևան է դառնում, որ խաղի ժամանակ բռնում ու դեն է շարտում Մըսրա մելիքի նետած մկունդը: Դավիթը սարսափ է ազդում Մելիքին:

Մըսրա Մելիքը, տեսնելով փոքրիկ Դավթի ուժն ու դյուցազնությունը, նրան փակում է մթին զնդանում, ուր չի թափանցում արևի և ոչ մի շող:

Որպեսզի մանուկ հսկան զրկված լինի որևէ զենքից, նրա բաժին ճաշի միսն անգամ ոսկրահան են անում: Հանում են նույնիսկ մրգերի միջի կորիզները:

Բայց այնպես է լինում, որ ճաշ բերողին վիրավորում են Մըսրա Մելիքի պալատականները, և սա բարկությունից Դավթին ոսկրոտ միս է տալիս: Դավիթը ճաշն

ուտում է և ոսկորը շարտում պատի կողմն այնպիսի ուժով, որ գնդանի պատը քանդվում է, և ճեղքից ներս է ընկնում արևի շողը: Դավիթը չգիտե, թե ի՞նչ բան է դա, կարծում է՝ կենդանի էակ է և կատաղի գոտեմարտի է բռնվում հետը:

[Էջ XIII]

Դաստիարակից Դավիթը իմանում է, թե ինչ բան է արևը: Երկար աղերսանքից հետո նրան դուրս են հանում զբոսանքի:

Դավթի ամեհի ուժը նորից տեսնելով, Մըսրա Մելիքը վճռում է ազատվել նրանից: Երկու հոգու ուղեկցությամբ նրան ետ են ուղարկում Սասուն, պատվիրելով, որ ճանապարհին սպանեն տղային: Ուղեկցողներից մեկը Դավթի հոր՝ Միերի հավատարիմ ծառան է, մյուսը՝ ավագ Մըսրա Մելիքի մերձավորը: Բաթմանա կամրջին հասնելով, սրանք ուզում են սպանել Դավթին, բայց շրջահայաց տղան գլխի է ընկնում, գուշակելով իր ուղեկիցների մտադրությունը, երկուսին էլ կամրջից վեր է բարձրացնում և պահում օդի մեջ՝ մեկին աջ ձեռքով, մյուսին՝ ձախ, մեկին՝ գետի հոսանքն ի վեր, մյուսին՝ հոսանքն ի վար և Ապառնում, որ կխեղդի շան լակոտների պես:

Բանը նրանով է վերջանում, որ Դավթի հոր հավատարիմ ծառան տղայի կողմն է անցնում, վճռում ծառայել նրան, իսկ մյուսը ետ է դառնում Մըսրը, որ Մելիքին պատմի, թե այնքան էլ հեշտ չէ Դավթի «գլուխն ուտելը»:

Դավիթը Չար Բահար Քամու հետ գալիս է Սասուն: Սկսվում է Դավթի կյանքը Սասունում: Երբ նա տղաների հետ կատակ է անում, ծովում են սրանց վզերը, դուրս են ընկնում ձեռքերը:

Գլուխներն ազատելու համար Դավթին գառնարած են կարգում: Պողպատե տրեխներ են հագցնում, պողպատե գավազան են ձեռքը տալիս: Դավիթը, գառների և ուլերի հոտն առաջն արած՝ սարերն է բարձրանում: Քնով է անցնում, գառներն ու ուլերը ցրվում են, իսկ երբ մանուկ հովիվը նրանց ուզում է հավաքել, չի ջոկում, թե ո՞րն է գառը, ո՞րն է ուլը, աղվեսն ու նապաստակը, բոլորին քշում-բերում է, լցնում քարանձավը: Երբ հորեղբայրը հաց է բերում, տեսնում է, որ փարախը լեփ-լեցուն է գազաններով:

Դավիթը գազաններին քշում-բերում է քաղաք: Սասունցիները մորթում են նապաստակները, միսն ուտում, մորթում են աղվեսները և ձմռան համար մուշտակներ կարում:

Հետագայում Դավթին նախրապան են կարգում: Սա էլ քշում, քաղաք է բերում արջեր, գայլեր, առյուծներ, վագրեր, ոչ ոք սիրտ չի անում գլուխը տնից դուրս հանել:

Դավիթը նետ ու աղեղ է պատրաստում և հրապուրվում թռչունների որսով: Մտքովն էլ չի անցնում, թե տրորում է այն պառավի արտը, որին մի ժամանակ (Դավիթն այդ չգիտեր) սիրել է Միերը: Տեսնելով, որ իր արտը ոտնատակ է լինում, պառավը պատմում է Միերի որսասարի մասին: Դավիթը գնում է այնտեղ և տեսնում այդ վիթխարի որսասար-գազանանոցի անվթար մնացած շրջապարիսպը:

Դավթին շրջապատող մարդիկ առաջարկում են նրան կրակել որսի

[Էջ XIV]

վրա, բայց Դավիթը վճռականորեն առարկում է: Նա ասում է, որ պարսպի մեջ փակված կենդանիներին սպանելն անթույլատրելի է և մեղք է: Ձենով Հովան ասաց.

— Հրողբե՛ր մեռնի քեզ, Դավիթ,  
Ձա րկ, հա տ մի ըսպանի, բռնենք գենենք:  
Դավիթ ասաց.— Հրողբեր, ջանըմ,  
Կապուկ տեղ պա պս էլ կգարկի.  
Տղամարդն է՛ն է՛, որ արձակի ու նո՛ր գարկի.  
Չէ՛ որ էնոնք գերի են, հրողբեր,  
Մարդ էլ գերին գարկի՞ :

Նա ցանկանում է, որ ուժի և ճարպկության մրցումը տեղի ունենա հավասար պայմաններում: Քանդում է պարիսպը, բաց է թողնում կենդանիներին, ապա ասում. «Որս անողը թող հիմա անի»,— և ինքն է սկսում որս անել:

Որսից հետո հոգնած Դավիթը քնում է ծառի տակ: Երբ հանկարծ արթնանում է, լեռան բարձունքին մի զարմանալի լույս է տեսնում: Գնում է դեպի լույսը, և նրա դեմ կանգնում է լուսաճաճանչ մի շինություն, որտեղից բոց է հառնում: Դավիթն այստեղ մի հրաշալի ձայն է լսում: Այդ ձայնն ասում է, որ երիտասարդ հսկան պետք է վերաշինի Մարութա վանքը: Դավիթը Ձենով Հովանին հարցնում է Միերի մասին, իմանում է, որ այստեղ է Միերի դամբարանը, այստեղ է եղել նրա կառուցած և արաբների ձեռքով ավերված Մարութա վանքը:

Դավիթը շրջահայաց է. լույսը տեսնելուն պես գետնի վրա իսկույն գծում է շենքի հատակագիծը, վճռում է վերակառուցել վանքը: Տեսիլը չքանում է, իսկ գծագիրը մնում է գետնին: Դավիթը մեծ թվով վարպետներ է կանչում և մի գիշեր, մի ցերեկ չանցած՝ շինում է վանքը: Բայց հենց որ լույսը բացվում է, վանքը քանդված են տեսնում, քարերը դես ու դեն են ընկած, կիրը մի տեղ է կիտված, ավազը՝ մի տեղ: Վանքի հետքն, անգամ չի մնացել: Նրան մի այլ տեսիլք է հայտնվում, և նա իմանում է, որ շենքի հիմքում պետք է դրված լինի իր թուրը: Թուրը դնում է շենքի հիմքում, տաճարը կրկին կառուցվում է, և այնտեղ են տեղափոխվում վանականները:

Այդ օրվանից Դավիթը փոխվում, հասուն մարդ է դառնում, թեև նրա մեջ տակավին շատ է մանկական չարաճճիությունը:

Դավիթն իր հոր որսասարում շարունակ որս է անում: Մի անգամ էլ, երբ նա այստեղ որս է անում, Մըսրա Մելիքի հարկահանները Մասուն են գալիս յոթ տարվա հարկը տանելու: Տուն վերադարձած պատանին տեսնում է, որ հորեղբայրը, Մասունն ավերելու սպառնալիքից ահաբեկված, արաբների համար ոսկի է չափում:

Դավիթը միջամտում է: Հարկահաններին ոչ մի ոսկի չի տալիս: Ավե-

[Էջ XV]

լին. ջարդում է գլխավոր հարկահանի՝ Կոզբադնի գլուխը: Այս դրվագը միակն է ամբողջ էպոսում, որտեղ խախտված է գեղարվեստական չափը, քանի որ ահավոր կերպով, վառ ու կռպիտ ձևերով տրված է հարկահանին այլանդակելու տեսարանը, Դավիթը նրա ատամները հանում, ճակատին է շարում, կտրում շրթունքները...

Որոտաձայն մարտակոչով և սեփական արյունով գրած հրովարտակով Մըսրա Մելիքը իր հպատակ բոլոր երկրներից գորք է հավաքում և գնում Սասնա դեմ պատերազմելու: Նրա հետ են Մըսրա գորքերը, յոթ հպատակ թագավորների գորքերը: Բանակն այնքան մեծաթիվ է, որ զինվորները մի-մի կում ջուր խմելով՝ ցամաքեցնում են գետը: Թշնամու դեմ ելնում է Դավիթը՝ Քեռի Թորոսի և նրա 39 որդիների հետ:

Արտատեր պառավի խորհրդով Դավիթը ձեռք է բերում հոր զենքն ու զրահը: Դրանք Դավթի համար չափազանց մեծ են, Քուռկիկ Ջալալուն էլ դժվար է հնազանդեցնել, բայց հրաշագործ աղբյուրի ջուրը խմելով, նա հսկա է դառնում և հոր զենքն ու զրահը հագած՝ արշավում դեպի արաբական բանակը: Հարձակվելուց առաջ նա երեք անգամ որոտաձայն գոչում է.

– Էհէ՛յ,  
Ով քնած է՝ արթուն կացեք.  
Ով արթուն է՝ ձիե՛ր թամբեք,  
Ով թամբեր է՝ զենքե՛ր կապեք,  
Ով կապեր է՝ էլե՛ք, հեծե՛ք,  
Չասեք Դավիթ գող-գող եկավ,  
Գող-գող գնաց:

Եվ ահա սկսվում է զարհուրելի մի ջարդ: Դավիթը աջ ու ձախ կոտորում է, մինչև որ նրան մի արաբ ծերունի է մոտենում և ասում հիանալի խոսքեր, այն մասին, որ պատերազմողները թագավորներն են, իսկ ժողովուրդները կռվելու, իրար կոտորելու ոչ մի ցանկություն չունեն, քանի որ միմյանցից որևէ բան չեն ուզում խլել:

Մըսրա Մելիքի գորքի մեջեն մարդ մի էլավ,–  
Մեկ ալևոր – յոթ տղու հեր:  
Մելիք էնոր յոթ տղեկներ գոռովեն էր բերեր կռիվ:  
Էդ ալևոր ասաց. – Հէ՛յ – վախ, հէ՛յ-վախ...  
Դուրս էկավ էն առանց զենքի ու գլուխբաց՝  
Չորքի մեջեն վազեց,  
Ասաց. – ճամփա տվեք, էրթամ Դավթի առաջ,  
Մի խոսք ասեմ, էսա գորք ազատեմ կովից:  
Էկավ, կանգնեց Դավթի առաջ,  
Ասաց. – Դավի՛թ, մեռնե՛մ քեզի,  
Ակա՛նջ արա, ձիդ դադրեցրու,  
Գամ՝ քեզի խո՛սք տ՛ասեմ:  
– Ի՞նչ տ՛ասես ինձ, հավվո՛ր, – հարցուց Դավիթ:

[Էջ XVI]

– Դավի՛թ, – ասաց, – մեռնե՛մ քո արևուն:

Չէ՞ որ էնոնք էլ մարդ են, իսան են,  
 Ինչի՞ կրկնոտորես, ինչի՞ կը սպանես.  
 Չէ՞ էդոնք է՛լ էրեխանե՛ր ունեն,  
 Տո՛ւն ու կընիկ ունեն:  
 Էնոնց սպանես՝ ճժերու մեղք կ'ընկնի քո վիզ:  
 Աղքատ ու խեղճ մարդ են էդոնք.  
 Որը իր մոր մեկուճարն է,  
 Որը նոր պսակված տղա,  
 Որը իր օջախի սունն է,  
 Որք հանգած մի տան ճրագ:  
 — Ապա ինչի՞ էկած են, հետ ինձ կը կռվեն:  
 Պատասխանեց— Մեզ ի՞նչմեղք կա.  
 Մըսրա Մելի՛քն է գոռովեն բռնե, բերե.  
 Մըսրա Մելի՛քն է քո դուշման,  
 Գընա իր հետ կռիվ արա:  
 — Ապա Մելիքն ո՞ւր է հիմա:  
 — Ա՛յ, էն կանաչ վրանի տակ քնա՛ծ է, տե՛ս,  
 Ոսկի խնձորն էնոր չադրի գլխին դրուկ.  
 Յոթն ազապ աղջիկ էնոր ճանճ կը քշեն,  
 Յոթն ազապ աղջիկ էնոր ոտ կը մածեն:  
 Էն վրանից մուխ որ կ'ելնի՝  
 Էն մուխն էլ հո մուխ չի,  
 Էն շոգե՛քն է էնոր բերնի:  
 Դու որ էրթաս Մելիք սպանես՝  
 Էդ գորք քեզի աղոթք տ'անի,  
 Տի խնդա նա ու ամեն մեկն իր տուն տ'երթա:  
 Էդտեղ Դավիթ խղճավորվավ,  
 Զորք ջարդել վերջացուց,  
 Դարձավ ասաց.— Հավոր,  
 Աղե՛կ խոսք ասացիր,  
 Ես քո ասած տ'անեմ:

Դավիթը սլանում է Մըսրա Մելիքի վրանը: Հանդես բերելով մեծագույն ազնվություն,  
 ուղղամտություն և մեծահոգություն, գոտեմարտում սպանում է Մըսրա Մելիքին,  
 ոչնչացնում նրան, ում պատերազմ էր պետք, խաղաղությամբ ազատ է արձակում Մելիքի  
 զորքը, նախագուշացնելով, որ այլևս երբեք չհարձակվեն Սասնա վրա:

Դավիթ ձիու գլուխ շրջեց,  
 Էլավ, գնաց մեջ գորքերին,  
 Ինչ գորք, գորական մնացե՛  
 Կանչեց, հրամայեց, ասաց.  
 — Ամենիդ իրավունք կը տամ.  
 Ուրտեղեն էկեր եք՝ էլեք գնացեք՝ ձեր տեղ:  
 Էլեք, գնացեք ու ձեր տներ— նստեք,  
 Դուք ինձ համար աղո՞թք արեք.  
 Իմ հորն ու մորն էլ օղորմի՛ տվեք.

[Էջ XVII]

Հանդա՛րտ կացեք,  
Մեկ էլ չ'էլնեք ու գաք վեր Սասնա:  
Մեկ էլ որ զենք առնեք մեր դեմ,  
Թե որ դուք կռվի գաք վեր մեզ՝  
Քառսուն գազ խոր հորում ըլնեք,  
Թե ջաղացի ջոջ քարի տակ,  
Տ'էլնի Տեր դեմ Սասնա Դավիթ,  
Տ'էլնի ձեր դեմ Թուր Կեծակին:

Հաղթական պատերազմից հետո վճռում են ամուսնացել Դավթին: Պարզվում է, որ հարսնացու արդեն գտնվել է: Դա գեղեցկուհի Խանդութ խաթունն է: Նա Դավթի մոտ գուսաններ է ուղարկում, որոնք և դյուցազնի ներկայությամբ գովում են աղջկա գեղեցկությունը:

«Տ'ասեմ, տի գովեմ Խանդութ խանում Դավթին.  
Էնոր բոյ գյուլու եղեզ նման է:  
Տ'ասեմ, տի գովեմ Խանդութ խանում Դավթին.  
Էնոր սրտիկ Քուռկիկ Ջալալու մեյդանն է:  
Տ'ասեմ, տի գովեմ Խանդութ խանում Դավթին.  
Էնոր բերան մեղրով բացած է:  
Տ'ասեմ, տի գովեմ Խանդութ խանում Դավթին.  
Էնոր ատամներ մարգրիտ շարած է:  
Տասեմ, տի գովեմ Խանդութ խանում Դավթին.  
Էնոր աչքեր գինու կթխա է:  
Տ'ասեմ, տի գովեմ Խանդութ խանում Դավթին»:

Լսելով գուսանների գովքը, Դավիթը հիացած գնում է Խանդութի մոտ:

Խանդութի ամրոցում նա հանդիպում է 39 կտրիճների, որոնք տարբեր երկրներից եկել էին նրա ձեռքը խնդրելու, բայց նրանցից և ոչ մեկը չէր կարողացել նվաճել աղջկա սիրտը: Դավիթն առաջին իսկ հայացքից տիրանում է Խանդութի սրտին և որպես ընծա ստանում է սիրո խնձորը:

Վերոհիշյալ կտրիճները որոշում են Դավթին մեջտեղից դուրս բերել: Խնջույքի ժամանակ նրանք իրենց թրերը թաքցնում են սեղանի սփռոցի տակ, որպեսզի Դավթին հարբեցնելով սպանեն: Տեսնելով այդ, Խանդութը պատվիրում է Դավթի առաջ արծաթյա մեծ սկուտեղ դնել, իսկ ինքը մի պարկ կաղին առած՝ բարձրանում է վերնասրահը: Ամեն անգամ, երբ քունը Դավթին հաղթահարում է, Խանդութը վերնից կաղիններ է գցում սկուտեղի վրա և չի թողնում, որ նա քնի: Երբ խնջույքը Դավթին ձանձրացնում է, նա պատվիրում է վերցնեք սփռոցը: Տեսնելով թաքցրած թրերը, Դավիթը ձեռքով դրանք կտոր-կտոր է անում, տալիս ախոռապանին, որ Քուռկիկ Ջալալու պայտերի համար մեխեր պատրաստեն:

Դավիթը լավ է հիշում մերձավորների և հարազատների հանդեպ ունեցած իր պարտականությունը: Երբ տակավին փոքրիկ տղա է լինում, նրան փորձում է գայթակղեցնել հորեղբոր՝ Չենով Հովանի կինը: Ֆեդ-

[Էջ XVIII]

րայի և Իպպոլիտի այս պատմությունը էպոսում դրսևորված է արտակարգ ցայտունությամբ: Դավիթը փակում է աչքերը, երբ հորեղբոր կինը լողանալիս նրան պատվիրում է ջուր լցնել իր գլխին, որպեսզի տղան տեսնի իր մերկ մարմինը: Ամուսնուն զայրացած ասում է, թե Դավիթն իբր կամենում էր իրեն խայտառակել: Հորեղբայրը հավատում է և Դավիթին վտարում տնից: Հորեղբոր կինը երկրորդ անգամ է տղային փորձում, բայց սա երկրորդ գայթակղությանն էլ տեղի չի տալիս: Դիմանում է նաև երրորդ փորձությանը, մնում է մաքուր ու անարատ:

Մի հանգամանք Դավթի կյանքում ճակատագրական է լինում: Նա անակնկալ սիրահարվում է Չմշկիկ-սուլթանին և խոստանում նրա մոտ վերադառնալ յոթ օր հետո, բայց այդ մասին հիշում է միայն յոթ տարի անց, երբ Չմշկիկից արդեն ծնված է լինում իր դուստրը:

Մասունի ճանապարհին հոր և որդու (որին Դավիթը դեռ չէր տեսել) միջև մենամարտ է սկսվում: Երկուսի համար էլ այդ մենամարտը շատ ծանր է լինում, որովհետև երկուսն էլ զորավոր ուժի տեր են: Թեև Մհերն ավելի ուժեղ է, բայց չի կարողանում հաղթել արդեն ուժասպառ եղած, բայց անխոցելի Դավթին: Կովին վերջ է տրվում Դավթի կնոջ և Մհերի մոր՝ Խանդուր խանումի միջամտությամբ: Դավիթն անհիծում է որդուն՝ դատապարտելով նրան ամլության և անմահության:

Վերադառնալով Չմշկիկ-սուլթանի մոտ, Դավիթը սպանվում է իր հարազատ աղջկա արձակած նետից:

Էպոսի կենտրոնական հերոսի՝ Դավթի կերպարը տրված է առանձին լիակատարությամբ:

Մեծահոգություն — ահա այն գիծը, որ հատուկ է Դավթին: Ի՞նչ փույթ, որ թշնամին, ոխերիմ թշնամին, արդեն երեք անգամ հարվածել է մկունդով: Եթե նրան իր կաթով սնած կինը խնդրում է, ապա նա բաշխում է առաջին զարկը և իջեցնում վեր բարձրացրած սուրը: Երկրորդ զարկն էլ է բաշխում, քանի որ այս անգամ էլ խնդրում է թշնամու քույրը, որը Դավթին մի ժամանակ խաղացրել է իր ծնկներին: Նա իջեցնում է երրորդ կործանարար հարվածը, թեև գիտե, որ նենգավոր թշնամին մենամարտը համարձակորեն շարունակելու փոխարեն հորի խորքն է մտել, վրան քաշել քառասուն գոմշի կաշի և քառասուն ջրաղացաքար:

Դավթի մեծահոգությունը անխորտակելի ժայռի պես ամուր հիմք ունի՝ հաղթանակի հավատ, իսկ այդ հավատը բխում է հայրենիքն ու հարազատ ժողովրդին պաշտպանելու արդար գործի անսասան գիտակցությունից:

Դավթի համար բնորոշ է մի այլ գիծ ևս: Նույնիսկ ոխերիմ թշնամու դեմ կռվելիս, երբ մտադիր է նրան անխնա ոչնչացնել, աշխատում է իր համար չստեղծել առավել շահավետ պայմաններ, հանկարծակի չի հարձակվում չնախապատրաստված հակառակորդի վրա:

[Էջ XIX]

Դավիթը երկու անգամ է գրոհում թշնամու բանակի վրա: Առաջին անգամ նա պետք է բախվի Մըսրա Մելիքի անթիվ, անհամար զորքի հետ, երկրորդ անգամ՝ Պապ-Ֆրենկի վիթխարի բանակի: Երկու անգամն էլ, չնայած իր հուզմունքին, որն այնքան վառ են նկարագրում բանասացները, Դավիթը չի մոռանում կանգնեցնել, սանձահարել իր ձին և բանակի մի ծայրից մյուս ծայրը հնչող որոտանման ձայնով ազդարարել, որ թշնամին արթնանա, զենք վերցնի, ձի հեծնի, պատրաստվի կռվելու:

Մա նման չէ այն մարտակոչերին, որոնցով Իլիոնի պատերի տակ և բարձր պարիսպների վրա աշխատում են իրար բորբոքել հելլեններն ու տրոյացիները: Մա նման չէ այն լեզվակռվին, որով մխիթարվում է Սանասարը կտրիճների հետ գոտեմարտելիս: Ոչ էլ թշնամուն գրգռող այն խոսքերին է նման, որոնք հաճախ գոտեմարտի նախաբանն էին համարվում, ինչպես դա հայտնի է տարբեր ժողովուրդների, այդ թվում նաև հայ ժողովրդին պատկանող չափածո և արձակ բազմաթիվ նկարագրություններից: Դավիթի մարտակոչը սեղմ, հատու և չգրգռող կոչ է:

Այդ կոչն արդյոք այն պատճառով չէ՞ այդքան սեղմ, հատու, հանդարտ և անմիջական, որ էպոսում նկարագրված է ոչ թե ասպետների համար սովորական դարձած տասնյակ ճակատամարտերից մեկը, այլ մարտական հանգամանքներին անսովոր մարդու՝ ոչ թե սուր, այլ հովվական մահակ ու գուրանի մաճ բռնող ասպետի մուտքը ռազմաբեմ: Դավիթը կարիք չի զգում թշնամուն ծաղրելու, քանի որ նրան ոչ թե կռվի պրոցեսն է հրապուրում, նա ոչ թե փառքի համար է ուզում հաղթել, այլ հայրենիքի բարօրության: Հարկ չկա, որ նա բորբոքվի: Զավթիչների նկատմամբ Դավիթը լցված է այրող ատելությամբ և ուզում է նրանց հաղթել, կոտորել, արտաքսել և ոչ թե փառաբանվել:

Դավիթը, ինչ գործ էլ անի, կրակոտ է, կռվի մեջ անզուսպ, ամբողջովին կիրք ու կորով, սակայն կատաղության ամենախելահեղ նոպայում էլ կարող է հանկարծ մեղմանալ, դառնալ հեզ ու հնազանդ, եթե մոլեգնությանը հակադրվում է քնքշանք, թեկուզ գործվալից մի խոսք: Ինչպե՞ս է փոխվում Դավիթը, երբ հրաժեշտ է տալիս իր հորեղբորը՝ Ջենով Հովանին:

Դավիթը միշտ էլ աչքի է ընկնում ուղղամտությամբ, անկեղծությամբ և պարզությամբ: Մքանչելի է նրա հիացմունքի պոռթկումը, երբ զմայլվում է Խանդութի գեղեցկությամբ և ամբողջ կերպարով, սքանչելի են մանկական անաղարտ անմիջականությամբ համակված երեք համբույրը, որոնցով նա ողջունում է Խանդութին, և որոնցից մեկը՝ երրորդը, գեղեցկուհու զայրույթն է շարժում: Դավիթը հեռանում է դառնորեն վիրավորված ոչ թե այն պատճառով, որ Խանդութը բռունցքով հարվածում է նրան և քիթն արյունլվա տնում, այլ այն պատճառով, որ իրեն չհասկացան: Միայն սիրահարված զույգի հոգու մաքրությամբ կարելի է բացա

[էջ XX]

տրել այն անսովոր հմայքը, որով լի է երեք համբույրի, դրանց համար տրված պատժի և հպարտ Խանդութի ներումն հայցելու դրվագը: Խանդութ խաթունը, իր կյանքում առաջին անգամ, բորիկ ոտքերը քարերին տալով, արյունլվա անելով, վազում է վիրավորված, դյուրաբորբոք դյուցազնի հետևից:



Դավիթը, որ ընդունակ է կատաղելու, ձեռք բարձրացնելու զառամյալ հորեղբոր վրա, հանգիստ և առանց վրդովմունքի է ընդունում իր անձին սպառնացող դավաճանությունը:

Էպոսի երրորդ ճյուղի երկրորդ կարևոր անձը Խանդութ խաթունն է: Սա կամքի տեր կնոջ կերպար է, կին, որ իր մոտ է կանչում հիանալի ընտրյալին, իր ձեռքին է պահում ընտրություն կատարելու իրավունքը: Ինչպես Դեղձունի պալատի պատերի տակ են տոչորվում նրանով կախարդված քառասուն կտրիճները, որոնց քմահաճ գեղեցկուհին զառամյալ ծերունիներ է դարձնում, այնպես էլ Խանդութի պալատի ներքնահարկի խնջույքասրահում յոթ տարի տառապում են քառասուն հիասքանչ կտրիճ: Եթե Խանդութը ժողովրդի գիտակցության մեջ ապրեր այն ժամանակ, երբ ստեղծվել է Դեղձունի կերպարը, ապա նա էլ, չնաշխարհիկ կնոջ հմայքին առընթեր, օժտված կլիներ նաև կախարդուհու ձիրքով:

Դեղձունին Խանդութը հարազատ է դառնում նաև նրանով, որ նա որոշ առնչություն ունի գրքացության հետ: Խանդութը «գրքերից» իմանում է, որ կովի դաշտում Դավթի դեմ մարտնչողը նրա ազգականն է՝ պարոն Աստղիկը:

Դավթի մոտ գուսաններ ուղարկելիս Խանդութի մտքով չի անցնում, թե առաջին իսկ հանդիպումը իրեն մեկընդմիջտ սիրո գերի կդարձնի, ոչ պակաս քան Դավթին: Բայց նույնիսկ, այն սերը, որն աղջկան ստիպեց վազել նժույգով հեռու սլացող վիրավորված սքանչելի պատանու հետևից, աղերսել, որ նա ետ դառնա, այն սերը, որ սովորեցրեց կաղիններ նետել արծաթյա սկուտեղի մեջ իր սիրեցյալի քունը վտանգի պահին վանելու համար, ստիպեց գիշերային խավարում, ռազմադաշտում ընկած դիակների մեջ որոնել իր սիրեցյալի դին, այն սերը, որ նրա հոտոտելիքը սրել էր Դավթի թաշկինակը հոտառությամբ ճանաչելու աստիճան, նույնիսկ այդ մեծ սերը ի վիճակի չէ խախտելու այն երդումը, որ տվել էր Խանդութը՝ ամուսնանալ միայն այն տղամարդու հետ, ով կկարողանա իրեն գետնել:

Խանդութը թշնամու արյամբ ողողված դաշտում կովի է բռնվում իր սիրեցյալի հետ: Աղջիկը նրան չի ճանաչում, բայց Դավիթը գիտե, թե ով է իր դեմ մարտնչողը: Խանդութի այս գոտեմարտը առավել ցայտուն է դրսևորում նրա դյուցազնական ներքնաշխարհը:

Որքան իր ուժի և հակասական ամբողջության մեջ գեղեցիկ է Խանդութը, նույնքան գեղեցիկ է և նրա մահը: Իր մահվամբ Խանդութը կյանք

[Էջ XXI]

է տալիս երկու աղբյուրի, որոնք բխում են այն ժայռից, որի վրա փշրվում է իր «աննման Դավթի» դին, տեսնելով աշտարակից իրեն ցած նետած հավատարիմ կնոջ կուրծքը:

Համա Խանդութ էլած տանիք, —  
Բարձր էր իրենց տանիք,  
Քարերու վրա էր շինած, —  
Ամեն կողմ կ'իրիշկեր, տեսներ՝  
Դավիթ ո՞ղջ կըզա, թե՛ մեռած:  
Խանդութ իրիշկեց, տեսավ, որ  
Ջրինդ խաղալով կը գան էդոնք,

Դավիթ հեծեր է մեկ ուրիշ ձի,  
Իսկի չի խլվլա իր տեղեն:  
Էն հասկացավ, որ Դավիթ մեռած է.  
Ասաց.  
«Որ աժեց, էկավ,  
Որ չ'աժեց, էկավ,  
Իմ կանաչ կտրիճ Դավիթ չէկավ»:

Էն քոփակ Ցռան Վերգոն  
Էնտեղ տանքի վերան կայնած էր.  
Առաջ էկավ՝ վերցուց, ասաց.  
— Դավիթ մեռավ առանց կռիվ.  
Էն մեռավ, ես քեզի անուշ.  
Կը պակսի քե կտրիճ Դավիթ,  
Չի պակսի պարոն էրիկ:  
Խանդութ դարձավ ասաց.  
— Ըստուց էտն արև-լուսին ինձի հարամ ըլնի,  
Էտն Դավթին ես աշխարք չեմ մնա:

Էս անգամ Խանդութ էլավ բերդի գլուխ  
Ու էնտեղեն իրեն թալեց.  
Գլուխն առավ վեր քարին, քար ծակեց, էղավ փոս:  
Էն փոսի մեջ՝ Սասունա կես շնիկ կորեկ  
Կը լցնեն ու կը ծեծեն սանդի տեղ:  
Էնոր ծծերի տեղ հիմի էլ էրկու աղբուր կը թալի:  
Յոթ ճուղ ծամի տեղ էլ հիմի կ'էրևա,  
Քանց յոթ սան կը սեվկըտի:  
Ու հիմի էլ սանդ էնտեղ է, բերդի առաջ:

Դավիթն ու Խանդութը թե՛ կյանքում, թե՛ շիրիմում՝ օձերի ու կարիճների բների տակ,  
որտեղից վշտով ու իմաստությամբ լի պատասխան են տալիս իրենց շիրիմին խորհրդի  
համար այցի եկած Մհերին, մեծ վարպետի կերտած փոխադարձ վսեմ սիրո հուշարձան են:

Շատ չէ նման սիրահարների թիվը, որ պահպանել է մարդկային հիշողությունն իր  
ստեղծած զեղարվեստական կերպարների մեջ: Արևմուտքում Տրիստանի և Իզոլդայի,  
Պառլոյի և Ֆրանչեսկայի, Իրանում՝ Վիսի

[Էջ XXII]

և Ռամինի, քրդերի մոտ՝ Մամեի և Զինեի մեջ մարմնավորված փոխադարձ հարատև սիրո  
գաղափարը հայկական էպոսում իր դրսևորումն է գտել հանձինս Դավթի և Խանդութի:

Խանդութ խաթունի կատարյալ հակադրությունն է հանդիսանում Ձենով Հովանի կինը՝  
Սարինեն:

Նա չի հրապուրում, այլ վանում է իր անսանձ անառակությամբ, կեղծավորությամբ և  
կամակորոթյամբ: Սարինեն հանդես է գալիս հելլենական Ֆեդրայի դերում, այն

տարբերությամբ, որ Դավթին զրպարտելուց և տնից վտարելուց հետո էլ նա չի հրաժարվում տղայի հանդեպ տածած կրքից: Էպոսում սա միակ կինն է, որն իր մարմնական սերը խառնում է համեղ ուտելիքի և գինու հետ, միակ կինը, ընդունակ որոշելու, թե որքա՛ն է թունդ այն գինին, որ մատուցվելու է նրան դուր գալու դժբախտությունն ունեցող պատանուն, գինի, որից Դավիթը պետք է թմրի և ոչ թե քնի:

Իսմիլ խանումն էլ թմրեցնում, հարբեցնում է Մհերին և յոթ տարի նրան պահում գինովության մեջ, սակայն Իսմիլին ոչ թե կիրք հագեցնող սիրեկան է պետք, այլ արիասիրտ կտրիճ, որը կամա թե ակամա, զգաստ թե հարբած վիճակում, նրան որդի պարզկի: Տակավին չծնված, թեկուզ գահն ամրապնդելու համար անհրաժեշտ, որդու հանդեպ ունեցած սերը արդարացնում է Իսմիլ խանումի գործադրած խորամանկությունը, երբ նա համոզվում է, որ ո՛չ իր գեղեցկությունը, ո՛չ էլ ընտրյալ կտրիճին ուղարկած գոտին — ոչինչ չի կարող Մհերին նետել իր գիրկը:

Նա էլ Դեղձունի, Խանդութի նման ի՛նքն է իր համար ընտրություն կատարում, թե ո՛ւմ հանձնվի, թե ո՛վ պետք է նրան որդի պարզկի:

Ո՞վ իմանա, գուցե սա մի հուշ է այն հեռավոր անցյալից, երբ մայր– կինը, իր տոհմի տնօրենը լինելով, ինքն էր վճռում, թե ո՛վ է արժանի իրեն պտղավորելու համար: Մայրիշխանության կարգերը մոռացության տված ժողովրդական գիտակցությունը իշխող կնոջ, իր համար ամուսին ընտրող կնոջ մասին եղած պատկերացումը պետք է իմաստավորեր նրան թագուհի դարձնելով: Գուցե սրա մեջ է թաքնված այն պատճառը, որ թե՛ Սանասարը, թե՛ Մհերը, թե՛ Դավիթը, թե՛ Փոքր Մհերը ամուսնանում են թագուհիների հետ, որոնց արքունական պալատը իսկույն անհետ չքանում է, հենց որ այդ թագուհիներն ամուսնանում են:

Սակայն իր մյուս բոլոր հատկանիշներով Իսմիլ խանումը մի կին է, որը գերծ չէ և կենդանի մարդու թուլություններից, և՛ թագուհու փառասիրությունից, և՛ իր որդու նկատմամբ ունեցած ջերմ սիրուց ու հոգատարությունից, ինչպես նաև այն էակի հանդեպ ունեցած սիրուց ու հոգատարությունից, որը նրա կաթով սնվելով, դառնում է նրա որդին: Հոգեորդու հետ ունեցած կապն ապրում է Իսմիլ խանումի սրտում, և, նույնիսկ Դավթի համար ծուղակ պատրաստելու նենգության ֆոնի վրա տրազիզ–

[Էջ XXIII]

մով է լի այն տեսարանը, երբ կուրծքը մերկացնելով նա Դավթին աղերսում է հանուն այդ կրծքից ծծած կաթի առաջին հարվածը բաշխել և Թուր-Կայծակով չսպանել Մըսրա Մելիքին:

Հեծավ Դավիթ Քուռկիկ Ջալալին,  
Գնաց հասավ չար Ծովասար,  
Քաշեց իր Թուր Կեծակին,  
Քըշեց իր Քուռկիկ Ջալալին,  
Էկավ, որ տի գարկեր՝  
Իսմիլ խաթուն իրեն ծծեր հանեց,  
Դավթի առաջ վազեց, ասաց.  
— Դավիթ, քաղցր ծիծ եմ տվե քեզի,

Դու իմ կաթի խաթեր էդ զարկ ինձի բախշի:  
Դավիթ ասաց— Մարե, ինչի՞ դուն չուր հիմիկ,  
Մելիքի զարկ կրգար մեջ իմ գլխուն,  
Մեկ մ'էլ չասիր՝ Մելի՛ք, զարկ մի ինձի բախշի:  
Դավիթ իր թուր իջեցուց, տարավ բերեց,  
Բարձրացուց էդ թուր, համբուրեց,  
Դրեց ճակատին, ասաց.— Մարե՛,  
Էս մեկ զարկ քո՛ խաթեր:

Այս դրվագը մի այլ միջադեպ է հիշեցնում, երբ Դավթի մանկության տարիներին նույն Իսմիլ խանումը կուրծքը մերկացնելով նույնպիսի աղերսով թույլ չի տալիս, որ Մըսրա Մելիքը խեղդամահ անի Դավթին:

Էպոսում Իսմիլ խանումի կերպարն այնպես է կերտված, որ չնայած նրա բոլոր խորամանկություններին ու փառասիրությանը, արդարացվում է այն կաթը, որով նա անել է «աննման Դավթին»:

Միակ կինը, որ կարծես խորթ է թվում և էպոսում տրված է աղոտ նկարագրությամբ, կարծես այլատարր է, այլ արյուն է հոսում նրա երակներում, դա Չմշկիկ-սուլթանն է: Նա հանդես է գալիս միայն իբրև էպոսում առկա կանացի հինգ հրապուրիչ կերպարների հակադրություն և միայն այն նպատակով, որ իր փոքրիկ դստերը հաղորդած նենգությամբ կտրի Դավթի կյանքի թելը:

Չմշկիկ-սուլթանի դյուցազնական խառնվածքը, Դավթի հետ մենամարտելու ցանկությունը վիպերգության մեջ կյանքի են կոչված ոչ թե սիրածին փորձելու նպատակով, ստուգելու, թե արդյո՞ք տղան արժանի է աղջկան տիրանալու, ինչպես այդ անում են Խանդուխ խաթունը և Գոհար խաթունը, այլ հետևանք են վիրավորված հպարտության, անսահման խանդի, սիրած երիտասարդին վերադարձնելու կամ նրա կյանքը խլելով, նրան մրցակցուհուց խլելու անգուսպ ցանկության:

Սա միակ կինն է ամբողջ էպոսում (եթե չհաշվենք խաթցի պատավ ջադուի միջանկյալ, իր տրագիգով հանդերձ անեկդոտային կերպարը), որն իր կյանքն ավարտում է ոչ թե սիրո հանգամանքներում և հանուն

[Էջ XXIV]

սիրո, այլ ատելության հանգամանքներում, հանուն վրեժի, ընկնում է Քուռկիկ Ջալալու սմբակների տակ և ջախջախվում:

Որպես էպոսի չորրորդ ճյուղի հերոս հանդես է գալիս Դավթի որդին Փոքր Մհերը,

Գերեզման է իջնում կապտաչա աղջկա ձեռքով սպանված Դավիթը, նույն գերեզմանն է իջնում Դավթի մահվան վշտին չղիմացած Խանդուխը, և մեն-մենակ է մնում Մհերը, որ երկրից երկիր է դեգերում, ջանալով վերականգնել արդարությունը, հաղթում է թշնամու զորքին, լեռներից վիթխարի ժայռեր գլորելով քաղաքին սպառնացող գետի մեջ, հեղեղից փրկում մի ամբողջ քաղաք: Սակայն նա շուտով ուժասպառ է լինում, այլևս չի կարողանում պայքարել անարդարության դեմ: Այցի է գնում հոր և մոր շիրմին: Աղերսում է հորը ուղի

ցույց տալ իրեն, քանի որ այլևս ի վիճակի չէ ապրելու, իսկ հողը չի տանում նրա ծանրությունը: Դավիթը խորհուրդ է տալիս մտնել ժայռի մեջ և սպասել մինչև հին աշխարհը կործանվի, ստեղծվի նորը, երբ ցորենի հատիկը մասուրի չափ կլինի, իսկ գարին՝ ընկույզի չափ: Դա կլինի Մհերի ազատության օրը, և նա դուրս կգա քարանձավից: Մհերը ճանապարհ է ընկնում հիշյալ ժայռը գտնելու: Նրա երկրային կյանքի վերջին քայլերը կապված են հետևյալ միջադեպի հետ: Ոստանա Կապանի իշխանը, ճանապարհին ցանց նետելով Մհերի և նրա նծույզի վրա, աշխատում է նրանց գերի վերցնել: Այդ ցանցի մեջ թփրտալով և ջանալով դուրս գալ որոգայթից, Մհերը տեսնում է, որ իր ոտքերն արդեն խրվում են ոչ թե ձյան, այլ հողի մեջ: Գետինը չի տանում նրան ձիու ծանրությունը:

Ձիու ոտ չէր դադրի վեր հողին,  
Որ գոտքեր կըթալեր կերթար մեջ հողին.  
Հող առջև թուլացեր էր,  
Չէր դադրի առջև Մհերին:  
Մհեր ասաց, «Հայ-հոյ, գո՛ւր է,  
Գետինն էլ հալտրցեր է,  
Իմ ձիու ոտաց տակը չի դիմանա»:  
Օր կեսօր էր, քանի քշեց,  
Ձին թաղվավ չուր իրիկուն:

Մհերը մարտահրավեր է նետում աստծուն, նա ուզում է վերջ տալ անարդարությանը: Նրա դեմ հրեշտակների շքախմբով կռվի են ելնում երկրային ուժերը: Մհերն սպառնում է, սակայն անկարող է խոցել: Այդ ժամանակ, որպեսզի իմանա՝ ինքն է իրավացի, թե՛ աստված, նա ինքն իր հետ պայման է կապում, եթե թրի հարվածին ժայռը չդիմանա, ուրեմն ինքն է իրավացի, իսկ եթե դիմանա, ուրեմն՝ իրավացի չէ: Ժայռը չի դիմանում թրի հարվածին, ճեղքվում է, և ոտքից գլուխ զինված Մհերը ձիով ներս է մտնում:

[Էջ XXV]

Ըստ ավանդության և էպոսի, ամեն տարի, Համբարձման և Վարդավառի գիշերը, Վանա միջնաբերդից ոչ հեռու գտնվող Ագռավու Քարը բացվում է, Մհերը դուրս է գալիս քարանձավից, փորձում է հողի ուժը և համոզվելով, որ հողը չի կարող դիմանալ իր ծանրությանը, վերադառնում է ետ:

Ժայռը հազվադեպ է բացվում: Մի անգամ ինչ-որ հովիվ տեսնում է, որ ժայռը բացվել է, բայց Մհերը դուրս չի գալիս: Հովիվը հարց է տալիս, թե ե՞րբ պետք է դուրս գա: Մհերը պատասխանում է, որ դուրս կգա այն ժամանակ, երբ ցորենի հատիկն ավելի խոշոր կլինի, քան մասուրը, և երբ գարին ավելի խոշոր կլինի, քան ընկույզը<sup>1</sup>:

Փոքր Մհերը հոր մահվան դաժան վրիժառուն է, բնութագրված մի քանի գծերով: Սակայն նրա մոտ ցայտուն են ընդգծված սասունցի բոլոր հերոսներին հատուկ կողմերը: Մա էլ իր պապի՝ Մհերի նման գետնի համար չափից դուրս ծանր է: Երբ քայլում է, ոտքերը խրվում են հողի մեջ: Մեծ Մհերը այս իմաստով նման է Սվյատոգորին: Փոքր Մհերի ոտքերն էլ հողի մեջ են թաղվում, բայց ոչ թե այն պատճառով, որ շատ է վիթխարի, ոչ թե այն պատճառով, որ շատ է ծանր, այլ այն պատճառով, որ հողը չի կարող և չի ուզում տանել նրա ծանրությունը, աշխարհը հոգնեցրել է դյուցազնին իր անարդարությամբ:

Այս ճյուղի հերոսուհին Գոհար խաթունն է:

Ինչ-որ նմանություն կա Արմաղանի՝ Մեծ Մհերի կնոջ և Գոհար խաթունի՝ Փոքր Մհերի կնոջ միջև: Դա ամուսնուն հնազանդվելն է, որի համար երկուսն էլ զոհվում են՝ Արմաղանը՝ հանուն լույս աշխարհ եկող մի նոր կյանքի, իսկ Գոհարը պարզապես այն բանի, որ հայրենի Սասունը պաշտպանելու համար Մհերը նրան բռնաբերվին միայնակ է թողնում և բռնում պանդխտության ճանապարհը: Գոհար խաթունին մահից չի փրկում Մհերի թողած մկունդը:

Ինչ-որ անսովոր նազանքով է լի Գոհար խաթունի կերպարը և՛ այն օրերին, երբ նա մրցում է Մհերի հետ, և՛ այն ժամանակ, երբ սրտաշարժ հոգատարությամբ պահպանում է Մհերի անդորրն ու առողջությունը, որն այնքան էլ ապահով չէր դյուցազնի համար նեղ վրանի տակ, և այն պահերին, երբ ճակատագիրը նրա շուրթերով նախագուշացնում է Մհերին., «Արևից վախեցիր, Մհե՛ր»:

1. Հետաքրքրական է, որ Հայաստանի շատ վայրերում ցույց են տալիս Դավթի և Մհերի հետքերը: Մոկս գավառում ինձ ցույց են տվել Բաթմանա կամուրջը, ուր Դավթին ընդհարվում է Մըսրա Մելիքի երկու փահլևանների հետ: Իսկ Վան քաղաքի մոտ, միջնաբերդից չորս կիլոմետր հեռավորության վրա տեսել եմ Մհերի հոչակավոր դուռը: Դա իրոք դուռ հիշեցնող մի քանդակ է վիթխարի ժայռի վրա՝ սեպատառ մակագրությամբ: Քարանձավի մուտքի առաջ ժայռի մեջ մի փոքր փոս կա. դա այն տեղն է, ուր դուռը բացվելուց առաջ անհամբերությունից ամբակով խփել է Քուռկիկ Ջալալին:

[Էջ XXVI]

ԷՊՈՍԻ ՊԱՏՄԱԿԱՆ ՄԻՋՈՒԿՆ ՈՒ ՁԵՎԱՎՈՐՈՒՄԸ

Աներկբա է արաբական գորքի դեմ Դավթի մղած ճակատամարտի, օտարերկրյա հրոսակները հայրենի երկրից դուրս շարտելու մասին ստեղծված գրույցի պատմական աստառը: Այդ գրույցը Բաղդատելի է դեպքի ժամանակակից Թովմա Արծրունու (10-րդ դար) այն վկայության հետ, թե ինչպես խութեցիները իրենց անառիկ լեռներից իջնելով, ջարդեցին արաբական գորախումբը և դուրս շարտեցին արաբներին:

Պատմական Հայաստանի գործիչների անուններին համընկնող մի շարք անունների առկայությունը էպոսի տարբեր վարիանտներում հետազոտողներից ոմանց հանգեցրել է այն մտքին, թե հնարավոր է էպոսի բովանդակությունը և առանձին մանրամասնությունները մեկնաբանել իբրև Հայաստանի քաղաքական պատմության գեղարվեստական, փոքր-ինչ գունագարդված շարադրանք:

Պատմական հավաստի, այսինքն՝ Հայաստանի գրավոր պատմության մեջ հայտնի անուններից մեկը, որը համընկնում է էպոսում նկարագրված իրադարձություններին, արաբական գերիշխանության դեմ հայերի մղած եզրափակիչ պայքարին, դա Գագիկ Արծրունու անունն է: 10-րդ դարում նա Վանա լճի հարավային ափին կառուցել է Ոստան քաղաքը, վերաշինել Աղթամար կղզու բերդերն ու ամրությունները և այնտեղ կերտել հայ ճարտարապետության ամենաքանչելի հուշարձաններից մեկը՝ շքեղ բարձրաքանդակներով զարդարված Ս. Խաչ եկեղեցին, որի ավարտման հազարամյակը լրացավ մոտ քսան տարի առաջ:

Եռանդուն փորձեր են արվել էպոսի գործող անձանց փոխարեն տեղադրել հայոց այլ թագավորների և իշխանների անունները, որոնք առկա են վիպերգության մեջ կամ հիշեցնում են այս կամ այն հերոսի անունը: Սակայն մոռացության է տրվել այն հանգամանքը, որ յուրաքանչյուր նման փորձ կապված է անխուսափելի անախրոնիզմների հետ, քանի որ Գագիկ թագավորն ապրել է 10-րդ դարում, քաջարի իշխան Թեոդորոս Ռշտունին՝ 7-րդ դարում, փառապանծ զորավար իշխան Մամիկոնյանը հայտնի է 5—7-րդ դարերում (արաբական արշավանքից առաջ), իսկ Սանասարը (իր սխրագործությունները 9 — 10-րդ դարերում կատարած դուցազն Դավթի պապը) էպոսում հանդես է գալիս իբրև 10-րդ դարում ապրած Գագիկ թագավորի թոռը, որին, երբ համեմատում ենք Ասորեստանի Մենեքերիմ թագավորի Սանասար որդու հետ, պարզվում է, որ նա ապրել է իր պապից տասնութ դար առաջ:

«Պատմական» մեկնաբանության այս բոլոր փորձերը անտեսում էին էպոսի բուն պատմական արժեքը, այն չէին դիտում որպես կուլտուրայի պատմության (ոչ քաղաքացիական, ոչ քաղաքական պատմության) փաստաթուղթ, ուր արտացոլված է հայոց նախահայրերի աշխարհայացքի

[Էջ XXVII]

մշակման պրոցեսը հեռավոր, անհիշելի դարերում, երբ մարդը իր գոյության համար պայքարելով, առաջին անգամ սկսեց փորձեր անել ըմբռնելու իրեն շրջապատող բնությունը, պարզունակ ձևով հաստատել բնական երևույթների փոխառնչությունը: Հաշվի չէին առնում այն, թե էպոսում որքան ցայտուն է դրսևորված Հայաստանի բնակչության բազմադարյան պայքարը (այդ հազարամյակների ընթացքում ինչ անուն էլ կրած լինեն հայերը և նրանց նախնիները), պայքար, որ մղվել է կյանքի, ապրուստի հնարավորություն ապահովելու, կենսական տարրական պայմաններ ստեղծելու համար՝ հողից բերք ստանալու, թե վայրի կենդանիներ ընտելացնելու ճանապարհով:

Մոռացության էին տրվում նաև էպոսի արժեքավոր տվյալները Հայաստանի լեռնային շրջաններում գոյություն ունեցող կենսաձևի վերաբերյալ, շրջաններ, որոնք էպոսի ստեղծման ու ձևավորման դարաշրջանում դեռևս չէին մտել ֆեոդալական կյանքի հունը և պահպանում էին տոհմական կարգերի(կլանի) տարրերը:

Մոռացության էր տրվում նաև ֆեոդալների և ֆեոդալական արտոնությունների դեմ ժողովրդի մղած պայքարը, որն իր արտահայտությունն է գտել էպոսում, հենց թեկուզ այն սքանչելի տեսարանում, երբ Դավիթը քանդում է զազանանոցի պատերը, դրանով իսկ (իբրև թե կենդանիների և որսորդական արվեստի նկատմամբ ունեցած հարգանքից) ժխտելով որսի տեր համարվելու ամեն մի իրավունք և նույնիսկ հաշվի չառնելով հարազատ հոր, իր համար սրբազան, հիշատակը: Չէ՞ որ դա արգելանոցի ոչնչացում էր, որի համար պայքարում էին (ոչ միայն Հայաստանում) աշխատավորական խավերը, որոնք չունեին ոչ հող, ոչ ջուր. ոչ էլ որսի հնարավորություն: Դավթի և Ռոբին Հուդի մտքերի զուգադիպությունը պակաս ուշագրավ չէ, քան արդարև քաջարի և հայոց պատմության մեջ փառաբանված իշխան Թեոդորոս Ռշտունու անվան հիշատակումը արդեն ոչ թե առասպելական, այլ ֆանտաստիկ մի գրույցում:

Մոռացության էր տրվում նաև հին Հայաստանի իրական կյանքի մի շարք կողմերի արտացոլումը, ինչպես, օրինակ, էպոսում չափազանց ընդգծված կրոնական հանդուրժողականությունը: Թեև «խաչապաշտ» (այդպես են անվանվում սովորաբար հեթիաթներում քրիստոնյաները) գեղեցկուհի Ծովինարին «կռապաշտ» խալիֆին կնության տալու անհրաժեշտությունը վրդովմունք է առաջացնում, սակայն ոչ ոք չի տարակուսում, թե աղջիկը կարող է տուժել հավատի հարցում, կարծես նախապես վստահ են, որ խալիֆը «խաչապաշտ» կնոջ հետ կընդունի նաև հայ հոգևորականին: Եվ հիրավի, խալիֆին բնավ չի զայրացնում այն, որ իր պալատներից մեկում ապրելու է քրիստոնյա քահանան: Էպոսում հետագայում էլ քրիստոնեությունը չի հակադրվում որևէ այլ դավանանքի: Պայքարը մղվում է բռնակալների, զավթիչների, Սասնա թշնամիների դեմ,

[Էջ XXVIII]

անկախ նրանց դավանանքից, քրիստոնեական եկեղեցին ոտնձգությունից պաշտպանելու ձգտումից:

Չէ՞ որ Մարութա Բարձրիկ Ասպարաձին վանքի կործանումը դիտվում է իբրև բռնության ակտ և ոչ թե արբության դեմ կատարված ոտնձգություն, որն արտացոլեր բռնակալների և հարձակման ենթարկված սասունցիների դավանանքի տարբերությունը: Եկեղեցում կատարված ջարդից փրկված հոգևորականին Ղավիթը վերաբերվում է հեզնանքով, իմանալով, որ եթե նա իր մոտ է եկել, ապա կամ աղն է պակաս, կամ մաղը, կամ մոմ է ուզելու, կամ խունկ:

Դավիթ կանչեց սարկավազին, ասաց.

— Տեսնե՛ մ, արի էստեղ, ի՞նչ կ'ասես,

Էն ի՞նչ է պակաս իմ վանքին.

Խունկն է պակաս, ձե՛ թն է պակաս, ինչի՞՞ եկար.

Շուտ ա՛ռ, զընա՛, քո ժամուն հասի՛ր:

Հոգևորականների հանդեպ ցուցաբերվող վերաբերմունքի տեսակետից բնորոշ է այն դրվագը, երբ Արմաղանը հրաժարվում է Մըսրրից Սասուն վերադարձած իր ամուսնուն ընդունել, չուզենալով խախտել Միերից քառասուն տարի բաժան ապրելու մասին իր արած ուխտը, իբրև պատիժ ամուսնու կատարած դավաճանության:

Ահա թե ինչ են ասում այդ կապակցությամբ հայտնվող եպիսկոպոսներն ու վարդապետները.

Օրհնած, օրենքն ի ձեռ վարդապետաց.

Քառսուն տարին բերենք, անենք քառսուն ամիս,

Քառսուն ամիսն բերենք, անենք քառսուն շաբաթ,

Քառսուն շաբաթ բերենք, անենք քառսուն օր,

Քառսուն օր բերենք, անենք քառսուն սհաթ:

Օուռ տերտեր մ'էլ կար՝ ասաց.

— Քառսուն սհաթ բերենք, անենք մըկա:

Վարդապետ մ'էլ պահպանիչ մի ասաց.

Ասաց.— Աստված ձեզ թողություն շնորհե,

Էլէք, գացեք, եղեք երիկ-կընիկ:



Ծանր երդման այս սրամիտ լուծումը, հատկապես «ծուռ տերտերի» ավելացրած խոսքերը իրենց հումորական հազեցվածությամբ մի կողմից կարծես արձագանքում են 5-րդ դարի պատմիչ Փավստոս Բյուզանդի մեջբերած գրույցին՝ Հովհան Եպիսկոպոսի մասին, որն օգտագործելով իր հոգևոր աստիճանը՝ ավագակից խլում է նրա ձին, մյուս կողմից, հիշեցնում են հումորով լի միջնադարյան հայ առակները, որտեղ վառ կերպով ներկայացված է հոգևորականության ուխտադրությունը, կաշատակերությունն ու նենգությունը:

Արդյոք կարելի՞ է ասել, թե ո՞ր թվականին է լույս աշխարհ եկել ժողովրդական էպոսը՝ տասնյակ սերունդների կոլեկտիվ ստեղծագործու-

[Էջ XXIX]

թյան պտուղը, եթե նրա հիմնական առանցքը պատմական որոշակի իրադարձություն չէ, որի ժամանակաշրջանն ու վայրը նշված լինեին տեսնելու, շոշափելու, կարդալու կամ վերծանելու ենթակա որևէ հուշարձանով: Ժողովրդական դյուցազնավեպի ճշգրիտ թվականը որոշելու փորձն արդյոք նույնքան անիրագործելի չէ՞, որքան այն, որ գետի հոսանքը, ջրի համն ու գույնն ուսումնասիրելով փորձես որոշել, թե ե՞րբ է ծնվել այն առաջին ամպակը, որը հզոր գետի վերածվելով՝ իր ալիքներն է տանում դեպի մեծ ծովի աղի ջրերը:

Բացի երկրաբանից, որը գիտե գանազանել շերտավորված նստվածքները, հաշվել հնէաբանական արժեքավոր մնացորդներ պարունակող հարյուրավոր ու հազարավոր նուրբ, խստորեն չափավորված պարբերական շերտեր, նրանից բացի ով կհանդգնի լուծել այս խնդիրը:

Սակայն ի՞նչը կարող է ավելի դյուրին լինել, քան որոշել՝ ե՞րբ է գետն իր հունը փոխել, եթե ջուրը քանդել տարել է իր նոր ճանապարհին ընկած, պատմական կյանքով ապրող մի քաղաք, որի ավերակները արևոտ օրերին պարզ երևում են վերևում ծփացող հստակ ջրի հատակին: Այստեղ երկրաբանն իր տեղը զիջում է պատմաբանին: Պատմական գիտությունը, որը տիրապետում է մարդկային ձեռքերի սխրագործությունները հետազոտելու բազմազան եղանակներին, կարող է մեծագույն ճշգրտությամբ որոշել, թե՛ այդ քաղաքի գոյության ժամանակը, թե՛ այն թվականը, որով նշված են նրա վերջին օրերը, վրա հասած աղետից առաջ:

Նույն դժվարություններն է հարուցում նաև ժողովրդական էպոսը, այն էլ մի այնպիսի էպոս, որն ընդգրկում է մի քանի սերնդի պատկանող հերոսների կյանքը, առասպելական գործերն ու սխրանքը: Այդ հերոսներն իրենց վրա և իրենց մեջ կրում են հարյուրավոր շերտավորումներ, որոնք գոյացել են մարդկային հասարակության աճին ու զարգացմանը համընթաց, երբ մարդն սկսում էր պատկերացում կազմել բնության, նրա ուժերի և այդ բնության մեջ տեղի ունեցող պայքարի մասին:

Էպոսի առասպելական մասերի թերագնահատումը, գրեթե արհամարհական վերաբերմունքը «հեքիաթային» տարրերի նկատմամբ (դրանք իբր թե եղծում են հայ հերոսների փառահեղ սխրագործությունների պատմությունը) հետազոտողներից ոմանց

բերին այն եզրակացության, թե մենք էպոսի ծագումը պետք է վերագրենք մեզանից մեկ հազարամյակ առաջ ընկած ժամանակաշրջանին:

Իրականում գործը բոլորովին այլ բնույթ ունի: Հնարավորություն կա հաստատելու, որ էպոսում ընդգրկված հիմնական դրվագները իրենց ձևավորումն ստացել են մոտ մեկ հազարամյակ առաջ, առասպելական հերոսների սխրագործությունները հարմարեցվել են արաբ նվաճողների դեմ հայ ժողովրդի մղած համառ պայքարի իրադրությանը:

[Էջ XXX]

«Սասունցի Դավթի» ձևավորման ժամանակաշրջանը բնորոշելու համար մեծ նշանակություն ունի այն հանգամանքը, որ էպոսի բաժիններից մեկում մենք գտնում ենք 7-րդ դարում Հայաստանի դեմ կատարված արաբական արշավանքի արտացոլումը, արաբ հարկահանների առկայությունը:

Էպոսի ստեղծումն ու ձևավորումը պետք է վերագրել այն ժամանակաշրջանին, երբ Հայաստանում հաստատվեց (ոչ անմիջապես) արաբական տիրապետությունը:

Այս կապակցությամբ չափազանց մեծ արժեք է ներկայացնում աննշան թվացող մի մանրամասնություն: Այնտեղ, ուր խոսվում է խալիֆի մասին, նա շարունակ «կռապաշտ» է հորջորջվում: Այդ հորջորջումը երկար ժամանակ պահպանվում էր Թուրքիայում ապրող հայերի շրջանում: Սա անշուշտ ոչ թե մահմեդականների «միաստվածությունը» ժխտելու ցանկությունից էր բխում, այլ մահմեդականների շրջապատում տեղի ունեցող խոսք ու գրույցի մեջ «մուսուլման», «մահմեդական», «իսլամ» բառերից խուսափելու անհրաժեշտությունից:

Սակայն էպոսում տրվում է «կռապաշտ» բառի հետագա մեկնաբանությունը, երբ այն գործ է ածվում խալիֆի հասցեին, «կռապաշտ» բառից կարծես հառնում է մի ամբողջ միջադեպ, մի ամբողջ պատմություն այն մասին, թե ինչպես խալիֆն աղոթում է իր կուռքերին, թե ինչպես խալիֆի մեհյանում դրված կուռքերից «Կրտսեր կուռքը» խալիֆին չի օգնում, և օգնության է հասնում «Երեց կուռքը», թե ինչպես կուռքերը խալիֆից մարդկային զոհաբերություն են պահանջում, թե ինչպես կարող է պահպանվել կամ չպահպանվել մարդկային զոհաբերության ծեսը: Մինչդեռ բոլոր բանասացները, առանց բացառության, տասնյակ տարիներ հարևանություն են արել մահմեդականների՝ թուրքերի կամ քրդերի հետ և հիանալի գիտեն, որ իսլամի մեջ ոչ մի կուռք էլ չկա:

Մովսես Խորենացու և Թովմա Արծրունու երկասիրություններում հիշատակված հայկական հինավուրց ավանդության համաձայն, Սանասարի (ո՛չ էպոսի հերոսի) հայրը ասորական Մենեքերիմ թագավորն է, որին, ըստ Աստվածաշնչի և ասորական աղբյուրների, սպանել է իր որդին: Այսպիսով, սույն մանրամասնության մեջ (բնավ ո՛չ պատահական) պահպանվել է էպոսի զարգացման նախնական էտապի արձագանքը, մի էտապ, որը նախորդում է հայերի ծանոթացմանը իսլամին, նախորդում է արաբական նվաճմանը և կապ ունի առավել հին շրջանի պատմական փաստերի հետ: Նշանակալից է այն, որ վարիանտներից մի քանիսում խալիֆի փոխարեն հանդես է գալիս Մենեքերիմ թագավորը:

Մյուս կողմից, երկրորդական թվացող մի մանրամասնությունն ևս վկայում է, որ «Սասունցի Դավթի» մեջ արտացոլված են էպոսի ձևավորման ընդունված ժամանակաշրջանից ավելի ուշ կատարված պատմական

[Էջ XXXI]

մոմենտներ: Այն գորքերը, որոնց հետ Դավիթը կռվի է բռնվում Խանդութ խաթունի մոտ գնալիս, ուղարկված էին օտարագրի բռնակալ Պապ-Ֆրենկի կողմից, որի անվան մեջ դժվար չէ կռահել «ֆրանկների պապին» — Հռոմի պապին: Հայերը ֆրանկների և պապի մասին գիտեն միայն խաչակրաց արշավանքների շրջանից: Սակայն Հռոմի պապի «պատմությունը» և «ֆրանկությունը» էպոսում ոչ մի այլ կերպ չի արտացոլված, բացի նրա անվան հիշատակումից (հայերը ֆրանկ են անվանում առհասարակ բոլոր եվրոպացիներին, խաչակրաց արշավանքների մասնակիցներին, իսկ ժամանակակից խոսակցության մեջ՝ կաթոլիկներին, անկախ նրանց ազգությունից):

Չափազանց հետաքրքրական է այն հանգամանքը, որ էպոսում հիշատակված պատմական գլխավոր անուններից ոչ մեկը չի վերաբերում 10-րդ դարի առաջին կեսից ուշ ընկած ժամանակաշրջանին: Եթե շարունակեին էպոսի մեջ թափանցել հետագա շրջանի պատմական խոշոր անձանց հետ առնչվող փաստերը, ապա այդ անուններն իրենց արտացոլումը կգտնեին պոեմի այս կամ այն բաժնում: Ժողովրդական էպոսի առանձնահատկությունը, եթե այն որևէ չափով շոշափում է պատմական իրադարձությունները, այն է, որ այնտեղ նույնիսկ երկրորդական գործող անձինք ունեն իրենց անունները, քանի որ վիպերգության մեջ ոչ մի հերոս առանց անվան չի կարող գործել:

Էպոսի ձևավորման ժամանակաշրջանը որոշելու փորձեր կատարելիս պետք է հաշվի առնել նաև էպոսի առանձին մասերը, հատկապես Դավթին վերաբերող մասերը՝ փոքրասիական հույների և արաբ նվաճողների պայքարն ու սահմանագծային ընդհարումներն արտացոլող բյուզանդական «Ասք Դիզենիս Ակրիտասի մասին» էպիկական պոեմի հետ զուգադրելու հնարավորությունը: Այդ պոեմի մի շարք մոմենտներ, որոնք ռուս գրականության մեջ մուտք են գործել ոչ ուշ քան 12-րդ դարը, «Սասունցի Դավթին» վերաբերող ասքի մերձավոր զուգահեռներ են:

Հետազոտողները հայկական հին տարեգրություններում և հայ հին հեղինակների մոտ համառոտ են տեղեկություններ էին որոնում հայկական մեծ էպոսի մասին, սակայն ապարդյուն:

Ինչպես Փոքր Մհերի համար տեղ չկար հին աշխարհում, այնպես էլ գրքերում տեղ չկար հայ ժողովրդի հույսերն ու ձգտումները հիշատակելու համար, ժողովուրդ, որ հող էր հերկում, իր անասուններն արածացնում, հանապազօրյա ծանր աշխատանքով վեր խոյացնում վիթխարի տաճարների և հզոր ամրոցների պատերը:

Զե՞ որ այդ գրքերը տասնևհինգ դար շարունակ գրել են այն դասակարգի մարդիկ, որոնք օգտագործելով կյուրական ու հոգևոր բարիքներ ստեղծողների աշխատանքը, փակվում էին ամրոցներում, ոչ այնքան հայրենիքի պաշտպանության, որքան այդ ամրոցները կերտողների վրա

[Էջ XXXII]

իրենց իշխանությունն ամրապնդելու համար: Ո՞ւմ հայտնի չէ, որ ամրոցներ էին կառուցվում ո՛չ միայն այնտեղ, ուր կարող էին ներխուժել օտարազգի զորքերը, այլև այնտեղ, ուր բխում էր Հայաստանի կենարար ուժը՝ ջուրը: Ո՞ւմ հայտնի չէ, որ այդ ամրոցներում բազմում էին հող ու ջրի տերերը՝ ինչպես Մանասարի սպանած վիշապը կամ Մեծ Մհերի ձեռքով դիտապաստ ընկած դևը: Բազմում էին հողի ու ջրի տերերը:

Հին պատմիչների մոտ հիշատակություն չկա Էպոսի, հատկապես նրա առավել իրական, սակավ ֆանտաստիկ բնույթ կրող մասերի վերաբերյալ, որտեղ գլխավոր հերոսների դերում հանգես են գալիս ներքնախավի ընդերքից ելած մարդիկ, որոնք սովոր են հովվական մահակ կամ գութանի մաճ բռնելու, սակայն չեն զանազանում հին, ժանգոտած զենքը իսկական կռվի համար պիտանի զենքից, մարդիկ, որոնք պատրաստ են մարտի նետվելու զինված նույնիսկ խաչերկաթով:

Սակայն Էպոսի այն մասերի վերաբերյալ, որոնք զուտ առասպելական բնույթ են կրում, հին հեղինակների մոտ կան որոշ ակնարկներ: Դրանց թվում պետք է հիշատակել Մովսես Խորենացու անունը, որը խնամքով պահպանել է Հայաստանի հնագույն կոսմոլոգիական Էպոսի բազմաթիվ հատվածներ և սիրով հաղորդում է այն գրույցները, որոնք արտացոլում են հայոց թագավորների ու իշխանների փառահեղ գործերը, ասորական մեծ թագավորների հետ նրանց ունեցած ազգակցական կապերը, սակայն չի հիշատակում նրանց, ում այնքան սիրում և օգնում էր Դավիթը:

Հին հեղինակների ուշադրությունը չեն գրավել ո՛չ հովիվները, որոնց տոնական հյուրասիրության մասին հոգալով՝ Դավիթը հարուստներից ու քահանաներից խլում է նրանց համեղ ուտելիքը, ո՛չ էլ հողի մշակները, որոնց իր հզոր ձեռքերի և իր ամեհի նծույզի զորությամբ օգնության է հասնում Դավիթը՝ մի ժամում գլուխ բերելով նրանց կատարելիք բազմօրյա աշխատանքը:

Մանասարի մասին Մովսես Խորենացու և Թովմա Արծրունու ասած խոսքերը վերաբերում են ոչ թե Էպոսի հերոսներին, այլ կիսաառասպելական հին իշխաններին՝ Արարատյան դաշտ տեղափոխված ասորական արքունի տան շառավիղներին: Նրանց մասին արված հիշատակությունները արտացոլում են ասորական թագավորների այն բուն պատմական արշավանքների, որոնք ուղղված էին մի երկրի դեմ, որը երկու-երեք դար հետո կոչվեց Հայաստան, իսկ այդ արշավանքների ժամանակ կրում էր Ուրարտու անունը:

«Մասունցի Դավիթ» Էպոսին ամենամակերեսային ձևով անգամ ծանոթանալիս պարզ է դառնում, որ կենտրոնական տեղը գրավում են ոչ թե սկզբում նկարագրված հնագույն հերոսները, ոչ թե այն հերոսը, որով վիպերգությունը եզրափակվում է, այլ ըստ ժամանակագրության

[Էջ XXXIII]

միջանկյալ, երրորդ սերնդին պատկանող հերոսը: «Մասունցի Դավիթ» մեջ վիպերգված է ընդամենը չորս սերունդ: Մինչդեռ Էպոսի հիմնական դեմքը Դավիթն է, որի սխրագործություններն արտացոլող գրույցը տիրապետող է վեպի բոլոր վարիանտներում, և որն օժտված է թե՛ իր նախնիներին՝ պապին ու հորը, թե՛ իր որդուն հասուն կրթավորության գծերով:

Երբ խոսվում է ժողովրդական էպոսի մասին, բնականորեն պետք է որոնել այն միջուկը, որի շուրջը հյուսված է տվյալ էպոսը, և այն ձևն ու նշանակությունը, որ նա ստացել է իր զարգացման ընթացքում:

Բերենք մի օրինակ բոլորովին այլ միջավայրից: Վերցնենք Տրիստանի և Իզոլդայի սիրավեպը: Կարելի է վիճարկել (անձնապես ինձ համար դա արդեն միանգամայն պարզ հարց է), թե ի՞նչն է տվյալ վեպում ավելի էականը՝ առասպելական կո՞ղմը, վեպը որպես կելտերի կոսմիկական պատկերացումների, գաղղիական ասքերի, Բրիտանական կղզիներում, Իռլանդիայում և անգլո-սաքսոնական ապագա երկրում տիրապետող ասքերի արտացոլումը դիտելու հնարավորությունը, թե՞ այն, որով վեպը մեզ հասած իր ձևով բնորոշվում է որպես 12-րդ դարի ասպետական վեպ: Աներկբա է, որ այդ վեպն ստեղծվել է այն ձևով, ինչպես մենք գիտենք, համենայն դեպս ոչ կոսմիկական կերպարների շուրջը, այլ սքանչելի ասպետի և հիասքանչ ասպետական կնոջ, տվյալ դարաշրջանի համար միանգամայն իրական կերպարների՝ Տրիստանի և Իզոլդայի շուրջը, որոնք և կրում են իրենց վրա վեպը հորինող բանասացների և բանաստեղծների հնագույն դարերից հասած անթիվ, անհամար մտապատկերների շերտավորումները:

Նույնանման երևույթ է տեղի ունեցել նաև Սասունցի Դավթի հետ: Կասկածից դուրս է, որ մեզ հասած էպոսի բաղադրիչ միջուկը Դավթի մասին հյուսված ասքն է: Հիշեցեք, թե խեցու մեջ ինչպես է մարգարիտ գոյանում: Քանի դեռ խեցու մեջ աննշան ավազահատիկի ձևով կողմնակի մարմին չի ներթափանցել, քանի դեռ այս առիթով կենդանին չի հիվանդացել, և նրա վրա չի գոյացել չնչին, աչքի համար անտեսանելի կրաշերտ, ոչ մի մարգարտի մասին խոսք լինել չի կարող: Այնուհետև այդ ելուստի շուրջը շերտավորվում են աղերի ազդեցության տակ գոյացած նստվածքները, և ի վերջո ստացվում է սքանչելի մարգարիտ, որը հետագայում կարող ենք դիտել ու հիանալ:

Նույնն է տեղի ունենում ժողովրդական յուրաքանչյուր ավանդության հետ. նրա հիմքում թերևս աննշան մի կորիզ է ընկած, սակայն այդ կորիզն իր վրա նորանոր շերտեր է ընդունում և հաճախ վերածվում մարգարտի, որը տասնյակ և հարյուրավոր սերունդների ստեղծագործության արգասիքն է: Այսպես է ստեղծվել նաև «Սասունցի Դավթի» էպոսը:

Սասունցի Դավթի՝ հայ ժողովրդի սիրած հերոսի մասին հյուսված ասքի հիմքում թերևս ընկած է աննշան մի փաստ, որի շուրջը և գոյացել

[Էջ XXXIV]

են հերոսի չտեսնված սխրագործությունները փառաբանող մի շարք գրույցներ:

Եթե էպոսը բաժանենք բաղադրիչ մասերի, ապա կտեսնենք, որ ամենապատմական մասը արաբներին Հայաստանից արտաքսելու դրվագն է: Երկրային ամենաիրական գծերով բնորոշվում է հատկապես այս բաժինը, այստեղ էլ միաժամանակ կարելի է նկատել մի շարք հանգամանքներ, որոնք հնարավորություն են տալիս էպոսի հիմնական կորիզի ստեղծումը վերագրելու նկարագրվող իրադարձություններից ավելի ուշ շրջանի: Իրադարձությունների ստեղծման միջև պետք է, որ ընկած լինի համեմատաբար ավելի քիչ ժամանակամիջոց: Մրա օգտին է խոսում և այն շրջանի ճշգրիտ անվանումը, որտեղից գորքերն են եկել, և այն, որ հազարամյակի ընթացքում գոյացած անթիվ, անհամար անախրոնիզմների առկայությամբ, իսկ հիմնական կորիզում չկան իրականությանը

բացահայտորեն հակասող անախրոնիզմներ: Ամեն ինչ մեզ տանում է դեպի 10-րդ դարը և ո՛չ ավելի ուշ ընկած շրջան:

Էպոսի առանցքը, անկասկած, կազմել է սասունցիների արաբ նվաճողների դեմ դուրս գալու և նրանց ջախջախելու իրադարձությունը: Այլ հարց է, որ Թովմա Արծրունու հիշատակած Սասնա ապստամբությունը փոքր տեղամաս է ընդգրկում, որ այդ ապստամբությանը միայն երկու հարյուր հոգի են մասնակցել, որ երկրից արտաքսվել է ոչ թե արաբական խալիֆը, այլ շարքային մի հարկահան: Ժողովրդի հիշողության մեջ պատմական կոնկրետ փաստին ավելացել են զանազան հարակից գրույցներ, և դրանց մեջ գերմարդկային հատկություններ են վերագրվել շարքային, սովորական մի մարդու, որը սակայն հերոս է, իր կյանքն է նվիրաբերել հայրենիքին, համախափել իրոք թույլ, իրոք անօգնական, վատ զինված լեռնցիների ուժերը, նրանց հանել այն ժամանակվա իմաստով հիանալի զինված արաբական զորախմբերի դեմ: Նույն հերոսին են վերագրել այն բոլոր հատկանիշները, բնավորության այն բոլոր գծերը, որ այդ ժամանակ ունեցել է երգեր հյուսող, եղելություններ վիպող ամբողջ ժողովուրդը: Ժողովրդին հատուկ այս գծերի հանրագումարից էլ հենց ստեղծվում է հերոսի կերպարը, հերոս, որ գերազանցում է արդեն մարդկային չափանիշները, դառնում է հսկա, ընդունակ յուրացնելու մարդկային առօրյա կյանքի սահմաններից բացահայտորեն դուրս եկող հատկանիշներ:

Ճիշտ նույն եղանակով են գոյացել նաև այն գրույցները, որ մեզ են հասել Արևմտյան Եվրոպայի առանձին ժողովուրդների էպոսից և այլ կարգի ստեղծագործություններից: Հիրավի, հավաստի փաստ չի կարող համարվել այն, որ մի ասպետ, ինչքան էլ նա խիզախ լինի, կամրջին կանգնած կարողանա դիմագրավել մի ամբողջ բանակի, և ինքը մնա անխոցելի: Ոչ ոք չի տարակուսում, որ Ռոնսեսալի դեմ փայլուն հաղթանակ տարած Ռոլանդի պատմությունը արտացոլում է ոչ թե Ռոլանդի

[Էջ XXXV]

անձնավորությունը, այլ այն ամբողջ դասակարգը, որի ներկայացուցիչն էր նա:

Իսպանացի հերոս Միդի պատմությունն անշուշտ պարունակում է տասնյակ գծեր, որ ոչ մի կերպ չի կարելի վերագրել առանձին մարդու: Նա այնպիսի ահավոր ուժով է օժտված, որը հատուկ չէ մի մարդու:

Նման պատմությունների գոյացման ընթացքը միանգամայն նույնն է և խոր անցյալում, և՛ մերձավոր ժամանակներում:

Հյուսելով իր գրույցը Յուսուֆի զորաբանակը կոտորող խութեցի պատանու վերաբերյալ, հայ ժողովուրդը պետք է որ մտածեր իր այդ հերոսի համար արժանավոր հարազատներ գտնելու մասին, քանի որ ժողովրդի պատկերացմամբ անտոհմ մարդը չի կարող հերոս լինել, մինչդեռ հերոսը, այն էլ բազմաթիվ դարեր ապրած հերոսը, ժողովրդի պատկերացմամբ պետք է ունենա և՛ հայր, և՛ պապ, պետք է քաջ հայտնի լինի իր ծագմամբ: Այստեղ կատարվում է նույն հետաքրքիր երևույթը, ինչ տեղի է ունենում մյուս ժողովուրդների տասնյակ հերոսների հետ: Չուտ երկրային ծագում ունեցող, հոգեկան բարձր հատկանիշներով օժտված և սխրագործությունների ընդունակ մարդուն վերագրվում են դյուցազնական առասպելական կերպարներին հատուկ գծեր: Ազգակցական կապ է հաստատվում տվյալ ժողովրդի մեջ ապրող առասպելական

հնագույն կերպարների և այն հերոսի միջև, որը եղել է բանասացների պապերի ժամանակակիցը:

Դավիթը պետք է նախնիներ ունենար, և նրա համար ժողովուրդը հայր է ընտրում կիսաստված մի հսկայի: Միերը այնքանով է մարդկային, որ երկնքից երկիր է իջել: Ավելին, պատմվում է նաև Միերի հոր մասին, որը սաղմնավորվել է դեռևս այն ժամանակաշրջանում, երբ աղջիկը կարող էր հղիանալ ջրից: Այսպիսով, Սանասարը ծնվում է այն կույս աղջկանից, որի անունը գրույցներից մի քանիսում ակնբախ կերպով առնչվում է Առաջավոր Ասիայի աստվածուհիների հետ և, մյուս կողմից, ժողովրդական գրույցներում տարածված ձևով նշանակում է «ծովածին»: Ծովինարը Սանասարին ծնում է ժայռի միջից հանկարծ բխած աղբյուրի մի կում ջրից: Սանասարի և Քաջանց թագավորի հիասքանչ աղջկա – կիսահողածին կախարդների արքայի դստեր ամուսնությունից ծնվում է Միերը, և այսպիսով, հաստատվում է Դավթի վերընթաց ծննդաբանությունը:

Սակայն էպոսի կառուցվածքի պատճառով, այն պատճառով, որ Դավթի կերպարը մարմնավորում է հայ ժողովրդի բոլոր իդեալները, այս պատճառով, որ այդ հերոսը պետք է մնա, ապրի, քանզի այլապես նրա հետ կմեռնի ամբողջ ժողովուրդը, հարուցվում է Դավթի որդու հարցը: Եվ ժողովուրդը նրան որդի է տալիս: Բայց քանի որ էպոսի գոյացման ժամանակ երբեք չեն ստեղծվում առանձին նշանակալից մանրամասնու-

[Էջ XXXVI]

թյուններ, իբրև որևէ բանասացի նորաստեղծություն, ուստի և, ըստ անհրաժեշտության, Դավթի որդու կերպարը միայն պապի բնավորության գծերի կրկնությունն է:

Կարող է հարց ծագել, ինչո՞ւ միանգամայն հողածին Դավթի որդին պետք է ծնվեր իբրև հսկա, որն ավելի է կապված բնության ուժերի, տիեզերական ուժերի հետ, քան Դավիթը: Ուղղակի այն պատճառով, որ այդ որդուն վիճակված էր ինչ-որ միանգամայն հեքիաթային վախճանի հասցնել ժողովրդի իդեալները: Եվ ահա այս պատճառով Միերը պետք է մնար անմահ, կամ էլ էպոսը պետք է նրա համար ստեղծեր անհամար հետնորդներ, որոնք աստիճանաբար մանրանալով հասնեին այն օրերի մարդու կերպարին, երբ ստեղծվել են «Սասունցի Դավթի» վարիանտները: Սակայն ոչ մի բանասաց խնդրին այդպիսի լուծում չի տվել: Հերոսական էպոսը միշտ էլ խզվում է, եզրափակվում գորավոր կերպարով: Դյուցազունները կամ առանց որևէ հետք թողնելու զոհվում են, կամ դառնում քար, պարփակվում այդ քարի խորքում, սակայն երբեք չեն թողնում բազմաթիվ և բազմադարյան կյանքի ընդունակ ժառանգներ:

«Սասունցի Դավթի» էպոսում հին հայերի կոսմոկական հնագույն պատկերացումները, հնադարյան առասպելները, որոնք ստեղծվել են Հայաստանի նախապատմական կյանքի հազարամյակների ընթացքում, և ականատեսների ու նրանց հետնորդների հիշողության մեջ դրոշմված պատմական իրադարձությունները միաձուլվել, մի միասնական ամբողջություն են կազմել, երանգավորված պատմականության արտաքին երևույթով:

Այս իրադարձությունները իրենց լայնությամբ ու գործությամբ, ժողովրդի դրսևորած կոլեկտիվ հերոսության ուժով հարմար հիմք են ծառայել, որի վրա էլ հնագույն առասպելները կուտակվել են, ընդունել հստակ և կուռ ձևեր: Դրանք վեր են ածվել հերոսներին փառաբանող կապակցված պատմությունների, հերոսներ, որոնք այդ

դյուցազնաշրջանի չորս սերնդի գոյաշրջանում ընթացել են իրենց տիտանական ուժի կրճատման, իրենց գերմարդկային չափերի նվազման ուղիով, աշխարհի վերնում ծավալվող արեգնափայլ անսահմանությունից և գեղածիծաղ ծովի անչափելի խորությունից իրենց անմիջական կապը խզելու ճանապարհով:

Հերոսները կորցնում են իրենց երկնա-ծովային հրեղեն ձիով ծովի անդունդից դեպի կիզիչ արևի սկավառակը պլանալու ունակությունը, որպեսզի հիմնավոր բնակություն հաստատեն երկրի վրա, անգիտակցորեն կապ են պահպանում միայն մի տարերքի, հույժ կենարար տարերքի՝ ջրի հետ:

[Էջ XXXVII]

ԷՊՈՍԻ ԺՈՂՈՎՐԴԱՅՆՈՒԹՅՈՒՆԸ

Հետազոտողներից ոմանք, նշմարելով էպոսի մեջ մտնող մի շարք գրույցների պատմական աստառը, ջանում էին այն բացահայտել, և այդ աշխատանքի ընթացքում ստեղծվեց էպոսի ծագման ֆեոդալական այն կոնցեպցիան, որն անհուսալիորեն փակուղու առաջ է կանգնում, հենց որ հաշվի է առնվում հերոսների աշխարհայացքը, նրանց խորշանքն ընչաքաղցության, իշխելու ծարավի նկատմամբ, բազմիցս դրսևորված անմիջական թշնամանքը թագավորների, կառավարողների, ազնվատոհմների հանդեպ: Այս փակուղին ֆեոդալական կոնցեպցիայի համար դառնում է անելանելի, քանի որ ժողովրդի ընդերքից ելած հերոսը գահ չի բարձրանում, ոչ էլ իշխանական դոյակի տիրակալ է դառնում, քանի Դավիթը ձգտում է վանել ոչ միայն զավթիչներին՝ թագավորներին, այլև ազնվատոհմներին, որոնց փոխարեն նա նշանակում է «հասարակ մարդկանց», քանի որ Մեբրը դուրս է գալիս ոչ թե օտարերկրացիների, այլ Հայաստանում իշխող արյունակից բռնակալների դեմ՝ այն հաստատ հավատով, որ եթե նույնիսկ ընկնեն սասունցիները, միննույն է՝ «նրանց գերեզմաններին էլ չեն կարողանա մոտենալ թագավորները»:

Չնայած այս բոլոր և բազմաթիվ այլ հանգամանքների, որոնք կարծես անհնարին են դարձնում էպոսը ֆեոդալական Հայաստանում գերիշխող խավերի ստեղծագործություն համարելը, համենայն դեպս էպոսի ծագման ֆեոդալական կոնցեպցիան ստեղծվեց: Դրա պատճառը հետևյալն է: Հաշվի չառնվեց այն, որ էպոսում արտացոլված աշխարհայացքի, դեռևս ֆեոդալական հասարակության աստիճանին չհասած հասարակության աշխարհայացքի, զգալի մասը զարգացման նախորդ փուլերի մնացուկներն ու արձագանքներն են, լինեն դրանք կոսմիկական առասպելներ, մետեորային երկաթի օգտագործման ասք, մայրիշխանությունն արտացոլող հերոսուհիների կերպարներ (Դեղձուն, Խանդուխ խաթուն, Գոհար խաթուն), Քեռի Թորոսի ու նրա որդիների՝ նահապետական կարգերն ու տոհմական ընտանիքն արտացոլող նկարագրություն կամ տոտեմների մնացուկները պահպանած տոհմային կենսաձևի գծեր, որոնք արտացոլված են Սասնա կյանքի ընդհանուր նկարագրության մեջ և որոնք իրենց զուգահեռն են գտնում Թովմա Արծրունու տված Սասնա և Խուրթի նկարագրության մեջ:

Ֆեոդալական կոնցեպցիայի հիմքում, անկասկած, ընկած է ոչ միայն էպոսում հանդիպող հատուկ անունները բաղդատելու և անվերժանելի անախրոնիզմներն ու անատոպիզմները հաղթահարելու ճանապարհով էպոսը Հայաստանի գրավոր պատմության շրջանակների մեջ խցկելու ցանկությունը, այլև արմատապես սնանկ, սակայն ֆեոդալական աշխարհայացքով սնուցված կանխավարկումը(պրեզումցիա), որով ֆեո-



[Էջ XXXVIII]

դալական վերնախավի շրջանակներում խստորեն սահմանափակվում է արհուրյան ու հերոսության, սխրագործություններ կատարելու հնարավորությունը:

Հիրավի, հին դպրոցն անցած մարդկանց մեծամասնության մեջ (ինչ իմաստով էլ վերցնենք «դպրոց» բառը, լինի դա տարրական, միջնակարգ թե բարձրագույն) տասնյակ տարիներ շարունակ մի թե չի արմատավորվել այն գիտակցությունը, թե սխրագործություններ կատարողները եղել են ազնվական դասին պատկանող ասպետներ, որոնք կատարելապես տիրապետել են սուր և նիզակ գործածելու արվեստին և իրենց ձեռքերը երբեք չեն «պղծել» աշխատանքով, երբեք ձեռք չեն տվել աշխատանքի գործիքներին: Մի թե տասնյակ և հարյուրավոր տարիների ընթացքում չի մշակվել այն պատկերացումը, թե հոգու վեհությունը, առատաձեռնությունը, արհուրյունը, տառապյալին օգնելու պատրաստակամությունը, ուրիշներին բաժին ընկած չարքաշությունն իր վրա վերցնելու, հայրենիքը սրով պաշտպանելու պատրաստակամությունը կոչվում է «ասպետություն» («ասպետ», «հեծյալ» բառից, սակայն այդ հեծյալը, ի տարբերություն մյուս մահկանացուների, պետք է իր ծագմամբ իրավունք ունենար ձի նստելու): Մի թե տասնյակ և հարյուրավոր տարիներ շարունակ չի մշակվել այն հասկացողությունը, թե հոգու բարձր հատկանիշները պետք է որոշվեն «ազնվություն» բառով, որը մատնացույց է անում, թե իբր այդ առաքինությունները հատուկ են «ազնիվ» տոհմից սերած մարդկանց, և թե այդ առաքինությունները բնածին են:

Արդյոք զարմանալի է, որ Սասնա տան հերոսների մեջ այս բոլոր բարձր ու վսեմ առաքինությունները տեսնելով, դրանք իրավացիորեն բնորոշելով իբրև ազնվության ու ասպետության դրսևորում, ֆեոդալական կոնցեպցիայի ստեղծողներն սկսեցին Սասնա հերոսների նախատիպերը որոնել այն հայ իշխանների մեջ, որոնք ըստ ծագման պետք է օժտված լինեին ազնվատոհմ ասպետներին հատուկ բնավորության գծերով և առաքինություններով:

Սակայն մենք լավ գիտենք, որ այդ վսեմ առաքինությունները բնավ էլ ազնվատոհմերին տրված շնորհ չեն եղել, լավ գիտենք, որ պատմության մեջ բազմաթիվ սխրագործություններ կատարել են այնպիսի մարդիկ, որոնք չեն ծնվել պալատական հարկի տակ, իսկ այժմ էլ շատ լավ դիտենք, որ իսկական հերոսությունը հատուկ է նրանց, ում համար մատչելի է սրի, մուրճի ու մանգաղի սխրագործությունը, գիտենք, որ սուրն ավելի ամուր է բռնում այն ձեռքը, որ սովոր է բռնելու մուրճը և գութանի մաճը, գիտենք, որ թշնամու գլխին սուրն ավելի ուժգին է իջեցնում այն ձեռքը, որը սովոր է սալի վրա երկաթ կռելու:

Սասնա դյուցազունները մնալով իբրև արհուրյան ու հերոսության

[Էջ XXXIX]

օրինակներ, իրենց կապը չխզելով հովվի, հողագործի կամ որսորդի աշխատանքի հետ, եղել են «հասարակ ժողովրդի» գավակներ: Դավթի մահից հազար տարի հետո չարժե նրա գլուխը իշխանական խույրով զարդարել. դա նրան այնպես սազական չէ, ինչպես վայել է նրան ամենակործան Թուր-Կայծակին:

Էպոսի ծագմանը վերաբերող ֆեոդալական կոնցեպցիայի գոյացման պատճառը կարելի է մեկնաբանել երկու բառով: Հայ ժողովուրդը մեծարանքի ու հարգանքի հասկացությունը արտահայտելու համար ֆեոդալական դարաշրջանից ժառանգել է «պատիվ» բառը, որը տառացիորեն նշանակում է իշխանական խույր, ապարոշ: Եկեք Դավթին մատուցենք իրեն և մյուս դյուցազուններին վայել հարգանք ու պատիվ, առանց նրա գլխին հագցնելու իշխանական խույրը, որից հերոսը խորշում էր իր կենդանության օրով:

Վերջապես, եթե արարների տիրապետության դեմ ուղղված պայքարը, օտարերկրյա զավթիչների արտաքսումը պատկերող էպոսը չստեղծվեր ամրապնդված ֆեոդալիզմի դարաշրջանում, ֆեոդալական հասարակության ներքնախավերում, ֆեոդալական Հայաստանի ժողովրդական զանգվածներում, ապա հերոսական գործեր դրսևորող գրույցները այս կամ այն կերպ կարտացոլվեին հայ պատմիչների գործերում, որոնց թիվը փոքր չէր ո՛չ 10-րդ դարում, ո՛չ էլ հետագայում: Մակայն ֆեոդալական ազնվականությունից սերած հայ պատմիչները անտեսել են էպոսն այնպես, ինչպես այն չէր ուզում ճանաչել նաև հայ բուրժուազիան, որը 19-րդ դարի վերջերին և 20-րդ դարի սկզբում, հետաքրքրություն ցուցաբերելով իր երկրի անցյալի նկատմամբ, տան պատերը զարդարում էր առասպելական հերոսների և հին Հայաստանի տիրակալների՝ Վաղարշակի, Արտավազդի և մյուսների նկարներով, մինչդեռ արհամարհանքով էր վերաբերվում այն առաջավոր անձանց աշխատանքին, ովքեր բանահյուսական նյութերի գրանցումով մոռացումից փրկեցին հայ ժողովրդի մեծ էպոսը:

Հայ բուրժուազիայի ծիծաղն էր շարժում այն իբր թե «պարծենկոտությունը», որ մի սասունցի կոտորում է թշնամու ամբողջ գորքը, թեև նույն բուրժուազիան հիանում էր ֆրանսիացի ասպետ Ռոլանդի և իսպանացի ասպետ Սիդի հերոսական արարքներով, առանց նկատելու, որ թե՛ Ռոլանդի, թե՛ Սիդի և թե՛ Բոյարդի սխրագործությունների նկարագրության մեջ նույնքան չափազանցված է մարդկային ուժը, որքան Փոքր Մհերի կամ Դավթի մասին հայ բանասացների պատմած գրույցներում:

«Սասունցի Դավիթ» էպոսը ժողովրդական է, ժողովրդական ո՛չ միայն այն պատճառով, որ ապրում է ժողովրդական զանգվածներում և պատմվում նրանց բերանով, ո՛չ միայն այն պատճառով, որ մինչև վերջին ժամանակներս, մինչև մեր օրերը ապրում է բանավոր պատմվելով,

[Էջ XL]

ո՛չ միայն այն պատճառով, որ բոլոր վարիանտներում լեզուն ժողովրդական է, իր կառուցվածքով հեռու հին կամ նոր գրական հայերենից, այլև, ամենից առաջ, այն պատճառով, որ հերոսների ողջ աշխարհայացքը անխզելիորեն կապված է ժողովրդական ներքնախավերի հետ, այն պատճառով, որ բոլոր հերոսները անխզելիորեն կապված են ժողովրդի հետ:

Միայն ճնշումից և հարկահանությունից հոգնած մարդիկ կարող էին ստեղծել Սասուն քաղաքի հիմնադրման հիասքանչ գրույցը, քաղաք, որտեղ Սանասարն ու Բաղդասարը ժողովրդից հարկեր չեն առնում, մարդկանց չեն շահագործում: Միայն իրենց՝ արյունակից հայ թագավորներից ու իշխաններից ձանձրացած մարդիկ կարող էին ստեղծել այն գրույցը, որտեղ Փոքր Մհերն ընդհարվում է ժողովրդին կողոպտող քոյվայի հետ, որտեղ Ոստանա

իշխանը որոգայթով փորձում է գերի վերցնել Մհերին և Քուռկիկ Ջալալուն, փորձ, որ չի հաջողվում հեծյալի ու ձիու դիմադրության շնորհիվ:

«Ազնվագարմների» ով և ինչ լինելը փորձելուց հետո միայն ժողովուրդը կարող էր գիտակցել «հասարակ» մարդկանցով նրանց փոխարինելու անհրաժեշտությունը:

Միայն հին աշխարհն անմիջապես կործանելու անհնարինությունից հուսաբեկված ժողովուրդը կարող էր Մհերին ուղարկել քարանձավ, որպեսզի նա այնտեղ սպասի իր օրվան, իսկ ինքը՝ ժողովուրդը մինչ այդ պետք է իրականացներ նախնական պայքարը, տեսներ և մագդեղական-բարսումեական ժողովրդական շարժման, և՛ Սյունյաց ապստամբության, և «ազնվագարմների» հաղթելու մյուս փորձերի ձախողումը:

Չնայած իր արիությանը, ժողովրդի բարօրության համար կատարած իր սխրագործություններին, ավելի ճիշտ՝ հենց այդ առաքինությունների պատճառով հերոսներից ոչ մեկը, նվազագույն չափով անգամ, չի օգտվում իր ունեցած հնարավորություններից, չի ձգտում հատուկ իրավունքներ ձեռք բերել իր շրջապատում, չի ցուցաբերում փառասիրության նշույլ անգամ, չի ձգտում իր կամքով տնօրինել այն հողը, որի համար նա պատրաստ է տալու իր արյունը, տնօրինել այն ջուրը, որը բոլոր դյուցազունների ուժի ակունքն է, ամբողջ ժողովրդի կյանքի հիմնական պայմանը, այն ջուրը, որ նրանք ազատում են դևերից՝ նրա կենարար շիթերը ժողովրդին տալու համար:

Սասնա հերոսներից յուրաքանչյուրի համար առիթ է ընձեռվում (այն էլ ոչ թե մի անգամ, այլ բազմիցս) հասնելու բարձրագույն իշխանության և բազմելու գահին: Սակայն նրանք շարունակ հրաժարվում են այդ հնարավորությունից: Խալիֆի դատաստանը տեսնելուց հետո, ողջ մնացած զորախմբերն ու մյուս հպատակներին իրենց թրի տակով անցկացնելուց հետո Սանասարն ու Բաղդասարը հաղթողների իրավունքի

[Էջ XL]

համաձայն փոխանակ գահ բարձրանալու, հեռանում են խալիֆի երկրից: Նրանք մերժում են նաև իրենց պապի՝ Գագիկ թագավորի խնդրանքը, երբ սա առաջարկում է, ժառանգական իրավունքի համաձայն, բազմել իր գահին, և ճանապարհ են ընկնում դեպի իրենց կառուցած Սասունը:

Սանասարի որդի Մհերը մերժում է Իսմիլ խանումին, երբ սա առաջարկում է ստանձնել Մըսրա գահը, ինչպես Դավիթը Մըսրա Մելիքին հաղթելուց հետո չի ցանկանում բազմել Մըսրա Մելիքի գահին և այն հանձնում է Մելիքի մորը՝ Իսմիլ խանումին: Փոքր Մհերը նույնպես մերժում է իր պաշտպանության տակ առած հալեպցի քառասուն թագաժառանգներին, որոնք նրա հետ եղբայրանալով՝ խնդրում են ստանձնել Հալեպի գահը: Եվ գահից հրաժարվելու այս բոլոր դեպքերում էլ չորս դյուցազուններն իրենց հրաժարականը արտահայտում են պարզ ու անպաճույճ բառերով, մի տեսակ հուզիչ, սակայն անսասան հավատով լցված դեպի իրենց վարմունքի ճշմարտացիությունը:

Գահի հանդեպ Սասնա հերոսների ունեցած այդ վերաբերմունքին էպոսը չափազանց սուր ձևով հակադրում է իշխանների ու եպիսկոպոսների գահը ձեռք գցելու վարմունքը: Նշանակալից է իշխանների և եպիսկոպոսների պատասխանը Մեծ Մհերի այն հարցին, թե ինչպե՞ս վերաբերվի ինքը Իսմիլ խանումի առաջարկին.

Ուրիշ թագավորաց տեղ էլ կուզենք հալա գավթես:  
Բամիլ խաթուն որ կը կանչե՛ ինչի՞ չ՛երթաս:  
Էտա հազրը տեղ է՛ շուտ գնա... Մըսըր տիրապետի:

Միերը՝ ամբողջ Սասնա հույսն ու ապավենը, չի եղել ո՛չ թագավոր, ո՛չ իշխան, թեև (գուցե իր հոր՝ Սանասարի հետ ունեցած կապի հետևանքով) իրեն թույլ է տալիս կառուցելու պարսպապատ գագանանոց: Սասունցի Դավիթը և այս բոլոր հերոսները աշխարհից հեռանում են իբրև ներքնախավին պատկանող այնպիսի մարդիկ, ինչպիսիք նրանց շրջապատում էին: Այս չորս հերոսների անունները ժողովրդի հիշողության մեջ չեն աղարտվել ու խճողվել ոչ մի տիտղոսով կամ պատվավոր կոչումով:

«Սասունցի Դավթի» հերոսներն ամուսնանում են թագուհիների հետ: Սակայն այդ թագուհիները, Էպոսի հերոսների հետ կապելով իրենց ճակատագիրը, կորցնում են արքունիքի հետ ունեցած իրենց առնչության ամեն մի հետք, եթե նույնիսկ տառացիորեն հասկանանք Էպոսում տրված նրանց տիտղոսները:

Նշանակալից է այն, որ Փոքր Միերի՝ աշխարհի անարդարության և շահագործման դեմ պայքարելու գաղափարը մարմնավորողի բերանով է Էպոսը հայտնում հետևյալ խոսքերը.

[Էջ XLIII]

Բա մենք Սասնա տնեն չե՞նք,  
Չե, մենք Սասնա տնեն ենք.  
Մենք մեռնենք, մեր գերեզմանի վերա  
Թագավորներ չեն կարնա գա.

Ջարդելով Պապ-Ֆրենկի գորքերը և, ըստ երևույթին, հաշվի առնելով նաև արաբ ծերունու այն իմաստուն խորհուրդը, թե պետք է կոտորել ոչ թե բռնությամբ Սասուն բերված զինվորներին, այլ Մըսրա Մելիքին, Դավիթը գնում է հենց իրեն՝ Պապ-Ֆրենկ կոչված թագավորի հետ անձամբ իր հաշիվը մաքրելու:

Դավիթ ընկավ Բապ-Ֆրենկի էտև,  
Բռնեց, էնտեղ գլուխ կտրեց:  
Քաղքի մեջ ով մնացեր էր,  
Էնոնց համար թագավոր դրեց.  
Ջոջ մարդեր սպանեց,  
Պստիկներ տեղ դրեց, ասաց.  
— Քանի դուք ժիր եք, կռիվ միք էրթա:

Էպոսում հիշատակված թագավորներն ու իշխանները հանդես են գալիս որպես դժգույն ուրվականներ: Միայն Սանասարի և Բաղդասարի մասին հյուսված ճյուղում ենք տեսնում կենդանի ու լիարյուն (սակայն հեքիաթային) խալիֆին, որին հակադրվում է իր կերպարով նույնպես հեքիաթային Գագիկ թագավորը: Դա բնորոշ է մեր Էպոսի համար, և մեր Էպոսը խստորեն զանազանվում է ինչպես հայ, այնպես էլ Արևելքի մյուս ժողովուրդների մի շարք այլ Էպիկական երկերից: Այս հանգամանքը առավել ևս համոզում է, որ «Սասունցի Դավիթը» հիրավի ժողովրդական ներքնախավերի ընդերքում ծնված վիպերգություն է:

Զավթիչ խալիֆի, Մըսրա Մելիքի կամ նրա գորավարների հասկացողությամբ գոյություն ունեցող պատերազմին սուր կերպով հակադրվում է պատերազմի այն ըմբռնումը, որն առկա է Սասնա դյուցազունների մոտ:

Խալիֆին և նրա գորաբանակը կոտորելուց հետո Սանասարն ու Բաղդասարը ոչ մի ավար չեն առնում: Գոհար խաթունի հորից կարևոր հարկ վերցնող թագավորին ջախջախելուց հետո Փոքր Մեհերը գոհանում է նրանով, որ իր աներոջն ազատում է ահավոր լծից, ոչինչ չպահանջելով պարտված թշնամուց:

Առանձնապես ընգզվում է Դավթի խորշանքը ռազմական ավարի նկատմամբ: Մըսրա Մելիքի դեմ փայլուն հաղթանակ տանելուց հետո Դավիթը մեծահոգաբար ազատ է արձակում Սասնա դեմ ելած նրա զորքը, թույլ է տալիս, որ Իսմիլ խանումը գնա Մըսրը, իսկ ինքը Քեռի Թորոսի հետ վերադառնում է Սասուն ավարով, բայց ի՛նչ ավարով:

[Էջ XLIII]

Ինչ կբերեն հետներ էն կովից.  
Իսկի բան չեն բերի:  
Էնոնց բերած էղավ ջուխտ մի եզ,  
Լծեցին սել. քցեցին հետևներ.  
Մըսրա Մելիքի ականջ զարկեց Դավիթ նիզակի ծեր,  
Դրավ վեր սելին, քաշեցին, բերին,  
Քաշեցին, բերին՝ Սասնա քաղաք հասցնեն:

Դա ոչ թե «ավար» է, այլ Մըսրա Մելիքի կործանման ապացույցը, այդ «ավարն» առանձին սայլով Սասուն բերելը ավելի է ընդգծում այն, ինչ այդ անհավասար ճակատամարտում բոցավառում էր Դավթի, Քեռի Թորոսի և նրա երեսունինն ուստրերի սրտերը՝ հայրենիքի պաշտպանությունը, օտարերկրյա բռնակալների արտաքսումը, բայց ոչ երբեք զավթելու, ավար առնելու որևէ ցանկություն:

Եվ մի՞ թե Դավիթը, արդարության ու մեծահոգության այդ մարմնացումը, կարող էր այլ կերպ վարվել: Երկրից հարուստ կողոպուտով հեռացած Խոլբաշու և Կոզբաղնի գորախմբի դեմ անհավասար ճակատամարտում հաղթանակ տանելուց հետո Դավիթը կանչում է սասունցիներին, հայտնում, թե ինչպես պետք է ավարը բաժանել, ամեն մարդ պետք է վերցնի միայն այն, ինչ նրանից խլել են, վերցնի միայն իր սեփականությունը:

Ժողովուրդ, կրնիկ, աղջիկ,  
Քաղքեն տարած ալան-թալան ետ դարձուց,  
Բերեց, հասուց Սասնա քաղաք,  
Կանչեց ժողովուրդ, ասաց.  
— Ամեն մարդ գա, իրեն ապրանք ճանչնա, վերցու:  
Ուվ որ ապրանք տվե,—  
Թող գա ապրանք վերցու:  
Ուվ որ ոսկի, փող տվե,  
Թող գա իրեն ոսկին վերցու:

Ով որ մեկ կորեկ ավել վերցու,  
Կը գարկեմ, գլուխ կը կտրեմ:  
Ամեն իր տված թող վերցու:

Իսկ երբ Դավիթը բնաջնջում է տարիներ շարունակ Սասունը կողոպտող և իրենց քարանձավում ոսկե լեռներ կուտակող դևերին, ոսկին բաժանում է բոլորին: Ով ինչքան կարողանում է, տանում է: Դավիթը չի մոռանում նաև Քեռի Թորոսին ու նրա որդիներին, իսկ ինքը միայն մի ձի է վերցնում:

Սա նույնպես ավարառությունն չէ, այլ սեփական բարիքի վերաբաժանում, բարիք, որ արդեն դադարել է առանձին մարդկանց սեփականությունը լինելուց: Այն, որ էպոսի և էպոսն ստեղծող ժողովրդի գաղափարակիր Դավիթը հրաժարվում է ավարից, բխում է ուրիշի սեփականությունը զավթելու հանդեպ տաճած խորշանքից, իր սեփականությունը

[Էջ XLIV]

պաշտպանելու, սեփական բարիքները ամեն գնով վերադարձնելու  
պատրաստակամությունից:

Թերևս պատահականությունն չէ հեքիաթներում ու զրույցներում հանդես եկող դևերի ու վիշապների բնակավայրի համընկնումը ոռոգման ակունքների մոտ ֆեոդալների կողմից ընտրված ամրոցատեղի հետ: Դևերի քարանձավներն արդյոք ժողովրդի պատկերացումը չէ ն ֆեոդալների գանձարանների, ոսկով լեփ-լեցուն նկուղների մասին, որտեղ շեղջ-շեղջ դիզված է ոսկին, որտեղ ընկած են այնպիսի անօգտագործելի իրեր, ինչպիսին է ոսկե երկանքը:

Զարմանում ես, թե որքա՛ն խորն է ժողովրդական իմաստությունը, ժողովրդի նրբագագացությունը, որով նա ստեղծել է կերպարների մի ամբողջ շարք: Այդ կերպարները վկայում են, որ ժողովուրդը, թեկուզև աղոտ, պրիմիտիվ ձևով պատկերացնում էր իր գլխին այնքան հաճախակի եկած աղետների պատճառը: Ի՞նչ փույթ, որ այդ բարդ հարցի ըմբռնումը տրված է պրիմիտիվ ձևով, ի՞նչ փույթ, որ արաբ ծերունու խոսքը վերաբերում է միայն թագավորին, միայն Մըսրա Մելիքին: Մենք լավ գիտենք, որ պատերազմի պատճառը միայն թագավորը չէ, բայց արաբ ծերունու խրատից հետո Դավիթն ավելի շրջահայաց է դառնում, քան յոթ որդու հայր գառամյալ ծերունին: Պապ-Ֆրենկին սպանելուց հետո նա չի մոռանում, որ երկրի երեսից պետք է ջնջել բոլոր չար մարդկանց: Այստեղ ժողովուրդը արդեն բարձրանում է դեպի ազնվատոհմների մեղքով իր գլխին եկած դժբախտությունների պատճառը գիտակցելու հետևյալ էտապը, մյուս աստիճանը: Սակայն էպոսի վեհությունը ժողովրդի թշվառության իսկական պատճառների մեջ ներթափանցելն է: Ժողովուրդն իր հերոսներին ներշնչել է այն մեծ իմաստությունը, որ մարդը պետք է լինի ճշմարտացի և միշտ հավատարիմ մնա իր տված խոսքին: Միերը գիտեր, որ իրեն աղետ է սպառնում, սակայն գնաց, քանի որ հավատարիմ էր իր տված խոսքին:

Ճշմարտացիություն — ահա այն հիմնական գիծը, որով ժողովուրդն օժտում է իր հերոսներին:

Էպոսի հերոսներն օժտված են բոլոր մեծ մարդկանց, առավել ևս ժողովրդական զանգվածներին հատուկ արդարամտությամբ ու մեծահոգությամբ: Հիշենք, թե ինչպես

Միերը չի ուզում զինված գոտեմարտել առյուծի հետ: Նա դեն է նետում սուրը, և մարդ ու գազան հավասար գոտեմարտի են մտնում իրար հետ: Հիշենք, թե ինչպես Դավիթը նախ քնից արթնացնում է հակառակորդի բանակը և ապա նետվում մարտի: Դավիթը նույնքան արդարադատ է նաև գազանների նկատմամբ, գազաններին չի կարելի սպանել գազանանոցում, որովհետև նրանք գերիներ են, իսկ գերիներին չի կարելի կոտորել: Էպոսի հերոսների մեջ խոսող այս մե-

[Էջ XLV]

ծահողությունն ու արդարամտությունը դրսևորված է նրանց մղած թեժ ճակատամարտերի պահերին անգամ:

Ժողովուրդն իր հերոսներին նկարագրելիս ճշմարտացիորեն երևան է հանում նաև նրանց թույլ կողմերը: Միերը լավ իմանալով, որ ինքը պարտավոր է տուն վերադառնալ անարատ վիճակում, այսուհանդերձ տեղի է տալիս նենգավոր Իսմիլ խանումի գայթակղությանը և խմում է գինին:

Էպոսի հերոսներն իրենց առաքիլություններով առանձնապես թանկ են մեզ՝ սովետական մարդկանց համար:

Հիշենք, թե ինչպես Սանասարն ու Բաղդասարը իրենք են տքնում (այդ հատկությունն ավանդում են նաև իրենց թոռ Դավթին), հսկայական ապառաժներ են կրում-բերում, որպեսզի նախ չքավորների համար տներ կառուցեն, ապա իրենց համար ամրոց:

Եթե նրանք իրոք ֆեոդալներ լինեին, ապա հազիվ թե այդ ձևով վարվեին: Նախ տներ չէին շինի չքավորների համար, որ նրանց չայրեր ամռան արևը, ապա՝ իրենց համար դղյակ:

Էպոսում հիանալի կերպով զուգակցված են աշխատանքից հառնող հերոսությունը ռազմի դաշտում ցուցաբերված հերոսության հետ, որը մեզ համար առանձնապես թանկ է, մենք գիտենք, որ միայն այս հերոսությամբ են զորավոր այն անունները, որ մենք հպարտությամբ ենք արտասանում, այն մարդկանց անունները, ովքեր այսօր մուրճ են բռնում, վաղը սրախողխող կանեն ոսոխին, այսօր դարբնի սալի հետ են կապված ոչ թե շղթայով, այլ աշխատանքի հանդեպ ունեցած սիրով, իսկ վաղը կսավառնեն եթերում, որպեսզի բնաջնջեն մայր երկրի սահմանները խախտողներին:

Մակայն մեզ համար Սասնա հերոսները թանկ են մի այլ պատճառով ևս: Նրանք թանկ են ժողովրդի հետ ունեցած իրենց միասնության գիտակցությամբ, այն ժողովրդի, որի զավակներն են իրենք:

Մասաների հետ ունեցած կապը դրսևորված է էպոսի ամենահիասքանչ տեսարանում, երբ Դավիթը, Մըսրա Մելիքի դեմ կռվի գնալուց առաջ, հրաժեշտ է տալիս համաքաղաքացիներին ու համագյուղացիներին, անսահման սիրո ու խանդաղատանքի խոսքեր ասելով նրանց.

Դավիթ էլավ, թռավ վեր իր ձիուն,  
Աստծու անուն տվեց,  
Դարձավ, առավ խաթրը քաղքըցոց,

Դարձավ, առավ խաթրը գեղացոց,  
Առավ Դավիթ խաթրը մարդ ու կնկրտոց. ասաց.  
— Աղբերնե՛ր, քուրե՛ր, դուք մի՛ վախենաք,  
Աստծու կամքով կ'երթամ ես կռիվ.  
Օ՛, քուրեր, դուք կացե՛ք բարով,  
Դուք ինձի քուրություն՝ ւն եք արե.

[Էջ XLVI]

Օ՛, մերեր, դուք կացե՛ք բարով,  
Դուք ինձի մերություն՝ ւն եք արե:  
Բարի՛ դրկիցներ, դուք կացե՛ք բարով,  
Դուք կացե՛ք բարով մե՛ծ ու պստիկով.  
Իմ դուռ-դրկիցներ, ձեր էրես շա՛տ եմ թռեր,  
Ինձ հալա լ արեք:  
Բարի տանտիկիննե՛ր, ինչ հա՛ց կը թխեք,  
Դավթի անուն հիշեցե՛ք:  
Ջահելնե՛ր, դուք է՛լ, ինչ որ քե՛՛ֆ կ'անեք, —  
Դավթի անո՛ւն հիշեցե՛ք:  
Իմ քուրե՛ր, մերե՛ր, իմ լա՛վ դրկիցներ,  
Մնացե՛ք բարով:  
«ՍԱՍՈՒՆՑԻ ԴԱՎԻԹԸ» ԵՎ ՄՅՈՒՄ ԺՈՂՈՎՈՒՐԴՆԵՐԻ ԷՊԻԿԿԱՆ ԶՐՈՒՅՑՆԵՐԸ

Հայկական էպոսի տեղը հազարամյակների ընթացքում ստեղծված մյուս վիպերգությունների շարքում որոշելու համար ամենից առաջ անհրաժեշտ է քննության առնել այն նմանությունը, որ գոյություն ունի հին Հայաստանի կոսմիկական առասպելների և մյուս ժողովուրդների առասպելական հնագույն պատկերացումների միջև:

Ավելի ճիշտ կլինի, եթե այս հարցերի քննարկումն սկսենք «Սասունցի Դավթի» նախահիմքը կազմող տարրերից, որոնք ստեղծվել են էպոսի պատմական մասի գոյացման ժամանակից շատ հեռու ընկած շրջանում: Այդ տարրերն ստեղծվել են այն դարաշրջանում, որը նախորդում է ոչ միայն հայ ժողովրդի գոյացմանը, այլև հետագայում հայ ժողովրդի կազմի մեջ մտնող տոհմերի ձևավորմանը:

Խոսքն առասպելական այն կերպարանքի մասին է, նրանց միջև բոլորովն այն պայքարի, որը ծագել է մարդկային հասարակության զարգացման ընթացքում, արտահայտել այդ հասարակության պատկերացումները շրջապատող բնության երևույթների մասին: Անհրաժեշտ է պարզել, թե ինչպե՛ս են ծագել այդ կերպարները, ինչո՞վ բացատրել տարբեր ժողովուրդների ստեղծած առասպելների ու առասպելական պատկերացումների նմանությունը, ի՞նչ չափով կարելի է խոսել այդ գրույցների ու պատկերացումների փոխառյալ լինելու մասին, որքանո՞վ են անկախ հիշյալ պատկերացումներն այն ժողովուրդների, որոնք իրարից հեռու են աշխարհագրական կամ ժամանակային անորոշ տարածությամբ:



Հիշենք այն խոսքերը, որ Լենինն ասել է ռուսական բիլինաների տեսքստը աչքի անցկացնելուց հետո: Նա գտնում է, որ անհրաժեշտ է այդ բոլորն «ընդհանրացնել», «դիտել սոցիալ-քաղաքական տեսանկյունով»,

[Էջ XLVII]

որ «այդ նյութի հիման վրա հրաշալի հետազոտություն կարելի է գրել ժողովրդական իդձերի և սպասելիքների մասին: Այդ իսկական ժողովրդական ստեղծագործություն է, որ այնքան պետքական և կարևոր է մեր օրերում ժողովրդական հոգեբանության ուսումնասիրության համար»<sup>1</sup>:

Լենինի առաջադրած հարցերի կարևորությունը պարտավորեցնում է հատուկ խնամքով և զգուշությամբ, բայց և միևնույն ժամանակ հետևողականորեն մոտենալ դրանց լուծմանը:

Կար ժամանակ, երբ ամբողջ աշխարհում տիրապետող արևմտավրոպական բուրժուական գիտությունը և նրան հետևող կիսաֆեոդալական – կիսաբուրժուական ռուսական գիտությունը (որոշ բացառությամբ) այս հարցը լուծում էին չափազանց հասարակ ձևով, այնպես ինչպես լուծվում է տարբեր լեզուների իրար հետ ունեցած ազգակցության հարցը: Ամեն ինչից բարձր դասելով հնդեվրոպական ժողովուրդների բնածին ընդունակությունները, օժտվածությունն ու կուլտուրան և կյանքի իրավունք տալով Հին Արևելքի այսպես կոչված սեմական ժողովուրդներին, — նրանք լույսի միակ աղբյուրը, վսեմ գաղափարների միակ ակունքը, կուլտուրայի միակ աղբյուրը համարում էին Միջերկրական ծովի ավազանը, ընդ որում մոռացության տալով, որ գետերը դեպի այդ ծովն են հոսում, ոչ թե սկիզբ առնում այնտեղից: Եթե նյութական կուլտուրայի ասպարեզում որևէ նվաճում էին ձեռք բերում Միջերկրական ծովի ավազանում և էլի ինչ-որ տեղ բնակվող ժողովուրդները, ապա դրա սկզբնաղբյուրը, այդ «ինչ-որ տեղը» մշտապես համարվում էին Միջերկրական ծովի ժողովուրդներն ու կուլտուրան:

Մյուս ժողովուրդներին հնարավորություն էր տրվում սեփական պատմության հարցերը, սեփական կուլտուրայի հարցերը, սեփական կուլտուրայի դերը լրիվ կապիտուլացնելու գնով հաղորդություն առնել Միջերկրական կուլտուրայի աղայական սեղանից, իրենց պատմական արժեքը չափելով այդ կուլտուրայից ունեցած իրենց կախման չափով:

Միայն դեպի հին տրադիցիաներն ունեցած հակումը կարող է հանգեցնել յուրատեսակ ոնանշի պահանջներին, որոնց ականատեսներն ենք մենք դառնում երբեմն: Ռևանշիստական պահանջի օրինակ կարող է ծառայել այն սնանկ փորձը, որով ջանում են հաստատել, թե հելլենական աշխարհայացքի հիմքում ընկած տիտանի՝ մարդկության բարորության համար անձնվիրաբար պայքարող մարտիկի կերպարը փոխ է առնված Կովկասից դեպի Ան ծովի արևելյան ափը հելլենների կատարած ճանապարհորդության ժամանակ, հին Վրաստանում տարածված Ամիրանի առասպելներին ծանոթանալու ընթացքում:

-----

1. Վ. Բոնչ-Բրուկիչ, Լենինը պոեզիայի մասին (տե՛ս Н. П. Андреев, Русский фольклор, хрестоамия, 1938, էջ 29:

[Էջ XLVIII]

Այս պնդումը վկայում է, որ տվյալ հարցում հին կուլտուրայի ջահակիր և մարդկային ամբողջ կուլտուրայի ակունքը համարվող ժողովուրդներից մեկի անունը ձգտում են նենգափոխել մի այլ ժողովրդի անունով, որը նույնպես բարձր կուլտուրայի ջահակիր ու ստեղծող է և, ինչպես հելլեն ժողովուրդը, ի դեմս իր ոչ նացիոնալիստական խավերի, չի ձգտել իրեն համարել համամարդկային կուլտուրայի միակ ակունքը:

Մարդկային բարօրությանը ծառայող, այդ նպատակի համար իր կյանքը նվիրաբերող հերոս հսկայի գաղափարը աշխարհի բոլոր ժողովուրդների մոտ էլ այս կամ այն ձևով ընդհանուր է, և սա մեզ իրավունք չի տալիս ամերիկյան հնդիկների հերոս Հայավաթի՝ մարդկության ծառայի մասին հյուսված ավանդապետի արմատները որոնելու: Բալկանյան թերակղզում կամ Կովկասում, չնայած հելլենները երկրպագել են Պրոմեթեոսին, վրացիները՝ Ամիրանին, աբխազները՝ Աբրսկիլին, հայերը՝ Մհերին: Նման հերոսի կերպարը, հերոս, որն իր մեջ հայելու կիզակետի նման կենտրոնացնում է բարօրության և մասամբ կրակի համար մարդկության մղած դարավոր պայքարը, անկախ կերպով ծնվել է տարբեր ժողովուրդների միջավայրում, սակայն ծնվելուց հետո հող է ստեղծել իր վրա տեղափոխելու այլ ժողովրդի միջավայրում հանդես եկած համապատասխան հերոսի բնավորության գծերը: Եվ կասկած չկա, որ Պրոմեթեոսի առասպելի որոշ տարրեր, կարող էին ներմուծված և փոխառնված լինել, հարակցվել հիմնական գծերով արդեն ստեղծված կերպարներին:

Քարին, կրակին, մետաղին նման պայմաններում և տարբեր ժամանակներում տիրապետելը զարգացման նույն ուղին է անցել երկրագնդի զանազան մասերում: Մարդու մտածողությունը, որը պայմանավորվում է նրա տնտեսական կյանքի զարգացմամբ և որն իր զարգացման ընթացքում նույն ուղիով է ընթանում, աշխարհի տարբեր ծայրերում դրսևորվել է համանման ձևերով, համանման կերպարներով, համանման առասպելներով, այդ կերպարների պայքարն արտացոլող ավանդավեպերով: Եվ հազարավոր սերունդների կողմից բերնե-բերան պատմվելով, այդ առասպելները, ավանդությունները, բնության, գազանի և մարդու դեմ մարդու մղած պայքարի փորձի այս բոլոր կուտակումները հաճախ մեզ են հասնում զարմանալիորեն նման ձևերով: Կոսմիկական հնագույն կերպարներում չկա ոչ միայն ժողովրդական, այլև ցեղային տնօրեն, քանի որ դրանք ծագել են այն ժամանակ, երբ տակավին չէին ձևավորվել ո՛չ ժողովուրդները և ո՛չ էլ ցեղերը:

Ինչպես առուն իր հունով հոսելիս իր մեջ է ընդունում այլ առվակներ, շրջանցում կամ իր հոսանքի տակ է առնում ճանապարհին հանդիպած խոչընդոտները, այդպես էլ կոսմիկական կերպարների մասին հյուսված գրույցներն ու առասպելները, հազարավոր մարդկանց, հարյուրավոր սերունդների կողմից պատմվելով, իրենց մեջ են ընդունում նո-

[Էջ XLIX]

րանոր գծեր, նորանոր մանրամասնություններ, որոնք հաճախ գալիս են հեռվից, այլ հոսանքից: Այս առասպելները հազարամյակներ ապրած իրենց ձևով պատմական կյանքի երևույթներն ու իրադարձությունները ծածկում են, միախլուսվում դրանց հետ, առասպելական բնույթ տալիս պատմական դեպքերին, և պատմական երանգավորում մտցնում իրենց, ըստ էության, առասպելական բովանդակության մեջ:

Ժողովրդի պատկերացմամբ, հերոսն իր ուժը ստանում է կենարար տարերքի հետ շփվելուց: Չափազանց արժեքավոր է Անթեյի ու Սանասարի գուգադրումը: Ջրով հարուստ, սակայն ցանքատարածություններով աղքատ Հելլադայում Անթեյն իր ուժն ստանում է հողից, իսկ Հայաստանի կյանքի պայմաններում, որտեղ ժողովրդի բարօրությունն ամբողջապես կախված է ոռոգումից, Սանասարի գորության աղբյուրը ջուրն է:

Հանձինս Սանասարի ու Բաղդասարի, տեսնում ենք այն երկվորյակ հերոսներին, որոնք մի շարք ժողովուրդների մոտ ծնվում են հրաշագործ Աղբյուրից: Դրանք են հունական Դիոսկուրները, Կասդոր ու Պոլիդևկ փրկարար եղբայրները, որոնց օգնությանն են դիմում աղետյալները, և որոնք, ինչպես ենթադրվում է, հանդիսանում են լուսաստղի և իրիկնային աստղի մարմնավորումը: Դրանց համապատասխանում են Հնդկաստանի Ավշինները և Իրանի Ասփինները:

Կենարար ջուրը կնոջ կերպարով, որը նույնպես կյանք է շնորհում, իր արտացոլումն է գտել գեղեցկուհի Արմաղանի կերպարում, որին վիշապից փրկում է Մհերը, դրանով իսկ փրկելով նաև աղբյուրի ակը: Սա այն կերպարն է, որ Հունաստանում տեղ է գտել Արգուսի կողմից պահպանվող և Պերսեուսի կողմից փրկված Անդրոմեդի առասպելում:

Ինչպես մեզ հասած և ամենօրյա գործածության մեջ գտնվող այս կամ այն բառի մեջ հաճախ արտացոլվում են խոր հնությունից եկած երևույթներ, վաղուց վերափոխված հասկացողություններ, այնպես էլ ժողովրդական բանահյուսության պատառիկներում պահպանվում են մարդու այն աշխարհընկալման արտահայտությունները, որ հատուկ են եղել նրան զարգացման վաղ էտապներում: Ի թիվս նման մնացուկների և ժողովրդի հիշողությամբ մեր օրերը հասած բեկորների, մենք հանդիպում ենք նաև առասպելական հնագույն ըմբռնումների, որոնք անչափելիորեն ավելի հին են, քան մեկ ու կես հազարամյակ գոյություն ունեցող հայ գրականության հնագույն հեղինակների հաղորդումները:

«Սասունցի Դավիթ» էպոսում, ինչպես ժողովրդական ներքնախավերից եկող հնադարյան յուրաքանչյուր այլ վիպերգության մեջ, արտացոլված են թե՛ դիցաբանության ու կոսմոգոնիայի առավել լիակատար, ծավալուն պատկերը, թե՛ առասպելաստեղծության զարգացման փուլերը, թե՛ կոսմոգոնիական մտապատկերների այն տարրերը, որոնք իրենց արտացոլումը չեն գտել հայ պատմիչների թանկարժեք աշխատություն-

[էջ Լ]

ների էջերում: Այդ կերպարներն ու մտապատկերները առանձնապես գնահատելի են այն պատճառով, որ սկիզբ առնելով մարդկային զարգացման այն էտապներում, որոնք նախորդում են հետագայում հայ ժողովրդի կազմի մեջ մտած ժողովուրդների կազմավորման շրջանին, դրանք իրենց մեջ պարունակում են այլ ցեղերից, այլ ժողովուրդներից ավանդաբար մեզ հասած կերպարներին հարազատ գծեր:

Նման կերպարների ու պատկերացումների թիվը մեծ է և ոչ մի կերպ չի կարող սահմանափակվել մարդկանց բարօրության համար պայքարող հերոսին վերաբերող պատկերացումների վերոհիշյալ շրջանակով, քանի որ գերագույն ուժերի դեմ պայքարող մարտիկի այդ կերպարը կարող էր հանդես գալ միայն այն բանից հետո, երբ արդեն ստեղծվել են նույն այդ գերագույն ուժերի մասին եղած պատկերացումները:

Բնության հիմնական երևույթները և մարդու համար շոշափելի առավել գործուն ուժերը պետք է, որ ամենից առաջ մարմնավորվեին այս կամ այն մարդակերպ, իսկ ավելի վաղ կենդանակերպ ձևերի մեջ: Եղել են միջանկյալ էտապներ, երբ կենդանակերպ էակները վերափոխվել են մարդակերպների, ասենք կիսամարդ-կիսակենդանի հիբրիդային էակների, ինչպես նաև այնպիսի էակների, որոնք թռչունի, շան, այծի կամ ձկան հատկանիշներ են պարունակում, նայած թե առասպելների զարգացման ո՞ր էտապին են վերաբերում: Այդ էակներն են հիշեցնում օսեթական առասպելի Պասկոնձին, հայկական առասպելի Պասկուջը, սլավոնական առասպելի Պասկուդը, որի անունն է միայն հասել: Պրիմիտիվ մարդու մտածողության սահմանափակությունը, որտեղ էլ ապրելիս լինել այդ մարդը, և այն պատկերացումների սահմանափակությունը, որոնցից նա կարող էր օգտվել բնության ու նրա երևույթներն արտահայտելու համար, բնականաբար հանգեցրել են նրա գիտակցության համար անմատչելի, անարկու բնության երևույթների նույնանման դրսևորմանը, նույնիսկ այն դեպքում, եթե այդ պատկերացումներն ստեղծվել են աշխարհագրականորեն անանցանելի տարածություններով, ժամանակի տեսակետից բազմաթիվ դարերով, երբեմն նույնիսկ հազարամյակներով իրարից հեռու մարդկանց մտածողության մեջ:

Դեպի այս խոր արմատներն են տանում տարբեր ժողովուրդների ստեղծած, մեծ մասամբ իրար այնքան նման առասպելներն ու վիպերգությունները կոսմիկական հերոսների մասին: Սակայն այս առասպելների ու վիպերգությունների զարգացման և զանազան ցեղերի ու ժողովուրդների միջև սկսված հաղորդակցության ընթացքում այս կամ այն կողմին հատուկ կերպարներն ու մտապատկերները կարող էին փոխադարձաբար ազդել միմյանց վրա, միմյանց վրա շերտավորվելով բարդանալ:

Նման շերտավորման ու բարդացման օրինակ կարող է ծառայել և

[Էջ Լ]

այն պատժի տեսակը, որին դատապարտվում է Պրոմեթեոսը, պատիժ, որ աշխարհագրորեն կապված է Կովկասի հետ և կրում է վրացական Ամիրանի, օսեթական Ամրանի, արխագական Աբրսկիլի և այլ տիտանների մասին հյուսված առասպելների հետքերը: Սակայն այս շերտավորումները ոչ մի հիմք չեն տալիս Պրոմեթեոսի կերպարը հիմնական գծերով կախման մեջ դնել կովկասյան վիպերգություններից: Մահվան հանգամանքը կամ մահապատժի ձևը չի կարող հիմք համարվել այս կամ այն հերոսի կամ հսկայի կերպարի և տիպի համար, ճիշտ այնպես, ինչպես ասենք փառապանձ կազակ Երմակ Տիմոֆեյչի՝ առասպելներով պարուրված այդ հերոսի հիմնական գիծը չի կարելի համարել նրա վախճանը Իրտիշի փրփրահույզ ալիքներում:

Փոփոխված և կարծես թե լիովին մարդկայնացված կոսմիկական հնագույն կերպարների կողքին հայկական ժողովրդական էպոսում հանդիպում ենք Մհերի, Ձենով Հովանի և Ցոան Վերգոյի եռյակին: Մհերը, որը ինչպես տրված է էպոսում, բոլոր հերոսներից ամենակատարյալն է, իր իսկ անվան մեջ պարունակում է իր կոսմիկական էության բացահայտումը: Մհերի՝ արևի աստծո անունը համանման ձևերով հանդիպում է բազմաթիվ ժողովուրդների մոտ, թե՛ հին Հնդկաստանում, թե՛ հին Իրանում, թե՛ հայերի մոտ՝ Mher, Mehr ձևով (որ պահպանվել է հայերեն mehra, mehyan բառի մեջ), Միհր ամսանվան մեջ Mehekan ձևով, որը համապատասխանում է իրանական mitrakan'y,

mihrakan'y-ին և Mehr, Mehrlik անվան ձևով: Այն հանդիպում է նաև անտիկ աշխարհի ժողովուրդների մոտ, որոնք փոխ են առել հիշյալ անունը և վերջինիս հետ կապված առասպելական գրույցների մի մասը, գուգորդելով դրանք իրենց Helios-ի և sol invictus-ի (անպարտելի արևի) հետ:

Իգուր չէ, որ Միհրի՝ անխոնջ որսորդի, իր ճառագայթներով աշխարհը լուսավորողի և ջերմացնողի, տկարների ու ճնշվածների հովանավոր լուսաճաճանչ մարտիկի կերպարը դարձել է Հեռավոր Արևելք քշված հռոմեական լեզիոնների «ռազմիկների աստվածը»՝ ձուլվելով Helios, Sol invictus-ի կերպարին, ճիշտ այնպես, ինչպես նա հովանավոր ու ապավեն էր դարձել ազատության ծարավի և ապստամբության սուր բարձրացրածմարդկանց համար:

Հիասքանչ է ակադեմիկոս Մանանդյանի այն միտքը, թե տարբեր ժամանակներում, տարբեր ժողովուրդների մոտ ինչ հետևողականությամբ են ապստամբներն իրենց անվանել «արևի որդիներ» և «արևաշող քաղաքի որդիներ», Պերգամի heliopolit- ներից և Հայաստանի arevordi-ներից մինչև Վերածնության դարաշրջանի ուտոպիստ իտալացի Կամպանելլայի սուլարիները:

«Սասունցի Դավիթ» էպոսում Մհերի կերպարը բաժանված է երկու մասի. առաջինը պապի կերպարն է, որն արտացոլում է ծագող արևի՝

[Էջ LII]

ճաճանչափայլ և կենսալից արևի հատկանիշները, իսկ երկրորդը թոռան կերպարն է, որն արտացոլում է հոգնած արևի, մայր մտնող արևի հատկանիշները: Այդ հանգչող արևը սահմանված օրը պետք է ճառագի նոր ուժով՝ ի բերկրություն այն arevordi-ների, որոնք նրա հետ են կապել իրենց բոլոր երազանքներն ու հույսերը, ինչպես Լենինն է նշել ռուսական բիլինաների մասին խոսելիս:

Էպոսի վարիանտներից մի քանիսում Մեծ Մհերին դժվար է գանազանել Փոքր Մհերից՝ պապին թոռից, քանի որ նրանք կարծես իրար մեջ են կիսել իրենց կոսմիկական հատկանիշները: Պապը որսորդ է, սև ցուլ է սպանել՝ խավարի ու սանդարամետի սիմվոլը, Միհրի նման ոչ թե Յլասպանի մականունն է ստացել, այլ՝ Առյուծաձև, քանի որ նրա կերպարի մեջ են ներհյուսվել Արևելքում Նեմեական առյուծին հաղթող Միթրայի, Հերակլի, թերևս նաև հին արևելյան Գիլգամեշի կերպարի, հատկանիշները:

Իսկ թոռը դեգերում է աշխարհով մեկ, հեռանում ժայռի խորքը: Չէ՞ որ անձավում հնուց ի վեր կարող էին գտնվել միայն Միհրի սրբավայրերը. Միհրի, որն ամեն օր դեմքը թաքցնում է իր հողածին երկրպագուներից, նախապես օժվելով իր լուսաճաճանչ դեմքի մշտնջենական փայլը պահպանող, մաքրող ջրում: Ծովի մեջ խորասուզվելը նույնքան է պայծառացնում Միհրի փայլը, որքան Մհերի ու նրա տոհմի ուժն է ամրապնդվում ջրի հետ շփվելիս:

Սակայն թե՛ մեկ և թե՛ մյուս, թե՛ պապի, թե՛ թոռան կերպարում Մհերի երկատված տիպարն օժտված է թույլերի պաշտպանի ու հովանավորի, ժողովրդի բարօրության համար պայքարող մարտիկի գծերով, մարտիկ, որը կովում է քաղաքը ջրից զրկողների դեմ, քաղցած ժողովրդին հաց հասցնելուն խոչընդոտ ուժերի դեմ: Մհերը հանդես է գալիս

որպես գահին բազմած մարդակերներին պատժող, ժողովրդի բարեկեցությունը տարերային աղետներից պաշտպանող, անարդարության և միաժամանակ երկնքի դեմ մարտնչող հերոս, որը խոստանում է ժայռի խորքից դուրս գալ միայն այն բանից հետո, երբ հիմնակործան կլինի հին աշխարհը, կստեղծվի նորը: Պապի որսորդության և թռան քարանձավ մտնելու, երկու Միերների երկրային բոլոր սխրագործությունների միջից հառնում է Միհրի լուսաճաճանչ կերպարը, որի անունը պարսկերենում նշանակում է թե՛ արևի լույս, թե՛ սեր:

Միերի եղբայրը՝ Ձենով Հովանը, որը լիովին մարդկայնացված է, պահպանում է սասանող ձայնով երկինքը դրդացնող իր կոսմիկական կրկնորդի գծերը:

Մակայն Ձենով Հովանը երկնային այս շանթաձիգին հիշեցնում է ոչ միայն սարերից ու ձորերից դեն, յոթ քաղաքներում լսվող ահարկու իր ձայնով, միայն այն ձայնով ու թոքերով, որոնց ուժի դիմադրությունը

[Էջ LIII]

հաղթահարելու համար նա իր մեջքին յոթ գոմեշի կաշի է փաթաթում, դրանց վրայից էլ՝ երկաթե շղթաներ: Նա ոչ միայն բարձրագոչ է, այլև դարբին, որը մետեորային երկաթից սուր է կռում, ձիեր բուժելու արվեստին տիրապետելով՝ ապաքինում է Քուռիկ Ջալալու վիրավոր ոտքը: Ինչքան էլ Ձենով Հովանի կերպարը մարդկայնացված լինի, միննույն է, նա հիշեցնում է երկնաբնակ դարբնին, որը մուրճի հարվածներով խլացնում է երկնային որոտը, իսկ իր ձայնով՝ մարդկանց, ինչպես հին գերմանացիների թորը կամ Դոնարը:

Հելլենների մոտ ամպրոպաբեր Ջևսի կերպարը չէր տարբերվում շանթաձիգից, երկնային նետաձիգից, որը երկիր էր ուղղում իր խոցող նետերը:

Գերմանացիների մոտ նետաձիգ ռազմիկի և որոտաձայն դարբնի կերպարներն արմատավորվել են առանձին-առանձին. դրանցից մեկը Օդինն է, որը երբեք վայր չի դնում իր սուր նիզակը, իսկ մյուսը նրա եղբայրն է, մուրճով որոտ բարձրացնող թորը: Այդպես է նաև հայկական էպոսում, մեկը որսորդ, նետաձիգ և նիզակակիր Մեծ Միերն է, իսկ մյուսը նրա եղբայրն է, խլացուցիչ ձայնով օժտված Ձենով Հովանը, կամ Քեռի թորոտը:

Հելլենական Ջևսի կերպարի մեջ միավորվել են երկնքի տիրակալը, ամպրոպաձիգը և անձրև շնորհողը, իսկ հայերի մոտ այս երեք կերպարը հանդես են գալիս դեռևս առանձին-առանձին. այս փաստը գալիս է ասելու, որ առասպելական ավանդությունները Հայաստանում ծագել են զարգացման ավելի վաղ շրջանում, քան դա եղել է Հունաստանում:

Այս պատկերացումների հետագա զարգացումը Հայաստանում ընթացել է այլ ուղիով և կասեցվել ժողովրդի աշխարհայացքի վրա հասարակական զարգացման պայմանների թողած ազդեցության հետևանքով, ընդ որում այդ պայմանները միանգամայն տարբերվում էին հին Հելլադայում գոյություն ունեցող պայմաններից: Այստեղ կարող էր նշանակություն ունենալ նաև Իրանի ժողովրդա-գրադաշտական միջավայրի հետ սկսված հաղորդակցությունը և գրադաշտականությանը փոխարինած քրիստոնեության ազդեցությունը:

Մակայն կոսմիկական այս կերպարները, որոնցից յուրաքանչյուրը անձնավորում է բնության այս կամ այն երևույթը, հայկական միջավայրում ևս ընթացել են միաձուլվել կերպարների մեջ միավորվելու ուղիով: Կոսմոգոնիական իմաստով սրա արտահայտությունը կարող է հանդիսանալ երկնային նետաձիգ որսորդի և ամպրոպաձայն Ձենով Հովանի հատկանիշների միաձուլումը Դավթի կերպարի մեջ, որն իր ծնունդով դառնում է իր հոր մահվան պատճառը:

Հելլենական առասպելաբանության մեջ և հելլենական պանթեոնում դիֆերենցված երկնաբնակ Ապոլլոնի կերպարն ունի առանց շանթի հար-

[Էջ LIV]

վածող իր կրկնորդը: Դա նրանից անջատված Թեբ-Հելիոսն է, որի կառքը դորդոցով է լցնում երկինքը: Ռուս ժողովրդի պատկերացումների մեջ ուժի այդ աղբյուրը երկնքով սուրացող Եղիա մարգարեն է, որի անունը համահնչուն է Թեբ-Հելիոսի անվանը:

Շանթարձակ նետաձիգի, երկինքը մուրճի հարվածներով դորդացնող դարբնի կերպարից անջատվում է երրորդ երևույթը՝ որոտին ու կայծակին հաջորդող անձրև շնորհողի կերպարը: Արդյոք տեղին չէ՞ առաջ քաշել (առայժմ միայն առաջ քաշել) հետևյալ հարցը: Հնարավոր չէ՞ ենթադրել, որ երկնային ջրերն առաքողի կերպարն արտացոլված է հայկական էպոսի երրորդ եղբոր՝ Յոան Վերգոյի մականվան մեջ: Չէ՞ որ «ցոան» չի նշանակում միայն «կեղտոտող»: Նյութական կուլտուրայի մեջ դա ամենից առաջ նշանակում է ջրաղացի փողրակ և վերջինիս այն մասը, որը ջուր է մղում ջրաղացի անվացրանքի վրա: «Յոան» բառի երկրորդ, ոչ թե առաջին, նշանակությունը առնչվելով Մանասարի երրորդ որդուն վերաբերող պատկերացումներին, Յոան Վերգոյի երկրային կերպարը նկարագրելիս թերևս կարող էր հիմք տալ նրան վերագրելու վախկոտին հատուկ այդ թերությունը ևս, որի անվան մեջ կարող էր թաքնված լինել նաև ջրի ժայթքման հասկացությունը (օրինակ, ջրվեժում):

Երկնային երեք երևույթ արտացոլող եռյակին պետք է ուղեկցի երկրային հաստատությունը, որն այս կամ այն կերպ կապված է երկնային ուժերի հետ: Հիշենք գերմանացիների Էրդային, որը վաղեմի կապով կապված է Օդինի հետ, հիշենք Դեմետրեին՝ մայր հողը, որը Ջեսից ծնում է Պերսեֆոնին. հիշենք Մեծ Միերի վաղեմի սիրուհուն՝ այն պառավին, որը միակն է ամբողջ էպոսում, միակը Մասնա բոլոր բնակիչներից, որին մտահոգում է վարուցանքը, ինչպես դա մտահոգում է բերք շնորհող Դեմետրեին: Այդ պառավն իմաստուն է ինչպես Էրդան ու Դեմետրը, հոգատար մայր է հերոսի համար, ինչպես Էրդան, որը ողբում է իր դստեր կորուստը, ինչպես Դեմետրեն, որին հրճվանք է պատճառում դստեր վերադարձը, որը բերկրում է տեսնելով իրեն Պերսեֆոնեի հետ կապող հասկերի ծլարձակումը: Իր զարգացման ավելի ուշ շրջանում ժողովրդի հիշողության մեջ արմատ բռնած և մարդկայնացված մայր-հողի կերպարը հայկական էպոսում տրված է իբրև մի աղքատ պառավ, որը հայտնի չէ, թե ումի՞ց է ծնել իր դստերը, որը սնվում է իր աննշան արտի կորեկով: Եվ եթե կարելի է պատահականություն համարել այն, որ հերոսը նրան «նանե» է անվանում կամ գերմանական Էրդայի երկրորդ անունը հնչում է իբրև «Նոննա», կամ իրանական առասպելաբանության մեջ պտղաբերություն շնորհող Անահիտի անունը հնչում է իբրև «Նանայյա», ապա չի կարող պատահական լինել Դեմետրեի, Էրդայի և սասունցի պառավի գործողությունների ու

ֆունկցիաների նմանությունը: Իսկ Դեմետրեի, Էրդայի և սասունցի պառավի կերպարների նշա-

[Էջ LV]

նակության տարբերությունը, հասկի ու սրա մեջ արտացոլված տարեկան շրջապտույտի նշանակության տարբերությունը, այդ նշանակության ընդգծվածության տարբերությունը առասպելաբանական երեք սիստեմում, չի կարող չբխել տնտեսական կառուցվածքի տարբեր էտապներից, որոնց վրա խարսխվել են մայր-հողի այս երեք կերպարները:

Երկրագործական Հունաստանը և անասնապահական Սասունը, որն աննշան չափով էր կերակրվում պրիմիտիվ հացաբույսով՝ կորեկով, պետք է, որ իրենց պանթեոններում էապես տարբեր տեղ տային բերքի հովանավոր աստվածուհուն:

Էպոսում հիանալի է կորեկի արտի տեր պառավի կերպարը: Չնայած չքավոր այրու արտաքուստ միանգամայն երկրային տեսքին, պառավ, որի ամբողջ գոյությունը կախված է մի թիզ արտում ցանած կորեկի բերքից, և որի միակ մխիթարությունը էպոսում հանդես չեկած դուստրն է, նա այս արտաքինի տակ թաքցնում է բազմաթիվ ժողովուրդների կոամիկական առասպելներին հատուկ կերպարներից մեկի գծերը: Նրա կոամիկական այս կապերը բնորոշվում են, իհարկե, ոչ միայն նրանով, որ նա մի ժամանակ Մեծ Միերի սիրածն է եղել: Այդ գծերն առավել ցայտուն են դրսևորվում հատկապես նրանով, որ այդ պառավը շարունակ խրատներ ու ցուցումներ է տալիս Դավթին, ինչպես՝ ս պետք է գործել, կանխագուշակում է երիտասարդ հսկայի ապագան, թաքցրած գաղտնիքներ է բաց անում և հարևանցիորեն մայրական խրատներ տալիս, թե, օրինակ, ինչպես խուսափել հորեղբոր կնոջ՝ Սարիեի երկար ու համառ հետապնդումներից:

Սակայն, ինչպես նշվեց, այս պառավ կնոջ կերպարի հիմքում ընկած է ոչ թե պատկերացումը մայր-հողի մասին, այլ այն տարերքի պատկերացումը, որը բազմաթիվ ժողովուրդների մոտ ընդունել է մայր-կնոջ կերպարանքը, դարձել է իմաստուն խրատներ շնորհող և ծնել լիովին մարդկայնացված մարգարեուհիներ: Հունական Դեմետրեի, այսինքն՝ մայր-հողի գծերը, հնադարյան գերմանացիների Էրդայի՝ Վոթանի սիրածի բնավորության գծերը նշմարվում են սասունցի պառավի մոտ, և գուցե պատահական չէ, որ հատկապես նրա մոտ է առանձնապես ընդգծված հոգատարությունը վարուցանքի նկատմամբ: Չէ՞ որ միայն նրա կապակցությամբ է ընդհանրապես հիշատակվում վարուցանքը:

Պառավ կնոջ հուսահատությունը, որի պատճառն իր աղջկա առևանգումն է, շատ է նման առևանգված Պերսեֆոնեի մոր՝ Դեմետրեի վշտին:

Հաց շնորհող մայր-հողի երկրպագությունը առնչվում է երկրագործի հերոսականացված անձնավորության պաշտամունքի հետ, որն առկա է թե՛ ռուսական բիլինաներում, թե՛ իրանական էպոսում: Նման երկրագործ մի ծերունու Մանասարն ու Բաղդասարը հրավիրում են իբրև պատվավոր հյուրի, և, սա կնքում է նրանց կառուցած ամրոցի անունը, ավելի

[Էջ LVI]



Ճիշտ՝ ասում է, թե անուն կնքելու հարկ չկա, քանի որ ամբողջ տեղով-տեղ սարսափ է, սասանում («Մասուն» բառի ժողովրդական մեկնաբանությունը):

Հին աշխարհի պայմաններում, երբ ժողովրդի հույսերի, ձգտումների ու երագների մեծ մասը իբրև կանոն չէր իրականանում, հերոսի հզորությունն ու անխորտակելի ուժը թուլանում էին որևէ ձևով, և նա գոհ էր գնում չարին:

Եթե ժողովրդի սիրով ստեղծված պայծառ հերոսները խոցելի տեղ չունենային, ապա նրանք իրենց երկրային կյանքում պետք է մնային անմահ, վայելեին հաղթողների լիակատար փառքը: Մակայն ժողովուրդը, ինչ անուն էլ նա կրեր, գիտակցում էր, որ լիակատար հաղթանակի օրը տակավին չի հասել, և մարտնչող հերոսները պետք է ընկնեն չար ուժերից, պետք է խոցելի տեղ ունենան, որտեղից և նրանց կհարվածի թշնամին:

Փառապանծ Աքիլլեսը, որն իր մոր՝ ծովի աստվածուհի Աֆրոդիտեի շնորհիվ գերծ էր մահկանացու հորից ժառանգած երկրային թուլություններից, ինչպես գիտենք, ուներ մի խոցելի տեղ. դա նրա գարշապարն էր, որից մայրը նրան բռնել էր կրակի վրա որդու հողեղեն էությունը հրկիզելիս (հիշենք, որ Մանասարին ու Բաղդասարին կնքել են թոնրի կրակի վրա):

Հնադարյան գերմանացիների Զիգֆրիդը, որն օժտված էր մարմնի անխոցելիությամբ, համենայն դեպս ուսի վրա խոցելի տեղ ուներ, այնտեղ, ուր ծառից դավադրաբար ընկած տերևի պատճառով չէր դիպել վիշապի արյունը, որի մեջ լողացրել էին Զիգֆրիդին: Զիգֆրիդը գիտեր այդ խոցելի տեղի մասին և գաղտնիքը հայտնեց մի կնոջ, որին վստահեց ու սիրեց, երբ մինչև մրուրը դատարկեց մոռացության գավաթը և դավաճանեց Բրունհիլդին:

Կաթնաղբյուրում լողանալով, Դավիթն իր ուժն ու անպարտելիությունը ստանում է ջրից, և ոչ մի ճակատամարտում թշնամական ոչ մի հարված, նույնիսկ Մըսրա Մելիքի իննսուն փթանոց մկունդը, ոչ մի ուժ ի վիճակի չէ նրան վնաս պատճառելու: Մակայն կապուտաչա մի աղջկա՝ իր իսկ դստեր թույլ ձեռքով Դավթի մեջքին արձակած նետը նրան մահ է պատճառում: Դյուցազնի մեջքը հավանաբար ջրդեղված չէր կենարար հեղուկով և թիակների արանքը մնացել էր խոցելի:

Հնարավոր է, որ վարիանտների հետագա ուսումնասիրության ընթացքում հայտնաբերվի մի դրվագ այն մասին, թե ի՞նչն է խոչընդոտ եղել, որ կենարար հեղուկն ամրացնի և անխոցելի դարձնի հերոսի թիակների արանքը:

Հետաքրքրական է այն, որ հերոսին վիճակված է ընկնել իր իսկ ծնած փոքրիկ երեխայի ձեռքով: Ժողովրդական առակներում այդպես է

[Էջ LVII]

մեկնաբանվում արծվի կործանումը նրա փետուրից շինած նետից, հզոր կաղնու տապալումը կացնից, որի կոթը պատրաստված է նույն կաղնու ճյուղից:

Մա վերափոխված և մանրացված մոտիվն է բազմաթիվ ժողովուրդների այն պատկերացման, ըստ որի հին աստվածները կործանվում և փոխարինվում են նրանցից ծնված նոր աստվածներով:

Այդպիսին է Ջեսի և Կրոնոսի, Ահուրամազդի և Ջրվանի պայքարը, այդպիսին է Ռուստամի և Ջոհրաբի կռիվը (այլ հետևանքով), այդպիսին է անակնկալ լուծում ստացած Դավթի և Մհերի պայքարը:

Մա հայրերի ու որդիների, որդիների ու հայրերի միջև գոյություն ունեցող հին պայքարն է, մի պայքար, որտեղ նախկին բարի աստվածները մշտապես վեր են ածվում չար աստվածների: Սրա մեջ է հելլենական գիզանտոմանիայի իմաստը, սրա մեջ է Վիշապաքաղ Վահագնի սխրագործությունների ներքին իմաստը:

Որդու ձեռքով հոր կործանվելու մոտիվը, ինչպես տեսանք, առկա է նաև հայկական էպոսում. Դավիթը մեռնում է իր հարազատ աղջկա նետից: Սակայն այդ պայքարն այստեղ ստացել է յուրատեսակ լուծում, բարդանալով նոր հերոսի հայտնությամբ, որն օժտված է անմահությամբ, և պետք է տարագրության մեջ սպասի սահմանված օրվան, լույս աշխարհ դուրս գա ժողովրդի հաղթանակի և իդձերի իրականացման օրը:

Մհերի այդ տարագրությունը անվիճելիորեն արձագանքում է միջնադարի եվրոպական ասքերին, որտեղ պատմվում է, թե ինչպես Ֆրիդրիխ Բարբարոսսան քարանձավում կամ ստորերկրյա դղյակում այնքան է բանտարկված մնում, այնքան է նստում ննջելով, որ նրա հրաշեկ մորուքն իր անվերջանալի մագերով միաձուլվում է ժայռին:

Այն, որ Մհերը փակված է ժայռի խորքում, անկասկած, կապ ունի ռուսական բիլինաների հետ, որտեղ պատմվում է, թե Ռուսաստանում ինչպես են հսկաները քար դառնալով մեռել: Բայց արդյո՞ք լիովին է պարզված այդ հարցը, հսկաները մեռել են քար դառնալով, թե՞ հնարավորություն կա ռուսական հին ասքերը հասկանալու այնպես, որ դյուցազունները մեռել են երկրի երեսին և ինչ-որ ժամկետով իջել նրա ընդերքը:

Հետաքրքրական է հետևյալ հանգամանքը: Ժողովուրդներից շատերի մոտ հերոսների ժայռում փակվելու մոտիվը, որը միշտ կապված է ժայռի խորքից դուրս գալու կամ ժայռից ամրացված շղթայից ազատվելու հետ, միշտ առնչություն ունի արևի կերպարն այս կամ այն կերպ արտացոլող հերոսների հետ:

Սակայն վերադառնալով տարագրված կամ շղթայված հայկական կերպարներին, արդյոք կարո՞ղ ենք, որպես նշանակալից փաստ, չնշել այն խոր տարբերությունը, որ գոյություն ունի Մհերի և Արտավազդի՝

[Էջ LVIII]

ալեգարդ Մասսի վիհերում, սանդարամետում շղթայված արքայորդու միջև:

Նույն ժողովուրդը, որը հուսավատ սպասում է Մհերի դուրս գալուն և որը նրան հնարավորություն է տվել տարագրավայրից ժամանակ առ ժամանակ դուրս գալու, Արտավազդ արքայորդու համար այլ ճակատագիր է սահմանել: Նա ամեն ուրբաթ օր իր

բոլոր դարբին որդիների ձեռքերով, երեք սրբազան հարվածով ամրացնում է այն ծանր շղթան, որով Արտավազը գամված է ժայռին:

Մհերի, Բարբարոսայի և ժողովրդին օգնելու, մարդկության բարօրության համար մարտնչած այլ հերոսների գալիք ազատագրումն ու այդ ազատագրման ակնկալությունը կարող է հիշեցնել Մեսիայի հայտնության հետ կապված հույսը, ինչպես էլ որ լինի Մեսիայի անունը՝ Մեսիա, Մշիխա, թե Քրիստոս: Սակայն կա մի անդունդ, ավելի խոր, քան այն վիրապը, ուր իր նժույգի հետ ընկնում է արքայորդի Արտավազը: Այդ անդունդը Մեսիայից բաժանում է տարագրված և շղթայված արևային հերոսներին: Մեսիան աստծո օծյալն է, որը պետք է հայտնվի աստծո անունով և գերագույն աստվածության ողորմածությամբ (ինչ անուն էլ որ ունենա այդ աստվածությունը): Նա ընդհանուր ոչինչ չունի այն հերոսների հետ, որոնք հանուն մարդկային բարօրության իրենց ձայնն են բարձրացրել ընդդեմ աստվածների և նրանց երկրային ներկայացուցիչների, հերոսների, որոնք աստվածային կամքին հակառակ կրակ են փախցնում ի սեր մարդկային բարօրության: Մհերը աստծո օծյալ չէ, այլ աստծո դեմ ծառայող մարտիկ, այն աստծո, որը հանդուրժում է անարդարությունը, հանգիստ է նայում մարդկության տառապանքներին:

Ինչքան էլ չընդունենք, որ ժողովուրդների փոխադարձ «ազդեցություններ» կամ փոխառումներ են կոսմիկական առասպելների նմանությունն ու զուգադիպությունը, այն ամենը, ինչ վերաբերում է առասպելի զարգացմանը կամ էպիկական թեմային, համենայն դեպս, ժողովուրդների կուլտուրական հաղորդակցության առկայության պայմաններում, առասպելական ասքերը կամ պատմական փաստերի վրա խարսխված վիպերգությունները միմյանց հետ բաղդատելով, չի կարելի ժխտել այս կամ այն մանրամասնության ներմուծումը, որը և հարմարեցված է տվյալ ժողովրդի հերոսին: Սակայն այս հարցը լուծելիս էլ պետք է համոզված լինել, թե փոխառում թվացող մանրամասնությունը արդյո՞ք չէր կարող անկախ և ինքնուրույն ձևով ստեղծվել, հատկապես այն դեպքում, երբ որևէ մեկուսացված փաստ ենք վերցնում:

Մոտիվի փոխառման ցայտուն օրինակ կարող է ծառայել եվրոպական միջնադարյան «Տրիստան և Իզոլդա» վեպի այն մասը, որտեղ հերոսը, ցանկանալով սիրած աղջկան տեղեկացնել իր գալստյան մասին,

[Էջ LIX]

այգով անցնող առվի մեջ տաշեղներ է գցում: Առուն հոսում է այն սրահի միջով, որտեղ աղջիկն է բնակվում, և այսպիսով, ջուրն աղջկան բերկրալի լուր է բերում, որ հերոսը մոտերքումն է: Ջուրը բնակարան տանելու այսպիսի սիստեմը հայտնի չէ Արևմուտքին, մինչդեռ շատ է ընդունված Արևելքում՝ և՛ Իրանում, և՛ Կովկասում, և՛ լեռնային Քրդստանում: Եվրոպական վեպի մեջ ներթափանցած այս մանրամասնի առկայությունը հիմք է տալիս մտածելու, որ պատահական չեն նաև այլ մանրամասների զուգադիպությունը «Տրիստան և Իզոլդա» վեպում, 11-րդ դարի պարսկական գրող՝ Բանաստեղծ Ֆահրեդդին Գուրգանիի «Վիս և Ռամին» վեպում, քրդական «Մամե ու Զինե» վիպերգում և այլն: Սակայն, երբ տարբեր ժողովուրդների մոտ հանդիպում ենք նույն պատմությանը, որտեղ միևնույն մահճում պառկած աղջիկն ու տղան իրար տրվելու հնարավորությունը բացառելու նպատակով մերկ սուր կամ դաշույն են դնում իրենց միջև, մենք պետք է հաշվի առնենք այդ դրվագի բնականությունը և այն ենթադրության անհեթեթությունը, թե որևէ ժողովրդի մեջ կարող է կամ կարող էր գերազանցորեն

գոյություն ունենալ մահճի վրա պառկած սիրահարների միջև սուրը դնելու սովորույթը, և չպետք է իրարից կախման մեջ դնենք Զիգֆրիդի ու Բրունհիլդի, Մամեի ու Զինեի, Տրիստանի ու Իզոլդայի, Մհերի ու Գոհար խաթունի և ուրիշ մահճի վրա սրով բաժանված հերոսների ու հերոսուհիների պատմությունները:

Սակայն լինում են այնպիսի մանրամասներ, որոնք լուրջ երկմտանքի մեջ կարող են գցել ուսումնասիրողին և միայն առավել խոր հետազոտությունը կարող է ցրել այդ երկմտանքը:

Այդպիսին է մկունդի քաշին վերաբերող դրվագը «Մասունցի Դավիթ» էպոսում և Մուրումցի Բլյայի շուրջը հյուսված բիլինաներում: Թե՛ էպոսում և թե՛ բիլինաներում մկունդի քաշը կայուն չէ, կան տարբեր վարիանտներ, սակայն հայկական էպոսում ընդունված քաշը երեք հարյուր լիտրն է, իսկ լիտրը տասներկու ֆունտի է հավասար, հետևաբար, մկունդն էպոսում կշռում է 3600 ֆունտ կամ 90 փուֆ: Մուրումցի Բլյայի կաղնե մկունդը նույնպես 90 փուֆ է կշռում: Եթե փորձենք այստեղ հայ և ռուս բանասացների միջև տեսնել ուղղակի փոխառում կամ ենթադրենք, որ երկու կողմն էլ օգտվել են մի երրորդ աղբյուրից, ապա հարկ կլիներ եզրակացնելու, որ հիշյալ քաշն ընդունված է տեղական չափերով: Մա անհավատալի է: Սակայն նույնքան հավանական է, որ երկու կողմն էլ մկունդի նորմալ, միջին քաշը սահմանել են հավասարաչափ, որոշակի, իբրև պայմանական թիվ ընդունված բազմապատկումով (այդ թվերից են, օրինակ, 7-ը, 12-ը, 40-ը և այլն): Իսկ մկունդի այս նորմալ, միջին քաշը, բնավ էլ չհանդիսանալով փոխառման առկայության ապացույց, կարող է լինել երկու ժողովուրդների փոխադարձ կամ երրորդ ժողովրդի հետ ունեցած փոխառնչության արտացոլում, որը վերաբերում է

[Էջ LX]

նյութական կուլտուրայի հաղորդակցության, այսինքն՝ նյութական կուլտուրային պատկանող առարկաների ներմուծման և արտահանման (տնտեսական իրեր, կահույք, առավել ևս զենք, որը միշտ էլ առանձնապես դյուրին է թափանցում նույնիսկ ամենահեռավոր միջավայրը):

Երբ դնում ենք այն հարցը, որ անհրաժեշտ է լուսաբանել տասներորդ դարում ստեղծված հայկական էպոսի և նույն տասներորդ դարում Կիևի շրջակայքում արդեն ստեղծվող ռուսական բիլինաների միջև եղած առավել հետաքրքրական գուգադիպությունները, էպոսում և բիլինաներում հանդես եկող երկրագործի կերպարների նմանությունը, Սվյատոգորի և երկու Մհերների որոշ առանձնահատկությունները, այդ դյուցազունների և կին դյուցազնուհիների մենամարտերը, արդեն տասնհինգ տարի հողի տակ թաղված դյուցազնական զենքի և տասնհինգ տարի գետնի տակ պահված նժույզի թեմաները, Մուրումցի Բլյայի և Դավթի մենամարտը իրենց որդիների հետ և տասնյակ այլ անվիճելի գուգահեռներ, ապա մտածում ենք, որ առանձին ուշադրության են արժանի աննշան թվացող այնպիսի մանրամասնություններ, ինչպիսին դյուցազնական մկունդի քաշն է:

Հանրագումարի բերելով վերևում մեր ամբողջ ասածը, պետք է նշենք, որ աշխարհի ժողովուրդների հնագույն վիպերգությունների շարքում պատվավոր տեղերից մեկը անվիճելիորեն պատկանում է «Մասունցի Դավիթ» էպոսին, և դա որոշվում է թե՛ վերջինիս առասպելական կողմով, թե՛ էպոսի այն մասերով, որտեղ գովերգվում են նրա հերոսների երկրային սիրագործությունները:

Էպոսի առասպելական կողմը իր մի քանի առանձնահատկություններով հնարավորություն է ընձեռում առաջ քաշելու տարբեր ժողովուրդների հնագույն կուլտուրական կապերի հարցը և առաջին հերթին Սովետական Միության մեջ միավորված ժողովուրդների կուլտուրական կապերի հարցը:

Այս տեսակետից յուրահատուկ արժեք է ներկայացնում Էպոսի պատմական մասը, որը հնարավորություն է տալիս նոր, ցայտուն օրինակներով բացահայտելու այն հետաքրքրական պրոցեսը, թե ժողովրդի հիշողության մեջ ինչպե՞ս է ստեղծվել հիմնականում երկրային, սակայն ժողովրդական բանահյուսության մեջ տիտանական հատկանիշներով օժտված հերոսի կերպարը: Բազմաթիվ ժողովուրդների վիպերգություններում ընդհանուր է այն երևույթը, երբ ժողովրդի սիրած հերոսը վեր է ածվում տիտանի, սակայն այդ կերպարը (նայած թե ո՞ր դասակարգն է այն ստեղծում) իր մեջ կենտրոնացնում է դասակարգային իդեոլոգիայի այս կամ այն ընդհանրացնող գծերը:

Հայ ժողովրդի տարբեր խավերի իդեոլոգիայի զարգացման պատմության համար Էպոսն առանձնապես բարձր արժեք է ներկայացնում,

[Էջ LXI]

քանի որ այդ Էպոսն ամբողջ ձայնով խոսում է այն խավերի ձգտումների և երազանքների մասին, որոնք հայրենիքի պաշտպանության ու աշխատավոր մարդկանց վիճակի բարելավման համար դարեր շարունակ սխրագործություններ էին կատարում՝ աշխատանքի ասպարեզում թե ռազմի դաշտում, առանց ազդարարելու այդ մասին արտաքին աշխարհին, և նրանց այդ լռությունը նույնքան խորն էր, որքան տիրապետող դասակարգի ներկայացուցիչների լռությունը ժողովրդական ներքնախավի կատարած արիության ու սխրագործությունների հանդեպ:

Մեզ՝ սովետական ընթերցողներին համար «Սասունցի Դավիթը» առանձնապես թանկ է նրանով, որ այնտեղ, բացի Էպոսի գեղարվեստական արժանիքներից, հայրենիքի և ժողովրդի համար մարտնչող հերոսների կերպարների մեջ արտակարգ ցայտունությամբ դրսևորված են այն գաղափարներն ու զգացմունքները, որ դարեր շարունակ փայփայել է մարդկությունը: Այդ գաղափարներն ու զգացմունքներն առանձնապես վառ են դրսևորված Դավթի և նրա որդի Մհերի կերպարներում, որոնց հետ նրանց ստեղծող ժողովուրդը կապել է իր ամենանվիրական երազանքը՝ հին աշխարհը կործանելու և նոր աշխարհ ստեղծելու երազանքը:

Ակադեմիկոս ՀՈՎՍԵՓ ՕՐԲԵԼԻ

[Էջ LXIII]

ԿԱԶՄՈՂՆԵՐԻ ԿՈՂՄԻՑ

Մեր աշխատանքը հանդիսանում է հայ ժողովրդի դարերի խորքից մեզ հասած բազմերանգ ու հարուստ ստեղծագործության -«Սասունցի Դավիթ» համահավաք հյուսված տեքստը կազմելու առաջին փորձը:

«Մասունցի Դավիթ» էպոսի համահավաք հյուսվածո տեքստը կազմելիս՝ ելակետ ենք ունեցել էպոսի 1000-ամյակի տոնակատարության Հոբելյանական Ռեսպուբլիկական Կոմիտեի հաստատած հետևյալ սկզբունքները.

1. Ի մի հավաքել և հաջորդականությամբ խմբագրել գրի առնված 50 տեքստերի մեջ եղած այն բոլոր էպիգոդները, որոնք օրգանապես կապված են էպոսի սյուժեի զարգացման հետ և չեն հակասում էպոսի ամբողջական կառուցվածքին և ոգուն:

2. Էպոսի ընդհանուր ռիթմը ի նկատի ունենալով՝ առանձին տողերը ենթարկել ռիթմական միօրինակության՝ դուրս չգալով էպոսի տողերի իմաստի ու շարահյուսության սահմաններից՝ երբեմն միայն առանձին բառեր պակասեցնելով կամ ավելցնելով ու վերադասավորելով բառերը:

3. Տարբեր պատումների բարբառային առանձնահատկություններն ի մի բերելու և անհասկանալիությունները վերացնելու համար՝ տարբեր բարբառների հնչյունները մոտեցնել արարատյան բարբառի հնչյուններին, պահպանելով արևմտյան բարբառների մի շարք քերականական ձևեր՝ ինչպես, օրինակ, «տ», «տի» ձևերը և «կը»-ի գործածումը ներկա ժամանակի համար, սակայն հիմնականում էպոսը պատմել անցյալ կատարյալ ժամանակով:

4. «Մանասար և Բաղդասար» ճյուղի առաջին և երկրորդ մասերը հյուսել է պրոֆեսոր-դոկտոր Մանուկ Խաչատուրի Աբեղյանը. «Առյուծաձև Մհեր» ճյուղը և «Մասունցի Դավիթ» ճյուղը՝ մինչև «Դավիթ և Խանդուխտ»

[Էջ LXIV]

մասը, հյուսել է պրոֆեսոր Գևորգ Արշակի Աբովը, իսկ այդ ճյուղի II՝ «Դավիթ և Խանդուխտ» մասը և «Պատիկ Մհեր» ճյուղը՝ ավագ գիտական աշխատող Արամ Տիգրանի Ղանալանյանը:

Էպոսի ընդհանուր տեքստը ենթարկվել է վերոհիշյալ բրիգադայի քննությանը, կարդացվել ու քննության է ենթարկվել ՍՍՌԿ Գիտությունների ակադեմիայի Հայկական ֆիլիալի գիտական խորհրդի ու ՀՍՄՌ Գրողների Միության Վարչության ընդլայնած միացյալ նիստերում, կարդացվել է «Մասունցի Դավիթ» Հոբելյանական Ռեսպուբլիկական Կոմիտեի նիստերում և հաստատվել է նրա կողմից:

Պրոֆ.-դոկտ, Մ. Խ. ԱԲԵՂՅԱՆ

Պրոֆ. Գ. Ա. ԱԲՈՎ

Ավագ գիտ. աշխ. Ա. Տ. ՂԱՆԱԼԱՆՅԱՆ

Գլխավոր | Տորում | Անվանացանկ

ՍԱՍՈՒՆՑԻ ԴԱՎԻԹ

[Էջ 1]

ՃՅՈՒՂ ԱՌԱՋԻՆ

ՍԱՆԱՍԱՐ ԵՎ ԲԱՂԴԱՍԱՐ

[Էջ 2]

1

Դառնամ, զօղորմին տի տամ\*  
Խանում Ծովինարին,  
Դառնամ, զօղորմին տի տամ  
Սանասարին, Բաղդասարին.  
Դառնամ, զօղորմին տի տամ  
Քեռի Թորոսիկին.  
Դառնամ, զօղորմին տի տամ  
Ականջ արողների ծընողներին:

-----

\* Նախերգանքները երգվում են:

[Էջ 3]

ՄԱՄՆ Ա  
ԿՈՒՎ ԲԱՂԴԱԴԻ ԽԱԼԻՖԱՅԻ ԴԵՄ

2

Ըսկիզբն էր կըռապաշտ Խալիֆան,  
Մեկ էլ Հայոց Գագիկ թագավոր.  
Կռապաշտ Խալիֆան Բաղդադ կը նստեր,  
Գագիկ թագավոր՝ Բերդ-Կապոտին:

Գագիկ թագավոր ծեր, ալևոր էր.  
Զինք շա՛տ հարըստություն ուներ,  
Զարմ ու զավակներ չուներ.  
Մեկ աղջիկ ուներ, շատ տեսակով,  
Անուն՝ Ծովինար խանում:

Էն ժամանակ ո՛ր թագավոր գորեղ ըլներ,  
Էն մեկէլից հարկ կ'առներ:  
Բաղդադու Խալիֆան շատ գոր ու գորընդեղ էր.  
Ասքար արեց, էկավ վեր մեր ազգին.  
Շատ առ ու ավար առավ,  
Ու շատ գերի բռնեց տարավ,  
Շատ ըզմեր ազգ կտրեց, նվազցուց:  
Ու Հայոց Գագիկ թագավոր  
Բաղդադու Խալիֆային խարջդար էղավ:

Օրերից մեկ օր Խալիֆան էլավ.  
Էրկու մարդ հարկ առնող ուղարկեց.

[Էջ 4]

— Գնացե՛ք, իմ խարջ ժողվեցեք, բերեք:  
Հարկ առնողներն էկան, անցան  
Թագավորի քոշկ ու սարի առջևեն.  
Որ կ'անցնեին, լուսմի էնոնցերևաց:  
Իրիշկեցին, ի՞նչ տեսնեն,—  
Էնպես խորոտ աղջիկ մի էրևաց,  
Արևուն կ'ասեր. «Դու դուրս մ'ելներ, ե՛ս դուրս էլնեմ»:  
Աղջիկ էնպես խորոտ, էնպես խորոտ,  
Որ տասնուչորս ավուր լուսնին կը նմաներ,  
Որ յոթ սարի էտեն կ'ելնի:  
Էդ հարկ առնողներ ինչ տեսան զէդ աղջիկ,  
Խելք գլխըներուց գնաց,  
Էրկուսն էլ անհուշ, անակահ ընկան:  
Մեկ սհաթեն թագավոր մարդ ուղարկեց,  
Էկան, զենոնք տարան իր պալատ:

Էդ մարդիկն իսկի բան չասին,  
Էրկուսն էլ էլան, սուս ու փուս դարձան,  
Իրենց Խալիֆայի մոտ գնացին:  
Խալիֆան հարցուց.— Խարջ բերի՞ք: Չբերի՞ք:  
Ասին.— Թագավոր ապրած կենա, ի՞նչ խարջ, ի՞նչ բան,  
Էնպես մեկ բան մ'ենք տեսեր,  
Աղեկ էր մենք չմեռանք:  
Դու ըլնեիր, ավատաս, իրեք ամիս  
Անհուշ գետին կ'ընկնեիր:  
Խալիֆան հարցուց.— Ի՞նչ էր ձեր տեսած:  
Էնոնք ասին.— Քո տուն աստված շինի.  
Դու ի՞նչ կ'անես ապրանք ու գանձ, հարըստություն.  
Քեզ ունիս հո՛ղ, երկի՛ր, ապրա՛նք ու գանձ, հարըստությո՛ւն,  
Դու շա՛տ ունիս ոսկի, արծաթ, անգին քարեր.—  
Էն խաչապաշտ Հայոց թագավորին  
Մի է՛ն տեսակ աղջիկ ունի.  
Աղջիկ մի իրենից շատ խորոտիկ,  
Որ ամե՛ն մի բան կ'արժի:  
Ահա, Խա՛լիֆա, զէդ հրեղեն աղջիկ տեսանք,  
Որ գիշեր-ցերեկ չուտես, չխմես,  
Հա՛ էնոր շենք ու շնորհքին թամաշա անես:  
Խելք ընկավ կռապաշտ Խալիֆային,  
Ջուղաբ դրկեց Հայոց թագավորին.  
Ասաց.— Քո աղջիկ տա՛ս ինձի:

[Էջ 5]

Թագավորն ասաց.— Ես հայ եմ, դու՛ արաբ.  
Ես խաչապաշտ, դու՛ կըռապաշտ,  
Ի՞նչ բան է, որ ես իմ աղջիկ տամ քեզ:



Ես իմ աղջիկ չեմ ի՛տա քեզ:  
Խալիֆան ասաց.— Գազի՛կ թագավոր,  
Խաթրով ըլնի, տի տա՛ւ:  
Կովով ըլնի, տի տա՛ւ:  
Թե քո աղջիկ չտա՛ւ,  
Քո ժողովուրդ առ ու գերի կ՛անեմ,  
Ձեզ ամենիդ կըմորթեմ,  
Քո ազգ ամեն կը կտրեմ,  
Քո քաղաք տակ ու վերս կ՛անեմ,  
Քո թախտ ու թագ կը քանդեմ:  
Ասաց.— Կռիվ կ՛անեմ, չեմ ի՛տա:

3

Բաղդադու Խալիֆան կանչեց, ասաց.  
— Հա՛, ասքա՛ր, ասքա՛ր արեք, գնացե՛ք.  
Աղջիկ կը տա՛ կը տա. չի տար,  
Քար քաղեցե՛ք, ավազ մաղեցե՛ք,  
Ժողվեցեք, բերե՛ք ինչ կա:  
Էլան, ասքար արին, էկան.  
Էկան Հայոց թագավորի վերա:  
— Ահա, թագավոր,  
Քո աղջիկ կամ կը տաս տանենք,  
Կամ քար քաղենք, ավազ մաղենք,  
Ժողվենք, տանենք՝ ինչ կա:  
Թագավորն իրիշկեց, ի՛նչ իրիշկեց,—  
Քանց աստղ երկինք՝ գորք է թափվե:  
Կռիվ արին, շատ գորք սպանին.  
Խաչապաշտ թագավոր կոտրվեց:

Ծովինար խանում երդիք կայներ էր.  
Միտք արեց իր մեջ. «Որ իմ հերն իմանար,  
Էսքան մեղք ու արունք չէր ձգի իմ վրո, ինձ կը տար—  
Իմ պատճառով էսա ամեն մարդ տի սպանեն,  
Էնոնց տղաներ տի մնան որք, ինձ տ՛անիծեն,  
Վերջըն գոռով ինձ տի տանեն:

[Էջ 6]

Աղեկն էն է, որ ես իմ կամքով երթամ,  
Իմ հոր թագավորությունն էլ հաստատ մնա»:  
Աղջիկն էլավ, գնաց իր հոր դիվան,  
Ասաց.— Հա՛յրիկ, ինչի՞ կը մտածես:  
Չէր պատասխան էտու էնոր, ասաց.  
— Ես էնոր համար կը մտածեմ,  
Որ էս գորքեր ամեն, էն քո համար է էկած  
Կամ տ՛երթաս, կամ մեր երկիր տ՛ավերեն,

Խալիֆան մեր թագավորություն տ'անի,  
Զամեն տի սպանի, գերի տի տանի:  
Թե իմ աղջիկ տամ, էն արաբ է, ես հայ եմ:  
Ծովինար խանում ասաց.  
— Որ ես էն կռապաշտ թագավոր չառնեմ,  
Զամեն տի սպանի իմ պատճառով,  
Աղեկն էն է, ե՛ս էրթամ,  
Ուրիշ մարդու թող բան չըլնի:  
Ե՛ս մենակ մեռնիմ իմ հոր թերեն.  
Ես մեկ ջան եմ, էրթամ, կորսըվիմ,  
Զանց մեր Հայաստան էրկիր ավերի,  
Էն հազար հազար հոգիք կորուսանին:  
Դարձավ ասաց.— Հա յրիկ, ինձ տուր էնոր:

Ժողով արին իրենց մեջ,  
Թե ի՛նչպես անենք, տա՞նք, թե՞ չտանք:  
Զուղաբ արին թագավորի աներոջ,—  
Ինչ Վարդպատրկա էպիսկոպոսն էր,— էկավ:  
Զուղաբ արին ՔեռիԹորոսին,— էկավ:  
Թագավոր կանչեց իր ընտանիք,  
Ժողով արեց, ասաց.  
— Ժո՛ղովուրդ, դուք ի՞նչ կ'ասեք.  
Կամքով տա՞նք զաղջիկ, թե չե՛ կռվենք.  
Դուք ի՛նչ խորհուրդ կը տաք:  
Մեկն ասաց.— Չկա ընանք՝ կռիվ անենք.  
Աղջիկ է՛ տանք՝ առնի, տանի:  
Մեկն էլ ասաց.— Չե՛, կռիվ կ'անենք.:  
Մենք զմե՛զ ամեն տի տանք կոտորել  
Ու զմեր աղջիկ չենք ի՛ տա կռապաշտ թագավորին: —  
(Դե ազգություն է, թասիբ կ'անեն),  
Էդտեղ Թորոս, տասյոթ-տասնութ տարեկան էր,

[էջ 7]

Տեսավ ժողովական կ'ուզեն՝  
Պատիվ անեն թագավորին,  
Կ'ուզեն կռիվ անեն, աղջիկ չտան,—  
Ասաց.— Թագավոր ապրած կենա,  
Ես գիտեմ ժողովական կ'ուզի՝  
Կռիվ անի, աղջիկ չտա.  
Աղեկ է, որ աղջիկ մի վերջանա,  
Քանց թե ազգ մի վերջանա:  
Թա՛գավոր, որ դու ինձի ականջ անես  
Արի աղջիկ տանք՝ տանի.  
Մենք չկա ընանք՝ կռիվ անենք:  
Էնպես հաշվենք, թե էդ աղջիկ  
Իսկի չի՛ էղեր քեզի:

Էդտեղ խորհուրդք արին,  
Էպիսկոպոսն էլ համաձայնավ, ասաց.  
— Մեկ հոգու պատճառով ա՞զգ մի տանք կտրե՛լ.  
Չե՛, էդ մե՛կ հոգին թող էրթա:

Հեր չէր ուզի էդ բան.  
Տեսավ, որ ճար վերան կտրավ,  
Համաձայնավ, էլավ, աղջիկ տվավ:  
Խաբար դրկեց Խալիֆային,  
Թե.— Հա՛, կը տանք, արի տա՛ր:  
Խալիֆան էլ իր պատրաստություն տեսավ,  
Ջիր հարսնուր առավ, էկավ:  
Աղջիկ գնաց հոր մոտ, ասաց,  
— Հա՛ յրիկ, Խալիֆային ասա՛  
Ջոկ տեղ քոջկ ու սարայ մի շինի,  
Ինձ որ տանի, էնտեղ դնի.  
Մեկ տարի մոտ ինձ չգա,  
Իմ հետ փարդան չմտնի:  
Հա՛ յրիկ, դու էլ մեկ քահանա դիր հետ ինձ,  
Որ առավոտ, իրիկուն ժամ ասի,  
Ես իմ աղոթք անեմ, մնամ մեր օրենքով.  
Մեկ էլ քեռմե՛ր մի դիր հետ ինձ, ես կ՛էրթամ:  
Ես ինչ ասի, Խալիֆային խնդրի,  
Որ էն բաներ կատարի:

Հերն էլ իր աղջրկան ասածն ամեն  
Բաղդադու Խալիֆային ասաց:

[էջ 8]

— Խա՛լիֆա, ասաց Գագիկ թագավոր.  
Ես հետ քեզ կռիվ չեմ անի.  
Ես հետ քեզ պայման տի կապեմ:  
Որ ես իմ աղջիկ տամ քեզ,  
Իմ աղջկան հետ քահանա մի տի գա.  
Էն իր աստված կանչի, իր խաչ պաշտի,  
Դու քո կոքեր պաշտես:  
Էնոր ջոկ տեղ սենեկ մի տի տաս,  
Մեկ տարի էլ մոտ ինք չէրթաս:  
Կռապաշտ թագավորն ասաց.  
— Ջա՛նըմ, ես հետ քեզ կը հաշտըվիմ.  
Հետ քեզ պայման կը կապենք:  
Դու քո աղջիկ տուր ինձ,  
Ես էլ քենե հարկ չեմ ուզի.  
Իմ անուն քո աղջրկան վերա ըլնի,  
Ինձ թող ասեն Հայոց թագավորի փեսա, բավ է:  
Չէ թե չուր մեկ, ուխտ ըլնի.

Չուր յոթ տարի մոտ ինք չէրթամ:  
Խըդամ մի կըղնես հետ,  
Քահանա մի կըղնես հետ.  
Աղջիկ կը տաք, ես կը տանեմ մոտ ինձ.  
Իմ սարայի դիմաց էնոր համար  
Ջոկ քոշկ ու սարայ կը շինենք:  
Աղջիկ մնա ի՛ր օրենքով,  
Ես մնամ ի՛մ օրենքով.  
Չէ՞ մենք արաք ենք, դուք՝ հայ:

4

Կռապաշտ թագավորն էկեր, Տեղտիս կը նստեր.  
Գագիկ թագավորի նստած տեղ  
Նորագեղա դաշտի մեջն էր:  
Թագավորն էնտեղ ուներ ամառանոց,  
Հոտավետ, անուշ արոտատեղեր,  
Ծաղիկներով ու մարգերով զարդարված,  
Էնտեղ կը գտնվի Կաթնով Աղբուր:  
Էնտեղ վրաններ զարկին,  
Յոթ–ութ օր հարսնիք արին:

Ծովինար խանում խնդիրք արավ թագավորից,  
Ասաց.— Հա՛յրիկ թագավոր,

[Էջ 9]

Վաղ համբարձում է, հրաման տուր ինձ՝  
Էրթամ Հիլի, աղբրներու վերան զբոսանք.  
Մեկ տասն իմ չափին աղջիկ դիր հետ ինձ,  
Էրթանք սեյրան, ուրախություն անենք,  
Ման գանք չուր իրիկուն,  
Իրիկուն դառնամ, էրթամ իմ տեղ:  
Թագավորն ասաց.— Քեզ հրաման է,  
Գնա՛, մա՛ն արի, դարձի՛ :

Ծովինար խանում, էնոր քեռմեր ու աղջիկներ  
Գնացին պըտըտելու Կաթնով Աղբուր:  
Ման էկան չուր իրիկուն:  
Աղջիկ տեսավ՝ արև-աշխարք կա, արեգակ կա,  
Ամեն մարդ հետ իր գործին.  
Ոմանք հետ իրենց ջրին, օջիսարին.  
Ոմանք էլ հետ իրենց ռանչպարությունին:  
Աղջիկ միտք արեց, ասաց.— Հե՛յ-վա՛ իս,  
Էսքան լուս աստևոր կա, ես չէի գիտի:  
Գնացին, էլան սարի վերև,  
Էնտեղ նստան չահրի վերա, կերխում արին,

Հետո ման էկան, տեսան Կապոտ ծով.  
Գնացին ծովափ սեյր անելու:

Իրիկուն որ տի դառնար, տուն գար  
Ծովինար ասաց աղջիկներուն.  
— Աղջի՛ կներ, դուք քելեք, գնացեք,  
Ձեզ համար ման էկեք, քեֆ արեք,  
Ես էրթամ, քիչ ջուր խմեմ:  
Մտածելով ծովու բերան վե գնաց.  
Գնաց, կայնեց մեկ քարափ տեղ.  
Նայեց, տեսավ, որ ծովին ծեր չկա:  
Ինք ու քեռմեր ծովու պռուկ նստան, լացին:  
Շատ նեղացավ աղջիկն ման գալով,  
Էնոր խրդամ շատ ծարվեցավ,  
Ինքն էլ շատ ծարվեցավ, ասաց.  
— Էս ծովի ջուր շատ աղի է:  
Ա՛ իս, երանի՛ մեկ կաթ ջուր ըլներ,  
Ես խմեի, սրտի սպապակն անցներ:  
Քեռմերըն շատ ֆրոաց, ջուր չգտավ,  
Էն ժամանակ Ծովինար ասաց.

[Էջ 10]

— Աստված, դու մեկ աղբուր էստեղ բուսցես,  
Մեկ էլ ինձի մեկ լուս ու ճար անես:  
Աստուծու հրամանով, ծովըն բացվավ,  
Մի շատ համեղ ջուր դուրս էկավ:  
Նայեց, տեսավ՝ մեկ ջոջ քար կա ծովու պռուկ,  
Միպտակ աղբուր մի էր քարից կը թալի.  
Ջուրն էլ էր քարի չորս բոլոր բռներ էր.  
Մարդ չէր կարնա առանց հալավ հանելու,  
Էդ աղբուր էրթա, որ ջուր խմի:  
Ինքն իր շորեր էհան, գնաց էդ աղբուր,  
Բուռ էտու էդ անմահական աղբըրի մեջ,  
Մի բուռ լիք ջուր խմեց,  
Մեկ էլ՝ մի բուռ կիսատ:  
Սղբուրըն ցամաքավ:  
Էդ էրկու բուռ ջրից հղացավ:  
Ետ էնոր իր աղջիկներ ժողվեց,  
Էնդից դարձան, էկին տուն,  
Էկին Գագիկ թագավորի մոտ:

Առավոտուն Խալիֆայի զորքըն քաշվավ:  
Թագավորն իր աղջրկա ձեռք-ոտք տեսավ:  
Էլան, հեծուցին, տարան, հասուցին  
Էն կոապաշտ Խալիֆայի քաղաք:  
Երբ գնացին, քաղաք հասան,

Էդ թագավոր շատ ուրախացավ,  
Յոթն օր, յոթ գիշեր հարսնիք արեց.  
Մեջլիս, ուրախություն արեց:  
Էնոր համար մեկ ջոկ սարայ շինեց,  
Հաց, ջուր դրկեց էնտեղ,  
Ասաց.— Սարայից դուրս չգաք:  
Ծովինար խանում գնաց, մտավ յոթոտանին,  
Յոթ դուռ շինեց, սուգ արեց:

5

Մի ժամանակ վրա անցավ,  
Ծովինար իմացավ, որ էրեխով է.  
Ակհավ, որ էն ծովից է.  
Ամա Խալիֆային չհայտնեց:  
Խալիֆան էլ ակհավ, ասաց. «Իմ զարմից չէ»:

[Էջ 11]

Գնաց դիվան նստեց, կանչեց վազրին,  
Թե.— Չես ասի, էսպես բան է էղե.  
Վազիր, ապա ի՞նչ անենք:  
Վազիրն ասաց.— Թագավոր ապրած կենա, սպանենք:  
Հրամայեցին դահճին.  
— Գնա, էնոր վիզ կտրի՛:  
Դահիճն էկավ սարայ, ասաց.  
— Թագավոր հրաման արե՛  
Ըզբո վիզ տի կտրեմ:  
Ծովինար խանում ասաց.  
— Ձեր թագավորին դատաստան չկա՞,  
Չէ՞ որ էրեխով կնկան վիզ կտրել  
Մեկ անգամից էրկո՛ւ մարդ ըսպանել է:  
Խալիֆային ասա՛ դադրե՛ք,  
Չուր ես իմ էրեխան բերեմ.  
Էն ժամանակ,— տեսնենք՝  
Տղա է, ինչ է,— թող իմ վիզ կտրեն:  
Թե որ կը հարցուցեք, ասաց,  
Իմ հոր տնեն որ կուս էկեր եմ,  
Մինչև էսօր դեռ կուս եմ ես.  
Իմ էրեխան, աստծու կամքով,  
Ծովի ջրից է գոյացե:  
Դահիճ գնաց Խալիֆայի մոտ,  
Ասաց.— Թագավոր ապրած կենա,  
Քո կնիկ, Գազիկ թագավորի աղջիկ,  
Էսպես, էսպես ասաց ինձի:  
Վազիրն ասաց Խալիֆային.  
— Աղեկ է ասեր Ծովինար խանում.

Թող մնա, իր էրեխան բերի,  
Էն ժամանակ վիզ կտրենք:  
Ժամանակ տվին. չուր էրեխան բերի:  
Էն էլ ասաց.— Զգուշ կացե՛ք.  
Իրիշկենք, չուր էրեխան ըլնի, իր կամքն է,  
Ես տեր եմ. իմ կնիկն է Ծովինար.  
Էլ դուք մի՛ խառնըվիք:

Մնաց: Ինն ամիս, ինն օր, ինը ժամ,  
Ինը ըոպե որ թամամավ,  
Էնոր ժամանակ լըմընցավ,  
Էրկու տղա է բեր.  
Մեկըն թամամ, մեկըն կիսատ:

[Էջ 12]

Մեյքիսեթ քահանան էկավ,  
Թոնդրան վերա կնքեց.  
Ջոջ տղի անուն էղիր Սանասար,  
Պստիկին՝ էղիր Բաղդասար:

Ականջկլան տարան Խալիֆային.  
Թե.— Քեզ ջուխտ մի լաճ էլավ:  
Թե խալիս տարով կը ջոջանան,  
Էնոնք օրով ջոջացան:  
Խալիֆան հո իրիշկեց,  
Տեսավ զերկու տղան, աչքեր կուրցավ:  
Ասաց.— Դահճին ասեք,  
Թող էրթա, Էնոր վիզ կտրի:  
Դահիճ գնաց Ծովինարի մոտ.  
Ասաց.— Քո վիզ տի կտրեմ:  
Ծովինար խանում ասաց.  
— Ձեր թագավորին կանոն, օրենք չկա՞ .  
Ծծմոր տղեքըն ի նչպես կը շահեն,  
Որ էն իմ վիզ կը կտրի:  
Թող իմ տղեք մեծանան,  
Նոր իմ վիզն էն թող կտրի.  
Ես հո էստեղից չեմ կա՛րնա փախնիմ:

Դահիճ գնաց Խալիֆային հայտնեց,  
Էն էլ կանչեց վազրին հարցուց.  
— Ի՞նչ խորհուրդ կը տաք էս բանի համար:  
Վազիրն ասաց.— Տաս տարի ժամանակ Էնոր,  
Տղեք մեծանան, վիզ նոր կտրենք.  
Էն էստեղից դո՞ր տի գնա.  
Թող բռնավորի պես ներս մնան:  
Թող սարայից դուրս չգան:

Կես տարի սարայի մեջ մնացին:  
Հետո ջուղաբ դրկեց Խալիֆային.  
Ես հա՞վք եմ, որ դու ինձ դրեր ես վանդակ.  
Ես բռնավո՞ր եմ էստեղ,  
Որ ինձի դրեր ես բանտ,  
Չես թողնի տանից դուրս գանք.  
Արև էրդիս վե՛ կը տեսնենք,  
Լուս էրդիս վե՛ կ'առնենք:  
Խալիֆան ասաց.— Ես ի՞նչ անեմ:

[Էջ 13]

Թող դուրս գան, գնան ման գալու:  
Դռնապահներն իրավունք տվին,  
Ու դուրս էկին ման գալու:  
Քանի մի ժամանակ անցավ,  
Էդ ճժերն օրըստօրե պետացան.  
Ինչ էդան մեկ տարեկան,  
Ինչպես հինգ տարեկան տղա:  
Կ'էլնեն դուրս, հետ ճժերուն կը խաղան.  
Զճժեր կը տփեն, կը լացուցեն:  
Քաշեց հինգ-վեց տարի, չքաշեց,  
Մանասար ու Բաղդասար պետ կտրիճներ դարձան.  
Մերն ասաց քահանային.— Տե՛րտեր,  
Իմ տղաներին դաս տուր՝ կարդան:  
Դաս էտու տղաներին.  
Էնոնք գրել-կարդալ սովորեցին:

Ավուր մեկին Խալիֆան  
Էդ էրկու տղաներ կանչեց,  
Տարավ դիվան, իրիշկեց,—  
Էնոնց խոշորություն որ տեսավ,  
Էնոնց խոսք ու զրուց որ լսեց,  
Վախեցավ էնոնց մոտեն,  
Ճամփեց, գնացին տուն:

Ճժեր էդան յոթ տարեկան:  
Օր մի կը խաղային հետ էն մեկել ճժերուն.  
Միլա մի զարկեց Մանասար վազրի լաճուն,  
Վիզըն ծովեց, մնաց ծուռ:  
Վազիր գնաց Խալիֆայի մոտ գանգատ,  
Ասաց.— Էս ի՞նչ աստծու պատիժ է.  
Մեզ ճիժ չթողին սալամաթ:  
Խալիֆան ասաց.— Իրավունք ունին.  
Ես գիտեմ՝ էնոնք որ ջոջանան,  
Տի կախվեն իմ մորուսից:



Կա՛ց, էնոնց համար բան մի կ'անենք:

6

Տղեկներ որ ջոջացան,  
Մեկ օր առավոտուն  
Հետ ճժերուն կը խաղային:

[Էջ 14]

Ճժեր թափվան էնոնց վերան,  
Ասին.— Դուք բի՛ճ եք, դուք բի՛ճ եք:  
Երբ որ էնոնց խոսք լսեցին,  
Լալով էկան մոտ իրենց մեր, ասին.  
— Կամ մեզ ասա՛ ով է մեր հեր,  
Կամ կ'երթանք, մեզ կը թալենք գետ:  
— Ո՛րդիք, ասաց, ձեր հեր Խալիֆան է:  
— Չէ՛, ասին, թե էն մեր հեր ըլներ,  
Խալիսըն մեզ բիճ չէին ասի:  
Մեկ ժամանակ էն էս խոսքով  
Լաճեր բոնապետեց ներս:  
Քանի մի օրեն լաճեր նորեն  
Գնացին քաղաք խաղ անելու.  
Տղեք նորեն թափվան վրաներ,  
Թե.— Դուք բի՛ճ եք, դուք բի՛ճ եք.  
Ինչի՞ կը գաք մեջ մեզի:  
Է՛լի լալով դարձան,  
Զիրենք թալին իրենց մոր գոգ:  
Շատ որ լացին, մոր դժվար էկավ,  
Ասաց.— Ո՛րդիք, դադրե՛ք,  
Չուր առավոտուն ձեզ կը տանեմ,  
Ձեր հոր գրուց կը տամ:

Առավոտուն էլավ իր խրդամին ասաց.  
— Ա՛ն կապոց, հետ տղեկներուն էրթանք գետափ,  
Որ քիչ մի սրտերնիս բացվի:  
Երբ գնացին, Սանասար ասաց.  
— Մարե՛, արի ասա՛ իմ հեր ով է.  
Թե չէ՛ ինձ գետ կը թալեմ:  
Մերն ասաց.— Ո՛րդի, դու հեր չունիս:  
Տղան ասաց.— Մարե՛,  
Ես հո քարի, թփի տակեն չեմ էլեր,  
Հալբաթ էս էլ մարդուց էլեր եմ:  
Ասաց.— Ո՛րդի, էս մեկ ժամանակ  
Հետ իմ քեռմոր գնացի ծովափ,  
Շատ ծարվեցա, քեռմոր ասի՛  
Մեկ ջուր գտի ինձի համար.

Ծով բացվեց, մեկ համեղ ջուր էկավ.  
Ես էլ էն ջուր խմեցի,  
Մեկ բուռ լիք, մեկ բուռ կիսատ.  
Աստված ձեզ էն ջրից էտուր ինձ.

[Էջ 15]

Դու էն լիքըն բռնից ես,  
Ծուռ Բաղդասարն էլ էն կիսատ բռնից:  
Տղան ասաց իր մոր.  
— Մենք իմացանք մեր էություն.  
Դե արի դու քո էություն ասա մեզ:  
Մերն ասաց.— Ո՛ր դիք,  
Ես Հայոց թագավորի աղջիկն եմ:  
Չուր իրիկուն ման էկան.  
Իրիկուն դարձան քաղաք,  
Գնացին, մտան իրենց պալատ:

7

Շատ ժամանակ վերան անցավ.  
Մանասար ու Բաղդասար տեսան՝  
Իրենց մեր օր վեր ավուր կը կոտորվի.  
Ասին.— Մարե՛, էսա քեզ ի՞նչ է եղեր,  
Որ դու օր վեր ավուր կը կոտորվիս,  
Քո աչից արտասուք չի պակսի.  
Մենք կը նայինք՝ աստվածություն  
Մեզ տվեր է քե՛ ջուխտակ մի լաճ.  
Դու թագավորական կին ես.  
Մենք կ՛որոնենք՝ քե բան պակսորդ չկա:  
Էկո՛ նայինք՝ քո դարդըն ինչ է.  
Որ դու օր վեր ավուր կը կոտորվիս:

Մերն դարձավ, ասաց տղեկներուն.  
— Հա՛յ, որդիք, որ ես չկոտորվի՛մ, ո՞վ կոտորվի.  
Խալիֆան, էսօր էգուց է մնացեր,  
Իմ ու ձեր էրկուսի վիզն էլ տ՛առնի:  
Մանասար պատասխանեց, ասաց.  
— Մարե՛, էդպես բան է՞լ կա:  
Շատ լավ, տեսնենք՝ ինչպես կ՛առնի—

Տաս տարին որ լըմընցավ,  
Խալիֆան դահիճներ ուղարկեց.  
Ասաց.— Գնացեք, էտնց վիզ կտրեք:

Մանասար ու Բաղդասար,  
Կշտի սենեկի մեջ քուրսիկների վերան նստած.

[Էջ 16]

Կ'ասեն, կը ծիծաղան, մերըն կը լա:  
Ներս մտան դահիճներն ու ասին.  
— Էսօր ձեր վիզ տի կտրենք:  
Մերն ասաց.— Մեր վիզ կտրե՛ք,  
Իսկ իմ տղաներին  
Ձեր ձեռ կերթա՛, որ վիզ կտրեք:  
Դահիճների մեկն ասաց.  
— Մեր ձեռն էլ չե՛րթա վեր քո տղաներին,  
Ապա մենք ի՞նչ անենք.  
Խալիֆայի հրաման է, որ կտրենք:  
Մերն լալով ասաց.— Մի քիչ ցած խոսեք.  
Իմ տղաներըն չլսեն, վախենան:  
Մի քիչ էի թող ծիծաղան.  
Դուք էլ նստեք, հանգստացեք:  
— Չէ, ասաց, մեզ իրավունք չկա նստել:  
Դե շուտ արեք, էրթանք դուրս.  
Թե չէ էստեղ ձեր վիզ կտրենք,  
Արուն սարայի մեջ կը թափի:  
Բոռաց, ասաց.— Շո՛ւտ արեք:  
Ձենն ընկավ Սանասարի ականջ,  
Դուռն էրաց, տեսավ՝ քանի մի մարդ  
Թրերով կայներ են սենեկի մեջ:  
Ասաց.— Ի՞նչ մարդ եք, ի՞նչ կ'ուզեք:  
Մերըն ծածուկ աղաչեց, ասաց.  
— Իմ տղաներին չասեք,  
Թե էկեր ենք, որ ձեր վիզ կտրենք:  
Իմ տղաներ տանից դուրս հանենք,  
Դահիճ մի կայնի էն կող, մեկն՝ էն կող.  
Ջարնեն, իմ տղի վիզըն թռուցեն,  
Որ նա չտեսնի, վախենա:  
Ապա առաջ ինձ սպանեք, նոր իմ տղեք:  
Դահիճն ասաց.— Դե՛ էլ էրթանք:  
Սանասար ասաց.— Մարե՛, դո՛ր տ'երթաք:  
— Մենք տ'երթանք դուրս, տի գանք:  
— Մարե՛, ինձի ասա՛  
Մեկ բան կա ստա, որ քեզ կը տանեն:  
Մերըն չուզեց ասել:  
Սանասար չէ թող՝ էրթա, ասաց.  
— Մեկ բան կա ստա, որ ինձ չես ասի:  
Մոր սրտին դիպավ, ասաց.

[ներդիր]

Տարան կնքեցին, անուն դրին Դավիթ

[Էջ 17]

— Ո՛րդի, որ ճշմարիտ կ'ուզես,  
Խալիֆան դրկե, որ իմ վիզ կտրեն:  
Ասաց.— Կտրող ո՞վ է:  
— Էս մարդ:  
Մոտեցավ դահճին, բռռալով ասաց.  
— Դո՛ւ իմ մոր վիզ տի կտրես:  
Դահիճն ասաց.— Խալիֆայի հրաման տված,  
Որ ձեր վիզ տի կտրեմ:  
Սանասար մեկ սիլա կպցուց դահճի էրեսին.  
Գլուխ թռավ, ջանդակ մնաց կայնուկ:  
Մեկելներ որ տեսան, թողին փախան.  
Գնացին, Խալիֆային ասին.  
— Քո լաճ մեկ սիլա էզար դահճին,  
Գլուխ թռավ, ջանդակ մնաց կայնուկ:

Խալիֆան գորք ուղարկեց էնոնց վերան կռիվ:  
Սանասար ու Բադրասար տեսան,  
Որ գորք էկավ՝ կռիվ անի,  
Էլան, չուր իրիկուն էն գորքի կեսն ըսպանեցին,  
Կովին դադար արին, էկին տուն:  
Մեկել օր մարդ չեկավ կռիվ.  
Խալիֆան ասաց գորապետին.  
— Գնա կռիվ:  
Զորապետն ասաց Խալիֆային.  
— Փաթշա՛հ, մենք չենք կանա վեր էնոնց.  
Էնոնք ազնավուր մարդ են, փահլևան են.  
Քո թագավորություն կը փճացնեն:  
Աղեկն էն է՝ չերթանք կռիվ,  
Մեր գորքերն էլ չըսպանվին:

Խալիֆան էլ միտք արեց, ու միտք արեց,  
Տեսավ, որ ճար չկա,  
Կռիվ իրեն վնաս է, ասաց.  
— Էլ գործ չունինք էնոնց հետ:  
Հիմի կը հավատամ,  
Որ Ծովինար խանում անմեղ է.  
Էն ազնավուրներ ծովից են:  
Իմ կնիկն է Ծովինար,  
Էնոնք էլ իմ տղեկներն են:

[Էջ 18]

Էդ Խալիֆան մեկ էլ ասքար արեց.  
 Ու էկավ վերմեր ազգին:  
 Որ պատրաստություն կը տեսներ.  
 Ծովինար խանում էրագ տեսավ:  
 Էլավ առավոտ, պատմեց իր էրագ.  
 Ասաց.— Խալիֆան ապրած կենա,  
 Արի՛ դու ինձ ականջ արա,  
 Դու մի՛ էրթա կռիվ:  
 Խալիֆան հարցուց.— Ինչո՞ւ:  
 Ասաց.— Էս գիշեր էրագ մ՛ եմ տեսե:  
 Ասաց.— Էդ ի՞նչ էրագ ես տեսե:  
 Ասաց.— Էս գիշեր տեսա՝ մանր աստղեր  
 Էնպես են բոլորած մեկ մեծ աստղի բոլոր,  
 Էդ մանր աստղեր մեկեն՝  
 Ամեն թափան էդ մեծ աստղի վերան:  
 Էդ մեծ աստղ ցոլլաց, էկավ,  
 Էկավ, մեր դռան առաջ ընկավ:  
 Է՛հ, ասաց, խորո՛տ Ծովինար,  
 Քեզի համար կը քնես,  
 Ուրշի համար էրագ կը տեսնես:  
 Քանի որ իմ ջահել ժամանակն է,  
 Պիտի էրթամ կռիվ:  
 Էն էլ ասաց.— Կապված է քո կամքին,  
 Կ՛էրթաս՝ դու գիտես, կը մնաս՝ դու գիտես:  
 Համա չէ՞ դու պայման ունիս հետ իմ հոր:  
 Ասաց.— Իմ միտք փոխեր եմ.  
 Տ՛էրթամ կռիվ, իմ հարկ առնեմ:

Ջորք ժողվեց, բանակ կազմեց,  
 Ամեն պատրաստություն տեսավ զորքի համար,  
 Էլավ, էկավ կռիվ:  
 Յոթըն տարի կռիվ արեց:  
 Էկավ Բերդ-Կապուտին քաղքի բոլոր փաթթեց.  
 Ջորքն էդի փաթթեց, նստավ:  
 Քաղքի ապրանք, տավար մնաց իրա քաղքի մեջ.  
 Մնացին առանց վար ու ցանք,  
 Սերմ էլ գետին չթալին,  
 Քաղքի՛ մեջ թանկություն ընկավ:

[Էջ 19]

Էնպես մի թանկություն էղավ,  
 Որ մեկ հաց մեկ ոսկու չեն տար:  
 Քաղքի մեջ թանկություն ընկավ:  
 Սովամահ կը մեռնեին շատեր:

Մարդիկ լցված են սենեկներն, իրար կ'ասեն.

— Աստված, կ'ըլնի՞, որ մե՛կ էլ

Մենք էժնություն տեսնենք.

Կուշտ փորով մեկ էլ հաց ուտենք:

Էնոնց մեջ մեկ բարի մարդ կար, ասաց.

— Վաղն էս ժամանակ հարուր լիտր հացն

Մեկ արծաթի առնող չիլնի:

Էնոնց մեջ մեկ անհավատ մարդ կար,

Կրո անունով, էլավ, ասաց.

— Առ էս մեկ ճանկ ոսկին, հաց տուր,

Տանեմ, տամ՝ իմ էրեխեքն ուտեն:

Ախար, ա՛յ մարդ, ո՞ւտ կը տաս:

Ես իմ աչքով հաց տեսնեմ,

Ես իմ բերնով հաց ուտեմ,

Ես չեմ հա՛վտենա, էս չեմ հա՛վտենա:

Էն բարի մարդն էրոր անիծեց.

— Կրո՛, հուս ունիմ իմ աստըծու,

Որ լուսուն հաց կ'ըլնի փալասանք.

Որ չես ա՛վատա իմ ասելուն,

Աչքով քո տեսնես, բերնով քո չուտես:

Գագիկ թագավոր ջահել տղաներ

Ժողվեց, էբեր գորք իր համար:

Իրիկուն մութ որ ընկավ,

Էնի իր գորք ժողվեց մեկտեղ,

Էնոնց սովորեցուց, ասաց.

— Չուր իրավունք չտամ, չ՛գարկե՛ք:

Գիշերվան մի պահ ձեն-ձուն որ հանդարտեց,

Մեկ անգամ ձեն էտու.— Ձարկե՛ք:

Էդոնք որ զարկեցին,

Էն կռապաշտ թագավորի գորքեր,

Առաջին դարձավ վեր ետինին,

Ետին դարձավ վեր առջինին,

Քեռի Թորոս, ջահել տղե՛ք

Սրով, թրով իջան Խալիֆայի գորքի մեջ,

[Էջ 20]

Ու ջարդեցին, ու սպանեցին, ու կոտորեցին:

Էնպես մի կոտորում ընկավ գորքի մեջ,

Որ գորք գորքին չըճա՛նչեներ.

Զիրար կը սպանեին, կը ջարդեին,

Էնպես որ արուն էլավ, գնաց:

Խաբար տվին էն կռապաշտ Խալիֆային,

Թե.— Ի՞նչ կ'անես, գորքըդ պրծավ կտրելով:

Խալիֆան ինքն էլավ, տեսավ.

Տեսավ, որ գորք զիրար կը ջարդի,  
Էկավ, իր մոտ կը հասնի.  
Մնաց ինք Խալիֆան մենակ:  
Մեր ազգ էդ անգամ զինք շատ նեղ լծեց:  
Ինք հեծավ մեծ դավեն ու փախավ:—  
Էնոր Շամա ուղտ կ'ասեն,—  
Ու հեծավ, ու փախավ:

Լուսուն էլան, տեսան՝  
Խալիֆայի գորք բնաջինջ էղած:  
Էն անհավատ բերին, դրին չափրար,  
Որ էնտեղի մնացած հացն ու կերակուր  
Մարդուն մարդագլուխ տա, որ տանեն, ուտեն:  
Մեկ մարդու բաժնից պակաս էտու.  
Իր ձեռի չափ վերցին, զարկին գլխուն,—  
Էն անհավատ չափրար մեռավ.  
Ուղորդ որ աչքով տեսավ ու չկերավ:

Որ Խալիֆան հեծավ, փախավ,  
Էդ նեղութնի մեջ կանչեց իր կոքերուն.  
— Կոքեր, արիք իմ օգնության,  
Ինձ ազատեք էս հայ ազգի ձեռից.  
Քառասուն անձին էրինջ ձեզի մատաղ կ'անեմ:—  
Է՛յ, կոքեր ո՞ւր պիտի գան օգնության:—  
Մեկ անգամ էլ դարձավ, ասաց.  
— Կոքե՛ր, արիք իմ օգնության,  
Ձեզի հարուր լիտր արծաթ կը բերեմ,  
Ձեզի ոսկի ընծա կը բերեմ.  
Դուք ինձ ազատեք էս թշնամուց:  
Կոքեր օգնության չեն հասնի:—  
Ախրը կուռք ի՞նչ է, որ օգնության գա:—  
Էս անգամ կանչեց, ասաց.

[Էջ 21]

— Ո՛վ Ջոջ Կուռք,  
Որ դու հասնիս, որ դու հասնիս,  
Դու զիս ազատ անես էսա ազգից,  
Ու երբ որ էս ողջ առողջ իզամ,  
Մանասարն ու Բաղդասար քեզի մատաղ կը տամ:

Էն ժամանակ դիվանք էկան,  
Մտան ուղտի փորտակ.  
Ու փախցուցին ըզԽալիֆան, ու տարան:

Էն գիշեր Օովինար քնավ, տեսավ էրագ.  
Տեսավ որ իրան էրկու ճրագ կար.  
Կը գար առջև անցընելուն որ անցըներ,  
Ու կը դառնար հեղ մ' էլ լուս կը տար:  
Էլավ գիշերանց, երբ որ զարթնեց,  
Կանչեց, էբեր իր կուշտ էրկու տղան,  
Մեկ վեր մեկ ծնկան էդիր.  
Մեկել վեր մեկել ծնկան էդիր,  
Էլաց, բռնեց տղեկներու էրես պագեց:

Տղեկներ հարցուցին. — Մարե՛, ինչո՞ւ կը լաս:  
Ու մեր զիր էրագի էդելություն  
Պատմեց տղեկներուն ու ասաց.  
— Էս գիշեր սուրբ Կարապետ էրագ էկավ ինձի,  
Որ Խալիֆան ընկեր է նեղութնի մեջ,  
Ու զձեզի մատաղ կանչե իր կոքերուն.  
Երբ որ էկավ ձեզի մատաղ կ'անի.  
Դուք ձեր գլխու ճարըն գտեք:  
Որդիք, ձեզի մատաղ կ'անի,  
Փախեք, գնացեք Հայոց թագավորի քաղաք:  
Գիշեր պայծառ աստղըն բռնեք նշան,  
Ցերեկն էլ հարցուցեք  
Արևելից թագավորի էրկիր:

Տղեկներ էլան, մեկ մեկ զենք առին,  
Նետ ու աղեղ, գուրգ ու թուր.  
Վերուցին զիրանց ուտելիք,  
Ու լցին մեկ ագուրե,

[Էջ 22]

Գնացին Խալիֆայի ախոռ:  
— Հե՛յ ձիապան, ասին, — էրկու լավ ձի՛,  
Մեզ համար շուտ դուրս քաշի՛:  
Ձիանք քաշեցին դուրս, հեծան, էկին,  
Պագին իրենց մոր ծիծ, ասին.  
— Մարե՛, դե՛ Էն Խալիֆան թող գա,  
Մեզ բռնե, տանի, մորթե իր կոքերուն:  
Էրկու աղբեր կանչեցին զիրենց աստված,  
Ու գիշերով ընկան Ճամփա,  
Առան ու փախան չուրի լուսգավ:

Աղոթրանին էր, լուս բացվեր էր,  
Օովինար խանում էլավ դուրս:  
Էլավ դիվանխանի տանխան,  
Տեսավ որ առանց գորք, առանց գորապետ,  
Հեծեր է Շամա ուղտն ու կը գա.



Խալիֆան սևցեր է, էղե կուպր:  
Էկավ էն կռապաշտ թագավոր,  
Ափալ-թափալ իրեն թալեց դուռ:  
Ծովինար խանում ասաց.  
— Յա՛, թա գավոր, ապրած կենաս,  
Աստված բարի անի.  
Էդա յոթ տարի քո ձեն լավ կը գար.  
Էդ ի՞նչ էղե քեզի:  
Խա լիֆա, ո՞ւր է քո գորք,  
Ո՞ւր է քո գորապետ:  
Խալիֆան պատասխանեց, ասաց.  
— Կնի՛կ, էնպես արի զգավուրներ.  
Լցի բերդի պարսպի ներս.  
Վերջին ժամ էր, որ պիտի թապլիմ ըլներ,  
Մեկ էլ աղոթանին կրակ թափվեց վերևից,  
Իմ գորքն ու գորապետ ամեն ջարդվեց.  
Հրեղեն սուր ընկավ մեջ իմ գորքին,  
Զիրար կոտորեցին, բրդեցին:  
Պիտի ես էլ ընկնեի մեջ,  
Հեծա դավեն, փախա:  
Ինչքան իմ կոքերուն մատաղ ասի,  
Ոսկի, արծաթ ընծա ասի,  
Չեկան ինձի օգնության,  
Չեկան ինձի ազատեին:

[Էջ 23]

Մանասարն ու Բադրասար  
Մեր Ջոջ Կոքին մատաղ եմ կանչե,  
Որ նո՛ր հազիվ ինձ ազատած, բերած է:

Ծովինար էդտեղ իր մեջ միտք արեց, ասաց.  
— Վալլա՛ հ, իմ էրկու տղան պիտի տաներ,  
Անմեղ տեղըն պիտի մորթեր:

Քանի մի ժամանակ վերան անցավ.  
Կռապաշտ Խալիֆան գնաց կոքարան:  
Հեռի լսողաց, չար թշնամին  
Մտավ էնոնց կոքերի մեջ,  
Իրենց մատաղ ուզեցին:  
Ջոջ Կոքից ձեն էլավ, ասաց.  
— Քո տղաներ, Մանասար ու Բադրասար,  
Բեր իմ առջև, ինձի մատղե,  
Դու ինչ մուրազ անես,  
Ես զքե քո մուրազին տի հասցնեմ:  
Կոքապետն էլ էկավ Խալիֆայի առջև.,  
— Կոքեր մատաղ կ'ուզեն:

Ասաց.— Ինչ կ'ուզեք՝ տարեք, մատղեք:  
— Խաչապաշտ թագավորի աղջրկանից  
Երկու տղա կա քեզի,  
Զենոնք մատաղ կ'ուզեն,  
Ուրիշ բան չեն ուզի:  
Ասաց.— Լա՛վ, տասն օրից ետ,  
Մեր կոքեր տանենք վեր աղբըրներուն սեյր,  
Ես իմ էրկու տղան էլ տանեմ,  
Մեր կոքերուն մատաղ անեմ:

Խալիֆան էն օր էկավ, ասաց.  
— Թագավորի՛ աղջիկ, գիտե՛ս՝ ինչ կա:  
— Հա՛, ի՞նչ կա, հարցուց Ծովինար:  
— Սպա չե՛ս ասի, իմ կոքեր մատաղ կ'ուզեն:  
Ծովինար խանում ասաց.  
— Քո տուն չավրի, քեզի չկա՞ էրինջ,  
Չկա՞ օջիսար, չկա՞ տավար,  
Զենի՛ արա մատաղ:  
Խալիֆան ասաց.— Չե՛, չե՛, մա՛րդ կ'ուզեն:  
— Է՛, մա՛րդ կ'ուզեն.

[Էջ 24]

Չկա՞ քո քաղքի մեջ անտեր տղա,  
Զենի՛ արա մատաղ:  
Խալիֆան ասաց.— Չե՛, չե՛, քո տղեկներ կ'ուզեն..  
Կնիկ, քո տղեկնե՛ր մատաղ եմ ասե.  
Պետք է տղեկներ տանեմ, մատղեմ կոքերուն,  
Որ ինձ ազատեր էն թշնամուց:  
Գագիկ թագավորի աղջիկն ասաց.  
— Քո տուն չավրի, ինչո՞ւ.  
Իմ տղեկներ քո տղեկներ չե՞ն.  
Ինչպես գիտես, էնպես արա.  
Տար, զենոնք արա մատաղ:  
Համա՛ն ի՛ր է Սանասա՛ր, ո՛ր է Բաղդասա՛ր.  
Մենք ո՞ր, մեր էրկու տղա՛ն ո՞ր;

10

Էն գիշեր որ Սանասար ու Բաղդասար  
Հեծան ձիանք, ընկան ճամփա ու քշեցին:  
Չորս օր գիշեր ցերեկ քշեցին,  
Խալիֆափ հողից էլան դուրս:  
Շատ պըտըտվան, գարկին, էկան կարիք էրկիր,  
Էկան նեղ ձոր մի մտան:  
Տեսան, որ մեկ մեծ գետ կը գար, կ'անցներ էստեղ.  
Ու մեկ բարակ առու մի էնդիեն՝

Կ'իջներ, կը գար բարձր սարերից,  
Կը զարկեր մեջ էդ գետին,  
Ու կը կտրեր զէդ գետ,  
Ու կը շերտեր չուրի մեջտեղ,  
Ապա կը խառնըվեր մեջ էդ գետին ու կ'էրթար:

Էդտեղ էրկու աղբեր իրար հարցուցին.  
— Էդա բարակ առվի զորություն ի՞նչ է,  
Որ կը կտրի զէդ ահագին գետ, կը կ'իսի,  
Կ'անցնի ու կը դիպնի էս փրլին:  
Սանասարի միտքըն փոխվեց,  
Վերուց, ասաց Բաղդասարին,  
— Զարմացեր եմ, շատ եմ զարմացեր էդոր վերան:  
Էդ բարակիկ ջուրն կըգա,  
Հրե՛ն, էն սարի գլխեն կը գա,  
Ու կը զարնե գետին, ու կը կտրե,

[Էջ 25]

Ու նոր կ'էրթա հետ էս գետին:  
Էդ իմալ ջուր է, Բաղդասար:  
Աղբերն ասաց Սանասարին.  
— Էդ ջուր ազնանցորդու ջուր է.  
Ով որ էդոր ական ջուրըն խմե,  
Էդպես կտրիճ կըլնի,  
Էնոր մեջքըն գետին տվող չի՛ լնի:  
Սանասար ասաց Բաղդասարին.  
— Ով որ զէդա պստիկ ջրի ակըն գտնե,  
Ու զիր տունն էլ շինե վեր էդ ջրին,  
Էնոր զավակն էլ որ ըլնի,  
Էդպես զորեղ կ'ըլնի,  
Էնոր մոտեն ազնանցորդի կ'էլնի.  
Էնոր տղեք կտրիճ կ'ըլնին:  
Սանասար էդտեղ էրդում արեց.  
— Հացն ու գինին, տեր կենդանին.  
Էդ ջրի ակ որտեղ էդավ,  
Էրթանք, էնտեղ մեր տուն շինենք,  
Էնտեղ, ջրի վերան շենլիք շինենք:  
Մենք գոռբա, էս ջուր գոռբա,  
Էս ջուր խմող ազրայիլ մարդ կը դառնա:  
Բաղդասար ասաց.— Դու գիտես, աղբեր:

Էդ ջոջ գետ անցան, գնացին էնդին:  
Էլան, առան զառուն,  
Ու բռնեցին զէն բարակ ջուր,  
Ու գնացին էրկու աղբեր:  
Ու գնացին, գնացին լեռներ, լեռնե՛ր.

Էլան էդ սարերի գլուխ.  
Գիշեր ցերեկ՝ արին մեկ,  
Ու գնացին մեկ վերունի էրկիր հասան,—  
Քարափրթա՛, ձո՛ր, անդունդք, քարուկապա՛ն,  
Անտառ, արջ ու գազա՛ն:  
Շենլիք չկար էդ վերքեր:  
Էդ էրկրին շատ հավնեցան:  
Ու գնացին, գտան գաղբուր:  
Էդ աղբրի ջուր լուլա մի ջուր է,  
Կ՛երթա, կը կտրե զիր տակի մեծ գետ:  
Տեսան, անուշ ջուր էր, ու տեղն էլ էր անուշ.  
Մանասար ասաց.— Էստեղ խորոտ է.

[Էջ 26]

Աղեկ է, որ մենք էստեղ մնանք,  
Մեզ համար տուն մի ու քոշք շինենք,  
Նստան վեր էդ ջրի ական,  
Սահմանեցին՝ իրենց համար բերդ մի շինեն:  
Մեծ աղբեր ասաց պստիկ աղբոր.  
— Գնա, մեկ որս զարկ, բեր էփենք, ուտենք,  
Ես էլ քարեր դնեմ իրար վերա.  
Նշանակ շինեմ, որ գեղ շինենք:  
Յոթն օր իրար վերա չուր կեսօրին՝  
Բաղդասար հավքեր զարկեց, բերեց.  
Մանասար էլ քար բերեց, նշանակ շինեց:  
Ու բերին, զիրենց բերդի հիմ դրին:  
Մանասար գնաց արևելի կողմ,  
Բաղդասար գնաց արևմտի կողմ,  
Չոջ ջոջ քարափներ կրեցին, բերին:  
Քարեր բերին, լրացուցին,  
Ձեռ իրար տվին, աստված կանչեցին,  
Էղան վարպետ, պատ շարեցին,  
Իրենց համար վեր էն ջրին  
Իրարու հետ տուն մի կը շինեին:  
Ապա Մանասար նետ ու աղեղ կ՛առներ,  
Կ՛երթար որսի լուսաբացին չուր իրիկուն,  
Ու Բաղդասար կը դատեր վեր էն բերդին:

11

Մեկ տաս-քսան օր բանեցին վեր էդ քոշքին:  
Էն մեկ օր Մանասար էկավ,  
Տեսավ, որ Բաղդասար թաշկեր էր,  
Ու քուն անցեր էր վերան,  
Արնոտ որսեր էնպես անեփել՝  
Թալեր էր ի գետին ու քներ էր:

Շատ կսկծաց էնոր համար,  
Ու ասաց.— Աղբեր, էլի էրթանք.  
Մեր ապրուստ էսպես չիլնի.  
Չուր ե՞րբ պիտի մնանք էստեղ,  
Ու անալի՛ միս ուտենք:  
Աստված որ տար մեզի,  
Խալիֆայի քոշք ու սարեն կը տար.  
Բաղդասար հարցուց Սանասարին,

[Էջ 27]

— Ապա ի՞նչ անենք, աղբեր:  
— Թողնենք, էրթանք աշխարհ վե՛:

Էրկու աղբեր հեծան ու գնացին, հասան Մուշ:  
Գնացին Մուշեղ թագավորի առաջ,  
Գլուխ իջուցին, յոթն տեղով էրկիր պագին,  
Ութի վերա ձեռներ կապին ու կայնան:  
Ու թագավոր հարցուց էնոնց,  
Թե.— Ի՞նչ պակասություն ունիք,  
Ի՞նչ պիտի ձեզի, որդիք:  
Տղեկներ դարձան, ասին.  
— Պակասություն չունինք.  
Վերի դին աստված ենք ապավինե,  
Ներքի դին՝ քեզի, թագավոր,  
Որ մեզի պահես ու պահպանես,  
Քո աչք հովանի մեզի վերա ըլնի.  
Ետն անցման աստված իրարուց չամաչեց ու:  
Վերուց, հարցուց.— Որդիք, վի՛ր տղեկներն էք:  
Թե.— Բաղդադու Խալիֆայի:  
Ասաց.— Որ էդպես է, որդիք,  
Մենք չենք ի՛շխենա ձեզի պահել.  
Էնի գորեղ թագավոր է,  
Կը գա մեր առ ու գերին կը տանի:  
Ետ դարձեք, գնացեք, չենք կարնա պ՛ահել:  
Էդա տեղեն էլան ու գնացին:

Ու միտք արին, թե.— Դո՞ր էրթանք:  
Ու դեմ արին Արզրում նստող ամիրային:  
Գնացին էդ մարդուն էրկու աղբեր,  
Գլուխ իջուցին ու կայնան առաջ:  
Ահագին ու քո ուզած՝ հաստաբագուկ  
Ու հաղթուկ մարդ էին էդ էրկու աղբեր:  
Արզրում նստող ամիրան  
Որ տեսավ, շատ հավանեց էդոնց:  
Հարցուց զիրենց ազգ ու տակ,  
Ու ասաց.— Դուք ի՞նչ մարդ էք:

Մանասար պատասխանեց.

— Մենք՝ Բաղդադու Խալիֆայի տղեկներն ենք:  
Էդ ամիրան ասաց.— Հա յ, հա յ, հա յ,—  
Ու զիր փողպատ թոթվեց էտնց մոտեն:

[Էջ 28]

— Մենք էդոնց մեռելներուց կը փախնինք,  
Էդոնց կենդանո՛ւն ռաստ կը գանք:  
Ոչ, ձեզի տեր չենք կա՛րնա ըլնի.  
Ուրվե կ'երթաք, գնացեք:  
Էդտեղեն էլ էլան ու գնացին:

Ճամփուն խորհուրդ արին:  
Մանասար ասաց Բաղդասարին.  
— Աղբեր, մենք էդ մարդու մոտեն կը փախնինք,  
Զէդոր անուն ինչի՞ դրեր էնք մեր վերան:  
Արի մենք էդ շան անուն չտանք.  
Քանի որ մենք էդոր անուն տանք,  
Մեզի պահող չկա:  
Էս դիր ուր որ գնանք, ով որ հարցուց,  
Տ'ասենք՝ մեզի բան չկա,  
Ոչ հեր, ոչ մեր, ոչ տուն, ոչ հայրենիք,  
Բալքի մարդիկ զմեզի տիրեն:

12

Ու էտեղեն դարձան,  
Թողին, էկին Մանձկերտու բերդ:  
Թագավոր մի կար էտեղ, անուն Թնաթորոս,  
Էկին, էնոր դուռ կայնեցին,  
Թագավորի մարդիկ էկին.  
— Դուք ի՞նչ մարդ եք, հարցուցին:  
Ասին.— Էկանք, թագավորին ըլնինք ծառա:  
Թագավորին իմաց տվին:  
Գնացին, գլուխ իջուցին,  
Յոթըն տեղով էրկիր պագին,  
Ութի վերա ձեռ կապեցին  
Ու կայնան էնոր առջև:  
Թագավորն ինչ զեղ էրկու խարտեջ,  
Միրունատես տղեք տեսավ,  
Շատ հավանեց էտնց, հարցուց.  
— Որդիք, ի՞նչ պիտի ձեզի.  
Ինչի՞ համար եք էկե:  
Պատասխան տվին էնոր.  
— Վերի դին աստված ենք ապավինե,  
Ներքի դին՝ քեզի, թա՛գավոր,

[Էջ 29]

Որ մեզի պահես ու պահպանես,  
Քո աչք հովանի վերա մեզի ըլնի,  
Էտև անցման աստված իրարուց չամաչեցու:  
Ու թագավոր հարցում արեց.  
— Որդիք, դուք ո՞ր տեղեն եք:  
Պատասխան տվին, ասին. — Չենք գիտի:  
— Ի՞նչ ունիք, ի՞նչ չունիք. հեր ու մեր ունիք:  
Ասին. — Իսկի բան մ'էլ չունինք,  
Ոչ տուն, ոչ տեղ, ոչ հայրենիք,  
Մենք ինչ մորե էլեր ենք,  
Ոչ հեր ենք տեսե, ոչ մեր ենք տեսե.  
Մեզի էսպես որբուկ տղա ենք տեսե:  
Թագավոր նորեն հարցուց.  
— Դուք ի՞նչ կ'ասեք, ինչի՞ ման կը գաք:  
— Մենք էկեր ենք կո , կըլնինք քեզի ծառա:  
Թագավորին շատ դուր էկան, ասաց.  
— Տարեք էդ տղեկներ դրեք մեկ մաքուր տեղ,  
Սենեկի մեջ անկողիններ փռեք:  
Տարան, դրին մեկ սենեկի մեջ  
Ու էնոնց ժամեժամ հաց կը տանեին:  
Թագավոր զէնոնք շատ ուզեց.  
Սանասարին արեց սեղանապետ,  
Բաղդասարին՝ զինապետ:

Մեկ տարի թամամ պահեցին,  
Տարին որ թամամավ, վազիր թագավորին ասաց.  
— Թագավոր, մի բերե՛ս, փորձես զէրոնք.  
Տեսնես՝ մեջերն հունար կա՞ , թե չկա:  
Թագավորն ասաց. — Աղեկ կ'ասես:  
Ու կանչեցին էդ տղեկներ,  
Բերին թագավորի դիվան,  
Ու թագավորն ասաց էրոնց.  
— Ո՛րդիք, լուսուն պիտի կռիվ էրթանք  
Ու տղեկներ էդա տեղեն էլան,  
Գնացին, նստան իրենց սենեկի մեջ.  
Մնացին էնտեղ չուրի լուսացավ:  
Առավոտ բարի լուսուն էլան,  
Ամեն մեկ իր զենքեր առավ վերան,  
Հեծան իրենց ձիա՛նք

[Էջ 30]

Ու գնացին կռվի մեյդան.  
Թագավորն էլ իր զորքով էկավ:

Վերուց, ասաց.— Սա՛նասար,  
 Չորքերն առ, դու մեկ դին կայնի,  
 Ես, Բաղդասար, վազիր մեկ դին կայնենք:  
 Սանասար ասաց.— Էդպես չէ, թագավոր:  
 — Հապա ի՞նչպես, հարցուց թագավոր:  
 Ասաց.— Ես ու իմ աղբեր մեկ դին կայնենք.  
 Դու, քո զորքեր, վազիր՝ մեկ դին:  
 Թագավոր ասաց.— Քո խոսք ըլնի:  
 Ու էկան, առան իրար կռիվ:  
 Թագավոր մեկ էլ նայեց, տեսավ,  
 Որ էլ զորքեր չկան, ամեն ջարդած են:  
 Ասաց.—Վազիր, քո տուն ավերի,  
 Ինչպես որ դու իմ տուն ավերեցիր.  
 Մինչի հիմի էդոնք գիտեին,  
 Թե մեր մեջ որձ մարդ կա.  
 Հիմիկա իրենք մարդ են, մենք՝ կնիկ:  
 Վազիր վերուց, թե.— Որ էդպես է,  
 Քաղքից դուրս արա, թող էրթան:

Էն օր քաղքի նախիր ավագակներ տարան:  
 Էլավ, էբեր մի էրեսուն ձիավոր,  
 Տղեկներու հետ տի դներ,  
 Որ էրթային տանողների ետև:  
 Սանասար ասաց.— Թա՛գավոր,  
 Մենք չենք ուզի էդ էրեսուն ձիավոր.  
 Մենք էրկուսով մենակ կ'էրթանք:  
 Առին զենքեր, հեծան ու գնացին:  
 Գնացին, հասան ավագակներուն.  
 Չարկին, ջարդին, նախիր թափեցին,  
 Ձեղ ավագակներ խառնեցին նախրի տավրի հետ.  
 Դարձուցին, բերին քաղաք:  
 Թագավոր բռնեց, զավագակներ կապեց:  
 Էդա անգամ զտղեկներ էլ լավ պահեց:

Առավոտուն էլան, գնացին, պըտոտեցրն,  
 Տեսան ջահել տղեք վահանամարտ կը խաղան,  
 Վահան բռնած ձեռներ՝ փետ կը զարնեն իրարու:  
 Ասին.— Մենք էլ էրթանք, հետ էնոնց խաղանք:

[Էջ 31]

Գնացին, ո՛ր մեկին ձեռ տվին,  
 Ուշաթափ էղան, ընկան գետին:  
 Գնացին, թագավորին խաբար տվին.  
 — Էլի տես՝ ինչ են արած:  
 Թագավոր կանչեց զէնոնք, ասաց.  
 — Տղեք, դուք էս ի՞նչ կ'անեք,



Էս ձեր արած բան ի՞նչ է:  
Ասին.— Թագավոր ապրած կենա,  
Մենք խաղացինք, էդպես էղավ:  
Ասաց.— Դուք գորեղ, ազնավոր մարդ եք,  
Էնոնք ձեզի կարնա՞ն դեմ կենան:  
Դիր մ'ել էդպես բան չանեք:  
Ասին.— Էլ չենք անի:

Մեծ քաղաք էր. հարսնիք արին.  
Ջահելներ էլան, գնացին, ձի խաղցուցին:  
Թագավոր ասաց Բաղդասարին.  
— Էլեք, դուք էլ գնացեք,  
Ձիաթողս, ուրախություն արեք:  
Էդոնք որ գնացին, ձիավորներ կայնան:  
Էդ էրկուս կայնան մեկ կողմ,  
Ձիավորներ կայնան մեկ կողմ,  
Էկան, իրարուց կրակ տարան,  
Երբ մեծ աղբեր կ'երթար ետև,  
Ջրինդ կը թալեր, վնաս չէր տա.  
Երբ որ պստիկ աղբեր կ'երթար,  
Կը զարկեր, կող կը ջարդեր,  
Էրկու-իրեք տղի վնաս էտու:  
Մանասարին էդ դուր չեկավ,  
Էլան, դարձան, էկին տուն:

Մեկ սինի պտուղ վերցուց մեծ աղբեր,  
Էդի պստիկ աղբոր գլխու վերա,  
Տարավ թագավորի դիվան:  
Էն տղաներու տիրվանք էկած են,  
Գանգատ կը տան, կ'ասեն.  
— Թագավոր, էդ տղաներ ճամվու դիր.  
Թե չէ՝ գորեղ են, քեզ կը վնասեն:  
Մանասար որ պտուղ տարավ,  
Տղաներու տիրվանք տղաներուն մոռցան.  
Էկին, լցվան պտղի վերա, կերան:

[Էջ 32]

13

Էնոնց ընկեր տղաներից մեկ գնաց, ասաց.  
— Թագավոր բարկացեր է ձեր վերա,  
Ջեզի քաղքից դուրս տի հանի:  
Մանասար Բաղդասարին ասաց.  
— Աղբեր, էստեղ մեզ տուն չիլնի,  
Էրթանք, մեր տուն շինենք:  
Էնքան ջանք թափեցինք էնտեղ,

Ու մեր էն ավերակն էնպէս մնաց կիսատ:  
Ասաց.— Դու գիտես, աղբեր, էրթանք:  
Աուտուն ոչ դու հաց պատրաստիր,  
Ոչ էս գինի լնում, իտամ.  
Առավոտուն չէրթանք իրեն էրևանք:

Թագավոր քնուց զարթնեց, ոչ էն կա, ոչ էն.  
Էդ հետ կանչեց զէնոնք:  
Էկին թագավորի առաջ:  
— Թա՛ գավոր, ասին, մեր մեղքն ի՞նչ է,  
Որ դու մեզի քաղքից դուրս կ'անես:  
Ասաց.— Որդիք, խոսք է, բերնես գնացեր է,  
Ձեղի պիտի դուրս անես:  
Էստեղեն գնացեք ձեր սենեկ,  
Ու միտք արեք, տեսնենք՝  
Որ կողմ կ'ուզեք, տամ ձեզի,  
Գնացեք, էնտեղ նստեք:  
Տղեկներն էլ միտք արին,  
Թե.— էրթանք էնտեղ, որ նշանգահ թալեր ենք:  
Էրթանք, էնտեղ նստենք:

Մնացին գիշերն իրենց սենեկի մեջ:  
Բարի լուսըն որ բացվեց,  
Էկին թագավորի առաջ կայնան:  
Ու թագավոր հարցուց.— Ո՞րդիք.  
Ո՞ր կողմ ուզեցիք, որ դուք նստեք:  
Ասին.— Թագավոր ապրած կենա,  
Մենք, ուղորդ է, հեր ու մեր չունինք,  
Համա քենե պահենք, աստըծուց ի՞նչ պահենք,  
Ջանք մեկ ավերակի տվեր ենք մի քիչ.  
Հետո թորկեր, էկեր ենք էստեղ:

[ներդիր]

Իրիկուն Դավիթ գառ ու զագան քշեց քաղաք

[էջ 33]

Ու պատմեցին էնոր ասին.  
— Էս օրինակ մեկ աղբերակ,  
Էդ աղբրի կուշտ հիմք ենք թալե.  
Կը խնդրենք, որ թողնես մեզի,  
Էրթանք մեր տուն շինենք, տնավորվինք:  
Թևաթորոս թագավոր վերուց, ասաց.  
— Ախրը, որդիք, էս առաջ ձեզ հարցուցի,

Թե ձեզ ինչ կա, հեր, մեր.  
Ու դուք ասիք, թե՛ քան չկա. ոչ տուն, ոչ տեղ:  
Հիմի քանի որ եղպես է, ասաց.  
Կ'երթաք, հազար բարին,  
Գնացեք ձեր տուն ու բերդ շինեք:

Մանասար ու Բաղդասար դարձան, ասին.  
— Թագավոր, ապրած կենաս,  
Մեկ քան էլ կը խնդրենք քենե,  
Մենք մենակ չենք կարնա էնտեղ նստենք.  
Կը խնդրենք՝ մեկ քանի տուն աղքատ,  
Մեկ քանի տուն հարուստ տաս մեզի.  
Գան հետ մեզի, մեզի մոտ տուն շինեն,  
Որ իրիկնեց ժողովվինք մեկտեղ,  
Զրուցենք մեզի մեր քաղքի մեջ:  
Թագավորի սիրտ կոչաց վեր էնոնց.  
Էտու էնոնց քառսուն տուն. —  
Հե՛յ զիտի տո՛ւն...  
Ամեն մեկուն մեկ էջ ու մեկ ճախրակ:

Առավոտուն իր վագիրին ճամփեց քաղքի մեջ,  
Էդ քառսուն տուն էտու քոչել,  
Էնոնց համար էտու հիսուն բեռ ալուր,  
Հետներ եղիր ուտելիք:  
Էլան, բարձան զիրենց տներ:  
Աղբերներն էլ թագավորին կաց-բարով ասին,  
Ու հետ իրենց քոչին գնացին:  
Գնացին, սարերն էլան,  
Հասան վեր իրենց աղբերակին,  
Ու վեր իրենց բերդի հիման:  
Մանասար ասաց Բաղդասարին.  
— Առաջ գներ բերդ շինենք,  
Թե չէ՛ զեղա աղքատ-ուղքատի տներ:

[Էջ 34]

Բաղդասար պատասխանեց.  
— Առաջ շինենք զեղոնց տներ.  
Ու նոր շինենք գներ բերդ,  
Էդ խեղճ մարդեր չեն կարնա  
Արևուն առջև կենա:  
Ու սկսեցին գտներ:

Մանասար էնքան գորեղ էր.  
Որ օր տասըն տան տեղ կը փորեր,  
Էն մեկէլն էլ զփետեր կը բերեր.  
Ու բանվածքըն էրկուսով կը շինեին:

Էրկու աղբեր չորս ավուր մեջ լման  
Զքառսուն տների պատեր շարեցին,  
Էդա ջոջ սարերի գերաններ  
Կտրեցին, բերին առանց թփռելու,  
Թալեցին վերան, ծածկեցին, պրծան:  
Ու քոչեր նստեցուցին տների մեջ:

Տղեկներ որ գտներ կը շինեին,  
Օրեն մեկի տուն հաց կ'ուտեին,  
Վիր տուն որ հաց կ'ուտեին,  
Էնոր տաշտ ու մաղ կը կախեին:

Երբ որ քոչեր իրենց տներ նստան,  
Տղեկներ կրկին ըսկըսեցին ըզբերդ շինել:  
Մանասար ջոջ քարափներ շալկեց, էբեր.  
Ջոջ ջոջ քարեր էլ իր աղբեր էբեր:  
Գնացին հետո քաղաք,  
Վարպետ ու բանվորներ բերին:  
Վարպետ տեսավ բերած քարեր,  
Ասաց.— Ես չեմ կարնա շինել:  
Մանասար գնաց քաղաք.  
Ուրիշ մեն վարպետ էլ էբեր:  
Էս վարպետ էլ որ տեսավ էն ջոջ քարեր.  
Ասաց.— Մանասար, էս ի նչպես տի շարենք.  
Ես չեմ կարնա էս քարափներ իրար տալ:  
— Ապա ո՞վ կարնա. հարցուց Մանասար:  
Վարպետ պատասխանեց.  
— Մարդ չի կարնա իրար տալ:  
— Ապա ի նչպես տի շարենք:

[Էջ 35]

— Ես էլ չեմ գիտի, ասաց վարպետ:  
Էն ժամանակ Մանասար վերուց, ասաց.  
— Դե դու, վա՛րպետ, լարեր կապի՛, տեղեր շտկի՛,  
Ինձի ասա, էս քար դնեմ իր տեղ:  
Էսպես իրենց բերդ շինեցին:  
Ջոջ ջոջ քարեր կը բերեին հրեշալի,  
Վարպետների հետ էլ մեկտեղ կը բանեին:  
Էնոնք էնքան զորեղ էին,  
Որ քարե սան քարե սուն զարկին, ձագ թալեցին:  
Մեկ տարի բոլոր էնոնք էսպես աշխատեցին,  
Մեկ տարին որ լրացավ,  
Նոր էնոնց բերդն ու տուն էկավ գլուխ:  
Դարձան փոքրիկ, էկեղեցի մ'էլ շինեցին:  
Մնաց բերդի ու տան անուն:  
Ու չեն գիտի, թե ինչ դնեն էդոր անուն:

Ապա Սանասար ասաց Բաղդասարին.  
 — Շատ աղեկ, մենք մեր տուն պրծանք.  
 Մեր տանանուն ի՞նչ տի դնենք:  
 Բաղդասար ասաց.— Ա՛ղբեր, դու գիտես.  
 Շինել վեր մեր էրկուսիս,  
 Անուն դնել վեր քեզ:  
 Ով որ էկավ, բռնեց, ասաց.  
 — Իմ տան անունն դրեք:  
 Մարդ չիմացավ, թե ինչ ասեր:  
 Քանի մարդ էկավ էդտեղ,  
 Բերաններ փակվավ, անուն չասին:  
 Ով էլ էկավ, անուն էդիր.  
 Անհարմար ասին դրած անուն:  
 Մնաց: Մի իրիկուն խորհուրդ արին:  
 Բաղդասար ասաց իր եղբոր.  
 — Լավն էն է որ էրթաս,  
 Մեկ ալևոր մարդ գտնես, բերես,  
 Էստեղ հացկերություն անի,  
 Էլնի, բերդին անուն դնի, էրթա:

Առավոտուն լուս որ բացվեց,  
 Սանասար էլավ, գնաց ման էկավ,

[Էջ 36]

Սպտակմորուս պապիկ մի տեսավ.  
 Վեցկիին լծեր էր մեջ օստնին,  
 Հետ հոտաղին վար կ'աներ:  
 Հավոր ինչ էդ փահլևան տեսավ,  
 Ձեռքեր էլան դող, վար կայնեցուց:  
 Սանասար էկավ, ձեռ էթալ,  
 Հավորի թն բռնեց, ասաց.  
 — Պապիկ, արի էրթանք մեր տուն:  
 Հավորն ասաց.— Ձեռք վեր առ ինձենե:  
 Ասաց.— Մի վա՛խենա, պապիկ.  
 Արի էսօր մեր տուն հյուր.  
 Քեզ կը տանեմ, ետ կը բերեմ:  
 Հավոր համաձայնավ, գնաց:  
 Ինչ մոտեցան, հոգնեց, ասաց.  
 — Հերիք է՝ ինձ տանես, ես նեղացա:  
 Ասաց.— Պա՛պիկ, հա՛—հա, մոտեցանք,  
 Հա՛մա ձեռ էտու զպապկի ճիվ,  
 Էթալ վերի ձիուն,  
 Առավ, տարավ, մեջ տան էդիր գետին:

Տարավ տուն, հացկերություն արին,  
 Նստան, զրուցեցին չուր իրիկուն:  
 Ասաց.— Պապիկ, դու գիտե՞ս  
 Ինչի համար ենք քեզ բերե:  
 Ասաց.— Հա՛յ կանաչ կտրիճ,  
 Բա ես գիտե՞մ, ես ի՞նչ գիտեմ՝  
 Ինչի համար եք ինձ բերե:  
 Մանասար ասաց.— Հա՛յ պապիկ,  
 Ծեր ալևոր, մեծ մարդ ես դու,  
 Աշխարք շատ ման էկեր ես.  
 Էս տուն մենք նոր ենք շիներ,  
 Դեռ մեր տուն անուն չունի,  
 Մեր բերդի անուն չենք գիտի՝ ինչ դնենք:  
 Պապիկ, ես քեզ բերի էստեղ,  
 Որ դու անուն դնես մեր բերդին:  
 Մեր տան անուշ անուն մի դիր,  
 Տեսնենք՝ ինչ տի դնես տան անուն:  
 Հավվորն ասաց.— Թող ըլնի:  
 Ապա դարձավ, հարցուց, ասաց.  
 — Ձեր հոգուն մեռնիմ, տղաներ,

[Էջ 37]

Ի՞նչ անուն կ'ուզեք, ի՞նչ անուն դնեմ:  
 Էնոնք ասին.— Հավվոր պապի,  
 Մեր ուզածով չէ. դու քեզ համար ինչ կ'ուզես՝ դիր;  
 Հետո հավվորն ասաց.  
 — Հիմի մութն է. առավոտուն էլնենք, ման գանք,  
 Ես իրիշկեմ, էնոր գորա անուն մի գտնենք:

Քնեցին: Առավոտուն էլան վե,  
 Լվացվան, աղոթք արին.  
 Հավվոր կուշտ հաց կերավ,  
 Էլավ, գնաց, բակի մեջ մեկ ֆռաց, ֆռաց,  
 Խորոտ ու գեշ մտիկ էտու,  
 Դարձավ, ասաց.— Ես չեմ տեսնա՝  
 Ձեր տուն քանի մ'է, որ անուն դնեմ:  
 Մանասար ասաց.— Պապիկ,  
 Արի ես քեզ շակեմ,  
 Մեր բերդի չորս բոլոր ման ածեմ,  
 Դու տես, նոր անուն դիր:

Շակեց, էլավ դուրս, բերդի բոլոր ֆռաց,  
 Հավվորն աշեց էն տան չորս բոլոր,  
 Տեսավ՝ սար մի կո՛ւ շարած վեր իրարու:  
 Առավոտուն արևմտյան դռնեն էլավ,

Բերդի բոլոր պըտըտեցուց,  
Իրիկուն նոր պրծավ, էկավ մոտ էն դուռ,  
Էկան, կայնան դրան առջև:  
Իրենք էլ էսպես են մտածե.  
«Հավվորի գալուն պես էլնենք դիմաց,  
Ինչ խոսք էնոր բերնեն էլնի,  
Մեր բերդի անուն էն թող ըլնի»:  
Ասին. — Պապիկ, ի՞նչ կ'ասես:  
Հավվոր նայեց դարգահի վերա,  
Էդոր վերին հարկեր տեսավ,  
Քարեր հանած էդա բարձր հարկեր,  
Տեսավ քարափներ պատ շարած,  
Զարմացած մնաց, հարցուց, ասաց.  
— Էդո՞ր անուն դնեմ:  
Ասոված ձեր տուն շինի,  
Ես ի՞նչ անուն դնեմ էս տան:  
Ասոված բարի տա ձեզ,

[Էջ 38]

Դուք ի՞նչքան ուժ ունիք,  
Որ վեր հաներ եք էս մե ծ մեծ քարեր:  
Վա, էս ի՞նչ սասուն քարեր են,  
Դուք էն սասուն քարեր  
Ի՞նչպես հաներ եք էն վերին տեղ,  
Ու քարե սան սուն եք զարկե.  
Էս տուն չեք շինե դուց.  
Ապա սասուն մ' եք շինե:  
Վա, քանի սասուն բերդ մի.  
Էս տուն չէ, էս սասուն է:

Մանասար ասաց.— Բավ է, պապիկ,  
Էլ ձեն մի հանի, էլ անուն մի դնի.  
Ա՛յ պապի, անուն դրվավ,  
Անուն էդավ Մասուն:  
Քանց էդա ավել էլ ի՞նչ անուն:  
Որ դու ասիր սասուն քարեր,  
Քարե սան սուն եք զարկե,  
Մեր բերդի անուն էդավ Մանսուն, Մասուն:  
Մեր տան անուն ՝ Մասնա տուն:  
Ու էն բերդի անուն կոչվավ Մասուն,  
Էն տան անուն մնաց Մասնա տուն:

Բերդի անուն դրին, պրծան,  
Մանասար ասաց հավվորին.  
— Պապիկ, էստեղ մնա.  
Ես քեզ խորոտ կը պահեմ:

Հավորն ասաց.— Աստված որ կը սիրես.  
Էլի ինձ կը տանես, դնես իմ տեղաց վերա.  
Էն վաթանն է, էստեղ իմ համբեր չգա:  
Մանասար զհավոր վերուց,  
Տարավ, իր տեղ էդիր:

15

Ի՞նչ էր էնոնց սովորություն, արվեստ:—  
Էրկու աղբեր ցերեկ սարեր ման կը գային.  
Կ'երթային, կը հասնեին չուրի ծովափ,  
Որս կ'անեին, իրիկուն կը գայի նտուն:

[Էջ 39]

Ավուր մեկին Մանասար ասաց Բաղդասարին.  
— Հա՛յ աղբեր, էրթանք ծովու բերան,  
Մեկ լավ ձի մեզ համար գտնենք, բերենք:  
Հրեղեն էին, գիտեին, որ ծովու ձի կա:—  
Էլան, գնացին ծովու պռուկ.  
Էրկուս նստան էնտեղ:

Մանասար ասաց Բաղդասարին.  
— Աղբեր, արի մեզ տանք վեր էս ծովուն,  
Տեսնենք՝ մարդ կըլիսրվի՞ մեջ:  
Բաղդասար դարձուց, ասաց.  
— Աղբեր, հոգին քաղցր է.  
Ես ինձ չեմ թա՛լի ծով:  
Մանասար աղբորն ասաց.  
— Լավ, դու կայնի էստեղ, ես կ'երթամ.  
Թե ես չըլիսրվա էս ծովի մեջ, դու է՛լ արի.  
Թե ես խրվա, խեղդվա, դու էլ մի՛ գա,  
Դու էստեղ ողջ կը մնաս:  
Մանասար սիրտ արավ.  
Մեկ աստծու անուն էտա,  
Զինք շալապուտիկ արավ, էթալ ծով:  
Աստծու հրամանքով ծով բացվեց,  
Մանասարի աչից առջև եղավ չոր գետին,  
Բաղդասարի աչից ծով կ'երևար:  
Բաղդասար մնաց էնտեղ ծովու պռուկ,  
Հա՛մա կը լար, կ'ասեր.  
«Վա՛յ, իմ աղբե՛ր գնաց ծովու մեջ կորսըվավ,  
Իմ աղբեր գնաց ծով, խեղդըվավ»:  
Որ էլ գէնի չտեսավ,  
Ուշքըն գնաց կըսկըծու,  
Ընկավ ծովու բերան:



Մանասար ծովու մեջ որ մտավ,  
Ինչ չոր գետնի վերա գնաց:  
Գնաց, հասավ ծովու տակ մեկ պարտեզ,  
Տեսավ՝ քոջք ու սարայ մի կա էնտեղ.  
Հավուզ մի կա մեջ էն պարտեզին.  
Էն քոջք ու սարի առջև ջուր կըթալի:  
Տեսավ Ծովային ձին. Քուռկիկ Ջալալին,  
Էնտեղ կապուկ, թամք սաղաֆին վերան պատրաստ,

[Էջ 40]

Կեծական Թուր վերան կախած:  
Նայեց էկեղեցի մի կա էնտեղ:  
Ինչ մտավ էկեղեցին,  
Ակահ գնաց, թավալեց, ընկավ:  
Մեջ քնուն էրագ տեսավ,  
Մայր Աստվածածին էկավ էրագ, ասաց,  
«Հէյ, Մանասար, էլի վե՛ր:  
Խաչ Պատերազմին կո՛ւ էստեղ է.  
Էլի՛, յոթ ծունր, աղոթք առջև արա.  
Արժան ըլնիս, քեզ կը հասնի,  
Դնես վեր քո աջ թևին, որ դարբ չառնի:  
Ծովային ձին, Քուռկիկ Ջալալին,  
Էնտեղ թամքած, սանձըն բերան զարկած,  
Էրկնուց իջած Թուր Կեծակին վերան կախած.  
Թե արժան ես, կ'առնես, կը հեծնես:  
Էստեղ մեկ պահարան կա, բա՛ց.  
Մեջըն շապիկ գրեհին.  
Զրեհի քամարն ի մեջքին,  
Գլխու գուտն գրեհին,  
Զրեհի կոշիկն ի ոտին,  
Ծանրիկ գուրգ փահլևանին.  
Ամուր նիզակ, նետ ու աղեղ,  
Փող պղլորին, պինդ վահան.  
Ամեն էստեղ է, կ'առնես:  
Էն դարբասի աղբրի մեջ էլ կը լողանաս,  
Կը ջոջանաս, կը գորանաս, կտըրճանաս,  
Քո ուժ կ'ըլնի քան յոթ,  
Մեկն յոթ կը հավելանա, կը լցվիս.  
Կերթաս քոմուրազին կը հասնիս»:

Մանասար քնուց զարթնեց, էլավ, ասաց.  
«Էն ի՞նչ էրագ էր, ես տեսա.  
Տեսնես ուղո՞րդ է, թե՞ սուտ է»:  
Գնաց էնտեղ, ինչ շանց էտու,  
Էն պահարան էրաց, տեսավ էնտեղ՝  
Ինչ էրագի մեջ տեսեր էր:

Տեսավ մեկ զրեհի գուտ էնտեղ,  
Էրկու լիտր բամբակ դներ մեջ,  
Դներ գլուխ չկայներ,  
Մեկ զրեհի մեջկապ էնտեղ,

[Էջ 41]

Յոթ փութ էկավ բուր մեջաց,  
Մի ջուխտ զրեհի կոշիկ էնտեղ,  
Մեկ մեկ լիտր բամբակ դներ մեջ,  
Հագներ, հալա ջոջ էր:  
Էկեղեցուց էլավ դուրս,  
Գնաց, մտավ էն դարբասի հավուզ, լողացավ՝  
Աղբըրի ջուր խմեց, քնեց.  
Քնեց մի քիչ, աստծու շնորհք առավ.  
Ջոջացավ, գորացավ, կտրըճացավ,  
Լցվավ, դարձավ հրեղեն:  
Վեր էլավ, էն գեստեր կապեց ամեն:

Ըզզրեհի շապիկ հագավ.  
Ըզզրեհի քամար կապեց, — քամար մեջքով էր.  
Ըզզրեհի գուտըն էդի գլուխ, — գլխով էր.  
Ըզզրեհի կոշիկ հագավ, — ոտքով էր.  
Ամեն գեստեր, զենքեր առավ:  
Յոթ ծունր աղոթք արավ,  
ՋԹուր Կեծակին կապեց վեր իր:  
Հրեշտակները ըզլսաչ Պատերազմին  
Դրին վեր աջ թևին,  
Որ դարբ չառնի Մանասարին:

Էավ, սիրտ առավ, որ ին հեծներ:  
Քուռկիկ Ջալալին դարձավ, ասաց.  
— Հողածին, ի՞նչ կանես, քո միտն ի՞նչ է:  
Ասաց — Քե կը հեծնեմ:  
Ասաց. — Քե կը տամ արեգական, կ'երեմ:  
Ասաց. — Ծովային եմ, ինձ կըտամ քո փորի տա  
Ասաց. — Քե կըտամ գետին, կ'երթաս անդունդք:  
Ասաց. — Ծովային եմ, ինձ կըտամ քո քամակ:  
Թռավ քամակ, հեծավ ըզձին,  
Որ կը տար արեգական՝ էրեր,  
Ինք էտու ձիու փորի տակ.  
Որ կը տար գետին՝ էրթար անդունդ,  
Ինք էտու ձիու քամակ:  
Ձին քիչ մ'էլ թռավ վեր-վեր,  
Դես փախավ ու դեն փախավ,  
Կայնավ վեր հետին ոտներին,  
Փրփուր էտու վեր բերնին.

[Էջ 42]

Չկարցավ ըզՍանասար ձգեր գետին:  
Խելացացավ, կայնավ, հնազանդեց,  
Ասաց.— Ես քո ձին, դուն իմ տեր:

Սանասար քշեց ըզձին, բաղչով կ'երթար,  
Էլի ճամփին ծով բացվեց,  
Մեկ էլտեսավ ծովու երես,  
Դուրս էլավ, որ գա աղբոր մոտ:  
Աղբեր գետին նստած կըլար.  
Տեսավ՝ մեկ սար էլեր սարի վերա, կը գա:  
Ասաց, «Էն գագան ինձի կ'ուտի.  
Էն ըզիմ աղբեր քաշեց ի ծով,  
Ըզիս էլ տի տանի, քաշի ծով»:  
Չճանչեցավ, վախեցավ, լալով փախավ:  
Սանասար կանչեց, ասաց.— Բա՛ դղասար, մի փա՛խի:  
Գնաց, հասավ Բաղդասարին, ասաց.  
— Ա՛յ տղա, ինչի՛ կը լաս:  
Ասաց.— Էյ, ես չլամ, բա ո՞վ տի լա.  
Ես եմ իմ մեկ աղբեր.  
Իմ աղբեր զինք էթալ ծով, գնաց, խեղդըվավ.  
Ես էլ մնացի էստեղ մենակ:  
Ապա ես չլամ, ո՞վ լա:  
Սանասար ասաց.— Է՛յ, տղա,  
Մկա քո աղբեր տեսնես՝ կը ճանչենա՞ս:  
— Ապա չե՞մ ճանչենար:  
Ասաց.— Ես քո աղբերն եմ:  
— Իմ աղբեր էդքան ջոջ չէր.  
Քանց իս մեկ լար մի ջոջ էր:  
Իմ աղբեր էդ ձին ո՞ւտ գտավ.  
Իմ աղբեր էդա զենքեր ո՞ւտ գտավ:  
Հասավ աղբոր գլուխ պաչեց, ասաց.  
— Բա՛ դղասար, ես քո աղբերն եմ,  
Սանասարն եմ. մի վախենար, մի՛ լար:  
Բաղդասարն էլ Սանասարի գլուխ պագավ.  
Ասաց.— Աղբեր, քանի դու կ'երևայիր,  
Ես կիրիշկեի քեզի.  
Երբ դու չերևացիր, ես նստա, լացի:  
Էնոնք իրար գլուխ պագին.  
Մեկտեղ էլան, գնացին տուն:  
[Էջ 43]

16

Էրկու աղբեր նստուկ էին Սասուն:

Բաղդասար քնուկ էր մեկ գիշեր.  
 Մեկ էլ տեսնի, ի՞նչ տեսնի լավ:—  
 Ջոջ Կուռք էղավ իծու օրինակ,  
 Էկավ գլխու վերև, մըկմըկաց,  
 Մինչի լուս չթողեց, որ էն քներ, սթերեր:  
 Մեկ ամիս թամամ էղպես կ'աներ:  
 Ամիսն որ լրացավ,  
 Դեղնություն թափավ Բաղդասարի վերան,  
 Հիվանդացավ, նիաթ կախեց:  
 Սանասար հարցուց աղբոր.  
 — Ինչու՞ ես դու հիվանդացե.  
 Քանի կը բանինք, ուրախ էիր.  
 Հիմի նոթեր կախեր ես:  
 Բաղդասար պատասխանեց.  
 — Աղբեր, դու խաբար չես, ես գիշեր չեմ քնի.  
 Էդ մեկ ամիս Ջոջ Կուռք չի թողի,  
 Որ ես գիշեր քնեմ:  
 Կըլնի իծու պես, գիշեր կը գա,  
 Կը տըրճըկի չուր լուսվեր ինձի,  
 Իմ գլխու վերն կը մըկմըկա.  
 Չի թողի, որ ես քնեմ:  
 Աղբեր, ես կերթամ Բաղդադ,  
 Կամ Խալիֆան ինձ տի մատաղ անի Ջոջ Կոքին,  
 Կամ ես՝ Խալիֆային:  
 Սանասար վերուց, ասաց.  
 — Աստուծով էն չի կարնա մեզ մորթի:  
 Բաղդասար դարձուց, ասաց.  
 — Համա, աղբեր, ինձի չի պա տկանի,  
 Որ ես մենակ էրթամ:  
 Մեկտեղ էրթանք. ըզԽալիֆան զարնենք, սպանենք.  
 Կոքատուն վառենք, չխուլ մարդիկ թալենք կրակ.  
 Մեկ էլ էրթանք մոտ մեր խեղճ մեր,  
 Տեսնենք՝ ինչպես է, ինչ կ'անի:

Էլան, քանի մի մարդով ընկան ճամփա,  
 Էդ հաշվին գնացին, հասան Բաղդադ,

[Էջ 44]

Ու քաղքից դուրս մեջ դաշտին  
 Իրենց վրան զարկին, նստան:  
 — Բաղդասար, — աղբորն ասաց Սանասար.  
 Դու շուտ գնա, մեր մորն աչքալուս տուր:

Գնացին, ջուաբ տարան Խալիֆային, ասին,  
 — Քո աչք ի լուս, տղեք էկան:  
 Խալիֆան ուրախացավ, զվարթացավ, ասաց.

— Ձորավոր է մեր Ջոջ Կուռք,  
 Իր մատաղներ քաշեց, բերեց:  
 Վերուց, ասաց իր մարդոց.  
 — Դուք ինձ էրեսով կը տայիք.  
 Տեսա՞ք իմ կոքերի գորություն.  
 Ջոջ Կուռք քաշեր, իր մատաղներ բերեր է:  
 Մարդիկ ճամփեց, էկան տղեկներուն ասին.  
 — Խալիֆան ասաց դուք բարի էկաք.  
 Դուք գիտցաք, որ իմ կոքերու օր է,  
 Ազիզ օր է, տի տանեմ ձեզի մատաղ անեմ:  
 Ասին.— Մենք գիտցանքկոքեր գոռ են.  
 Էկանք՝ մեզի մատաղ անի:  
 Էրկու աղբեր մեկել օր էկան,  
 Գնացին Խալիֆայի էրես:  
 Տեսան, որեն էլեր Դիվանխանի տանիք,  
 Թներ կանթե, կերթա ու կը գա:  
 Որ զՍանասար ու Բաղդասար տեսավ, բոռաց.  
 — Դուք շան լակոտներ, շուն-շանորդիք,  
 Ո՞ւր անցիք, դո՞ր գնացիք, ինչի՞ շուտ չէկաք.  
 Դուք չգիտցաք, որ դոր էրթայիք,  
 Ջոջ Կուռք ձեզի կը բերեր:  
 Ասին.— Հերի՛կ, քե մեռնինք, հերի՛կ, քե մեռնինք.  
 Որ մենք մորե ծնվեր էինք,  
 Աշխարհ չէինք տեսե.  
 Աշխարհ տեսանք, մոռացանք:  
 Համա արևելք փախանք, չպրծանք,  
 Արևմուտք փախանք, չպրծանք,  
 Չազատվեցինք քո կոքերու ձեռնեն:  
 Քո Ջոջ Կուռք շատ գորավոր կուռք է,  
 Գիշերն էլ չէր թողնե,  
 Որ մենք էնտեղ սըթըրվինք:

[Էջ 45]

Ասաց.— Դե՛ արիք, էրթանք կոռոց տուն,  
 Ձեղի մատղեմ իմ կոքերուն:  
 Ասին.— Թագավոր, ապրած կենաս.  
 Դու զմեղ տ՛անես քո կոքերուն մատաղ.  
 Մենք թագավորի տղա ենք, մեզ չվայելա,  
 Իսկույն տանես, գաղտիկ-մաղտիկ զենեյ:  
 Մենք կ՛աղաչենք, որ դու, ինչքան ժողովուրդ կա,  
 Ժողովես, բերես էնտեղ,  
 Որ տեսնեն ու փառք տան կոքերուն:  
 Խալիֆան ասաց.— Շատ աղեկ.  
 Ինչպես որ դուք կ՛ուզեք, էնպես կ՛անեմ:  
 Ամեն էլ կը ժողվեմ, բերեմ:—  
 Տղաներ դարձան, էկան իրենց վրան:

Ու գնացին մոտ իրենց մեր:

Խալիֆան թուղթ ուղարկեց, ասաց.

— Իմ էրկու լաճ տի տանեմ,

Իմ կոքերուն մատաղ անեմ,

Էկեք, կոքերուն փառք տվեք:

Քաղաք քաղքով ու գեղ գեղով թափվան դաշտ,

Հագարավոր մարդեր էկան, դաշտ լցվավ.

Ասեղ թալեին, չէր ընկնի գետին:

Էնոնց մեր. Ծովինար, գիշեր չուր լուս նստավ,

Իր տղեկներն ապով արցունք թափեց:

Մանասար տեղից էլավ, ասաց.

— Բաղդասար, ձիու գլուխ բռնի, ես կերթամ:

Որ ես կանչեմ, ձին ինձ կըհասուցես:

Ասաց, գնաց մոտ Խալիֆան.

Էնի տեսավ, որ Մանասար կը գար,

Ճանչեցավ, ուրախացավ, ասաց.

— Է՛յ, մեռնիմ քեզի, Ջոջ Կուռք,

Ինչպես ըզքո մատաղ իր ոտով քաշիր, բերիր:

Հար երբ է մնացե,

Զմեկելն էլ կը քաշես, բերես իր ոտով:

Ու դարձավ, ասաց.— Է՛յ, ո՛րդի,

Քո աղբեր ո՛ւր է. ինչի՞ շուտ չեկաք:

[Էջ 46]

Մանասար պատասխանեց.

— Իմ աղբեր փոքր է, հետի-հետի կըգա.

Ինձ տար, զենի, չուր իմ աղբեր կըգա:

Ասաց.— Դե կուզ ըլի, ըզքե զենեմ:

Մանասար ասաց.— Խալիֆա, ինչո՞ւ.

Մարդ մատաղ սրբի դռա՛ն կը զենի, թե՞ չոլ տեղ

Էրթանք կռատուն, էնտեղ զենի,

Որ մատաղ ընդունելի ըլնի:

Խալիֆան ասաց.— Հա, վա՛լլա, քո խոսքն է:

Խալիֆան սուր ձեռն առավ,

Կանչեց, ասաց.— Արի, որդի, էրթանք,

Էրկրպագություն արա Ջոջ Կոքին,

Որ ըզքեզի զենեմ, մատաղ անեմ:

Առավ գտղան ու էրկուսով մտան կռատուն:

Տղան ասաց Խալիֆային.

— Երբ մենք գնացինք, պատիկ էինք.

Մենք զքո կոքի գորություն չգիտեինք.

Ես էդոր էրկրպագություն չեմ տվե:

Չեմ գիտի, թե ինչպես կը պառկեն առջև,  
 Որ կոքերուն հաճո ըլնի.  
 Դե՛ արի, առաջ դա պառկի կռոց առաջ,  
 Դե՛ կզի, էրկրպագություն տուր,  
 Որ ես տեսնեմ ինչպես կը տաս.  
 Ես էլ քեզնե ուսնեմ, էնպես անեմ:  
 Խալիֆան կգավ, էրկրպագություն էտու,  
 Ասաց.— Էսպես, տղա. էսպես տուր:  
 Սանասար կուզեկուզ արավ:  
 Խալիֆան դանակ էհան,  
 Քաշեց, որ վիզ կտրեր, մատդեր.  
 Սանասար տեսավ՝ ուղորդ, վիզ տի կտրի.  
 Ասաց. «Յա հացն ու գինին, տեր կենդանին»,  
 Աքուց մ՛էզար Խալիֆային,  
 Որ գնաց իրեք շալապուտիկ  
 Վեր մեկմեկի էտև, շրջվեց էնտեղ:  
 Ձխալիֆան բռնեց, կապեց:  
 Էնոր մարդիկ ձեն գցեցին քաղաք,  
 Ձորք ժողվեցին, էկան.  
 Քաղաք քաղքով թափան վերա կոհիվ:

[Էջ 47]

Սանասար կանչեց.— Բաղդասար, ձի՛ն...  
 Բաղդասար ըզձին հասցուց:  
 Սանասար թռավ, հեծավ ըզձին:  
 Ասաց. «Այ-վա յ, այ-վա յ.  
 Էտնք ըլնին բամբակ, ես էլ ըլնիմ կրակ,  
 Էտնք չեմ կարնա վառել.  
 Էտնք ըլնին կրակ, ես էլ ըլնիմ ջուր,  
 Էտնք չեմ կարնա անցնել»:  
 Ձիուն լեզու էկավ, ասաց.  
 — Սանասար, ինչի՞ կը վախենաս.  
 Դու քո աստված կանչի.  
 Քանի դու քո Կեծական Թրով կտրես աջ-ձախ,  
 Էնքան ես իմ պոչով կը սպանեմ.  
 Ինչքան դու Կեծական Թրով կտրես,  
 Էնքան ես իմ շնչով կը սպանեմ,  
 Էնքան էլ իմ քամով կը սպանեմ.  
 Ինչքան դու Կեծական Թրով կտրես,  
 Էնքան ես իմ ոտներու տակ կը կոխտտեմ:

Էրկուս թրեր առան ձեռ,  
 Ու քշեցին էրկու աղբեր.  
 Մեկ էրկու դիր գնացին, էկան,  
 Ձիերու ոտաց փոշին էլավ էրկնուց էրես:  
 Ու փրթեցին, էնպես փրթեցին,

Ինչպես ձին իր գարին կտրի:  
Ու Խալիֆայի մարդեր ընկան,  
Խսրի նման փռվան գետնին:  
Դարձան ձիուց իջան տակ,  
Ըղխալիֆան բռնին, բերին մոտ իրենց մեր.  
Չվանով ոտնեն չուր գլուխ փաթթեցին սան.  
Տախտակ գլխով անցուցին,  
Ճրագ գլխի վերա վառեցին,  
Նստան տակ Սանասար, Բաղդասար,  
Նռան գինին սեղնի վերա դրին.  
Կարմիր գինին աչքի առաջ խմեցին,  
Ուրախություն, խնջույք արին:

[Էջ 48]

17

Խաբար գնաց, հասավ պապին,  
Թե Սանասար ու Բաղդասար գորացեր են,  
Կռապաշտ Խալիֆան բռներ, կապեր են.  
Նստած՝ ուրախություն կ'անեն:  
Պապիկն ասաց.— Ա՛յ աստված,  
Որ էն տղեր տեսնեի,  
Թող իմ հոգին առներ:  
Խաչապաշտ Գագիկ թագավորն էլավ,  
Թուղթ մի գրեց, էտուր Քամուն, ասաց.  
— Իմ թուղթ կը տանես Բաղդադ,  
Իմ թոռ Սանասարի ձեռ կը տաս:  
Քամին ըզթուղթ էբեր,  
Ականատից էթալ Սանասարի ձեռ:  
Սանասար ըզթուղթ կարդաց.  
Պապիկ թղթի մեջ գրեր էր.  
«Հազար բարին իմ թոռ Սանասարին:  
Որ էս թուղթ կը հասնի քո ձեռ,  
Գլուխ էդտեղ թրջես, էստեղ կնտես»:  
Սանասար Բաղդասարին ասաց.  
— Ես կ'երթամ, Խալիֆային բաց չթողնես:  
Զձին քաշեց, հեծավ, գնաց պապի տուն:  
Պապիկ մոր նմուշի վերա զթոռ ճանչեցավ.  
Շա՛ տմի ուրախացան, զրուց արին.  
Ու շատ խոսքի ընկավ Սանասար,  
Մոռացավ ըզմեր ու զիր աղբեր:

Ամեն օր Բաղդասար կելներ, կ'երթար որսի.  
Օր մեկ վերու օշխար կը բերեր.  
Կը գային, կը նստեին կերուխումի,  
Քեֆ-ուրախություն կ'անեին:



Մեկ էլ որ էն գնաց որսի,  
Խալիֆան փաթթած տեղեն՝ ասաց աղջըկան.  
— Չէ՞ ես խեղճ եմ, քո տուն չավրի,  
Փշուրմի իմ կապեր թուլցու:  
Աղջիկ էլավ, զկապեր արձակեց, էդիր էնդին:

[Էջ 49]

Խալիֆան էլավ, ի՞նչ էլավ:  
Ջամեն տեսավ, ժողվեց:  
Գնաց քաղաք, ինչ իշխան մարդ կար մնացած,  
Խալիֆայի մարդեր խորհուրդ արին,  
Թե՛ «Ի՞նչ անենք, որ ազատվինք»:  
Իշխաններից մեկն ասաց.  
— Սանասար գնացե, մնացե Բաղդասար,  
Էրթանք, զենի սպանենք:  
Մեկն էլ ասաց. — Մենք չենք կարնա զենի սպանենք.  
Կանչենք հարսնիք, խմացընենք,  
Տանենք, թալենք մեջ փոսին,  
Փուշ ու փալաշ ժողվենք վերան, թող մեռնի:  
Խալիֆան ասաց իր մարդերուն.  
— Էկեք, յոթ ուղտաբեռ քացախ գինի  
Լցեք, տարեք Ախմախու սար,  
Որ ես վաղ ըզԲաղդասար խաբեմ, բերեմ,  
Էնտեղ գինի տանք էնոր,  
Խմացընենք, հարբեցընենք, սպանենք:  
Մարդեր էլան էդպես արին:

Իրիկուն Ծուռ Բաղդասար որսից էկավ.  
Տեսավ՝ Խալիֆան արձակած, բան չասաց:  
Խալիֆան ասաց էնոր.  
— Բաղդասար, գիտե՞ս ինչ կա:  
Ասաց.— Ի՞նչ կա, Խա՛լիֆա:  
Ասաց.— Ինձ թող, էրթանք Սև սար,  
Էնպես որսի տեղ մի գիտեմ,  
Որ վերու օչխար, վերու տավար,  
Ամեն լցվեր են էնտեղ:  
Ինձ թող, վաղ էրթանք, ամեն բռնենք,  
Մեզ համար էնտեղ ուրախություն անենք,  
Չն քո աղբեր ետ դառնա, գա:  
Բաղդասար ասաց.— Թող ըլնի, էրթանք:  
Էսպես Բաղդասարին համոզեց:

Մեկէ՛լ օր հեծան իրենց ձիանք, գնացին:  
Որ հասան Ախմախու սար,  
Էս դեհեն, էն դեհեն, գինու կթխեք ձեռքեր,  
«Հազար բարի քե, Բաղդասար»

Ասին, ու չորս դեհեն տվին:

[Էջ 50]

Ինչքան գինի բերին, մարդ չխմեց,  
Զամեն տվին Բաղդասարին:  
Էսպես Բաղդասարին խաբեցին,  
Յոթն տարվան քացախ գինին գլուխ կապեցին:  
Ո՛ր մեկին մեկ թաս գինի տվին,  
Ասաց.— Հազար բարին Բաղդասարին:  
Բաղդասար կանչեց.— Ձեր հազար կտրվի.  
Լցեք տաշտեր, ես խմեմ:  
Բաղդասար խմեց, էնպես հարբեց,  
Որ տնական, անհուշ ընկավ:  
Խալիֆան ասաց իր մարդերուն.  
— Դե գուրգեր առեք, էլեք վերան:  
Առան գուրգեր, էկան սպանելու:  
Վախեն հեռվեն կը զարնեին:  
Էնքան զարկին, էնքան զարկին,  
Բաղդասարի չորս դեհեն՝  
Էնպես խանդակ, փոս շինեցին,  
Որ քառասուն գազ փոս կ'ըլնէր—  
Աստըծու հրամանքով,  
Մեկ գուրգ Բաղդասարին չէր դիպնի:

Մանասար էլավ դուրս, իրիշկեց երկինք.  
Տեսավ՝ Բաղդասարի աստղ խավարեր էր,  
Իր մտքի մեջ ասաց. «Իմ աղբեր նեղն է»:  
Դարձավ, իր պապիկին ասաց.  
— Ավա՛, պապիկ, ես տերթամ, իմ ձին քաշեք.  
Ես իմ աղբոր կամ լաշին կը հասնիմ, կամ ճաշին:  
Պապիկն ասաց.— Քո տուն չավրի.  
Քո աղբեր հիմի հանգիստ նստեր է,  
Իր մոր հետ ուրախություն կ'անի,  
Կը խնդանա, դուն էլ մեզ խնդացու:  
Մանասար համբեր չարավ.  
Էլավ, ինքն իր ձին քաշեց դուրս,  
Հեծավ, աչք խփեց է բաց, հասցուց մոր մոտ:  
— Մարե, ո՛ւր է իմ աղբեր Բաղդասար:  
Թե.— Խալիֆան առե, տարե դաշտ ու սեյրան  
Գնացած Ախմախու սար ուրախութեն:  
Ասաց.— Ահա՛, իմ աղբեր խաբած, տարած:  
Հե՛յ-վա՛խ, իմ աղբեր տի սպանեն:  
Ասաց թե չէ՝ քշեց, հասավ Բաղդասարին:

[Էջ 51]

Տեսավ՝ Բաղդասար էնպես խմեր է,  
Չոռ հարբած ընկեր է, ակահ չունի.  
Էնոնք էլ առած գուրգեր, թրեր,  
Էկած են, չորս կողմեն կը զարնեն, որ սպանեն:  
Ինքն էլ աստծու անուն էտու,  
Ծռանակ ընկավ մեջքեր,  
Ու ծանրիկ գուրգ մի իջավ,  
Ու զԲաղդադու Խալիֆան՝  
Յոթն գազ գետին վե՛ իջուց,  
ԶԽալիֆան, զէնոր մարդեր ամեն սպանեց:

Գնաց, կայնեց աղբոր վերա,  
Ձուր էլից գլխուն, գլուխ լվաց, սիրտ մաժեց,  
Որ հարբեցություն թողնի, լրջանա:  
Կանչեց.— Բաղդասար, Բաղդասար:  
Ուշք էկավ աղբոր վերան.  
Գլուխ վերուց, ասաց.  
— Հա՛յ, քո տուն չավրի:  
Ինչ աղեկ քներ էի. չթողիր՝ ես քնեմ:  
Ասաց.— Քո տուն չավրի.  
Մի է՛լ, քո չորս բոլոր աչքի:

Էլան էրկու աղբեր, էկին քաղաք:  
Բաղդասար կանչեց, ասաց.  
— Որն որ է՛ն կը հավատա, ինչ ես կը հավատամ,  
Թող զա անցնի իմ թրի տակով:  
Քաղաք քաղքով թափան, էկին,  
Անցան էնոր թրի տակով:

Էնոնց մերն էլ, Ծովինար խանում,  
Կզավ վեր քիթ ու բերնին,  
Էրկրպագություն արեց ու ասաց.  
— Գոհանամ քենե, էրկնի ու էրկրի ստեղծող,  
Որ ըզմեզի ու մեր ժողովուրդ  
Ազատ արիր էն զալումի ձեռնեն:

[Էջ 52]

18

Մի ժամանակ նստան էնտեղ:  
Հետո էլան, առին իրենց մեր ու զքեռմեր,  
Ու դեմ արին, էկին դեհ Հայաստան:  
Էկին, Գագիկ թագավորի քաղքին մոտեցան,  
Մեկ աղբրի վերա վրան դրին, նստան:  
Տեսան, որ էն դեհեն մեկ մարդ կը գա,  
Կանչեցին, ասին էնոր.

— Գնա թագավորին աչքալուս.  
Շատ բարով տար էնոր ու Քեռի Թորոսին,  
Ասա՝ ձեր Ծովինար ու իր էրկու տղան  
Ողջ-առողջ էկած, աղբըրի մոտ նստած են.  
Աչք ձեր ի լուս ըլնի:  
Գագիկ թագավոր ու Քեռի Թորոս  
Էլան, էկին էնոնց առաջ:  
Էկին, ընկան իրար վզով,  
Պագին իրար, լացին ու խնդացին.  
Կերան ու խմեցին, ուրախություն արին:  
Թագավոր ու Քեռի Թորոս ասին.  
— Դեհ, էլեք, էրթանք քաղաք:  
Խոսք մեկ արին, գնացին քաղաք,  
Իջան թագավորի պալատ:  
Յոթն օր, յոթ գիշեր ուրախացան:

Սանասար վերուց, ասաց թագավորին.  
— Քեռեք, էս մեկ բան կը խնդրեմ քենե:  
Ասաց.— Ի՞նչ կը խնդրես:  
Ասաց.— Մեկ տեղ մենք մեզ համար  
Մեկ տուն ենք շինե, էրթանք էնտեղ:  
Թագավոր դարձուց, ասաց.  
— Որդի, էս տղա չունիմ,  
Ես կը մեռնիմ, իմ թագավորություն  
Ձեզ կը մնա, կըլնի ձեր տուն:  
Ասին.— Չէ՛, թագավոր, ապրած կենաս,  
Էկանք, ձեզի տեսանք,  
Գոյություն աստծու, ողջ-առողջ եք,  
Իրարուց կարոտ առանք, կ'էրթանք մեր տուն:

[Էջ 53]

Պատրաստություն որ տեսան,  
Մերն իր էրկու որդուն խրատ էտու.  
— Որդիք, թագավորից էս բան ուզեք.  
Ասեք, թե՛ Ծովասար, Մարաթկա ջուր,  
Ճապաղջրի Բաժն ու Քոդեն տուր մեզ:  
Թե էրդվավ՝ «Հացն ու գինին, տեր կենդանին», կը տա  
Սանասար ասաց թագավորին.  
— Մեկ բան էլ կը խնդրենք քենե:  
— Որդիք, ասաց թագավոր,  
Մեր հոգուց գատ՝ ինչ որ կ'ուզեք,—  
Հացն ու գինին, տեր կենդանին,— կը տանք:  
Ասին.— Ծովասար, Մարաթկա ջուր,  
Ճապաղջրի Բաժն ու Քոդեն տուր մեզ:  
Ասաց.— Տվինք, որդիք:  
Էլան Ծովինար խանում ու իր տղեկներ,

Հեծան, ճամփա ընկան ու գնացին.  
Ու Քեռի Թորոս էլ իրենց հետ գնաց:  
Ընկավ իրենց առջև Սանասար,  
Ու գնացին, էլան վեր Սասնա բերդին:

Սանասար շատ զորքնդեղ մարդ էր.  
Սև սարի բոլոր ու չուրի Ծծմակաքիթ՝  
Մշու վերևով պարիսպ քաշած,  
Էլած էր չուրի Սեղանսարու գոտին ի վե՛  
Ճապաղջրու Դուրան, Մուրադ գետի բերան,  
Ու գեղ ամենն էլ տիրապետեց:  
Չորս դարգահ էլ թողեց իր բերդին,  
Ու միշտ հանապազ կը զարկեր զիր դարգահ,  
Ու կը հեծներ զիր ձին, գՔուռկիկ Ջալալին,  
Ու ինչքան գել ու գազան ըլներ, կը բռներ:  
Օրերուց օր մ' էլ զարկեց, գնաց չուրի Մըսըր,  
Չուրի Բաթմանա կամուրջ, չուրի Անգղա ձոր:

Էնպես փահլևան էղավ Սանասար,  
Որ էնոր ձեն աշխարք բռնեց:  
Շատ մարդեր որ լսեցին, ասին.  
«Ա՛ դբեր, մենք նստեր ենք էստեղ, ի՞նչ.  
Գող մարդեր ամեն ժամանակիկ

[Էջ 54]

Կը գան, մեր ապրանք վարնեն, կը տանեն:  
Ըհը՛, էն աստվածը, մենք կ'էրթանք էդա Սասուն,  
Որ Սանասարի, Բաղդասարի պես՝  
Էրկու զորեղ փահլևան կա.  
Որ էդ տեղի մարդուց ոչ հարկ կ'առնեն, ոչ տուրք.  
Որ մեկ մարդ մեր ապրանք չզարնե տանի»:  
Հա քիչ քիչ, հա քիչ քիչ գնացին էնոնց մոտ.

Շատացա՛ վ, մե՛ ծ քաղաք էղավ Սասուն:

ՄԱՍՈՒՆՑԻ ԴԱՎԻԹ

[Էջ 55]

ՄԱՆԱՍԱՐԻ ԵՎ ԲԱՂԴԱՍԱՐԻ ԱՄՈՒՍՆՈՒԹՅՈՒՆԸ

1

Օդորմի տի տամ, օդորմի  
Էն խանում Ծովինարին.  
Օդորմի տի տամ, օդորմի

Էն Սանասարին, Բաղդասարին.  
Օղորմի տի տամ, օղորմի  
Էն Դեղձուն-Ծամին.  
Օղորմի տի տամ, օղորմի  
Ականջ արողներու անցավորներին:

2

Խաբար ո՞րդուց տանք:—  
Խաբար Պղնձե քաղքից տանք,  
Քաջանց թագավորի աղջկանից տանք:

Սանասար-Բաղդասարի անուն բարձր էլավ.  
Էնոնց ձեն ընկավ բոլոր էրկիր,  
Թե էսենց, էսենց, էսենց.  
Էրկու կտրիճ կա Սասուն:  
Սանասարի քաջությա՛ն ձեն որ էլավ,  
Խոսք ու գրուց գնաց, հասավ Պղնձե քաղաք,  
Հասավ Քաջանց թագավորի աղջրկան,  
Քառսուն-Ճուղ-Ծամ Դեղձուն-Ծամին:

[Էջ 56]

Էդ թագավոր էրկու աղջիկ ուներ,  
Էլ մարդ չկար էնոր:  
Դեղձուն աղջիկ կախարդ էր, հմայիչ էր:  
Մեջ էրագին զինք տեսավ Սանասար,  
Ու շա տ սիրու տեր էղավ վեր էնոր:  
Աղջիկն իմացավ էս բան, ասաց.  
«Էնա մարդու անուն կտրիճ է.  
Ես էնոր թուղթ մի տ՛ուղարկեմ,  
Էն գա, ես հավանիմ, զէն առնեմ»:  
Էս Պղնձե քաղքի թագավորի աղջիկ  
Մեկ կուժ լիք ջուր էլից, խնձոր բերան էղիր,  
Մեկ կուժ էլ դատարկ խնձոր բերան էղիր,  
Էլավ, մեկ թուղթ գրեց Սանասարին:  
Թղթի մեջ գրեց.

«Քաջանց թագավորի աղջիկ Դեղձուն-Ծամից  
Շատ բարև Սանասարին.  
Շատ բարև Բաղդասարին, Սանասարին:  
Սանասա՛ր տղա,  
Ես Պղնձե քաղքի թագավորի աղջիկն եմ:  
Իմ սի՛րտ՝ քանց էսա դատարկ կուժ սար-սո՛ւրբ է  
Իմ գլուխ՝ քանց էսա լիք կուժ լափ-լիքն է.  
Աստըծու շնորհքով լցուկ եմ:  
Շատեր էկած իմ վերա, ինձ ուզելու.

Քառսուն տեղե քառսուն մարդ է էկած,  
Ես խոսք չեմ տվե, ես հա չեմ ասե.  
Էրագով ըզքեզ տեսեր եմ, արի ինձի ա՛ռ.  
Ինձի շա՛տ դուր կը գաս դու:  
Սանասա՛ր տղա,  
Էս թուղթ կը գրեմ քե՛զ համար.  
Չուր ե՛րբ ես տի մնամ էստեղ քո ապով.  
Գլուխ թացեր ես, չկնտես,  
Արի, ինձի տար քեզ համար»:

Գրեց, իր պատկեր էդիր մեջ թղթին,  
Կանչեց էրկու աղջիկ,  
Կապեց էնոնց թնքերուն,  
Ասաց.— Կը տանեք Սասուն քաղաք,  
Տան էրդիսեն կը գցեք  
Սանասար տղի տեղաց վերա.  
Կժեր կը դնեք էնոր սնարքին,

[Էջ 59]

Որ առավոտուն էլնի, տեսնի:  
Երբ որ էնի կտրի՛ճ մարդ է,  
Թող գա, ինձ իր համար տանի:  
Չըլնիմ, չիմանա՛մ, ասաց,  
Որ թալեք Բաղդասարի էրդիսն վեր:

Էդ աղջիկներ կախարդ էին.  
Հավքեղեն հալավ հագան,  
Էղան էրկու սիպտակ աղունիկ.  
Թոթռալեն բերին Սասուն ըզթուղթ,  
Էկան, իջան Սասնա Տան տանիքի վերան:  
Աջակողմ էրդիսի վերա գնացին.  
Տեսան, որ մեկ տեղաց շոր է գցած,  
Մեկ ջահել-ջիվան տղա մեջ քներ է, քրտներ է,  
Էնքան կարմրեր, արևուն կ՛ասի.  
«Դու դե՛ն գնա, ե՛ս առաջանամ»:  
Մեկ գույզ մոմակալ գլխին կը վառվի,  
Մեկ գույզ մոմակալ ոտներին կը վառվի:  
Թուղթ բերողներից մեկն ասաց.  
— Ա՛յ քուրբս, արի էրթա՛նք,  
Էն մեկե՛լ էրդիսի վերա աչքենք,  
Կարելի է, Սանասար տղան էդ չի:  
Գնացին էն մեկել էրդիսի վերա.  
Տեսան մարդ մի քներ է շորերի մեջ.  
Աչքեցին. տեսան էնպես է քրտնե,  
Որ էսի էն տղից տասնապատիկ աղեկ է:  
Քուրն ասաց.— Քո՛ւրբս, էս է Սանասար տղան,

Ըզթուղթ թալենք էս էրդիս վե՛ :  
Մեկէլ քուրն ասաց.— Աղջիկ, էն ա՛ ստվածը,  
էս մարդ էլ շատ աղէկ մարդ է.  
Չեմ գի՛տի՝ է՛ս է Սանասար,  
Թե՞ էն մեկէլն է Սանասար:  
Չիմացան՝ որն է Սանասար,  
Տարան, թալեցին աջակողմ էրդիս վե՛ ,  
Դրին Ծո՛ւտ Բաղդասարի տեղաց վերա:

3

Բաղդասար առավոտուն քնից վեր էլավ,  
Շորեր հագավ, իրիշկեց, տեսավ՝  
Թուղթ մի կո՛ւնտեղ է, իր տեղաց վերա:

[Էջ 58]

Ըզթուղթ առավ ձեռ, էբաց, կարդաց.  
Տեսավ՝ Քաջանց թագավորի աղջրկա գի՛ր.  
Թղթի մեջ գրած՝ «Շատ բարև Սանասարին,  
Շատ բարև Բաղդասարին, Սանասարին»:  
Ասաց, «էս ի՞նչ բան է. էրկու դիր՝  
Բարև գրե Սանասարին, մեկ դիր՝ ինձի:  
Լա՛վ. Սանասար ջոջ աղբերն է,  
Առաջ էնոր է գրե. էն լավ է:  
Ինչո՞ւ էրկու դիր գրե էնոր»:  
Կարդաց, տեսավ՝ Քաջանց թագավորի աղջիկ  
Սանասարի համար գրեր է մեջ թղթին.  
«Արի ինձի ա՛ռ», «արի ինձի տա՛ր»:  
Բաղդասարի հետ ծուռ էրակ մի կար,  
Ըռըկավ, ասաց. «Ուր՛յ, իմ աղբեր կնիկ ուզեր.  
Առանց ինձի կը պսակվի, ինձի չի հարցնի.  
Ինձի բանի տեղ չի դնի»:  
Ասաց. «Ջանը՛մ, մենք աղբեր ենք.  
էս ե՛րբ էն խոսք տվեր է, ինձի չասիր.  
Սանասար գաղտիկ բան մի կանի»:  
Ըռըկա՛վ, նստավ վեր իր տեղաց.  
Չէլա՛վ դուրս իր սենեկից:  
Տեսավ թղթի մեջի պատկեր,  
Հա՛մա խելք գնաց, արուն քթից փրթավ, էկավ:  
Ասաց. «Կամ իմ աղբեր տի՛ մնա ժի՛ր, կամ էս»:  
Ըզթուղթ ծալեց, էդիր իր ծոց:  
Մեջ իր սրտին արավ խոց.  
Հետ Սանասարի գրուց չի տար.  
Սանասար ինչ կ՛ասի՝ պատասխան չի տար:  
Առավոտուն էլան, էկան,  
Մուփրեն բացին, նստան հացկերություն.



Տեսան՝ Բաղդասար տղան չէկավ:  
 Բաղդասար ըռըկեր, նստեր էնտեղ,  
 Չէ՛լնի դուրս իր սենեկից.  
 «Էյ-հա յ, կ'ասի, իմ աղբեր ի՛նչ բեբախտ աղբեր է.  
 Առանց ինձի գործ կը բռնի:  
 Որ էդպէս է, ոչ էնոնց սեղան կ'էրթամ,  
 Ոչ էնոնց հաց կ'ուտեմ:  
 Տէլնեմ, իմ ձին հեծնիմ,  
 Էրթամ ուրիշ էրկիր, կորուսիմ.  
 Տեսնեմ՝ աստված ինձ ինչ կըրտա»:

[Էջ 59]

Էնոր մերն ասաց, «Էն ի՞նչ է,  
 Բաղդասար ինչո՞ւ չէկավ»:  
 Էլավ, Էկավ վեր սենեկի դռան,  
 Ըզդուտ էրաց, Էկավ մեջ սենեկին, ասաց.  
 — Բա՛ղդասար, ինչո՞ւ չէկիր՝ քո հաց ուտես,  
 Էդ ի՞նչ է էդե քեզ, չըլնի՞ հիվանդ ես:  
 Բաղդասար ասաց Էնոր.  
 — Մարե, դու իմ մեր չըլնեիր, ուրիշ ով ըլներ:  
 Էսա դուռ բանար, գար նե րս,  
 Ես գէն կտոր-կտոր կ'անեի:  
 Ասաց.— Ինչո՞ւ, ի՞նչ է էդե քեզ:  
 Ըզթուղթ էհան, էտու մոր ձեռ, ասաց.  
 — Մարե՛, առ էսա թուղթ, կարդա՛,  
 Տես՝ ինչու չեմ իգա հաց ուտեմ.  
 Ի՞նչ սրտով տի գամ, սեղան նստեմ.—  
 Իմ աղբեր կնիկ ուզեր է, ինձ իմաց չարեր:  
 Ինչո՞ւ, ես մարդ չե՞մ, թող ինձ հարցներ,  
 Նոր՝ էնպէս աներ, նոր՝ պսակվեր:  
 Էլի՛, գնա՛, Սանասարին ասա  
 Կամ էն տի մնա ժիր, կամ ե՛ս:  
 Մեր ըզթուղթ առավ, կարդաց.  
 Ասաց.— Որդի, ես խաբար չեմ,  
 Քանց քեզ շատ ըռըկա էդ գործեն:  
 Ըզթուղթ առավ, Էկավ մոտ Սանասար,  
 Էն թուղթ էտու Սանասար տղին,  
 Ասաց.— Ա՛ն քո թուղթ:  
 Սանասար առավ, կարդաց:

«Քաջանց թագավորի աղջիկ Դեղձուն-Ծամիցէ  
 Շատ բարև Սանասարին.  
 Շատ բարև Բաղդասարին, Սանասարին:  
 Սանասար տղա,  
 Ես Պղնձե քաղքի թագավորի աղջիկն եմ:  
 Իմ սի՛րտ քանց էսա դատարկ կուժ սար-սուրթ է.

Իմ գլուխ՝ քանց էսա լիք կուժ լափ-լի՞քն է.  
Աստըծու շնորհքով լցուկ եմ:  
Շատեր էկած իմ վերա, ինձ ուզելու.  
Քառսուն տեղե քառսուն մարդ է էկած,  
Ես խոսք չեմ տվե, ես հա չեմ ասե,

[Էջ 60]

Էրագով ըզքեզ տեսեր եմ, արի ինձի ա՛ն.  
Ինձի շա՛տ դուր կը գաս դու:  
Մանասա՛ր տղա,  
Էս թուղթ կը գրեմ քե՛զ համար.  
Չուր ե՞րբ ես տի մնամ էստեղ քո ապով.  
Գլուխ թացեր ես, չկնտես,  
Արի, ինձի տար քեզ համար»:  
Ըզթուղթ կարդաց, Էրզվեցավ, ասաց,  
— Մարե՛, ես քո աստծուն մեղա,  
Ես էդ բանից խաբա՛ր չեմ:  
Մերն ասաց.— Քո աղբեր քենե խռովեր է:  
Մանասար ա՛սաց.— Ես ի՞նչ անեմ:  
Էն աղջիկ կախարդ է, հմայիչ է.  
Մեր անուն լսե, էտա թուղթ գրե.  
Ի՞նչ անեմ, որ դա էդպես է:  
Որ իմ աղբեր ըռըկեր,  
Էնի փշուր մի ծուռ է.  
Գնա, անուշթյունով էնոր ասա՛.  
Թե որ իր բարկություն իջավ՝ աղեկ.  
Թե չէ՝ թող գա դարբ մի էրկու զարնի ինձ,  
Իր հավաս անցնի, իր փոր հովնա:  
Մեր գնաց, անուշթյունով ասաց Բաղդասարին.  
Բաղդասարի բարկություն չիջավ:

Էն իրիկուն Մանասար դրսեն էկավ տուն.  
Բարև էտու, Բաղդասար չառավ:  
Ասաց.— Ա՛ղբեր, ինչի՞ ես նեղացե:  
Բաղդասար ասաց Մանասարին.  
— Կամ ես քեզ տի սպանեմ, կամ դու՛ ինձ:  
Մանասար հարցուց.— Ինչո՞ւ, պատճառ ինչ:  
— Ապա ինչո՞ւ. Քաջանց թագավորի աղջիկ  
Էրկու դիր քե՛զ բարև գրե, մեկ դիր՝ ինձ:  
Ասաց.— Ա՛ղբեր, բա ի՞նչ անեմ, էն է գրե:  
— Չէ, ասաց, ես դու տի կովե՛նք:  
— Ինչի՞ կովենք, մեկ դատարկ բարևի՞ համար:  
Բաղդասար ասաց.— Դու գաղտիկ բան մի կ՛անես  
Դու թուղթ մի ուղարկեր էս էն աղջկան.  
Ինչո՞ւ դու ինձ չես ա՛սի:  
Մանասար ասաց.— Աղբեր, էն ա՛սովածը,

Ես էնոր թուղթ չեմ գրե:

[Էջ 61]

Բաղդասար ասաց.— Չէ՛, ես դու տի կովենք,  
Ես դու տի կուշտի կպնենք, իրար զարկենք:  
Ասաց.— Աղբեր, ես չեմ զարկի քեզի.  
Դու զարկի՛, ինձի սպանի՛:  
Ինչքան ասաց, հնարք չեղավ աղբոր հետ: —  
Ինչու որ էնիկ հաստակող էր, էրակ ծուռ էր.  
Էնոր կ'ասեին Ծուռ Բաղդասար:

4

Վերջն ինք զինք ասաց Սանասար.  
«Էլնեմ, իմ աղբեր առնեմ, էրթամ դա՛շտ.  
Էրթանք էն չիման տեղ, քիչ մի խաղամ հետ,  
Փշուր մի ձիաթողս խաղանք,  
Բայքի էնոր սիրտ իջնի»:  
Էլավ, առավ իր աղբեր, գնաց:  
Որ հասան դաշտ, էն չիման տեղ,  
Ձիուց իջան, հասան իրար, կպան,  
Առին կուշտի— գոտեկո՞րիվ.  
Ձեռ թալեցին իրար փողպատ,  
Չուր կեսօրին զիրար տրորեցին:

Մերն ասաց. «Ի՞նչ եղավ, էսոնք չեկան»:  
Որ տնեն էլավ, էսոնց ձեն ընկե քարեր,  
Գետին թունդ կ'առներ էսոնց ոտաց տակ:  
Գնաց, տեսավ էսոնց հալ.  
Ծնկներ տփեց, կատամ կոտրավ.  
Նստավ էստեղ մտիկ արավ.  
Ոչ է՛ն զէն կը հաղթի,  
Ոչ է՛ն զէն կը դնի գետին:—  
Էն ինչ Սանասարն է, հանաք կ'անի.  
Էն ինչ Բաղդասարն է, սրտանց կը զարնի:

Մեր տեսավ, որ Բաղդասար նվազավ,  
Ուժըն պակասավ, առավ հաղթվել,  
Էլաց, բռնաց, իր ձենով կանչեց.

«Օ՛ սարեր, օ՛ քարեր, օ՛ թփեր\*,  
Ձուաբ տարեք քեռուն,  
Թող գա, հասնի իր փահլևաններուն»:

-----

\* Երգ է:

[Էջ 62]

Մեկ ժամ էլ մտիկ արավ,  
Տեսավ, որ Բաղդասար գահ ա ընկնի,  
Էլաց, կանչեց.

«Օ՛ ծովեր, օ՛ դընդեղներ\*,  
Ջուար տարեք քեռուն,  
Թող գա, հասնի իր քեռորդիներուն»:

Չուր իրիկուն զիրար չըխչըփեցին.  
Ոչ է՛ն զէն էղի գետին, ոչ է՛ն՝ զէն:  
Իրիկուն թողին, Էկան տուն:  
Բաղդասար ճամփին ասաց աղբոր.  
— Վաղն էլ գանք, հասնինք իրար:  
Էկան տուն, քնան չուր լուս:

Առավոտուն էլան, հաց կերան.  
Էլան, իրենց ձիանք քաշին դո՛ւրս,  
Իրենց գուրգեր առին,  
Իրենց վահաններ կապեցին վեր իրենց,  
Ձիանք հեծան, գնացին մեյդան կռիվ:  
Իրենց մերն էն գնաց հետքեր.  
Նստավ էնտեղ, էլաց.  
Անեծք էտու կախարդ աղջկան, ասաց.

«Բարի չտեսնի պատճառ ըլնող.  
Առավոտ լուսաթաթախ իմ էրկու տղան՝  
Մեկմեկու փողպատ էհան.  
Տի գարկեն, զիրար խեղեն»:

Էրկու աղբեր ձիաթողս խաղացին գուրգով,  
Գուրգ կը գարկեն մեկմեկու:  
Սանասար կայնեց նշանքարի գլուխ,  
Բաղդասար գուրգ առավ, էգար,  
Մրտից էգար Սանասարին, որ սպանի.  
Գուրգըն գնաց գլխու վերեն:  
Սանասար բռնեց ըզգուրգ,  
Ետի էթալ, աղբոր մոտ չհասցուց:  
Աղբեր առավ, մեկ էլ էգար:  
Սանասար էլի բռնեց, մեկ էլ էթալ:  
Սանասարն է, սիրտ մաքուր է, պարզ է.

-----

\* Երգ է:

[Էջ 63]

Մրտե դարբ չգարնե Բաղդասարին,  
Չուզե՛՞ զարկի աղբոր.  
Մենակ իր վահան կը տա առջև դարբին,  
Չթո՛ղնի, որ դարբ դիպնի իրեն:  
Բաղդասար ինչքան ուժ ունի,  
Կը զարնի Սանասարին.  
Կ՛ուզի զՍանասար ձիուց բերի տա՛կ.  
Կ՛ուզի տեղնուտեղ մեկ դարբով զաղբեր սպանի,  
Ան ինչ Սանասարի գուրգ բարձր կ՛անցնի:  
Սանասար իր միտ վե կ՛ասի.  
«Բայլքի դադարի ինձենե»:  
Բաղդասար չդա՛ դարի, հա կը զարկի:  
Սանասար ինք զինք կ՛ասի. «Չդադարի»:  
Կռիվ արին չուր կեսօրին.  
Չուր կեսօր կոտորավ իրիկվան:

Սանասար ինք զինք ասաց.  
«Դեռ իր բարկություն չիջնի:  
Ջանը՛մ, էս քանի կը տեսնեմ՝  
Էն ինձի սրտե դարբ կը զարնի:  
Նալինք՝ իմ աղբեր իմ չափ ուժ ունի՞,  
Որ կը զարնի ինձ սպանելու,  
Ես էնոր դարբի առջև կ՛առնեմ,  
Չդիպնի իմ ջանին:  
Տեսնենք՝ էս է՛լ դարբ մի զարկեմ էնոր,  
Էն էլ կարնա՛ դարբի առջև առնի,  
Դեմ տա, դիմանա առջև իմ դարբին»:

Սանասար մեկ՛ դարբ, թեթև դարբ մի,  
Ուշիկ էզար Բաղդասարին.  
Բաղդասար վահան էտու առջև,  
Չկարցավ դարբի առջև առնի:  
Դարբ դիպավ, զաղբեր ձիուց էբեր տակ:  
Սանասար բոռաց, ասաց.  
«Վա՛խ, էս ի՞նչ արի, իմ ուժի չա՛փ,  
Իմ ձեռաց դայդեն չիմացա.  
Ջարկեցի, իմ աղբեր սպանեցի»:  
Ձիուց իսկույն իջավ տակ,  
Ինք է՛ն կողմեն էկավ, մեր՝ մե՛կ դիեն,  
Լալեւեն էկին, զիրենք զարնեցին վերա.

[Էջ 64]

Տեսան, որ չէր մեռե,  
Գուրգ դիպե էնոր ոտաց,  
Խելք գնացե, ընկե էնտեղ:

Մանասար շալկեց աղբեր, էբեր, էթալ տուն:  
Ձեռ տարավ, էնոր սիրտ մաժեց, պորտ օլորեց:  
Աչքեց՝ պատկերն ի ջեբ կա...  
Նստավ, չուր լուս էլաց:  
Լուս որ բացվավ, աղբոր ուշք էկավ վերան,  
Էլավ, նստավ, Մանասար հարցուց.  
— Աղբե՛ր, էդ ի՞նչ էղավ, դու էղպես էղար:  
Ասաց.— Ոտս ցավաց, իմ խելք գնաց:

Մանասար ասաց.— Աղբե՛ր,  
Էս պատկե՛ր, էս թո՛ւղթ ապով է որ ըռըկեր ես,  
Հետ ինձի գրուց չես իտա.  
Ես մեռնիմ քո աչք-էրեսին,  
Ինձ պետք չէ, գնա բեր քե՛զ համար:  
Բաղդասար ասաց Մանասարին.  
— Ա՛ղբեր, էս չգիտեի,  
Որ դու քանց իս էդքան ուժով էիր:  
Արի հաշտվինք. դու վեր ինձի կտրիճ ես.  
Ինձի թոբա, էլ էս վեր քեզ ձեռ չվերցեմ.  
Ես քո պստիկ աղբեր, դու իմ ջոջ աղբեր.  
Ինչ որ ասես՝ էս քեզ կը լսեմ:  
Ես քեզ դաստուր տվեր եմ,  
Էլի, գնա, էն աղջիկ ա՛ն, բե՛ր քեզ համար:  
Մանասար ասաց.— Ես չեմ գնա, բերի.  
Դո՛ւ գնա, բեր քեզ համար:  
Բաղդասար ասաց.— Դե, մի՛ դադրի,  
Էլի՛ քո պատրաստություն արա,  
Քո ձին հեծի՛, քո աստված կանչի՛, գնա՛:  
Մանասար ասաց.— Ես չեմ գնա, բերի,  
Էն կախարդ է, էն հմայիչ է:  
Բաղդասար ասաց.— Էլի՛ գնա, բե՛ր, քեզ կ՛ասեմ  
Էն լսեր է՝ մենք ջոջ մարդ ենք.  
Էն մեր ձեն լսեր է, մեզ թուղթ ուղարկեր է:  
Որ դու չէրթաս, էն աղջիկ բերես,  
Մենք էլ կ՛ըլնինք պստիկ.

[էջ 65]

Տ՛ասեն՝ էնոնց ձեռեն չէկավ,  
Ըրթային, աղջիկ մի իրենց համար բերեն:  
Անկարելի՛ բան է՝ չէրթաս, բերես:  
Էլի, գնա, բեր զէն աղջիկ:

Մանասար գնաց մոտ մեր, Ծովինար խանում,  
Ասաց.— Մարե՛, իմ պատրաստություն տես,  
Ես պիտի էրթամ Քաջանց էրկիր.

Էն թուղթ էկեր իմ հետև:

Մերն ասաց,— Ո՛րդի, մի՛ էրթա,  
Էն Բաղդադու էրկրեն հազիվ փրթանք, էկանք:  
Տղան ասաց.— Չէ՛, պիտի էրթամ,  
Թե որ իմ գլուխ էլ գնացեր է:

Մեր՝ պատրաստություն տեսավ, պրծավ:

Մանասար էլ ինչ տ՛երթար,  
Մոր ձեռ պագավ, կաց-բարին արավ.  
Թռավ իր ձին հեծավ,  
Էլավ, կայնավ ճամփի վերա, կանչեց.  
— Բաղդասար, հոգուդ մեռնիմ,  
Արի. ըզքեզ տեսնեմ:  
Ա՛ դբեր, դու կաց էստեղ,  
Կո ես կ՛էրթամ հետև էն աղջըկան:  
Իրէք ավուր վերա որ ես էկա էկա,  
Որ չէկա՝ նեղութնի մեջ կ՛ըլնիմ.  
Կը գաս հետև ինձի օգնություն:  
Հետ իրարու ներում արին,  
Հավալություն ուզին իրարուց,  
Մատանիներ հետ մեկմեկու փոխեցին:  
Կաց-բարով արավ ու գնաց:

Թե որ քառսուն ավուր ճամփա էր,  
Էնի քշեց, գնաց մեկ օրեն:  
Հասավ ճամփա-խառնուրդի մի մեջ:  
Տեսավ՝ մեկ ծեր, ալևոր մարդ մի նստե էնտեղ:  
Ասաց.— Բարև քեզ, հերացու:  
— Աստծու բարին քեզ, Մանասար, ասաց հավոր.—  
Դե՛ ձիուց իջի՛ր, քեզ խոսք ունիմ ասելու:

[Էջ 66]

— Պա՛ պիկ, ասաց, դու ո՛վ ես,  
Որ ինձ կրճանչենաս, թե Մանասարն եմ:  
Ասաց.— Ես եմ հրեշտակն աստծուն.  
Որ էստեղ նստեր եմ, ճամփաներ կը բաժնեմ:  
Դո՛ր պիտի էրթաս, Մանասար:  
Պատասխանեց.— Կ՛էրթամ Քաջանց էրկիր.  
Ինձ մեկ բարի ճամփա նշանց տուր:  
Էն էլ ասաց.  
— Թե էս ճամփան էրթաս,

Կ'ըլնիս մեծ թագավոր.  
Թե որ մեկել ճամփան էրթաս,  
Կ'ըլնիս վաճառական.  
Ամա թե որ էրթաս Քաջանց էրկիր,  
Էնտեղ վնաս կը քաշես:  
Սանասար ասաց.— Էնտե՛ղ պիտի էրթամ.  
Թե որ գիտնամ՝ իմ վիզ իրեք տեղով կտրեն:  
Թե որ ուրիշ խրատ ունիս, ինձ ասա:  
Էն էլ ասաց.— Որդի, որ կ'էրթաս,  
Ինչ որ քեզ ռաստ կը գա,  
Թե քար, թե թուփ, թե անասուն, թե գազան—  
Ամենուն էլ բարև տաս.  
Առանց բարև տալու չանցնե՛ս:  
Թե որ առանց բարևի անցար,  
Էն Քաջանց էրկիր հմայքի էրկիր է,  
Քեզ շատ վնաս կը տա:  
Սանասար ասաց.— Մնացի՛ր բարի:  
Էլավ, հեծավ, հա՛ մա քշեց դեհ Քաջանց էրկիր:

Գնաց, շատ-քիչ աստված գիտի,  
Մեկել Քաջանց թագավորի հող դուրս էկավ,  
Տեսավ մեկ հովիվ օչխարներու առաջ:  
Մի՛ ասի՝ էդ հովիվ թագավորի հովիվն է,  
Էնոր փահյևաններից մեկն է:  
Կանչեց, Սանասարին ասաց.  
— Ա՛յ կանաչ կտրիճ, էդ դո՞ր կ'էրթաս:  
Ասաց.— Կ'էրթամ Քաջանց թագավորի քաղաք  
Ասաց հովիվ.— Արի նստի էստեղ,  
Կաթ մի կթեմ, կե՛ր, նոր էլի, գնա՛:  
Ասաց.— Չե՛, ես վռազն եմ, ես կ'էրթամ:  
Հովիվ ասաց.— Էստեղեն էրթացողին,

[Էջ 67]

Հնար չկա, անկաթ-ուտել չեմ թո՛ղնի էրթա:  
Ձոռով նստեցուց ըզՍանասար:  
Էնոր հետ ջոջ տաշտ մի կար,  
Որ չորս մարդ մեջն կը լողկանար,  
Էդ տաշտ իլին կաթ արավ,  
Էդի Սանասարի առջև հացի հետ:  
Էդ հովըվու միտքն էլ ի՞նչ է.—  
Կ'ուզի փորձի խալխին,  
Տեսնենք՝ էնոնց ուժեր քա՛ն մ'է.  
Էդ կաթ ուտելով՝ էն կը հասկանա՛,  
Էնոնց ուժեր քանի՛ մ' է:  
Ով որ էդ ճամփով կ'էրթա,  
Էդ հովիվ էդ ցեղ կ'անի,



Ապա կը թողնի, կ'երթան Դեղձան-Ծամի մոտ,  
Էնտեղ փահլեաններ զէտնք կըսպանեն:

Հովիվ տաշտ իլին կաթ, էբեր,  
Էդի Սանասարի առաջ ուտելու.  
Զինք գնաց իր օջիսարի բոլոր ման գալ:  
Մեկ փաթ որ ման էկավ, Սանասար բռնաց.  
— Հովի՛ վ, արի, քո կոտ վերցու.  
Շնորհակալ եմ. կաց բարով, ես տ'երթամ:  
Հովիվ էկավ, որ տեսավ՝  
Սանասար կաթ կերե, կոտ կործե,  
Իրա տեղ դողաց, ասաց.  
— Սա՛նասար. գնա՛ բարով, մի վա՛խենա.  
Դոր էրթաս, մարդ քեզ չի հաղթի:

Գնաց, հասավ Պըղնձե քաղքի դիմաց.  
Նայեց, տեսավ ի՞նչ.— Էնտեղ քաղքի պատի տա՛կ.  
Քառսուն մարդ դադրած, էնքան են մնացած,  
Որ մորուսներն էկեր, դեղին է դարձած:  
Ասաց.— Բարև ձեզ, մեծ մարդեր,  
Միպտակմորուս, կարմրամորուս  
Ու թուխմորուս փահլեաններ:  
Էդ մարդեր ասին.— Աստըծու բարին,  
Ջահել տղա, վաղ չուր կեսօրին,  
Դուն է՛լ կըլնիս մեր հալին:  
Հավորների մեկն էլ ասաց.  
— Հեյ-վա՛խ, հե՛յ-վա՛խ, կանաչ կտրիճ,

[Էջ 68]

Դու է՛լ էկար ընկար էս քաֆրի ձեռ:  
Ջահել տղեն վերուց, հարցուց.  
— Ափո ջան, ի՞նչ, ինչո՞ւ կ ըլնիմ ձեր հալին:  
Ասաց.— Մենք էլ քեզ պես կտրիճ էինք,  
Էկանք էն աղջկա համար.  
Ինչ ուշքի էկանք, դարձանք էսպես:  
Ասաց.— Ա՛ դբեր, ասեք՝ ի՞նչ բան էդեր,  
Որ դուք էդեր էք էդ հալին:  
Ասին.— Էնի հնարք ունի, կախարդ է.  
Մի քիչ համբեր արա,  
Էն քաֆրին էնպես մեկ հավք մի կա,  
Կը գա, պատի վերա կը ճվա,  
Մեր հասակին ձեր մարդ կը դառնաս:

Սանասարն իմաստուն էր, չգնաց քաղաք,  
Իր ձին դարձուց, քաղքից քիչ մի գատացավ,  
Մնաց չուր մութ էտու գետին:

Մթնեց: էդ ժամանակ դարձավ, էկավ քաղքի մոտ.  
 Քուռկիկ Ջալալինի սանձ օլորեց,  
 Ձիու մեյդա՛ն բաց արավ,  
 Կանչեց ըզիր աստված,  
 Չանգու զարկեց ձիուն,  
 Մեկեն թռավ, անցավ ըզպղընձե պարիսպ,  
 Իջավ, մտավ քաղքի մեջ:—  
 Չե՛ էդ քաղաք բաց դուռ չուներ,  
 Տի թոներ, անցներ զպարիսպ:—  
 Շատ ման էկավ քաղքի մեջ,  
 Իրեն ուզած տեղ չգտավ, որ նստեր,  
 էկավ, հասավ քաղքի կուշտ,  
 Մեկ հայի խան գտավ, իջավ էնտեղ:  
 Էդոր պահող՝ սիպտակամորուս հավկոր մարդ էր:  
 Հարցուց.— Ափո ջան, էս խանի վարձ ի՞նչ է:  
 Պատասխանեց.— Ո՛րդի,  
 Ձիուն մե՛կ արծաթ, մարդուն կե՛ս արծաթ:  
 Թե.— Ափո՛, էս քեզ կը տամ,  
 Ձիուս էրկու արծաթ,  
 Իմ գլխուն իրեք արծաթ.—

[Էջ 69]

Ձինք քանց ձին ավելացուց.—  
 Իմ ձիուն աղեկ տիրություն կ'անես:  
 Քուռկիկ Ջալալին էդտեղ կապեց,  
 Գնաց մեջ էդ քաղքին ման գալու:  
 Էլավ, մեկ հաց առավ փռնից,  
 Դարձավ, էկավ իր խան,  
 Էն հավկորի կուշտ նստավ:

Գիշեր էր: Իր հաց կերավ, ասաց.  
 — Հավկո՛ր, հեքաթ մ' ասա, ականջ անենք:  
 Հավկորն ասաց.— Ես բան չեմ գի՛տի:  
 — Ափո՛ ջան, մեկ հարցմունս անեմ քենե:  
 Թե.— Որդի, ի՞նչ հարցմունս:  
 Հարցուց.— Էս քաղքի անուն ի՞նչ կ'ասեն:  
 Պատասխանեց.— Ո՛րդի,  
 Էս քաղքի անուն Պղընձե քաղաք կ'ասեն:  
 — Դե՛, Պղընձե քաղաք էստե՞ղն է:  
 Պատասխանեց, թե.— Հա՛, էստեղն է:  
 Սանասար վերուց, հարցուց.  
 — Էս քաղքի թագավոր մեկ աղջիկ ունի,  
 Էդ աղջիկ ի՛ մալ աղջիկ է:

Հավորն ասաց.— Ո՛րդի, քեզ ի՞նչ կա հետ.  
Իմալ կ'ըլնի՝ թող ըլնի:  
Ասաց.— Պա՛պիկ, էնպե՛ս, կը հարցընեմ:  
Հավորն ասաց.— Ո՛րդի,  
Մեր թագավորի աղջիկ հմայք կ'անի.  
Քանի՛ քանի թագավորի տղա  
Էկին, որ զէն առնեն.  
Հմայք արավ, էթալ սարեր.  
Մեկըն դըսա, մեկըն դընա:

Չըլնի՞ թե դու էկեր ես՝ զէն առնես.  
Ես կ'իրիշկեմ, որ դու ափսոս տղա ես:  
Թե է՛ն ապով ես էկեր,  
Թո՛ղ, թո՛ղ, դարձի՛, խեղճ ես, մեղք ես.  
Էդ բաներեն ձեռք վեր առ.  
Շատեր էկած, չկարցած:  
Սանասար ասաց.— Չէ՛, պա՛պիկ,  
Ես էն ապով չեմ էկի.  
Ինձ ի՞նչ կա հետ էնոր:

[Էջ 70]

Ապա էնոր հմայք չի խա՛փանի,  
Պա՛պիկ, օղորմի քո հոր, ինձ ճիշտն ասես,  
Տեսնենք՝ ինչ է էնոր հմայք:  
Ասաց.— էնոր հմայք կո՛ մեջ ծովուն,  
Ակունք կո՛ մեջ ծովուն վիշապի բերնի մեջ:  
Հրեղեն մարդ մի տ'ըլնի,  
Որ էրթա, մտնի էն ծով,  
Ակ վիշապի բերնեն հանի.  
Առավոտուն էլնի,  
Աղջիկ մերկ մեջ իր սենեկին տեսնի,—  
Էնոր հմայք ես է, կըխափանի.  
Էլ հմայք վեր էնոր չբանի,  
Կարնա զաղջիկ առնի, իրեն տանի:

Սանասար ասաց.— Պա՛պիկ, ի՞նչ կ'ըլնի,  
Էնոր քոչք ու սարեն շանց տաս, ես էլ տեսնեմ:  
- Քո ի՞նչ բան է էդ բաների հե՛տ:  
Էն էլ խնդիրք արավ.— Ափո՛ ջան,  
Աստված սիրես, ես կարիք էրկրից եմ.  
Ի՞նչ կ'ըլնի, մեկ ինձի շանց տաս,  
Ես էլ մտիկ անեմ,  
Էրթամ մեր էրկիրներ, ասեմ՝  
Էսպես քաղաք մի կա:  
Հավորն առավ գտղան,  
Էլավ տանիս, ձեռ պարզեց, ասաց.

— Էն սև պատուհաններ, սև պալատներ կը տեսնե՞ս,-  
Թագավորի աղջրկա քոչք ու սարեն է:  
Էն սև փարդա է կապած պատուհաններին,  
Որ աղջիկ դուռ չտեսնի:  
Տղան հարցուց.— Պա՛պիկ,  
Էն ի՞նչ է ճրագի՛ պես կը վառվի:  
Ասաց.— Ո՛րդի, էնի ոսկի խնձոր է,  
Էնոր դարգահի սա՛ն գլուխ զարկուկ:  
Մեկ էլ գուրգ մի կա, կո՛ էն բրջի գլուխ:  
Ով էն ոսկի խնձոր բերի տա՛կ, դնի իր ծոց,  
Դիր մ՛ էլ ձիով բարձրանա, դնի տեղ.  
Ով որ ուժով ըլնի,  
Էն գուրգ բրջի գլխեն թալի տա՛կ.  
Ակ վիշապի բերնեն հանի,  
Թագավորի հետ կռիվ անի, կտրիճ ըլնի,—

[Էջ 71]

Աղջիկ իրեն կը տանի:  
Ասաց.— ՕՖ, ափռ, ես ի՞նչ եմ,  
Որ էդ բաներին ձե՛ռ թալեմ.  
Հարցմունս էր՝ արի քենե:  
Կ՛երթամ ուրիշ երկիրներ,  
Կ՛ասեմ՝ Պղընձե քաղաք էսպես քաղաք է:  
Քելե՛, քելե՛, էրթա՛նք, ինձ քուն կը գա:  
Գնացին խան, տեղ ձգեցին, պառկեցին:

Հալվոր քնավ. համա Սանասար չքընի:  
Ասաց. «Խա՛չ, որ էնպես է,  
Էս գիշեր պիտի գնամ, փորձեմ»:  
Տղան տեսավ, որ հալվոր քնավ,  
Քիչ մի հանդարտեց, խալիս պակսեցին,  
Էլավ, դարձավ աղոթարան,  
Իրեք անգամ ծունր էղի առաջի աստծու:  
Էլավ, գնաց, ըզձին հեծավ, խանից էլավ դո՛ւրս:  
Լուսնակ գիշեր մի, ինչպես ցերեկ:  
Աստծու անուն էտու,  
Իսաչ Պատերազմին կանչեց.  
Մեյդանի մե՛ջ գնաց, էկավ, ըզձին տաքցուց.  
Զանգու զարկեց ձիու կո՛ղ,— ձին բարկացավ.  
Ըզձին թռուց, էլավ սան գլխի հե՛տ,  
Զեռ էտու, զօսկի խնձոր առավ, էղի ծո՛ց,  
Թափկան գնաց, մեկ ժամվա ճամփա հեռացա՛վ,  
Նորեն դարձավ, էկավ մեյդանի մեջ:  
Դիր մ՛ էլ ըզձին թռուց,  
Էլավ բրջի գլուխ,  
Աստծու անուն— էտու,

Խաչ Պատերազմին կանչեց,  
Ձեռ էտու, ըզգուրզ բռնեց:  
Օլորեց, տեղից էհան դո՛ւրս, թալեց,—  
Գուրզ կես ժամվա ճամփա գնաց, դիպավ գետին,  
Մեջ ամառվա չոր գետնին՝ գազ մի մտավ գետնի մեջ:  
Ապա ըզձին քշեց մեջ ծովուն,  
Գնաց, մտավ ծովու տա՛կ,  
Տեսավ՝ վիշապ գլուխ բարձրացուցեր է.  
Վեր վիշապի գլխուն դադրավ.  
Գուրզ մի զարկեց վեր վիշապի գլխուն.  
Վիշապ զինք թափ էտու,

[Էջ 72]

Ակ բերնեն թռավ, գնաց մեջ դաշտին:  
Վիշապ զինք թափ էտու, ջուր էլից քաղաք.  
Ինչպես անձրև գա, էնպես զքաղաք էթաց.—  
Ծով կատաղավ, վիշապ քամի քաղաք եղավ:  
Դարձավ իր խան, ըզինք էտու քունջ մի,  
Կող էլավ քնավ չուր լուսաբաց:

Առավոտուն ինչ լուս բացվավ,  
Տեսան՝ Դեղձուն-Ծամի պատուհաններ բացվե.  
Էնոր լուս տվեր է քաղաք:  
Ինչ լուս բացվավ, տղան իր նինջ էհան,  
Էլավ տանիս, իրիշկեց՝  
Աղջկան պատուհաններու մեջեն՝  
Աղջիկ մեջ իր սենեկին կ՛երևեր,  
Զաղջիկ մեջ իր սենեկին տեսավ:  
Էնոր հմայք խափաներ է՛ր:  
Մանսաար դարձա՛վ, ասաց հալվորին.  
— Պա՛պիկ, էս գիշեր քամի մի փչեց,  
Սև ամպ մի Մասնա հե՛տ էկավ,  
Անձրև էնոր մոտեն էկավ, քաղաք թրջեց:

7

Թագավոր էտու մունետիկ կանչել.  
— «Տեսնենք՝ ո՛վ ակնունք վիշապի բերնեն հաներ է.  
Ման էկեք, տեսնե՛ս՝ էն ի՛նչ մարդ է էկե,  
Իմ աղջրկան ոսկի խնձոր կոտրե, տարե:  
Բռնեցեք, բերեք էստեղ, գլուխ կտրենք»:  
Մունետիկներ ընկան քաղքի մեջ ման գալու.  
Էրկու ժամ ման էկան, մարդ չտեսան.  
Գնացին, մտան էն հալվորի խան, ապին.  
— Հավոր, էստեղ կարիք մարդ չկա՞,  
Ասաց.— Չէ՛, էս գիշեր իմ խան

Մարդ չե՛կեր, քանց էն տղան.  
Էն էլ իմալ էկեր է, ընկեր քնուկ էր:  
Էն տղան էնքան էն հալվորի աչքին չէր գա:  
Որ ա՛սաց. «Չէ՛, կարիք մարդ չկա»,  
Տղան վերուց, ասաց.— Աղբէ ր.  
Ինչի՞ կարիք մարդ չկա, էս կարիք էմ:  
Հալվոր բարկացավ.— Սո՛ւս կաց, զքեզ կը տանին, սպանեն

[Էջ 73]

Ասաց.— Ինչի՞ տի սպանեն:  
Տղան գմունետիկներ կանչեց, ասաց.  
— Աղբեր, էս կարիք էմ, ի՞նչ հարցմունս կ'անեք:  
Մունետիկներ տեսան՝  
Էդ տղան էնենց ջահել, ջիվան տղա է,  
Էնոնց արուն էռաց էնոր վերա,  
Ասին.— Ա՛յ տղա. զքեզ պահենք,  
Դու ափսոս էս, մի գա մեր թագավորի առաջ:  
Հարցուց.— Թագավորին ի՞նչ է եղե՛  
Չգամ թագավորի առաջ:  
Էնոնք ասին.— Ո՛րդի,  
Էս գիշեր զարկած, տարած են  
Թագավորի աղջկան ոսկի խնձոր.  
Թագավորից հրաման է՝  
Ինչ մարդու մոտ էն խնձոր տեսան,  
Թե կտրիճ էղավ, կռիվ արավ,— պրծա՛վ.  
Թե որ կտրիճ չէղավ, զգլուխ կը զարկեն:  
Մանասար էլ ձեռ տարավ ծո՛ց,  
Զոսկի խնձոր հանեց, նշանց էտու,  
Դարձավ, ասաց էնոնց.  
— Մունետիկնե՛ր, գնացե՛ք, թագավորին ասե՛ք,  
Թե՛ ոսկի խնձոր տանող տեսեր ենք:

Էնոնք գնացին, թագավորին ասին,  
— Մենք քո ոսկի խնձոր տանող տեսեր ենք:  
Թագավոր ա՛սաց.— Գնացե՛ք, ասեք՝ գա էստեղ:  
Թագավորի բռնավորն է:  
Էկան, ա՛սին.— Դու թագավորի բռնավորն էս.  
Էրթանք, թագավորին բռնըվի՛:  
Ասաց.— Թագավո՞ր, ի՞նչ թագա՛վոր.  
Հա՛, հա՛, ձեր թագավորից կռիվ կ'ուզեմ.  
Աստված կամ ինձ կըտա, կամ իրեն:  
Ես ինչի՞ տի գամ թագավորին բռնվիմ,  
Կռիվ կ'ուզեմ, որ կռիվ անեմ:  
Թագավոր լսեց, ասաց.  
— Աղեկ, էս բան ով որ արե՛  
Իմ աղջրկան համար է արե.

Թող գա, նայենք՝ ինչպես արե.  
Թող ինձ ասի, ես իմ աղջիկ տամ էնոր:

[Էջ 74]

Մանասար Էկավ, ասաց. Ես եմ արե:  
Հարցուց.– Էս բան դո՞ւ ես արե:  
Պատասխանեց. Այո՛, ես եմ արե:  
Թագավոր ասաց.– Որ դու ես արե,  
Դե՛, ինչպես ոսկի խնձոր՝  
Էն սան գլխից բերեր ես տակ,  
Դիր մ՛ էլ ցերեկով տա՛ր, դիր սան գլուխ,  
Որ մենք տեսնենք, ես իմ աղջիկ տամ քե՛զ.  
Կամ թե չե՛, ես քո վիզ տի գարկեմ:

Մանասար ըզձին հեծավ, մեյդան առավ,  
Մեյդանի մեջ մա՛ն Էկավ, ըզձին տաքցուց,  
Գնաց, Էկավ, թռուց, Էհան էն սան գլխու հետ,  
Զոսկի խնձոր Էզար էն սան գլուխ:  
Թափկան ժամ մի ետ գնաց,  
Մե՛կ էլ դարձավ, Էկավ մոտ թագավոր:  
Թագավոր ասաց.– Էտա Էլավ:  
Համա էն շնորհք քոն չե, քո ձիուն է:  
Ասաց.– Քենե կ՛ուզեմ՝  
Ինչպես էն գուրգ բրջի գլխեն  
Քաշեր ես դո ւրս, թայեր ես տա՛կ,  
Դիր մ՛ էլ հանես բրջի գլուխ, թալես վեր բրջին.  
Որ մենք տեսնենք, Ես իմ աղջիկ տամ քե՛զ.  
Կամ թե չե՛, ես քո վիզ տի գարկեմ:

Մանասար Էլավ, գնաց գէն գուրգ վերուց,  
Վեր թնին վեր օլորեց, Էթալ,  
Էզար վեր էն բրջի գլխուն,  
Հետ գարկելան ըզբուրջ փլուց, Էբեր տա՛կ:  
Թագավոր ասաց.– Կ՛երևա,  
Որ դու աղեկ կտրիճ, գորեղ ես:  
Էտա Էլավ իրեք փորձանալիք:  
Ինձի վաթսուն հատ փահլևան կա,  
Զամեն էլ շղթայե, բանտ եմ դրե,  
Թողնեմ դո ւրս, կոիվ արեք.  
Թե դու զվաթսուն էլ հաղթեցիր,  
Աղջիկ կը տա՛մ քեզ, կը տանես:

Մանասար մտածեց. «Ես իմ վաղեն դրեր եմ՝  
Միայն իրեք օր մնամ էստեղ.

[Էջ 75]

Էս թագավոր վեր ինձ կռիվ տի հանի  
Մե՛կ մեկ փահլևան, թե՛ ամեն մեկդիր»:  
Դարձավ, հարցուց.— Թա՛գավոր,  
Դու քո վաթսուն փահլևան մեկդի՞ր տի հանես,  
Թե՛ մեկ մեկ տի հանես դեհ ինձ:  
Թագավոր ասաց.— Մա՛նասար,  
Վաթսուն էլ մեկդիր հանե՛մ,  
Ըզքեզ ցրիվ կը տան.  
Մե՛կ մեկ հանեմ, կովեցե՛ք:  
Թե դու հաղթեցիր, աղջիկ տի տամ քեզ.  
Թե չե՛ կո՛զքեզ տի սպանեն:

— Թա՛գավոր, ապրած կենաս,— ասաց.—  
Ես չեմ դադրի էստեղ, չուր վաթսուն օր կովի.  
Վաթսուն էլ մեկդիր թող դո՛ւրս, կովենք.  
Աստված կամ ի՛նձ կը տա, կամ փահլևաններուն:  
Թագավորն էլ ասաց.— Հա՛յ.  
Վաթսուն մեկտե՛ղ թողնեմ դո՛ւրս,  
Ըզքեզ տի փրփրթե՛ն.  
Խեղճ էս, կաց, վաթսուն օր կովի:  
Ասաց.— Չե՛, թագավոր,  
Ես վաթսուն օր չեմ կա՛րնա կենա էստեղ.  
Դու քո վաթսուն փահլևան մեկդիր հա՛ն:

Թագավոր ուղարկեց, մեկդիր էթող դուրս  
Ըզիր վաթսուն փահլևան:  
Մանասար գթուռկիկ Ջալալին հեծավ,  
ԶԹուր Կեծակին քաշեց, մեյդան կայնավ.  
Փահլևաններ գոմշու պես մըմըռացին,  
Էկին դեհ Սանասար:  
Մե՛կ էնոնց մոտեն, մե՛կ Սանասարի,  
Առին իրար, զարկին իրարու:  
Դեղձուն-Ծամ պատուհան կայնե, մտիկ կ'անի:  
Մանասար ընկավ մեջքեր,  
Թուր կը զարնի փահլևաններուն,  
Էնոնք չեն կարնա էնոր մոտենա:  
Չուր իրիկուն կռվան,  
Քսան փահլևանի վիզ կտրեց:  
Գիշերն էլ փահլևաններ կռիվ արին,  
Ասին.— Կը մթնի, մենք կը զարնենք,

[Էջ 76]

Զենի կը սպանենք, գիշեր մութն է:  
Չուր առավոտ տաս փահլևան էլ սպանեց:  
Առավոտից չուր իրիկուն կռիվ արին,



Տասն էլ սպանեց, մնաց քսան:

Լեշեր ընկավ չորս բայր,  
Արուն կայնեց մեջտեղ.  
Մանասար մնաց արնի մեջ,  
Արուն Մանասարին բռնեց.  
Էլ ոչ էնի կարցավ արնից դուրս գա,  
Ոչ էնոնք կարցան զՄանասար սպանեն.  
Էնոնք Մանասարի չորս բոլոր մա՛ն կը գան.  
Չեն իշխենա մոտենա էնոր:  
Մանասարի ձեռ կռմավ,  
Էլ չկա՛նա աղեկ կռիվ անի.  
Համա ըզինք կը պաշտպանի:  
Կռիվ էրպես մնաց:

Դառնանք Բաղդասարի վերան:

8

Բաղդասարն էլ Սասուն էր:  
Էն մեկ առավոտուն էլավ, կը լվացվեր,  
Աչք ընկավ Մանասարի մատնիք,  
Ինչ աղբեր աղբոր հետ փոխարկեր էր:  
Տեսավ՝ մատնիք մատին սևցեր է:  
— Ահա, ասաց, շտապեք, իմ ձին քաշեք դո՛ւրս.  
Ես հեծնիմ, էրթամ իմ եղբոր հասնիմ:  
Էլավ դուրս, տեսավ՝ ա՛ մպն մթներ է:  
Էկավ տո՛ւն, ասաց.— Հեյ-վա՛ իս, հեյ-վա՛խ, մարե՛,  
Իմ աղբեր շատ նեղութնի մեջ է:  
Հարցուց.— Դու ի՞նչպես գիտես:  
— Մեկ հալվոր մարդ մի մեզ նշանց էտար,  
Ասաց՝ Երբ էս ամպ կը մթնի,  
Դուք էրկու աղբեր՝ որ մեկտեղ չեք ըլնի,  
Իմացեք, որ մեկըն նեղ տեղն է.  
Իրարու օգնություն հասեք:  
Ես շուտ տ՛երթամ, հասնեմ:  
Ասաց.— Ո՛րդի, համբեր արա,

[Էջ 77]

Ով համբեր ունի՝ կյանք ունի:  
Էրթանք, կտոր մի հաց ուտենք,  
Գնա քո աղբոր հասի՛:

Էլավ զհրեղեն ձին քաշեց,  
Թամբ էղիր վերան, զիր գուրգ առավ,  
Էլավ, հեծավ ըզձին,

Իր աստված կանչեց, քշեց:  
Մոռցավ, հաց էլ չկերավ:

Գնաց, հասավ էն սարի մեջ.  
Է՛ն աժդահար հովիվ նայեց, տեսավ՝  
Մեկ ձիավոր, էնպես կը գա՝ քամու պես.  
Ասաց. «Կա-չկա, էս Սանասարի աղբերն է»:  
Գնաց առջև, ասաց.  
— Ձիավոր, արի՛, կաթ մի կթեմ, կե՛ր.  
Նստի, հանգստացիր, էլի՛, գնա՛:  
Բաղդասար ասաց.— Մատանա՞ ես դու.  
Իմ աղբեր մկա մեռե,  
Դու կ՛ասես՝ արի կաթ կեր, ես կ՛երթամ:  
Հովիվ ասաց.— Հնար չկա,  
Չուր կաթ չուտես, չեմ թո դնի՛ էս տեղով էրթաս:  
Բաղդասար տեսավ՝ եղտեղ կռիվ կ՛ըլնի, նստավ:  
Հովիվ իր կոտ իլին կաթ կթեց,  
Հացի հետ եղիր Բաղդասարի առջև,  
Զինք գնաց օչխարի բուր ման գալ:  
Յոթ փաթ ման էկավ օչխարի բուր,  
Նոր՝ Բաղդասար էդ կաթ կերավ,  
Կոտ կործեց, կանչեց.— Հովի՛վ,  
Արի, կոտ վերցու, ես կ՛երթամ:  
Հովիվ էկավ, Բաղդասարին ասաց.  
— Բաղդասար, քո աղբեր յո՞թ քո չափ ուժ ունի.  
Էնոր չըլնիմ հակառ կենաս:  
Գնա՛. քո աղբեր քառասուն փահլևան սպանե.  
Մնացե քսան, էն էլ դու կը սպանես,  
Ետ կը դառնաք, կը գաք:  
Մի վա՛խենաք, մարդ չկարնա  
Ձեր էրկու աղբոր վերան:

Քշեց, գնաց Պղընձե քաղքի պարսպի տակ.  
Տեսավ՝ քառսուն հալվոր կայնած են էնտեղ.

[Էջ 78]

Տեսավ, որ էդ մարդիկ էնքան ծերացած են.  
Որ շորեր, մորուս, վերան-գլուխ դեղին դարձե:  
Բարև էտու հագրաց, ասաց.— Բարև ձեզ,  
Միպտակմորուս, կարմրամորուս, թուխմորուս մարդեր:  
Էլի էն հալվոր բարև առավ, ասաց.  
— Հեյ-վա իս, հեյ-վա իս, կանաչ կտրիճ, ջահել տղա,  
Դու է՛լ էկար, էրթաս ընկնես էն քաֆրի ձեռ:  
Ասաց.— Ի՞նչ կա, որ քաֆրի ձեռ ընկնեմ:  
— Որդի, մեկ ժամ մնաս,  
Էն քաֆրին մեկ հավք մի կա՛ կը գա կը ճվա,

Դու էլ մեր հասակին մարդ կը դառնաս:  
 Բաղդասար ասաց.— Ափո ջան,  
 էրեկ, էռանդ իմ պէս ջահել մարդ մի էկե,  
 Անցեր էստեղ վե՛, չե՞ք տեսե:  
 Էդա մարդեր դարձան, ասին.  
 — Էրեկ չէ էռանդ քեզ պէս մարդ մի անցավ,  
 Դեռ քանց քեզ գորեղ, քանց քեզ կտրիճ էր.  
 Ո՛րդի, էնոր ձին էլ կրակե ձի էր.  
 Թռավ, անցավ քաղքի մե՛ջ:  
 Չուր էսոր էնոր կովի ձեն կը գար.  
 Փահլևանների կովի ձեն կը գար:  
 Էսոր մենք էլ ձեն չենք լսե,  
 Էլ չեմ գի տի՛ ի՞նչպէս էղավ, ինչպէս չէղավ:  
 Բաղդասար ասաց.— չե՛յ-վա իս, էն իմ աղբերն է.  
 Որ էլ էնոր կովի ձեն չէկեր՝ սպանած են:  
 Ուխտ ըլնի՛ ես էստուց առնեմ սպանել,  
 Էսա քաղաք ավերեմ.  
 Իմ աղբոր վրեժ առնեմ:

Ըզեն մարդեր անցավ, գնաց.  
 Ինչ բան որ ռաստ էկավ,  
 Ինչ որ իրար կ՛առներ՝  
 Թե տավար, թե մարդ՝ սպանեց:  
 Գնաց, գուրգ մի զարկեց, պարիսպ փլուց,  
 Մտավ քաղաք, մոտ հասավ:  
 Մանասար ու էն քսան փահլևան  
 Էլած էն մեկ մեկի առջև կոխվ.  
 Մանասար էնպէ՛ս էզեր.  
 Չոռով ըզինք կը պաշտպանի.

[Էջ 79]

Արուն աչքեր բռներ է, թուր կը զարնի:  
 Բաղդասար ըզձին քշեց, գնաց,  
 Աղջկա պատուհանի առաջեն անցավ.  
 Ասաց.— Աղջի՛, կոխվ դեհ դո՞րն է:  
 Աղջիկ ճանչեցավ, պատասխանեց.  
 — Կոխվ դեհ քաղքով դե՛ս է:  
 Բաղդասար քշեց ըզձին.  
 Գնաց, մտավ մեջ կովուն.  
 Ճոթից մի էն կտրեց գփահլևաններ.  
 Դարձավ, կանչեց,— Տո, Մանասար. ա՛ղբեր:  
 Մանասար իմացավ՝ իր աղբերն է էկեր,  
 Ասաց.— «Օրհնյա՛լ է աստված.  
 Օգնականս հասավ. էլ ահ ա էրկուղ չունիմ»:  
 Կանչեց.— Հրամմե, Բաղդասար աղբեր.  
 Ուայ, էդ դո՛ւ ես, էկար իմ օգնություն:

Բաղդասար ասաց.— Հա՛, ես եմ:  
Դե՛, էտա դեհեն առջև բռնի՛,  
Ես էս դեհեն սպանեմ, գամ:  
Գնաց, աղբորն արնից քաշեց դուրս,  
Տարավ, լվաց, աղբոր աչքեր բացվավ, ասաց.  
— Ո՛ւր է քսան փահլևան էլ մնացեր է:  
— Ես զենոնք սպաներ եմ,— ասաց Բաղդասար:

Գնացին թագավորի առաջ:  
Թագավոր որ էրկա աղբեր տեսավ.  
Ասաց.— Էտա էղավ չորս փորձանալիք:  
Հիմի տերթաք Կանաչ Քաղաք,  
Նոր գաք գաղջիկ տանեք:

9

— Կանաչ Քաղաք, ո՞ւր ես, էկանք:—  
Գնացին, ընկան չոր ու ցամաք, ոստին տեղեր:  
Մտան քաղաք, դես ման էկան, դեն ման էկան.  
Վերջոն պատվա մի դուռ տփեցին:  
Պառավ էկավ, հարցուց.— Ո՞վ է:  
Ասին.— Կարիք տղերք ենք, մամիկ, հյուր չե՞ս ուզի  
Ասաց.— Ինչի՞ չեմ ուզի, որդիք, հյուրն աստծունն

Պառավ դառ էբաց, տղեր ներս առավ:  
Ասաց.— Ես էլ գավակ չունիմ.

[էջ 80]

Դուք ինձի լա՛ճ, ե՛ս ձեզի մե՛ր,  
Մեկտեղ ապրինք, հացն աստծունն է:

Առավոտուն լուս որ բացվեց,  
Մանասար ասաց Բաղդասարին.  
— Քաջանց թագավոր մեզ ուղարկեց էստեղ, որ ի՞նչ:

Մենք ի՞նչ պիտի անենք էստեղ:  
Բաղդասար պատասխանեց.  
— Ա՛ղբեր, էլնենք, ման գանք էս քաղքի մե՛ջ,  
Աստված ինչ որ կը տա՝ էն էլ կ՛անենք,  
Չուր կը տեսնենք՝ վերջն ի՞նչ կ՛ըլնի:  
Ձիանք, զենքեր թողին պատվու մոտ,  
Էլան քաղքի մեջ ման գալու:

Էկան թագավորի ախոռի դո՛ւռ, կայնան:  
Ախոռապետն էկավ, էտնց հարցուց.  
— Ա՛յ տղա, ի՞նչ մարդ եք. չե՞ք ըլնի ձիապան.

Ասին.— Կարիք մարդ ենք. կ'ըլնինք:  
 Հարցուց.— Գիտեք ձի թիմարեք:  
 Ասին.— Այո, գիտենք:  
 Ախոռապետն էնոնց տարավ ախոռ,  
 Ասաց.— Դե, ձիերու տեղ շինեք:  
 Սանասար ցախավել առավ, Բաղդասար՝ թիակ,  
 Ձիերի տեղ ավլեցին:  
 Ախոռապետն ասաց.— Հիմի ձիանք թիմարեք:  
 Սանասար հարցուց.— Ո՞ւր է քերոց:  
 — Էս ականատն են քերոցներ,—  
 Ասաց ախոռապետն ու դուրս էլավ:  
 Սանասար որին ձեռ տվավ,  
 Էն քերոցներ ձեռաց մեջ էդան հո՛ղ:  
 Ախոռի մեջ ման էկավ, տեսավ՝  
 Քերոցի պես՝ մեծ մի բան դրած էնտեղ.—  
 Պղընձե գուռ էր, ինչ ձիերուն ջուր կը տային.  
 Գարի լցած մեջ՝ ձիերու համար:—  
 Գարին դատարկեց գետին,  
 Էդ պղինձ առավ ձեռ, ձիեր թիմարի:  
 Որի քամկին մեկ դիր պրտեց,  
 Կաշին հանեց, բերեց, էթալ պոչից դո՛ւրս:

[Ներդիր]

Էլավ Դավիթ՝ ձի հեծավ, գնաց Ծովասար

[Էջ 81]

Էդ ժամանակ ախոռապետ դարձավ ետ,  
 Կանչեց, ասաց.— Էս ի՞նչ էք արե:  
 Պատասխանեցին, թե.— Քերոցեր ենք:  
 — Աստված ձեր տուն ավրի,  
 Ամեն սպաներ էք ձիանք:  
 Ախոռապետ գնաց, թագավորին ասաց.  
 — Էսպես մեկ բան է էղե.  
 Էս մարդոց հետ ի՞նչ անենք,  
 Էս մարդեր գորեղ են, աժդահա են:  
 Էն էլ ասաց.— Թողեք՝ մնան.  
 Առավոտ կ'ուղարկենք սա՛ր՝  
 Վիշապի հետ կռիվ անեն:

Տղեք դարձան, եկան պատվու տո՛ւն:  
 Իրիկնապահին Բաղդասար ասաց.  
 — Մամիկ, ծարավ եմ, պատ մի ջուր:  
 Պատավ ասաց.— Հոգիս էլնի, էլ ջուր չկա:

Տղան հարցուց.— Մամի կ, էդ ի՞նչ խոսք է:  
 Պառավ պատասխանեց.— Մեռնիմ քեզի.  
 Էս Կանաչ Քաղաք անջուր քաղաք է, ջուր չկա:  
 Մարի գլուխ մեկ աղբուր կա՛,  
 Էն էլ աղբրի ական վերա՛  
 Վիշապ մի էկեր, բերան տվե, նստե,  
 Չի թողնի, որ ջուր գա քաղաք:  
 Մենք էլ էնոր ահու չենք կարնա ջուր բերի:  
 Ամեն շաբաթ ազապ աղջիկ մի տի տանք,  
 Էդ վիշապ ուտի, որ ջուր բաց թողնի,  
 Ինչ է թե՛ ժողովուրդ ծարավ չկոտորվի.  
 Ու մեր քաղաք չավերի:  
 Թագավորի մոտ մեկ աղջիկ մի կա,  
 Վաղ հերթ էդ աղջկան է:  
 — Մամի կ, բա չե՞ք կարնա էդ վիշապ սպանի:  
 Ասաց.— Որդի, էնոր սպանելու ճա՛ր կըլնի.  
 Քանի՛ քանի դիր թագավոր՝  
 Իր գորքերով գնացե՛ վերան կոիվ,  
 Բան չի կարցե անի:

Առավոտ որ լուսացավ,  
 Պառավ ասաց.— Հա՛նգո ձենձենոց կը գա,  
 Ես կ'ասեմ՝ աղջիկ կը տանեն, տան վիշապին:

[Էջ 82]

Տղաներ իրիշկեցին, որ, ուղորդ,  
 Լուսնակի պես մեկ աղջիկ,  
 Ոտից գլուխ սներ հագցուցած,  
 Լալով առեր են, որ տանեն աղբրի գլուխ.  
 Կնանիք էլ՝ կժեր առած՝ կ'երթան ջրի:  
 Էրկու աղբեր ընկան էնոնց հետև, գնացին:  
 Երբ որ քաղքից էլան դուրս,  
 Մանասարին, Բաղդասարին ասին.  
 — Էս աղջիկ առեք, տարեք, տվեք վիշապին,  
 Էնոր հետ կոիվ արեք, սպանեք:  
 Մանասար ու Բաղդասար ասին թագավորին.  
 — Մենք ինչո՞վ էրթանք կոիվ,  
 Մենք զենք չունենք հետ մեզ:  
 Էն էլ ասաց.— Դուք գիտեք:

Բաղդասար ասաց Մանասարին.  
 — Էրթանք, էնտեղ, էնա մոտիկ ջոջ տան մեջ,  
 Էրկու կլոր քար կա, առնենք, էրթանք.  
 Էրկուսի մեջն էլ ծակ է,  
 Կը մտուցենք մեր թևքեր, կ'երթանք:  
 Գնացին քարեր առին:

Քարերի տերեր էկան,  
Թագավորին գանգատ արին,  
Թե.— Մենք էնքան ծախս արինք,  
Հազիվ բերինք էդ քարեր.  
Էդոնք կը տանեն, կը թալեն սա՛ր,  
Էլ մենք չենք կա ընա բերի:  
Թագավոր ասաց.— Որ տանեք, էլ կը բերե՞ք:  
Ասին.— Հա՛, կը տանենք, էլ կը բերենք:

Էնոնք առին աղջիկ ու քարեր,  
Գնացին, հասան սարի գլուխ,  
Էնտեղ որ աղջիկները կը կապեն:  
Ասին.— Աղջի կ, մի վախենա,  
Կայնի էստեղ, մենք էրթանք,  
Մեկ՝ վիշապը վերն կայնենք, մեկ՝ ներքև:  
Աղջիկ էստեղ մտածեց,  
Թե՝ «Ես թողնեմ, փախնիմ,  
Թող վիշապ գա, զենհնք ուտի»:

[Էջ 83]

Տեսան՝ վիշապ չկա, աղջիկ կը փախնի,  
Զաղջիս, բռնին, կապեցին:  
Մանասար ասաց աղբոր.  
— Ես կը կայնեմ ներքև, դու՝ վերև.  
Ես կը վախեմ, որ ես վերև կայնեմ, քար զարկեմ,

Դու իմ քար չես կարնա բռնի.  
Հետ վիշապ դուրս գա՛, զարնենք, սպանենք:  
Համա զգուշ կաց, աղբեր,  
Քարեր չէրթան, ձորի մեջ կորուսին:

Մեկ էլ տեսան՝ զըռոց ընկավ սարեր.  
Իրիշկեցին՝ մեկ ջոջ գազան էկավ,  
Մեկ գոմշի չափ բարձր, հինգ գոմշի չափ էրկեն:  
Վիշապ հեռվեն տեսավ՝ էն որ մեկի տեղ՝  
Իրեքն են էկեր իրեն կերակուր,  
Ուրախացավ, ատամներ սրեց, բերան էբաց.  
Պոչն օլորելով, ֆըշֆըշալով,  
Կը գար դեռ աղջիկ, որ կուլ տա:  
Աղջկան կեռիք փակվավ,  
Լեզուն կապվավ, ու կը լար,  
Արցունք տաք տաք կը թափվեր էրեսն ի վար:  
Վիշապ էկավ, հասավ էնոնց մոտ:  
Բաղդասար քար մի էգար.  
Քար բռնեց էդ գազանին, չի ձգեց:

Կանչեց աղբոր. — Իմ քար բռնի՛ :  
Սանասար էգար, գազանի մեկ կող կոտրեց,  
Քար չգնաց աղբոր մոտ:  
Մոտեցան, քարերով գլուխ ջարդեցին,  
Քարեր առին, էկան աղջկա մոտ:  
Արձակեցին զաղջիկ, ասին.  
— Աղջիկ, էլի գնա տուն:  
Վիշապ արենկոլով ընկավ, սատկեց:  
Աղբուրների ակունք բացվան.  
Աղբրի ջուր վարարեց, էկա՛ վ, էկա՛ վ.  
Ամեն մարդ առատ-առատ ջուր կրեցին:  
Բաղդասար ասաց Սանասարին.  
— Քարեր թալենք էն ձոր, էրթանք:  
Սանասար ասաց. — Աղբեր, հայեր մեղք են,  
Չեն կա՛րնա քարեր բերի, տանենք, տանք էնոնց:

[էջ 84]

Քարեր առին, աղջկա հետ դարձան քաղաք:  
Աղջիկ պատմեց թագավորին, ինչ որ տեսավ:

Թագավոր կանչեց, հարցաց.  
— Տղեք, էն քարեր բերիք:  
Ասին. — Այո, բերինք, դրեր ենք դո՛ւռ.  
Էնոնց տերեր թող գան, տանեն, դնեն տե՛ղ.  
Մենք էնոնց տեղ չենք գիտի:  
Չուր էստեղ բերեր ենք, դոր թող էնոնք տանեն:  
Թագավոր ասաց. — Էնոնք չեն կարնա տանի ներս:  
Ասին. — Բա՛ առաջ ի՞նչպես են տարե ներս:  
Ասաց. — Առաջ գումեջներ, ձիեր լծեր են,  
Էդ քարեր բերեր են իրենց տեղ,  
Նոր՝ ձիթահանք շիներ են:  
Սանասար ասաց. — Թող գան հետ մեզ,  
Դռներ բանան, տեղեր շանց տան.  
Մենք քարնր տանենք, տեղեր դնենք:  
Տերեր գնացին տղաների հետ,  
Քարերի տեղ շանց տվին.  
Էնոնք քարեր տեղեր դրին.  
Դարձան, էկան պատվու տուն:

Մեկել օր թագավոր կանչեց,  
Սանասարին. Բաղդասարին ասաց.  
— Ուզեք, ձեր ուզած տամ:  
Բաղդասար ասաց. — Մենք բան չենք ո՛ւզի,  
Մեր ազատած կուզենք:  
Թագավոր նորեն հարցուց.  
- Բա՛ դղասար, ի՞նչ կուզես՝ տա՛մ:



Թագավոր իրեք անգամ հարցուց,  
Բաղդասար տղան իրեք անգամ էլ բան չուզեց:  
Էն ժամանակ ասաց թագավոր.  
— Որ բան մի չեք ուզի.  
Ձեր ազատած աղջիկ չիտ ձերն է:  
Արի քեզ պսակեմ. Բա ղրասար:  
Բաղդասար տղան ասաց.  
— Չիմի ես ժամանակ չունիմ պսակվելու:  
Բերին աղջիկ նշանեցին վեր Բաղդասարին:

[Էջ 85]

10

Էրկու աղբեր էլան, կաց-բարով արին,  
Էդ Կանաչ քաղքից դարձան,  
Էկին, հասան Պղընձե քաղաք:  
Քշեցին վեր Քաջանց թագավորի դռան,  
Որ գոռով դ՛Դեղձուն քաշեն, տանեն:  
Թագավոր ասաց. — Սա նասար,  
Դեղձուն կո քաղքից դուրս իր դղեկի մեջ.  
Համտոլ դին էնոր դռան պահապանն է:  
Կարնաս, գնա, տար քեզ հա՛մար:

Բաղդասար մնաց քաղաք,  
Սանասար, Սասնա Ծուռն էր,  
Առավ զենքեր, հեծավ իր ձին, գնաց:  
Քարի մ՛ գլուխ սիպտակ դղեկ մի տեսավ.  
Դեմ արավ էդ դղեկին,  
Ասաց. «Տեսնեմ՝ էդ Դեղձունի դղեկ չի՛ »:  
Գնաց, հասավ դռան, տեսավ՝  
Ջոջ, ահագին դարգահ մի կո վեր դռան:  
Կանչեց. — Է՛, դուռ բացեք:  
Համտոլ դի էն դեհեն ձեն էտու, ասաց.  
— Դու ո՞վ ես, դուռ բանամ վեր քեզ:  
Սանասար ասաց. — Իմ անուն չե՞ս լսե:  
Համտու հարցուց. — Քո անուն ի՞նչ է:  
Սանասար ասաց. — Դու իմ անուն չես գի՞տի:  
Համտոլ ասաց. — Չէ՛, չեմ գիտի:  
Սանասար ասաց. — Ես էլ չեմ գիտի,  
Թե իմ անուն ինչ է.  
Իմ մոր մոտեն լսեր եմ...  
Համտոլ հարցուց. — Ի՞նչ ես լսեր:  
Սանասար ասաց. — Ինչ եմ լսե՞ր:  
Ճիժ էի, իմ մեր ինձ վեր կը թալեր  
Ու կասեր՝ Համտոլի գրող:  
Համտոլ ասաց. — Որ դու իմ գրողն ես,

Մի քո մատ դռան ճղուն վե տուր դե՛ս...  
Սանասար ասաց.— Ահա քեզ ձեռ:  
Ու թև պարզեց էն դեհ:

[Էջ 86]

Համտոլ ինչ որ էնոր ձեռ տեսավ, զարմանք մնաց:  
Առավ իր ձեռաց մեջ, քամեց,  
Ապա ինչպես լու մի Սասնա Շուռ կծի,  
Բան չկարցավ աներ էնոր:  
Սանասար ասաց.— Համտո՛լ լ:  
Մի քո՛ ձեռ տուր դրսա:  
Համտոլ ըզձեռ էտու:  
Սանասար ինչ որ էնոր ձեռ քամեց,  
Համտոլի մոր ծծի կաթ արնի հետ մեկտեղ՝  
Էնոր ձեռից էտու դուրս էղունգի բերնից:

Համտոլ փախավ, գնաց մոտ Դեղձուն:

Դեղձուն ասաց.— Վա՛-վա՞, Համտոլ,  
Ի՞նչ էղավ քեզ, որ դու էսպես փախար:  
Համտոլ ասաց.— Խաթո՛ւն,  
Մարդ մի կո վեր դռան.  
Ասաց դուռ բաց, չբացի.  
Իմ ձեռ քամեց, իմ մոր ծրծի կա՛թ  
Իմ էղունգի բերան վե էտու դո՛ւրս:  
Դեղձուն ասաց.— Դու չկարցա՛ր  
Էնոր ձեռ՝ քամեիր:  
Համտոլ ասաց. Իր ձեռ էտու իմ ձեռ,  
Ձեռ չէ՛ր, ապա գերա՛ն էր:  
Դեղձուն ասաց.— Դու չհարցուցի՞ր,  
Թե էնոր անուն ի՞նչ էր:  
Համտոլ ասաց.— Հարցուցի, ասաց՝  
«Ես պզտիկ էի, իմ մեր ինձ վեր կը թալեր,  
Կ՛ասեր՝ Համտոլի գրող»:  
Դեղձուն ասաց.— Կարելի է,  
Էնոնք Սասնա Շոներն են:  
Համտոլ հարցուց.— Սասնա Շոներ ո՞վ են:  
Դեղձուն ասաց.— Սանասար, Բաղդասար են,  
Էնոնք որ էկած՝ սասուն տան են շինած,  
Անուն դրած Սասուն—Սասնա տուն:

Ջը՛նգ... զրնգ... էզար դռան:  
Ասաց.— Դուռ բա՛ց, թե չէ՛  
Քո դուռ, էրդիս՝ վեր քո գլխուն կը քակեմ:

[Էջ 87]

Համտոյին ձեռ-նոս չկար, ահու կանգներ էր:  
Դեղձուն պատուհանից իրիշկեց տեսավ՝  
Սասնա Ծուռն էր, Սանասար.  
Իր չմըշկներ ձգեց իր ոտք,  
Վազեց առաջ, դուռ էքաց, ասաց.  
— Գլխուս, էրեսիս վերան էկար, իմ տե՛ր:  
Սանասար իջավ ձիուց.  
Ձեռ թալին իրար վզի վերան,  
Գնացին, մտան մեջ դղեկին:  
Համտոյ էղավ քանց մժիկ մի, փախավ դո՛ւրս:  
Դեղձուն ասաց.— Է՛, հոգուդ, արևուդ մեռնիմ,  
Սանասար, ի՞նչ կա, բարի ըլնի:  
Սանասար պատասխանեց, ասաց.  
— Ես էկեր եմ, քեզ ինձ կնիկ տանեմ:  
Դեղձուն ասաց.— Աչքի ս վերա,  
Ես քեզ պես կտրիճ՝ մի էլ տի տեսնե՛մ:  
Որ էլավ Սանասարի դիմաց,  
Տեսավ՝ Դեղձուն էնպես խորոտ էր.  
Որ էրազի մեջ տեսածեն, իր պատկերեն,  
Յոթնապատիկ ավելի էր:  
Էդ տեղ մատանիներ հետ իրարու փոխեցին:

Դեղձուն-Ծամ վերուց, ասաց.— Սանասար,  
Հագա՛ր ափսոս քո ջահելութնին,  
Որ էլեր, էկեր ես իմ հետն:  
— Ի՞նչ դիմացով ափսոս կ'ասես:  
Դեղձուն պատասխանեց.  
— Էն ապով, որ կը վախնամ՝ զարնեն, քեզ սպանեն.  
Էսա էրկիր հմայքի էրկիր է:  
Գիշերով էնպես էրթանք, ասաց,  
Որ քաղաք չակահի, չիմանա.  
Որ քաղաք ակահի, իմանա.  
Չեն թո՛ղնի՝ դու ինձ տանես:  
Էն էլ պատասխան էտու, ասաց.  
— Ես չեմ վա՛խենա, ես ցերեկո՛վ տ'կրթամ,  
Էրկեն խոսք պետք չի,— ասաց.—  
Թե որ կը գաս ցերեկով,  
Թո՛ղի՛ ձիուս վերան՝ քեզ տանեմ.  
Թե չես իգա, վերջի խոսք տուր՝  
Ես դառնամ, էրթամ Սասուն:

[Էջ 88]

— Ինչպե՛ս չգամ, ասաց Դեղձուն.  
Ինձ ջան մի կա՝ քո սիրուն է:  
Քեզ կանչեցի, բերի, որ հետ քեզ գա՛մ:

Ասաց թե չէ՝ իսկուն թռավ ձիու քամակ,  
Սանասար քշեց ու գնացին:  
Վեր ճամփուն ինչ որ ըռաստ էկավ,—  
Թե քար, թե թափ, թե գազան,—  
Բարև էտուր Սանասար,  
Մինչև էզրեց էն էրկիր:  
Էնտեղ մեկ մուրտառ գազան մի ռաստ էկավ,  
Էնոր բարև չէտուր:  
Էն գազան էլ էլավ հետ էրկնուց.  
Բարձր ձենով կանչեց.  
«Հա՛, տարա՛ վ, տարա՛ վ.  
Սանասար Քառսուն-Ճուղ-Ծամ աղջիկ տարավ»:

Էս ձեն քարն լսեց, տվավ թփին,  
Թուփն՝ ծառին, ծառն՝ անասնին,  
Չուր ձեն հասավ մեջ քաղքին:  
Քաղաք քաղքով մեկ մեկին իմաց տվին  
Քաղքի մարդեր զըմեն ակհան,  
Հետիրաց էլան կռիվ:  
Հեծել հեծավ, բազմացավ,  
Ընկան Սանասարի էտներն:  
Ծովու ավազին համար կա՛ր,  
Էրկնուց աստղին համար կա՛ր,  
Գետնի բուսին համար կա՛ր,  
Հեծելին համար չկար:

Սանասարն էր, գաղջիկ տարավ,  
Էղի մեկ բարձր սարի գլուխ,  
Դարձավ դեռ էդ հեծել.  
Քաշեց Թուր Կեծակին, ասաց.  
«Հիշեմ քեզ, հեր կենդանին,  
Խաչ Պատերազմին վեր իմ աջ թևին».  
Անոթի, ծարավ բրդեց էդ հեծել:  
Քաղքի մարդեր չորս բոլոր բռնին,  
Դարգահի առաջ չաթուն բռնին, կայնան:

[Էջ 89]

Սանասար էնոնց մեջ կռիվ կ'աներ,  
Կը կոտորե՛ր, կը ջարդե՛ր, առաջ կ'էրթար:  
Քիչ էլ մնաց, իրիշկեց, տեսավ՝  
Դարգահի կողմեն մարդեր կը փախնին,  
Կ'էրթան, կը մտնեն քաղքի մեջ.  
Քաղքի կողմեն կը փախնին,  
Կը գան դարգահի առաջ:  
Մեկէլ կողմեն՝ Ծուռ Բաղդասարն էր՝

Կը գար, կը ջարդեր զմարդեր:

Էնի գատանց տեսավ մեկ սիպտակ ձիավոր,  
Որ արընի մեջ թաթախվեր,  
Ընկե մեջ հեծելին կը կտրեր:  
Կանչում մի կանչեց վեր ձիավորին,  
Ասաց.— Պատրա՛ ստ կաց, կա-չկա.  
Դու ես իմ աղբեր սպանե.  
Հետ հասա, քո հոգին աստծուն կ'ավանդեմ:  
Տարավ, էբեր, մեկ գուրգ էգար մեջ աղբոր սրտին.  
Աղբեր ընկավ վեր ձիու գավակին.  
Ամա նորեն շուտ թռավ մեջ թամբին.  
Դարձավ, գուրգ մ' էլ էգար, թամբից ձգեց դուրս.  
Աղբեր նորեն շիտկվավ մեջ թամբին.  
Սկսեց եղանակով ասել.

«Օրհնյա՛ լ, բարերա՛ ր աստված\*,  
Խնամք շա՛ տ է մեծ թագավորին.  
Դարբիկ նման էր մեր Ծուռ Բաղդասարին,  
Թափիկ նման էր մեր Ծուռ Բաղդասարին»:

Էս խոսքի վերան Բաղդասար ճանչեցավ,  
Որ իր աղբերն էր, ասաց.  
— Դու արնոտվեր ես, քե չըճանչեցա.  
Դո՛ւ ինչի ինձի չըճանչեցար.  
Խաբար չտվիր, որ քե դարբ չտայի:  
Դարձավ հարցուց Սանասարին.  
— Էն տեղեն որս բերե՞ ր ես, չէ՛ դատարկ ես էկե:  
Պատասխան էտու, ասաց.  
— Քաջանց թագավորի աղջիկ բերեր եմ,

-----  
\* Երգ է:

[էջ 90]

Կո՛ւ էնա բարձր սարի գլուխն է:  
Առավ իր աղբեր, տարավ մոտ աղջիկ.  
Զատանց աչքով, արավ աղջկան,  
Որ գա իր աղբոր ձե՛ ոք:  
Էն էլ իսկուն էլավ, էկավ Բաղդասարի ձեռք:  
Բաղդասար վերան շատ ուրախացավ.  
Էնտեղ ասաց.— Հարսնիկ,  
Իմ աղբոր շորեր արնից լվա՛ :  
Էն մնացած գորքեր՝ ի՛մ բաժին:  
Ասաց թե չէ Բաղդասար,

Հա՛մա առավ իր նիզակ,  
Ընկավ մեջ հեծելին, կտրեց.  
Մենակ էն էթող, որ տնեն չէ՛ր էկե,  
Մեկ խաբրաբեր մի չփրթուց:

Էսպես էրկու աղբեր,  
Մեկ է՛ն դեհեն, մեկ է՛ն դեհեն,  
Ձեծել ամեն ըսպանեցին,  
Ըրիվ-ճրիվ ընկավ մեջքեր:  
Քաջանց թագավոր էկավ, ասաց.  
— Աստծու սիրուն, Սասնա Ծոեր,  
Բավ է զիմ մարդիկ սպանեք.  
Ինչ որ կ՛ուզեք, ես կը տամ.  
Աղջիկ կուզեք, ես կը տամ,  
Թագավորություն էլ ուզեք, ես կը տամ:  
Ասին. — Աղջիկ կ՛ուզենք, կո՛ւ կը տանենք:

11

Ձաղջիկ առան, էկին քառասուն հավորի մոտ.  
Էդտեղ կայնան, աղջիկ իջուցին գետին,  
Ձաղջիկ էնտեղ կայնեցուցին:  
Սանասար տղան ասաց.  
— Աղջի՛կ, ես քառսուն մարդ քեզի համար էկած,  
Էս մարդեր դո՛ւ ես հմայք արեր, էսպես արեր.  
Դու կը բերես, կ՛արձակես էսա մարդեր,  
Էն հասակին կը դարձուցես,  
Ինչ հասակի էկած են:

[Էջ 91]

Դեղձուն Ծամ աղջիկն ասաց.  
— Էնոնք զըմեն ինձի ապով են էկած.  
Որ Ես զենոնք ժրացուցեմ,  
Տ՛ղնեն, հետ ձեզ կո՞իվ անեն.  
Առե՛ք ըզիս, գնացե՛ք:  
— Չէ՛, անկարելի է, ասաց Սանասար:  
Աղջիկն էլ դարձավ հմայք արավ,  
Կանչեց իր հավք էբեր.  
Հավք ինչ կանչեց, ինչ հասակի էկած էին.  
Էլի էն հասակին դարձան:  
Սանասար ասաց.— Հա՛յ աղե՛կ:  
Ապա զաղջիկ էդիր մեկ կողմ,  
Ինք էկավ մոտ էդ մարդեր,  
Ասաց.— Է՛հ, կտրիճ փահլևաններ,  
Դուք զըմեն էսա աղջիկ ապով եք էկե.  
Դուք տ՛երթայիք, կո՞իվ անեիք,

Կռվով էսա աղջիկ տի բերեիք:  
 Մենք էլ էսա աղջիկ ապով ենք էկե,  
 Կո՛ւմենք էրկու աղբեր գնացեր ենք,  
 Կռիվ արեր, հաղթեր ենք,  
 Նո՛ր էսա աղջիկ առեր, բերեր էստեղ:  
 Դե, մկա նորեն դուք ձեռ ուժի վերա հասար:  
 Աղջիկ թող կենա էն դեհ,  
 Մենք էստեղ կռիվ անենք:  
 Թե դուք ըզմեզ էրկու աղբեր հաղթեցիք.  
 Աղջիկ թող ձե գ կենա:  
 Թե մենք ըզձեզ հաղթեցինք,  
 Աղջիկ թող մե գ կենա:  
 Էդա մարդեր դարձան, ասին.  
 — Հե՛յ, Սանասա՛ր, Բաղդասար,  
 Դո՛ւք էղաք պատճառ, զմեզ ազատեցիք,  
 Էնպես արիք՝ մենք ժրացանք նորեն.  
 Դիր մ՛էլ էլնենք, հետ կռի՛վ անենք:  
 Մենք չենք իշխենա հետ ձեզ կռիվ անենք:  
 Ա՛ղբեր, մենք չենք կովի,  
 Մենք տ՛երթանք մեր էրկրներ:

Սանասար ասաց.— Ա՛յ կարիք աղբերներ,  
 Դուք հոժար կըլնիք՝ էս աղջիկ տանեմ,  
 Էդոր հետ կյանք վայելեմ:

[Էջ 92]

Էնոնք դարձան, ասին.  
 — Տա՛ր, բարի տեսնես մոտեն.  
 Շնորհավո՛ր ըլնի, բարո վ վայելես:  
 Էն քառսուն մարդեր կաց-բարով արին,  
 Էլան, գնացին իրենց էրկրներ,  
 Դարձան ամեն մեկ իր տան:  
 Սանասար, Բաղդասար էլան, զաղջիկ առին.  
 Ընկան ճամփա, որ գան Սասուն:  
 Սանասար ասաց.— Աղբեր,  
 Էս Դեղձուն աղջիկ դո՛ւ առ;  
 Բաղդասար ասաց.— Չէ՛, էս զեն չեմ առնի.  
 Էնի էրկու դիր քեզ բարն գրե.  
 Կռիվն էլ դո՛ւ արիր, դա տ՛առնես:  
 Ո՛վ է լսե. ո՛վ է տեսե,— ասաց.  
 Աղբեր զաղբոր նշանածն առնի:  
 Ես կ՛առնեմ իմ նշանած,  
 Զեն աղջիկ, որ վիշապից ազատեցինք:

Ու շատ էկին, թե քիչ էկին,  
 Տեսան՝ կապուտ ձիավոր մի էն դեհեն էկավ.

Կանչեց.— Հա՛յ գիտի, սրիկաներ,  
Հուրի-փարին ինձ է վայել, դո՞ր կը տանիք:  
Սանասար ասաց.— Ա՛ղբեր,  
Դու էնա ձիու գլուխ բռնի՛.  
Ես գնամ, տեսնեմ՝ էն ինչ կ'ասի:  
Բաղդասար ասաց.— Դո՛ւ գրո ղտուն,  
Ամեն անգա՛մ էլ դու կ'երթաս.  
Էս անգամ էլ ե՛ս տի գնամ:  
Սանասար ասաց.— Դո՛ւ գնա,  
Ինչո՞ւ կը նեղանաս:

Բաղդասար ըզձին քշեց, գնաց առաջ.  
Խոսք մի էնոր մոտեն. խոսք մի էնոր մոտեն.  
Իջան, թռան դեհ իրար:  
Բաղդասար վերուց. զեն էղիր գետին:  
Իսկուն զփողայաս քակեց,  
Ծըծեր էհան դուրս, ասաց.— Բա՛ղդասար,  
Ահա էն որ կը տանի, իմ քուրն է.

[Էջ 93]

Յոթ տարի կա՛ն փախեր էի,  
Անհետացեր էի էնոր դարդեն,  
Որ վեր խալխին էնպես հմայք կը թալեր.  
Ընկեր էի սարեր, էղեր ինչպես հարամիք.  
Վերջըն գնացեր Կանաչ Քաղաք,  
Մոտ էն տեղաց թագավոր:  
Որ լսեցի՛ զէնոր հմայք խափանեցիք,  
Զենի բերիք Սանասարի համար,  
Ես էլ, քո նշանած, էկա կո քեզ համար:

Ելան չորսով հեծան ձիանք,  
Քշեցին, որ գան Սասուն:  
Ականջկլա գնաց էնոնց կողմից,  
Մորըն խաբար էտու,  
Թե.— Բերեր ենք Քաջանց թագավորի աղջիկներ,  
Քառսուն-Ճուղ-Ծամ Դեղձուն ու իր քուր.  
Փող ու թմբուկ, գուսանք պատրաստ ըլնի,  
Որ գանք, հարսնիք անենք:  
Մերն էր, Ծովինար խանում, ուղարկեց,  
Քառսուն ձեռք փող ու թմբուկ, գուսանք բերել էտու,  
Քաղաքացիք զամեն ժողվեց:  
Աղջիկներ պսակեցին,  
ԸզԴեղձուն-Ծամ վեր Սանասարին,  
Զէնոր քուրն էլ վեր Բաղդասարին:  
Քառսուն օր, քառսուն գիշեր հարսնիք արին.  
Քեֆ, ուրախություն, խնջույք արին:



Բաղդասար էլավ, զիր կին առավ, գնաց Բաղդադ,  
Մանասար մնաց Սասուն:  
Բաղդասար անորդի մնաց:  
Մանասարին, աստված էտու,  
Լաճ մի էլավ, անուն էդին Վերգո:  
Քանի մի տարի վերա անցավ,  
Մանասարին էրկու տղա էլ էլավ,  
Մեկի անուն էդին Ձենով Հովան,  
Մեկի անուն՝ Մհեր:  
Էդոնց մեջ Վերգոն իսկի բանի պետք չէր.  
Ձենով Հովան էնպես ձենով էր,

[էջ 94]

Որ յոթ գումշի կաշի կը փաթթեր զինք  
Ու նոր կը բռնար, որ չըլնի պատռեր:  
Մհեր քանց էն երկուսն էլ հունարով էր:

Մնաց: Մանասար, մահու օրն էկավ, մեռավ:  
Ծովինար խանում, էնոնք զըմեն մեռան:  
Մնացին Քեռի Թորոս, Դեղձուն,  
Վերգո, Ձենով Հովան ու Մհեր:

Ընկավ Մհերի ժամանակ:

#### ՄԱՍՈՒՆՑԻ ԴԱՎԻԹ

[էջ 95]

ՃՅՈՒՂ ԵՐԿՐՈՐԴ

ՄԵԾ ՄՀԵՐ

[էջ 96]

1

Դառնամ, զօղորմին տի տամ  
Դեղձուն Ճուղ-Շամին, — հազա՛ր օղորմի.  
Դառնամ, զօղորմին տի տամ  
Քեռի Թորոսին, — հազա՛ր օղորմի.  
Դառնամ, զօղորմին տի տամ  
Ձենով Հովանին, — հազա՛ր օղորմի.  
Դառնամ, զօղորմին տի տամ  
էն Ջոջ Մհերին, — հազա՛ր օղորմի.  
Դառնամ, զօղորմին տի տամ  
Արմաղանին, — հազա՛ր օղորմի.  
Դառնամ, զօղորմին տի տամ

Իսմիլ խաթունին, — տի տա՛մ օղորմի:

[ներդիր]

Դավիթը մտավ ոսկու զարգամբին

[էջ 97]

ՄԱՄՆ Ա

ՄՀԵՐԸ ԽՆԱՄՈՒՄ Է ՄԱՍՈՒՆԸ

2

Սանասարի մահից հետո Ձենով Հովան ասաց.

— Մասուն քե՛կը հասնի, վերգո,

Դո՛ւ ես մեր ջոջ աղբեր:

— Հե՛, — ասաց Վերգո. — ես չեմ կարնա կառավարի,  
ճողված եմ վաղվընե.

Օր մի, Սանասարի գուրգ վերուցի, թալի,

Էնոր գոռեն ճողվա:

Վերջը նստան, խորհուրդ արին.

Քանի տղեք պստիկ էին,

Ասին. — Թողնենք Քառսուն-Ճուղ-Ծամ Դեղձուն կառավարի՝

Չուրի տղեք մեծնան:

Դեղձուն Ճուղ-Ծամ հեծավ Քուռկիկ Ջալալուն,

Գնաց սարեր ֆըռա,

Չունքի շատո՛ւնց էր, որ դուրս չէր էլե տնեն:

Մարդ տի էն գախ թամաշ աներ զինք ու իր ձին:

Սաղափե Թամք դրե ձիու վերան,

Պողպատե Սանձ դրե ձիու բերան,

Հագե էրկաթե զրահ, պողպատե սոլ,

Բռնե ի ձեռ Սանասարի թոփուզ,

Կախլան էլ կապեր էր քամակ:

Էլավ, քշեց չուր սարեր մեկ:

Էսպես քանի մ՛ տարի Դեղձուն կառավարեց:

[էջ 98]

3

Բաղդադու Խալիֆային մտտիկ մա՛րդ մի կար.

Մըսրա Մելիք անունով մա՛րդ մի կար:

Մըսըր Էնոր ձեռն էր— Մելիք Մըսըր կը նստեր:

Էն իմացավ Սանասարի մեռնել,

Էլավ, Էկավ վեր Սասնա,

Խարջ ու խարաջ կապեց Սասնա քաղքին.

Տարին քառսուն անձին էրինջ,

Տարին քառսուն կոտ ոսկի,  
Տարին քառսուն ազապ աղջիկ կ'առներ:  
Քանի մի տարի Սասուն Մելքին խարջդար էղավ:

4

Երբ որ Մհեր էկավ-էղավ յոթ տարեկան,  
Յոթ շենք էղավ իր բոյ:  
Էնոր վանք—վարժատուն դրին.  
Քիչ մի սորվավ, շնորհքով լցվավ,  
Օր մէլ իր մոր ասաց.  
— Մարե՛, հերիք էսպես մնամ.  
Հրաման տու ինձ՝ էրթամ սարեր, քարեր շրջեմ,  
Գազան ու հավք գարկեմ,  
Մարդերու շարք մտնեմ:  
Քառսուն-ճուղ-Ծամ ասաց.— Մհեր,  
Պստիկ էս, չես կարնա գնա,  
Քանի մի տարի համբերե:  
Ամա Մհեր ասաց.— Մարե՛,  
Քանի մեր տուն դեռ մարդ չկա՝  
Դներ մեր տան վերա տի գան, վնաս տի տան:  
Աղէկ է, որ հիմիկվանէ պատրաստ ըլնեմ՝  
Թըշնամու դե՛մ կայնեմ:  
Դեղձուն ճուղ-Ծամ տեսավ՝ չի կարնա վեր տղուն,  
Հրաման էտուր:  
Էդ ժամանակ Մհեր գնաց որսի.  
Կը պտտվեր սար ու դաշտեր,  
Յերեկ կ'էրթար՝ որս անելու,  
Գիշեր կը գար իր տեղ կը քներ:  
Ոտքով կ'էրթար կը գար—ձի-բան չըկար:  
Օր մի Մհեր շատ էր լարե,

[Էջ 99]

Աղվեսներու հետև շատ էր վազե,  
Էլ չըկարցեր էր բան բռնի:  
Իրիկուն էկավ հերստո, դադրած,  
Իր ձեռաց փետ թալեց գետին:  
Քեռին հարցուց.— Տըղա, հորի՞ ես հերստե:  
Մհեր ասաց.— Քեռի Թորոս,  
Անտե՛ր մնա էդ տեսակ որս,  
Էս մեկ օր էս շա՛տ եմ վազե,  
Էս մեկ օր էս շա՛տ եմ լարե...  
Գազաններ որ կան՝ կը փախնեն,  
Չեմ կարնա հասնի լարելով.  
Հեռվանց նետ-աղեղ կը թալեմ՝  
Չի՛ հասնի, դարդակ կը դառնամ:

Ա՛խ, քեռի, իմա՛լ կը դադրեմ...  
 Ինք որ մարմնով ծանրացեր էր՝ վատ կը վազեր.  
 Որ կը վազեր՝ չոքերեն հետ հող կը խրվեր:  
 Քեռին ասաց.— Դու, իմկընի՛, Մասունա ծուռ,  
 Մասունցիք բոլոր ծո՞ւռ տըլնեն.  
 Ախար մարդ էլ ոտքո՛վ վազի:  
 Ջանավարներ ձեռքո՛վ բռնի:  
 — Հապա՛, քեռի,— ասաց Մհեր— ինչպե՞ս անեմ:  
 Մհերի մեր վերցուց, ասաց.— Տղաս, Մհեր,  
 Գորգիկ իշխան մի կա Բիթլիս քաղաք,  
 Հրեղեն ձիեր շատ կա էնոր. ինքն էլ մեզ բարեկամ,  
 Էլիբ գընա իր մոտ:  
 Հոգին չ՛էլնի, գընա, քեզ ձի՛ մի առ, հեծիբ:  
 Առ, բեր, ձի ով գնա որսի:  
 Մհեր ասաց.— Նանե, մեկ-երկու հաց պահե,  
 Լուսուն պիտի էլնեմ էրթա՛մ,  
 Էրթա՛մ պիտի Բիթլիս քաղաք:

5

Լուսուն Մհեր էլավ,  
 Առավ երկու կորեկի հաց—դրավ գոտին,  
 Ծառ մի քաշեց՝ դրավ ուսին, ընկավ ճամփա.  
 — Բիթլիսու դաշտ, ո՞ւր ես հապա, եկա՛ քեզի:  
 Գնաց իջավ Մառընկա դաշտ,  
 Գնաց հասավ Բիթլիս քաղաք.  
 Մըտավ թաղի գըլուխ:

[Էջ 100]

Ջահել տղեք կը խաղային թաղի գըլուխ:  
 Ջահել տղեք տեսան  
 Մարդ մի կը գա—խոշո՛ր մարդ մի—  
 Դրած ուսին խոշոր ծառ մի,  
 Խոշոր գերան, որ կը թալեն կտրի վերան:  
 Տղեկներ որ էդ մարդ տեսան, ասին.  
 — Իդա հըմլա էլ մա՞րդ կ՛ըլնի,  
 Գերան դրե ուսին, կ՛էրթա:  
 Մհեր հասավ էնոնց, հարցուց.  
 — Տղեկներ, Գորգիկ իշխանի տուն ո՞ր մեկն է:  
 Տղեք թափվան էնոր բոլոր՝ ասին.  
 — Արի տանենք քեզի Գորգիկ իշխանի տուն:  
 Առան բերին Գորգիկի դուռ:  
 Մհեր իր փետ դրեց գետին ու մտավ ներս:  
 Տեսավ՝ Գորգիկ իշխան նստուկ է իր սենեկ,  
 Իր իշխաններ շուրջ բոլորած՝ գրուց կանեն:  
 Մհեր բարև տվեց:

Գորգիկ իշխան էնոր բա՛րև չա՛ռավ.  
Մհեր տեսավ, որ էն վերն է նստուկ, ասաց.  
— Կըլնի-չըլնի, է՛դ է Գորգիկ իշխան:  
Մհեր գնաց, բռնեց էնոր թևեն,  
Վերցուց, կանգնեցուց իր տեղեն,  
Քիչ մի իշխանի թև քամեց:  
Գորգիկ գիտցավ՝ իր թև կոտրեց յոթը տեղով:  
Դարձավ, ասաց.— Տո, կտրիճ, հո՞ւստ ես դու:  
Մհեր ասաց.— Մասնեցի՛ եմ:  
— Ո՞ր մեկի որդին ես, տըղաս:  
Ասաց.— Մանասարի՛:  
Գորգիկ ասաց.— Ա՛խ, դու բարո՛վ էկար, տըղա՛ս,  
Ա՛խ, դու հազա՛ր բարով էկար...  
Գորգիկ կեղծավորություն արավ.  
Էն Մհերի ուժ որ տեսավ՝ .  
Ուզեց Մհերի սիրտ շահի,  
Ասաց.— Հաց բերեք տըղին:

Մհեր նստավ, հանգստացավ,  
Իր հաց կերավ, պրծավ:  
Ու նոր Գորգիկ հարցուց.— Անունդ ի՞նչ է, տղաս:  
Տղան ասաց.— Մհեր:  
— Մհե՛ր, տըղա՛ս, իմա՞լ էղավ,

[էջ 101]

Որ դու դե՞մ էկել ես ինձի:  
Ասաց.— Քեռի, էնպես մարմնես ծանրացեր եմ՝  
Երբ որ սարեր որսի կելնեմ՝  
Չեմ կա՛րնա գել-գազաններու հետն, հասնեմ.  
Կը փախնե՛ն, կ՛ազատվե՛ն ձեռքես:  
Էկա՛ որ ձի՛ մի տաս  
Հեծնեմ, ձիո՛վ էրթամ որսի:  
Կը տաս՝ դե տուր, չե՞ս տա՛ հիմիկ կ՛ելնեմ կ՛երթամ:

Գորգիկ դարձավ, ասաց.  
— Մհե՛ր ջան, արևո՛ւղ մեռնիմ,  
Ուզածդ ձի մի չէ՛,  
Տա՛ս ձի քեզի մատաղ ըլնի:  
Քառսուն ձի կա գոմըն կապուկ.  
Քառսունից ո՛ր մեկ հավնեցիր  
Էն էլ ա՛ռ, տար քեզի, հեծի՛ր:

6

Էդ իրիկուն քնան, առավոտուն էլան.  
Առավոտուն որ էլա՛ն, հաց բերին.

Հաց որ կերան, պրծան,  
 Գորգիկ մշակին կանչեց, ասաց.  
 - Մըշակ, կը տանես իմ Մհեր, շանց կը տաս թավլեն  
 Ջիերու միջեն ո՛ր մեկ ձի Մհեր սրտով կը հավնի,  
 Կը տաս թող տանի...  
 Մհեր մշակի հետ գնաց թավլեն.  
 Տեսավ, ի՞նչ տեսնի.  
 Քըսան ձին մե՛կ շարքին կապուկ,  
 Քըսան մեկէ՛լ շարքին կապուկ —  
 Քառսունն էլ՝ սաղափե թամքով՝  
 Քառսունն էլ՝ պողպատե սանձով:  
 Մըշակն ասաց.— Մհ՛եր ջան, ես մեռնի՛մ քեզի  
 Ո՛ր մեկ ձին որ սիրտդ կուզի՝ քաշի ու տար:  
 Մհերն անցավ էդ ձիերու էրկու շարքով՝  
 Ո՛ր մեկ ձիու մեջքին զարկեց,  
 Ձին, փոր գետին առավ, կըգեց:  
 Քառսուն ձին էլ փորձեց Մհեր՝

[Էջ 102]

Դարձավ, ասաց.— Ինձ պետքական ձի՛ մի չկա:  
 Էդոնք ես տանեմ՝ ի՞նչ անեմ:  
 Իմ ձեռ, որի մեջքին զարկի՝  
 Ամենի փոր իջավ գետին.  
 Իմ տակ կը դիմանա՞ն ըսկի:

Մհեր էկավ, որ դուրս էլնի դռնեն՝  
 Մեկ էլ տեսավ՝ գոմի միջին,  
 Էրկու տարվա կլոր, փռչոտ,  
 Պստիկ քուռակ կը վազվրտեր:  
 Մհեր միտ վե՛ ասաց.  
 — Ինձի պետքական ձի չըկա.  
 Կայնի՛ գոփ մի զարկեմ քուռկին,  
 Քուռակ փետնա— էլնեմ՝ էրթամ:  
 Էդ է՛լ ինձ մեկ անուն կըլնի:  
 Ասաց, գոփ մի զարկեց քուռկի մեջքին:  
 Էդ գոփ քավավ քուռկի գավկին:  
 Քուռակ թռավ, զտաս ձի կտրեց,  
 Ջուխտ մի քացի էզարկ պատին.  
 Թե Մհերի՛ն առնեք քացին,  
 ԸզՄհեր կը թալեր Սասուն:  
 Քըսվավ քացին թրքընոցի քարին  
 Ու քար կրակ տվավ: Մհեր ասաց.  
 — Խա չ, թե ինձի վերցնո՞ղ կա՝ էդ քուռա՛կն է.  
 Վերցնող չըկա՝ էդ քուռակն է:  
 Ախր ես իմ ուժ լա՛վ գիտեմ:  
 Ջարկ որ զարկի՝ քուռակ իր տեղը տի փետնար:

Կէրթամ՝ թե՛ զէդ քուռակ տվե՛ց—կը տանեմ.  
Չըտվեց՝ զաթի թողնեմ— կ'էրթամ:

7

Մհեր էլավ, էկավ սենեկ, նստավ:  
Գորգիկ իշխան հարցուց.  
— Մհեր ջան, ո՞ր ձիուն հավնար:  
Ասաց.— Գորգիկ իշխան, քո ձիաներ  
Քեզի թող բումբառաք ըլնեն.  
Ես չեմ ուզի ձիերուդ տեղ խոռեմ.  
Կը տա՛ս՝ փոչոտ քուռա՛կն ինձ տուր.  
Որ էդ քուռակ չըտաս՝

[էջ 103]

Զաթի թողնեմ, կ'էրթամ մեր տուն:  
Քեռի՛ն ասաց.— Մհե՛ր, տըղա՛ս, ախըր ամո՛թ է.  
Ախր ես Գորգիկ իշխա՛նն եմ,  
էդ քուռակն ի՛նչ է, որ տանես:  
Մարդեր տ՛ասեն.— Սանասարի տղան էկավ,  
Գորգիկ իշխան խնայեց խորոտ ձի տար նվեր:  
Մհերն ասաց.— Չե՛, քեռի, չե՛,  
էն քուռա՛կն եմ քեզնե ուզե.  
Կը տաս՝ հո կը տանեմ—  
Չըտաս՝ կը թողնեմ, կ'էրթամ:  
Գորգիկ իշխան ասաց.  
— Տըղա, դե, դո՛ւ զինաս,  
Հո գոռովեն չըլնի, դե դո՛ւ զինա՛ս,  
Որ կը տանես՝ զէդ քուռակ, տար:

Մըշակ գնաց, պախուց դրեց քուռակի վիզ,  
Դոմեն զէդ քուռակ հանեց դուրս,  
Պախուց տվեց Մհերի ձեռ:  
Մհեր քաշեց՝ քուռակ տեսնի,  
Տեսավ՝ քուռակ չ'էրթա:  
Պարան ուզեց—բերին:  
Բռնեց քուռակի չորս ոտ ամուր կապեց իրուր,  
Գերան մտուց մեջ ոտներուն,  
Վերցուց, դրեց ուսին, ասաց.  
— Քեռի՛, դե մնացի՛ր բարով,  
Աստված քո տուն թող շեն պահի:  
Վեր էլավ Մհեր, ընկավ ճամփա:  
— Ո՞ւր ես, Սասուն, էկա քեզի...  
Բիթլիս քաղքի ճժեր, մարդեր սատանա են.  
Հավաքվեցին շուրջ Մհերին,  
Հու-հու կանեն, բու-բու կանեն,

Կծադրեն, որ մարդ շակեր է ձի — կը տանի:  
Մհեր էդ ծաղրին տեր չեղավ,  
Էլավ, Էկավ, հասավ Սասուն:

8

Քեռի Թորոս տեսավ Մհեր կը գա՝  
Քուռակն Էնպէս ուսին դրած:  
Ասաց.— Տըղա՛, փրչոտ քուռակն

[Էջ 104]

Անջա՞խ առար էն Գորգիկից—  
Չըկարցար խորոտ ձի մ'աննես:  
Մհերն ասաց.— Քեռի՛,  
Ճի՛շտ էր, ինչ կ'ասէիր.  
Գորգիկ իշխան ուներ կապուկ քառսուն ձի.  
Անտերներու ո՛ր մեկին որ ձեռ կպցուցի՝  
Կըզավ, իր փոր զարկեց գետին:  
Պետքական ձի մի չըկար մեջ:  
Ասաց.— Քեռի, գով մի զարկի՝  
Էդ քուռակի գավկին քսվավ.  
Քուռակ թռավ, տաս ձին կտրեց,  
Ջուխտ մի քացի զարկեց թրքնոցի քարին—  
Թրքնոցի քար կըրակ տվավ:  
Քեռին ասաց.— Որ էղպէ՛ս է,  
Էդ քուռակ բե՛ր, հրեղեն է:  
Էդ քուռակ ես լա՛վ մի պահեմ,  
Իրեք ամիս որ լրանա՝ նոր կը հեծնես:

Քեռի Թորոս պայտար էր—ձի լավ կճանչնար:  
Առավ, իրեք ամիս պահեց,  
Քուռակն իր տեղն առավ,  
Ու նոր տվավ՝ Մհեր հեծնի:

Մհեր որ էղավ ձիավոր՝  
Սասուն ոտի տակ տվավ.  
Ու կը հեծներ գուր ձին,  
Ինչքան ջին-ջանավար ըլներ, կը բռներ,  
Կը բերեր էդ իր որս  
Սասունցոց վերան կը ցրվեր:  
Յոթ տարի Սասուն պահեց որսով:

9

Էղավ մեկ օր՝ որ Սասնա մեջ  
Հացի մեծ թանկություն ընկավ.



Միեր տասնհինգ տարեկան էր:  
Ժողովուրդն էլավ, էկավ լցվավ Միերի դուռ,  
Ասաց.— Միեր, աստծո՛ւ սիրուն,  
Մենք սովամահ տի կոտորվենք,  
Արի մեզի ճա՛ր մի գտի:

[Էջ 105]

Միեր ասաց.— Ես չե՛մ գիդի.  
Էրթամ քեռուն ասեմ.  
Էնի թ՛ գիտնա՛ ես թանկություն ինչի՛ց կըլնի:

Էլավ, գնաց քեռուն,  
Ասաց.— Քեռի, թանկությո՛ւն է.  
Կարնա՛ս ս մեզի ճար մի գտի:  
Քեռին ասաց.— Միեր, որդի,  
Ի՞նչ ճար գտնեմ, էրկիր հաց չըմնաց:  
Թե հաց ըլնի՝ քո հոր ամբարներ տի ըլնի:  
Միեր հարցուց.— Ինչի՛ց է՛ հաց չըկա.  
Կարկու՛տ զարկե, քամի՛ն քաղե,  
Տո՛ թն է տվե...  
Քեռին ասաց.— Չէ՛, էդուց չէ:  
Մեր էրկիր վար ու ցանք քիչ է.  
Էծ կը պահենք, տավար ու էշ,  
Մեր հաց Շամա, Հալեպա կըգար.

Չէ, մեկ առյուծ է լուս ընկե.  
Երբ սար չութի էրթանք՝ մեզ կո՛ւլ կը տա:  
Ճամփան կտրեց ճամփորդներեն.  
Գալող ու էրթացող հատավ.  
Մարդ չի կարնա ճամփա էրթա՛  
Շամից էստեղ, էստեղից Շամ.  
Էդո՛ր համար հացի պակաս  
Ու թանկություն ընկավ աշխարք:  
Միերն ասաց.—Քեռի՛,  
Առյուծն ի՞նչ է. իմա՛ լ առյուծ:  
Ասաց.— Գազաններու ջո՛ջն է առյուծ, մարդիկ կ՛ուտի:

Միեր հարցուց.— Հեովա՞նց կ՛ուտի,  
Թե՛ մոտենաս, ու նոր կուտի:  
Քեռին թե՛ մոտենաս ու նոր:  
Միերն ասաց.— Էդպե՛ս է՛ ես լուսուն կ՛էրթամ:  
Քեռին ասաց.— Որդի, չ՛էրթաս, քեզ կը ջարդի  
Ականջ չարավ, գնաց:  
Առավոտուն վիր ոտ-որ ուզանգուն հասավ,  
Ամե՛ն, ինչքան ձի հեծնող կար՝  
Հեծան՝ Միերի հետ գնացին:

[Էջ 106]

Գնացին էն առյուծին:  
Առյուծ տեսավ՝ մա՛րդ մի կը գա՛  
Էլավ, էկավ իրեն տեղեն:  
Պոչը գետին կը տփտփեր.  
Թոզ ու դուման կը բարձրացներ.  
Էլավ՝ էկավ Մհերի դեմ:  
Մհեր ասաց իրեն գորքին.  
— Էդ ի՞նչ է, որ մեր դեմ կըգա:  
Ասին.— Առյուծ է՛դ է, որ կա:  
Ասաց.— Ո՛վ որ էդ առյուծին թրով զարկեց՝  
Ես կը թողնեմ առյուծն իր տեղ,  
Ետ կը դառնամ էնոր վերան ու կը սպանեմ զէնի:  
Դարձավ, ասաց.— Առյուծի մեր  
Աստված կանչեց՝ ծնավ էնոր.  
Իմ մե՛րն էլ ինձ, աստված կանչեց, էնպե՛ս ծնավ.  
Ես իմ ասպապը տի հանեմ,  
Կուշտի՛ կպնեմ առյուծի հետ:  
Մհերի հետ գնացած մարդիկ հեռու կանգնան.  
Մհեր մենակ գնաց:  
Գնաց, ինք ու առյուծ առան իրար:  
Մհեր կանչեց.— Հացն ու գինին, տեր կենդանին:  
Կանչեց, մի ձեռ թալեց էդ առյուծի վերի՛ ծնոտ,  
Մյուս ձեռ թալեց ներքի՛ ծնոտ,  
Ճղեց էդ առյուծ մեջտեղեն,  
Արե՛ց էնոր էրկու կտոր:  
Մեկ դրեց ճամփու էս դին, մեկէլ՝ էն դին:

Իր հետ գնացած մարդեր էկան,  
Կայնան Մհերի մոտ:  
Մեկ մարդ էլ շուտ խաբար հասցուց Սասուն,  
Մհերի մոր, թե.— Աչքդ լուս ըլնի,  
Մհերն առյուծ սպանեց:  
Չուր հիմիկ Մհեր էր,  
Հիմիկվնե հետ էղավ Առյուծաձև Մհեր:

Մհեր դարձավ, էկավ Սասուն:  
Ու սասնեցիք էդ ժամանակ  
Էկան Մհերի դուռ, ասին.  
— Էստուց հետև մեր տեր դո՛ւն էս,  
Մեզի կառավարի:

[Էջ 107]

Երբ սասնեցիք Մհեր արին կառավարող՝

Քառսուն-ճուղ-Օամ Դեղձուն տվեց էնոր  
Քուռկիկ Ջալալին,  
Թուր Կեծակին,  
Գուտն գրեհին,  
Գոտին ի մեջքին,  
Կապան դադիֆեն:  
Հեծավ Մհեր Քուռկիկ Ջալալին,  
Առավ ի ձեռ թուր Կեծակին,  
Շրջեց իր հոր հողեր:  
Ու թշնամիք կորագլուխ էլան էնոր առջև:

10

Մնաց: Օր մի Քեռի Թորոս, իշխան մարդեր  
Ժողվան, նստան Դեղձուն-Օամի սենեկ, ասին.  
— Մանասարի տղեն հորի՞ չես կարգի դու:  
Խորհուրդ արին:  
Լուսուն Քեռի Թորոս, Հովան ու կտրիճներ  
Ամեն ձի մի հեծան,  
Ընկան ճամփա, գնացին:  
Գնացին Մելքոն թագավորին:  
Մելքոն թագավոր հարցուց.  
— Ապա ինչի՞ էկեր եք դեմ ինձի:  
Քեռի Թորոս ասաց.— Թագավոր,  
Էկեր ենք գործ աջողեցուս:  
— Ի՞նչ գործ,— հարցուց:  
Քեռի Թորոս ասաց.  
— Թագավոր, քաղքեն ըլնի, գեղեն ըլնի,  
Մեկ լավ աղջիկ գտնես,  
Տանենք, պսակենք Մհերի վերան:  
Մելքոն ասաց.— Էլեք էրթանք Մանաձկերտ,  
Թևաթորոսի աղջիկ՝ Արմաղան ուզենք Մհերին:

Էլան Մելքոն թագավոր ու վազիրներ,  
Էլան Քեռի Թորոս ու կտրիճներ,  
Գնացին Մանաձկերտու բերդ:  
Մանաձկերտու բերդ Թևաթորոս կա.  
Կայնան Թևաթորոսի դուռ  
Ու հարցուցին, թե.— Թևաթորոս տա՞նն է:  
Ասին.— Թևաթորոս գնացեր է Վան:

[Էջ 108]

Ագրատգահ գնացին վան  
Ու հարցուցին.— Թևաթորոս հո՞ն է:  
Ասին.— Չէ՛, բերդի հիմ թալեց,  
Իր հաց կերավ, գնաց Արգրում:

Գնացին կեսավուր Արգրում  
Ու հարցուցին էնտեղ.— Թևաթորոս հո՞ղ է:  
Ասին.— Բերդի հիմ թալեց,  
Կեսօր կերավ ու գնաց Կարս:  
Գնացին ի Կարս:— Թևաթորոս հո՞ղ է:  
Ասին. — Բերդի հիմ թալեց,  
Հրամեն կերավ ու գնաց բերդ Մանաձկերտու:  
Էկան նորեն հասան Մանաձկերտու բերդ:  
Համբավ տարան Թևաթորոսին,  
Ասին, թե.— Մելքոն թագավոր,  
Քեռի Թորոս, Հովան ու կտրիճներ  
Կո, հյուր կը գան քեզի:

Էն էլ— մարդ ուղարկեց առաջ, առավ, գրնաց:  
Իշխանների տեղ ջո՛կ սարքեց,  
Կտրիճների տեղ ջոկ:  
Էկան, նստան ու հաց կերան.  
Հաց որ կերան, պրծան, հաց վերուցին,  
Թևաթորոս հարցուց Մելքոն թագավորին.  
— Է՛, թագավոր, բարով էկաք,  
Ի՞նչ գործ պատահավ, որ էկաք:  
— Հապա, էկեր ենք քո օջախ,  
Հետ քո խնամություն անենք:  
— Ի՞նչ խնամություն է,— ասաց:  
Ասին.— Քո աղջիկ, Արմաղան,  
Մեր Մհերին տի տաս:  
Ասաց.— Մհեր ո՞րիդ տղան է:  
Ասին.— Սանասարի՛ տղան է:  
Ասաց.— Մելքոն, Քեռի Թորոս, Հովան,  
Երբ որ դուք էկեր եք ինձի՝  
Աղջիկ իմ կը տայի ձեզի փեշքեշ,  
Ամա կըլնի էս յոթ տարի  
Արմաղան Խլաթի տեր, Սիպտակ Դնն տարե գերի,  
Թե գերութենե ազատ անի— Արմաղան Մհերին հալալ:

Էսոնք էս գրուց թող անեն՝  
Մենք խաբար տանք Սիպտակ Դնեն:

[Էջ 109]

11

Էդ ժամանակ Սիպտակ Դն Խլաթ թագավոր էր.  
Էսեր էր, որ Մհերի պատիվ  
Օրեօր շատ կը բարձրանա մեջ աշխարհին:  
Ասաց.— Օր մը չէ, օր մըլնի  
Մհեր ինձի վնաս տի տա.

Խըլաթ պիտի առնի:  
Ու Սիպտակ Դև էլավ, թուղթ մի գրեց,  
Տվեց Քամի փահլևանին,  
Քամին էլ թուղթ տարավ Սասուն:

Մհեր էլ օր էլեր էր սար՝ որսի.  
Մեկ էլ էր փահլևան Քամին  
Էնոր առաջն էլավ, ասաց.  
— Օհո՛ ... բարո՛ վ, բարո՛ վ, Մհեր,  
Էնչափ արդեն դու ջոջացար,  
Որ կը գաս սար ո՞րս անելու:  
Գիտցած ըլնես՝ որ Սիպտակ Դև քեզ կը կանչի կռիվ:  
Էն թուղթ տվեց Մհերի ձեռ.  
Մեջ թղթին գրուկ էր.  
— Արի ինձ հետ կռիվ:  
Մհեր զթուղթ առավ, ասաց.  
— Աղեկ, պատրա՛ստ կաց, կո, էկա:  
Թուղթ բերող դև ասաց.  
Մհեր, խնդիր ունեմ.  
Դու բախտ տաս ինձ, որ ինչ ասեմ՝ անես:  
Մհեր պատասխանեց.— Իմ տված խոսք— խո՛սք է.  
Թե դուք դև եք,  
Մենք էլ Սասնա կտրիճ փահլևան ենք:  
Մեզ սուտ, չկա. ասա, ի՞նչ կուզես:  
Ասաց.— Գիտցած ըլնես,  
Մենք Սիպտակ Դևըն չենք սիրի.  
Կուզենք՝ գաս, ըսպանես.  
Ու ազատվենք էնոր ձեռեն:  
Մհեր ասաց.— Աղեկ:  
Մհեր ետ դարձավ տուն,  
Մոր ձեռ պագեց,  
Ասաց.— Գիտցած ըլնես,  
Սիպտակ Դև գիր մի ուղարկե՛

[Էջ 110]

Ինձ կը կանչե կռիվ:  
Քառսուն-ճուղ-Օամ Դեղձուն ասաց.  
— Մեռնե՛մ քեզի, դուն տըղա ես.  
Իր հետ ինչպե՛ս կարնաս կռվի:  
Էն ամեն թագավորներեն գորընդեղ է.  
Էնոր վերան թուր չի բանի:  
Մհեր, դու քիչ մի համբերի,  
Չուր մեծանաս ու նոր էրթաս կռիվ:  
Ասաց.— Մարե, համբերելն աղեկ է,  
Ամա ես խոսք տվի Դևին, տ՛երթամ:  
Քառսուն-ճուղ-Օամ ասաց.— Աղեկ,

Գրնա, ամա էս իմ խրատ լսի-  
Դու Քուռկիկ Ջալալին հեծիր, —  
Գիտնա՛ս՝ Սանասարի ձին է,  
Ամեն շնորհքներով լեցուն, —  
Սանասարի զրահ հագիր,  
Պողպատ ջզմեն քաշիր քո ոտք,  
Էրկաթե գուտն դիր քո գլուխ,  
Նետն-աղեղ ու կախլան քամակըդ առ,  
Զգուրզ բռնի քո ձեռ,  
Կապի թուր Կեծակին, քըշի:  
Էդ խրատներ առնելուն պես,  
Միեր շուտ մի հագավ իր հոր զենք ու զրահ,  
Թռավ Քուռկիկ Ջալալու քամակ, քշեց:

Քշեց Միեր էտա տեղեն,  
Գնաց հասավ Սիպտակ Դնի յայլան,  
Մեկ բարձրիկ սարի մի գլուխ:  
Ժամանակ զարուն էր.  
Սար հագար ծաղկունքով, ավելուկով լեցուն էր:  
Էն ժամանակ Սիպտակ Դնըն իր մարդերով  
Յայլա էին էկած էդ սար:

12

Միեր մինչև հասավ էդ տեղ՝ Էնոր ծարավ բռնեց.  
Ընկավ սար-ձոր՝ աղբուր գտնի.  
Մեկ էլ տեսավ՝ երկու դև-աժդահա  
Աղբրի մ՝ վերա, գումշու տիկ մի ջրով լցե՛  
Կայներ էին էդտեղ:

[Էջ 111]

Միեր Էնոնց բարն էտու, ասաց.  
— Կը թողնե՛ք աղբրից պուտիկ մի ջուր խմեմ:  
Դներ ասին. — Էսա աղբուր Սիպտակ Դնի աղբուր կ՛ասեն.  
Էնորեն գատ՝ հրաման չկա  
Մարդ ջուր խըմի էսա աղբրից:  
Միեր ասաց. — Աղբե՛ր ջան,  
Ձեղի խնդիր կանեմ—պուտիկ ըմ ջուր տվեք ինձի,  
Խըմեմ, էրթամ ճամփա:  
— Չէ, չէ,— ասին. — Սիպտակ Դնըն երդվեցուցե,  
Մեզ պահապան դրե էստեղ,  
Որ օտար մարդ գալու ըլնի, Էնոր իմաց տի տանք:

Էլ Միերի համբերություն հատավ,  
Հասավ, զարկեց Էնոնց,  
Էլավ Միեր, գնաց վեր աղբրին,

Մեկ ըսպանեց, մեկ վիրավոր եղավ, փախավ:  
 Կուշտ մի էդ ջուր խմեց,  
 Փախած դևի արնի հետքով գնաց,  
 Հասավ մեկ անվեր-վիրի տեղ, այրի մի մոտ:  
 Էն այրից բոց կը թալեր դուրս.  
 Էն այրի դուռ, ծառին կապած՝  
 Հուրի-հրեղեն աղջիկ մի  
 Նստե վիրավոր Դևի կուշտ,  
 Էնոր արունըն կը սրբեր:  
 Մհեր հասավ, բռնեց էդ Դև,  
 Էնոր ձեռ-ուտ կապեց, դրեց քարի մի տակ,  
 Ու աղջկա կապեր քանդեց:  
 Էլավ էդ հրեղեն աղջիկ կայնավ,  
 Տեսավ՝ էնպե՛ս խորոտ, էնպե՛ս կըտրիճ ըմ է Մհեր.  
 Խելագնաց էլավ վերան.  
 Էնչա՛ փ, որ էնոր սիրտ ճըխաց:  
 Շուտ մի ասաց.— Հէ՛յ, դու, կտրիճ,  
 Հավքն իր թևով, օձն իր պորտով  
 Չեն կա ընա գա էստեղ,  
 Դու ինչպե՛ս էկար:

Մհեր հարցուց.— Հապա ինչպե՛ս էղավ,  
 Որ դու էկար էսա սարեր:  
 Աղջիկ խորունկ ախ մի քաշեց,  
 Ասաց.— Ախ-վա՛ իս, մի՛ հարցուցի:

[Էջ 112]

Էս յոթ տարի կ'ըլնի  
 Միպտակ Դևի ձեռ կը տանջվեմ.  
 Էդ անիրավ Միպտակ Դևըն  
 Էկավ վեր մեր երկրին կռիվ.  
 Էդ պահ ես իսա բախչեն սեյր կանեի:  
 Էկավ անկարծ՝ ինձ առնել փախնել մե՛կ արավ:  
 Բերեց էստեղ, ուզեց ինձ կին առնի.  
 Ամա աստծու կամքով իմ ուժ պատավ  
 Ես էնոր հետ չապրա:  
 Ես կույս եմ չուր էսօր:  
 Գիտցած ըլնես.— ասաց.— ես էրազ մ'եմ տեսե.  
 Էն էրազի՛ մեջ ինձ ասին,  
 Որ շատ գրնաց ու քիչ մնաց.  
 Մհեր անունվոր կտրի՛ճ մի տ'ելնի,  
 Միպտակ Դև տի սպանի  
 Ու ինձ ազատ անի էնոր ձեռքեն:  
 — Ո՞ւր է ապա Միպտակ Դև.— հարցուց Մհեր:  
 Ասաց.— Գնացե Սև Սար՝ ուխտի.  
 Էլավ ինն օր, էսօր ետ տի դառնա:

Էնոր գորություն սև եզան մի վերան է,  
Էն սև եզ կը հեծնի՝  
Կ'երթա ամեն աշխարք,  
Կը պտտի, ավերություն կանի:  
Էնոր առաջ չի կարնա մարդ կայնի:  
Մարդ մ'որ էն սև եզ ըսպանի՝  
Նոր Սիպտակ Դերն կը հաղթվի:

Մհեր էլ բան չասաց: Թռավ իրեն ձիու քամակ,  
Ու ձին քշեց Սև Սար:  
Մեջ Սև Սարին Մհեր ճահճուտ տեղ մի տեսավ.  
Էն ճահիճեն սև եզ մ' էլավ իր դեմ:  
Մհեր ասաց իր աղոթք,  
Քաշեց գլուխը Կեծակին,  
Խոթեց էդ եզան փոր:  
Եզ բառաչեց, ծառս էլավ վեր էնոր,  
Ընկավ գետին, խատավ:  
Մհեր դարձուց իր ձին,  
Էկավ էն այրի դուռ, նստեց:

[Էջ 113]

13

Սիպտակ Դերն կերե, խմե,  
Իր քեֆ հասուցե, նոր ծարավացեր էր,  
Իր աչք քցե ճամփա, ջուր կ'աչքեր.  
Շատ աչքեց, քիչ աչքեց,  
Տեսավ, ջուր բերող դներ չեն ի՛ գա:  
Մտածեց, ասաց.— Կա՛ -չկա,  
Մեկ գորավոր մարդու մ' են պատահե էնոնք:  
Շուտ մի էլավ-հեծավ քամու ձին,  
Քրշեց՝ գնաց դեհ էն աղբուր:  
Ճամփին մեկ էլ տեսավ՝ այրի առաջ  
Սարի մը պես մարդ մ' է նստե  
Ու հրեղեն ձի մ' էլ թողե, կ'արածի:  
Սիպտակ Դն գոռաց, ասաց.— Է՛յ, հողածին,  
Հավքն իր թևով, օձն իր պորտով  
Չեն կա՛րնա էս տեղ պտտվեն,  
Դու ինչ սրտով էկե,  
Հասեր էս ջուր էստեղ:  
Ասաց.— Կանչեր էիր, կո, Մհե՛րն եմ,  
Էկա վեր քեզ կոխվ: Դե, էլիր, կռվենք:  
Ինչ որ ձեռնեղ կրգա, արա:

Սիպտակ Դն որ էդ խոսք լսեց՝  
Սարսափ մի զինք բռնավ.



Ձեռ-նոտ ահա թուլցան:  
Ամա սուտ ուրախաթենով ասաց.  
— Վայ դու, Մհեր, բարո՛վ էկար,  
Էլիբ էրթանք վրանի տակ,  
Ուտենք, խմենք, չուր լուսանա՝  
Տեսնենք՝ աստված որո՞ւս կը տա:  
— Չէ՛, — ասաց Մհեր, — մեր մեծ պապեր  
Մեզ էնպե՛ս են խրատ տվե,  
Որ թշնամու դեմ էլնելուն պես՝ տի կռվենք...

Միպտակ Դևըն ու Ջոջ Մհեր ձիեր քշին վեր իրարու.  
Իրեք օր ու իրեք գիշեր իրարու հետ կռիվ արին:  
Մհեր որ իր ձեռ կը թալեր Միպտակ Դևին,  
Մհերի ձեռ խոր կը խրվեր էնոր մարմին.

[Էջ 114]

Գիտես թե՛ խրմորից ըլներ էդ Միպտակ Դև:  
Վերա իրեք օր Ջոջ Մհեր էնոր սպանեց,  
Արմադանին գավակ առնել ու գնալ մեկ արավ:

14

Իրիկուն Մհեր իջավ Սասուն.  
Ու հալա նոր Քեռի Թորոս, Ձենով Հովան  
Դարձեր էին տուն:  
Խաբար դրկեցին Թևաթորոսին,  
Թե Մհեր քո աղջիկ ազատե:  
Թևաթորոս ու իր իշխաններ հեծան ձիանք,  
Էկան, հասան Սասուն,  
Էն հուրի Արմադան բերին  
Պսակեցին վեր Մհերին:  
Էսօր համար բերին նռան գինին ու հաց դրին,  
Կերան, խմին, ուրախություն, խնդում էղավ,  
Յոթ օր ու յոթ գիշեր հարսնիք արին:  
Յոթ օրեն հետ Թևաթորոս, իր վագիրներ  
Ետ դարձան, գնացին իրանց տեղ:

Խաբար հասավ Խլաթ,  
Թե, — Մհեր Խյաթի Միպտակ Դե սպանեց:  
Խլաթա ժողովուրդ ուրախացավ,  
Էյավ, էկավ Ջոջ Մհերի առաջ.  
Առավ էնոր, իրենց քաղաք տարավ:  
Էդ քաղաքի դներ էլան Մհերի դեմ:  
Կովան, չէին թողնի՝ Մհեր մտնի քաղաք:  
Մհեր քաշեց Թուր Կեծակին:  
Ընկավ մեջ դներուն, զարկեց, զամեն ջարդեց,

Դարձավ, էկավ Սասուն:

ՍԱՍՈՒՆՑԻ ԴԱՎԻԹ

[Էջ 115]

ՄԱՍՆ Բ

ՄԵԾ ՍՅԵՐԻ ԿՌԻՎԸ ՄԸՍՐԱ ՄԵԼԻՔԻ ԴԵՄ

1

Դեռ կ'ապրեր էդ վախտ Մըսրա Մելիք:  
Մհերի քաջություն լսեց Մըսրա Մելիք կատողավ,  
Չէ՞ Սասուն Մելքի խարջդարն էր:  
Ամա Մհեր էդ բան չը գիտեր:  
Մելիքին հարկ չէր ուղարկի:  
Մըսրա Մելիք հրաման արավ,  
Ասաց.— Գնացեք Սասուն.  
Ասեք Մհեր իրեն պատրաստություն տեսնի:  
Ես ու Մհեր տի կռվենք:  
Մըսրա Մելիքի փահլևաններն էկան, ասին.  
— Մելիք քեզնե կռի՛վ կուզի  
Մհեր ասաց.— Կռի՛վ կուզի.  
Թող գա, տեսնենք ի՞նչ է կուզի մեզնե:

Էստեղ Ձենով Հովան ասաց.— Մհե՛ր,  
Էղեր ես խոջա մարդ, խելքի հասած,  
Հեծի՛ր, գնա Մըսրը, Մըսրա Մելիքի մոտ:  
Մելիքի հետ խաթրով վարվի,  
Մարդ ճանչցիր, մարդու շփվիր,  
Ու խնդրվի, թող բան մ'էլ մեր խարջ պակսեցու.  
Մեր խարջ շատ է, չենք կարնա տա:  
Մհեր դարձավ, ասաց.  
— Ասոված քա տուն չավրի, Հովան,  
Մենք չը գինանք, դուն էլ չ'ասիս,  
Թե Մելիքին մենք խարջ կը տանք:

[Էջ 116]

2

Ասաց Մհեր, էլավ հեծավ Քուռկիկ Ջալալին,  
Քշեց, հասավ Մըսրա սահման:  
Մըսրա Մելիք իր դուռ բինակ  
Դաշտի վերան նստուկ էր:  
Տեսավ հեռվանց ձիավոր մի կը գա.  
Ինք խոջա ամրոց էր նստած ձիու վերան:

Էդ ձին փոթորկի պէս կը գար:  
 Էկավ, հասավ: Միեր բարև տվեց,  
 Մըսրա Մելիք էդոր դեմքիցըն՝ զարգնդավ:  
 Չը կարցավ, թե բարև առնէր իրեն վախից:  
 Ու ինք միտ վե ասաց.  
 «Մագյար հըմլա մարդ է՛լ կըլնի աշխարհ»:  
 Ասաց.— Ջձին բռնէ՛ք:  
 Ծառանէր ձին բռնին:  
 Միեր իջավ: Մըսրա Մելիք հարցուց.  
 — Դու ո՞ր տեղացի ես, կըտրի՞ճ:  
 Միեր ասաց.— Սասունցի եմ:  
 Ես Սանասարի տղան եմ:  
 — Հայ-հայ,— ասաց Մըսրա Մելիք,  
 Իմ հողի մէջ որ կը նստի՞ք, դուք եք:  
 Միեր դո՞ւն ես:  
 Ասաց.— Միեր ե՛ս եմ:  
 Մըսրա Մելիք ասաց.— Կովի՞՞ Էկար վեր ինձ:  
 Ինչի՞ դուք իմ խարջ չեք իտար:  
 Սասուն որ կա—էդ հող ի՛մն է.  
 Առավոտուն իրար զարկենք:  
 Միեր ասաց.— Ջարկենք:

3

Առավոտուն Սասնա Միեր  
 Գընաց, էնոր դեմը կայնավ:  
 Սասնա Միեր, Մըսրա Մելիք  
 Իրար դեմ ըսկսան կռվել...  
 Հո՛ղը էնոնց ոտքերու տակը կը հերկեր.  
 Ասես՝ գութնի՛ պէս կը հերկեր:  
 Կես կասեին.— «Ամպեր են որ կը գողգողան».  
 Կես կասեին.— «Երկրաշարժեն սարե՛ր բլան»:  
 Էդոնց զարկ-զարկոցից աշխա՛րք կը դողդողար

[Էջ 117]

Ամեն մեկի գուրգն էր իրեք հարիւր լիդրից.  
 Գուրգեր առա՛ն, տվի՛ն, զարկի՛ն մեկ-մեկելի.  
 Հա՛ր գնացի՛ն, Էկա՛ն, զարկի՛ն մեկ-մեկելի,  
 Իրեք ցերեկ, իրեք գիշեր կռվան  
 Ու չըկարցան հաղթեն իրար:  
 Էն ինչ Միե՛րն էր, ուժով էր,  
 Էն ինչ Մըսրա Մելիքն էր՝ խորամանկ էր, ֆանդով էր:

Մըսրա Մելիք տեսավ, որ Միեր չի հաղթվի.  
 Տեսավ՝ Միեր շատ ազնավուր, հաստա տ մարդ է.  
 Ասաց.— Սասնա Միեր,

Քելէ մենք մի պայման կապենք:  
Ասաց.— Ես կասեի՝ մեջ աշխարքին  
Ինձնեն ուժեղ մարդ մի չկար՝  
Ամա ես ու դու չը կարցանք իրար հաղթենք:  
Ասաց,— Ինչքան խարջ կա ձեզի  
Ամեն ես քեզի բաշխեցի:  
Էլ Սասունն ինձ խարջադար չի.  
Քոնն են Սասնա ամեն հողեր,  
Գընա, կէ՛ր, խրմի՛, վայելէ՛:  
Մենակ՝ կովի վախտ որ ըլի՛  
Մենք իրարու պատեկ ըլնինք:

Ասաց.— Թե ես մեռնեմ՝  
Զիմ թագուհին ու էրեխեք հանձնեմ քեզի.  
Թե դո՛ւ մեռար՝ զքոն հանձնի մեզի:  
Որ խալի չ'ասի, մնացեր են որք:  
Մատներ կտրին, արուն արնի խառնեցին,  
Պայման դրին, էղան աղբեր:  
Մըսրա Մելիք էս բան մաքուր սրտով չասաց.  
Էն Մհերից վախցավ, կեղծավորցավ:

4

Մհեր ընկավ ճամփա,  
Էկավ, հասավ Սասուն:  
Տեսավ՝ Ձենով Հովան կանգնած է դուռ:  
Մհեր բարև տվեց էնոր:  
Ձենով Հովան բարև առավ, հարցուց.  
— Մհե՛ր, լառ, ըսկի մեր խարջ պակսեցուցի՞ր:  
Հովա՛ն, դու ի՞նչ կ'ասես,— ասաց.—

[Էջ 118]

Աղե՛կ մարդ է Մըսրա Մելիք.  
Մեր հարկ բաշխեց ինձի,  
Ասաց. «Սասնա հողեր թող ձեզ ըլնի»: —  
Էդտեղ Մհեր ասաց.— Հովա՛ն, հապա գինա՛ս,  
Մենք Մելքի հետ աղբեր էղանք:

Էդ օրեն անցավ ժամանակ մի:  
Մհեր էնպես կը շախեր Սասուն,  
Որ մարդ կը վախենար Սասնա մոտենա:  
Հավք չէ՛ր կարնա իր թևով անցնի էն տեղեն,  
Օձ չէ՛ր կարնա իր պորտով սողա էն տեղեն:  
Սասուն շատ առաջացուց Մհեր:

5

Ժամանակ մի վրա անցավ, Մըսրա Մելիք մեռավ

Մըսրա Մելքի մահից հետո  
Մըսրա Մելքի կին, Իսմիլ խաթուն,—  
Էնիկ ջահել ու խորոտիկ կին մ'էր,—  
Ասաց,— Ջա նըմ, ինձի մա րոյ մի հարկավոր է՝  
Որ էրկրին տիրություն անի,  
Մեր իշխաններ խաղաղեցու:  
Չ'էլնի նք՝ ճամփենք Մհերի մոտ,  
Մհեր թող գա ինձ հյուր ըլնի.  
Թող իմ սենեկ պառկի,  
Էնոր ցեղեն ինձ կտրիճ տըղա մի ըլնի:  
Չէ՞ որ իմ մարդ կ'ասեր.— Իսմիլ,  
Թե Մհերից ու իր ձիուց ջինս չը վերունք,  
Մհերի ցեղ մեր քոքըն տի կտրի:

Մըսրա Մելքի կնիկ կ'էլնի ու ի՞նչ կանի:  
Էրկու փահլևան կ'ուղարկի Սասնա քաղաք.  
Էդ փահլևաններու ձեռով Իսմիլ խաթուն  
Իր գոտիկ-լաչակ կ'ուղարկի,  
Ու մեկ գի ր մի կըտա, կ'ասի.  
— Տարեք էս գիր, տվեք Մհերի ձեռ,  
Ասեք՝ Իսմիլ խաթուն  
Քեզ կը կանչե «իբ մոտ»:  
Էլան էրկու փահլևաններ, զգիր բերին,  
Բերին ու հարցուցին Մհերի տուն:

[Էջ 119]

Մհեր որսի՛ էր գնացե.  
Իրիկուն սարից էկավ՝  
Փահլևաններ էնոր առջև էլան, ասին,  
— Մըսրա խաթուն գիր մ' է ուղարկե,  
Ուղարկեր է գոտիկ-լաչակ,  
Քեզ կը կանչե «իբ մոտ»:  
Մհեր աչքեց գոտիկ-լաչակ,  
Ասաց.— Էդ ի՞նչ խոսք է:  
Տեսնե՞ մ էդ թուղթ:  
Փահլևաններ էդ թուղթ տվին Մհերի ձեռ:  
Մհեր կարդաց, տեսավ՝ Իսմիլ խաթուն գրեր է.  
— Արի՛, ինձ ա ո.  
Գոտիկ-լաչակ, կո, կ'ուղարկեմ,  
Էն որ Սասուն քո ձեռն է,  
Մըսըրն էլ թող մնա քո ձեռ:  
Թե դուն չըգաս՝ քան զիս շատ կընիկ ես:  
Դուն Մելիքի հետ ուխտ ունիս,

Որ էնոր կնիկ-երեխեք պահես:  
Մհեր ասաց.— Է՛յ, կտրիճներ,  
Աստծու ուխտ թող վեր ինձ ըլնի:  
Էկեք, էրթանք մեր տուն,  
Էկեք, փրշուր մի հաց կերեք,— գացեք,  
Մըսրա խաթնին բարև տարեք:  
Քառսուն ավար վրեն կը գամ իր մոտ:  
Տեսնեմ էդ ի՞նչ է կա:

Փահլևաններ էյան, գնացին Մհերի տուն,  
Հաց կերան, էլան դարձան Մըսրը:  
Մհեր մնաց մենակ:

6

Մհեր էդ գիր մեկ է՛լ կարդաց,  
Գնաց Արմաղանին.— Կնի՛կ,— ասաց,—  
Իսմիլ խաթուն թուղթ ուղարկե՛  
Ինձ կը կանչե Մըսրը, տ՛երթամ:  
Արմաղան ասաց.— Մհեր, մ՛երթա.  
Ինչի կ՛երթաս.  
Էնոր հետ գլուխ մե՞կ անես:  
Իսմիլ քեզ տեսն՞ր է,

[Էջ 120]

Որ իր լաչակ-գոտիկ կուղարկե քեզ:  
Գիտի թե՛ խորո՛տ ես, գե՛ 2 ես, ինչպե՛ս ես:  
Ո՞ւր կը կանչե Մըսրը. էնի քեզ կը խաբե՛.  
Մ՛երթա, էնի քո խորոտություն չ՛ուզի.  
Էնի քո իգիթություն՝ ւն, քո կտրիճություն՝ ւն է կուզի.  
Քո կտրիճություն լսե, հասկացե,  
Կը կանչե՛ քեզնե լա՛ճ ունենա:  
Աղեկ բան չէ՛, մարդ, դու մ՛երթա:  
Դու գէն կուգես, ինձի կը թողնես:  
Ասաց.— Կընիկ, ես որ չ՛երթամ՝  
Ես էլ էնոր պես կընիկ եմ.  
Մըսրա Մելքին ո՛ւխտ եմ արե,  
Իմ ճար ի՞նչ է. ես տի գնամ:  
Մհերի կնիկ ասաց.— Մ՛երթա:  
Մհեր ասաց.— Տ՛երթամ:  
Մհերի կնիկ ասաց.— Մ՛երթա:  
Մհեր ասաց.— Տ՛երթամ:  
Մհերի կնիկ ասաց.— Մհե՛ր,  
Իմ գոռ քո վրա չ՛անցնի:  
Ամա՛ թ՛երթաս—ես ուխտ կ՛անեմ.  
Իմ հե՛րն ես դու, իմ աղբե՛րն ես—

Քառասուն տարի դու իմ գողենք չըգաս:

7

Միեր էլավ, գնաց Դեղձուն-Ծամի սենեկ,  
Բարեկամներ ր կանչեց,  
Կանչեց իշխան մարդէ՛ր,  
Կանչեց վարդապետներ ր, ասաց.  
— Մըսրա թագավորի կընիկ ճամփեր է իմ էտև.  
Ես տի գնամ, դո՛ւ ք ինչ կասեք:  
Ձենով Հովան ասաց.— Ինչի՛ կ'երթաս,  
Մելքի կնիկ խորամանկ է,  
Էն մեր դուշմանի կնիկն է,  
Քեզի կը խաբէ: Մ'երթաս,  
Քեզի տղա չկա -դու կաց քո տուն,  
Աստված բալքի քեզ տըղա մի տա:  
Ամա ինչ իշխաններ, վարդապետներ էին, ասին.  
— Միեր, որ դու կ'երթաս ս,  
Մենք չե՛նք ասի՝ մ'երթա:

[Էջ 121]

Մենք չե՛նք ուզի, թո՛ղ դ Մըսրըր,  
Ուրիշ թագավորաց տեղ է՛լ հալա կ'ուզենք զավթես:  
Իսմիլ խաթուն որ կը կանչե՛ ինչի՛ չ'երթաս:  
Էտա հազըր տեղ է՛ շուտ գընա... Սըսըր տիրապետի:

8

Էրեսունինն օր գընաց, մե՛կ օր մնաց:  
Հա՛մա Միեր էլավ ոտքի, պիտի էրթար,  
Արմադան ի՞նչ արաց.  
Էլավ, սև մուշամբեն բերեց,  
Քաշեց վեր էնոր սնարին:  
Էլավ Միեր, հեծավ իր ձին.  
Ձենով Հովան վազեց,  
Կախվեց ձիու վզին, կուլար, կ'ասեր.  
— Մ'երթա, մ'է՛րթա, էն անառակ խաբած է քեզ:  
Շատ որ չարեն կտրավ՝  
Միեր իր գուրգ վերցուց.  
Շարժեց վեր Ձենով Հովանին:  
Գուրգու քամին որ էսար Հովանին՝  
Հովանի ուշ գնաց, Միեր մնաց շիվար:  
Իջավ ձիուց, լալով Հովանի սիրտ մաժեց, ասաց.  
— Հովան, իմ մե՛ծ ախպեր, մե՛ր էլի, վե՛ր,  
Ես հետ աստծու ուխտ եմ արեր:  
Թե որ չ'երթամ՝ էդ իմ ուխտի տակ տի մեռնեմ:

Հովան էլավ նստավ, ասաց.  
— Հոյ, հոյ, Մհեր, դու որ տ'երթաս՝  
Չոր ճամփաներ քո առջև թող կանաչ դառնան.  
Քո թշնամու ձեռք վեր քեզի չը բարձրանա:  
Էլավ Հովան ու Մհերի ճակատ պագեց:  
Մհեր հեծավ, քրջեց Քուռկիկ Ջալալին  
Ու Չարբահար Քամին իր հետ տարավ:

9

Առավոտուն էլավ, էդ իրիկուն հասավ Մըսըր:  
Մըսրա խաթուն էլե, նստե փանջարեն,  
Էն իր աչքեր դեղե,  
Էն իր բսկեր հանե դուս,  
Էն մեկ ժամվա ճամփա խալիչեք փռե,  
Փռե ճամփախներ, մոմակալներ վառե,  
[Էջ 122]

Կ'ուզեր, որ Մհեր իրեն սերի՝ գար.  
Ու աչք բռներ էր ճամփա.  
Տեսավ՝ հեռվանց ձիավոր մի կը գա.  
Ձիավոր՝ մեծ ամրոց մ' էր՝  
Նստուկ ձիու վերան  
Ու ձին փոթորկի՝ պես կը գար:  
Իսմիլ խաթուն ասաց.  
— Կա թե չըկա՝ էդա Մասնեցի Մհերն է:  
Մհեր էկավ, հասավ, բարև էտու:  
Մհեր կայնեց, էնպե՛ս փանջարի առջև, ասաց.  
— Իսմիլ խաթուն, ասա՛ քո խոսք:  
Իսմիլ խաթուն ասաց.— Ջանըմ, Մհեր,  
Հյուրը էդպե՛ս կը գրուցի.  
Իջիր ձիուց տակ, արի, էլիր էստեղ՝  
Նոր էս քեզի պատմեմ:  
— Չէ՛, չեմ գիտի, հիմի՛կ տ'ասես.  
Ուխտ եմ արե հետ աստծուն.  
Իմ ոտ զանգունեն չեմ հանի դուրս.  
Ասա՛ ի՞նչ է քո ասելիք:  
Իսմիլ ասաց.— Ուղորդ կ'ասեն,  
Որ հաստակող են սասնեցիք:  
Ձեր էրկիր ավերակ հո չէ՛ .  
Կրակ հո չի՛ պակասե Մասուն,  
Որ դու էկիր էսա տեղեն կրակ տանես.  
Իջիր տակ, հյուրասիրվե, նոր է՛լ գրնա:  
— Չէ՛, չէ՛, ջանըմ,— ասաց Մհեր,—  
Էդ խոսքեր որ դու ինձ կ'ասես՝ էս չեմ ճանչնա:  
Ասա, նայեմ՝ ի՞նչ է քո ասելիք:



Իսմիլ խաթան տեսավ՝ Մհեր պիտի դառնա,  
Ծառաներին ասաց.— Ձեր տուն ավրի՝  
Նայեք, յոթը տարվա գինի չըկա՞ .  
Էնի պիտի դառնա գնա, շուտ արեք, շո՛ւտ:  
Ծառաներ էլան, յոթ տարվա գինին բերին,  
Տվին Մհերին՝ վեր ձիան. Մհեր խմեց:  
Մհեր որ խմեց՝ Մհերի ճակատ բռնեց:  
Իսմիլ խաթուն հրաման տվեց.— Չձին բռնեք:  
Չձին բռնին՝ Մհեր իջավ տակ:  
Իսմիլ խաթուն տարավ զՄհեր պալատ,  
Էնտեղ էնոր բարն էկար արավ:

[Էջ 123]

Մհեր հարցուց.— Ինչի՞ ես ինձ կանչե:  
Ասաց.— Մհեր, կանչեր եմ՝ կը խնդրեմ—  
Էս մեր էրկիր խաղաղեցուս.  
Մեր յոթ իշխաններ ինձ չեն ճանչնա:  
Մհեր ասաց.— Լավ, հաց թող բերեն,  
Ուտեմ, չուրի լուսնա՝  
Էդ իշխաններ կանչեք:  
Որ էկան՝ ե՛ս գիտեմ, էնոնք:

Իսմիլ խաթուն դարձավ, ասաց.— Մհե՛ր,  
Ես քեզ իմ գոտիկ-լաչակ ուղարկեր եմ,  
Կանչեր եմ՝ դու ինձ մոտ պառկես,  
Էտոր համար եմ կանչե:  
— Էտա չէլած բան է, — ասաց Մհեր:  
Ի՞նչպես կարնամ ես քո գողենք մտնի.  
Դու անօրե՛ն ես, ես՝ քրիստոնյա:  
Իսմիլ խաթուն ասաց.— Մհե՛ր,  
Դու ինձ էրիկ տի ըլնիս.  
Իմ թագավորություն քոն տի ըլնի,  
Իմ դուշմաններու դեմ տի կայնես:  
Մհեր, ես քեզ սիրե՛ր եմ.  
Խաթրով ըլնի՛ տի գաս,  
Չոռո վ ըլնի՛ տի գաս:

Իսմիլ խաթուն քաղցր խոսքով,  
Միրով արբեցուց Մհերին,  
Պատվեց, կերցուց, խմցուց,  
Մհերին որ շատ գինովցուց՝  
Մհերի չարեն կտրավ—  
Քրշեց, էլավ Իսմիլ խաթունի մոտ:  
Իսմիլ խաթուն էդ վախտ մշակներուն կանչեց,  
Ասաց.— Քուռկիկ Ջալալին քաշեք դսրըղներու վերան:  
Մըշակներ Ջալալին քաշին դսրըղներու վերան:

Իսմիլ Միերից մնաց էրեխով,  
Ղարըղներ Քուռկիկ Չալալուց բռնեցին:

Առավոտուն Մըսրա յոթ իշխաններ էկան Միերի մոտ  
Կայնան դիվանխանի դռան:  
Միեր իրիշկեց, ասաց.  
— Էհե յ, իշխաններ, էկե՞ր եք:  
Էնոնք յոթ տեղով բաժանվան,

[Էջ 124]

Ետ քաշվան, կանգնա՛ն:  
Ասաց.— Այ իշխաններ, ես ի՞նչ մարդ եմ:  
Ասին.— վերին դեհ աստվա՛ծ գիտենք,  
Ներքին դես քեզի՛ գիտենք:  
Մըսրա յոթ իշխաններ խոնարհվեցին:

Էլավ էդ տեղեն Միեր, որ դառնար Սասուն.  
Ամա Իսմիլ խաթուն չէթող,  
Որ Միերի գլխին գինովություն անցներ:

Ինն ա՛միս, ինն օր, ինը սհաթ որ լրացավ՝  
Իսմիլ խաթունին տըղա մի էլավ.  
Էնոր հոր հիշատակի համար  
Տըղի անուն դրին Մըսրա Մելիք:

10

Յոթ տարի Իսմիլ խաթուն զՄիեր պահեց գինով:  
Միեր մեկ օր դըրսուց տուն կըմտներ՝  
Էկավ, կայնավ դուռ:  
Տնեն ձեն մի էկավ.  
Մըսրա խաթուն տըղան կը խաղցըներ,  
Կը ծիծաղեր, կ'ասեր.  
«Քո մեր քեզի մեռնի, Մելիք,  
Մըսրա օջախ կանգնացուցես,  
«Հայու օջախ փչացուցես»:  
Միեր, որ էդ խոսքեր լսեց,  
Ուշքի էկավ, ասաց.  
- Օհո՛, էկա էստեղ՝ հայու ճրագը հանգցուցի,  
Մըսրա ճրա գ վառի:  
Միեր մըտավ սենեկ, հարցուց.  
- Իսմի՛լ, էդ ի՞նչ խրատ կը տաս էդոր:  
Էդիկ ձըվից դեռ դուրս չ'էկած՝  
Հիմիկվընե դու չարություն կը սորվեցուս:  
Էն մեծանա՛ Սասնա ճրա՛գը հանգուցի:  
Իսմիլ ասաց.— Հալբաթ, կ'ծիծաղեմ,

Կ' ուրուխանամ տղուս վերան:  
Էն որ էլնի՝ ամբողջ աշխարհը տի գավթի:  
Մհեր ասաց.  
— Տըղա մունես, ասենք, Սասուն տի փչացնի՞:  
Դու իմ ազգ կորցուցես՝ զՄըսը՝ ր կը կայնեցուցես.

[Էջ 125]

Թոբա թե՛ էլ քեզ մոտ կը գամ.  
Թոբա թե՛ էլ Մըսըր մնամ:  
Ես տի դառնամ էրթամ Սասուն:  
Մելքի կընիկ ասաց.— Մհե՛ր,  
Ես կ'ուզեի, որ ինձի տըղա մի ըլնէր.  
Ես կ'ուզեի, որ ժառանգ մի ըլնէր Մըսրա.  
Ես կ'ուզեի, որ չըհանգչէր Մըսրա ճրագ:  
Ես յոթ տարի զքեզ գինով կը տիրեի.  
Հիմի կ'երթաս՝ դու գինաս, չե՛ս էրթա՝ դո՛ւ գինաս:  
Էս ասելո՛ւ պես Մհերին գինավություն էթող:  
Որ Մհերին գինավություն էթող՝ Մհեր մտածեց.  
«Հայ-հո յ, էս մե՛կ օր չեմ ես էսատեղ,  
«Ես ինչպե՛ս տի Արմաղանին ու Հովանին պատասխան տաս՝:  
«Տեսա՛ ր, իմ կընկա խո սք էլավ:  
«Իմ կընիկ ասաց մ'երթա:  
«Ես էնոր խոսք չը լսեցի»:  
Էդտեղ Մհեր բախտակոծվավ, ասաց.  
«Թող իմ աչքեր քոռանար,  
«Որ ես էկա, էս յոթ տարի  
«Խալխի արտ ջրի՝ կանաչ պահեցի,  
«Իմ արտ չորցավ: Վայ, էս ի՞նչ արի:  
«Հայո՛ւ ճրագ հանգուցի, Մըսրա ճրագ վառի»:  
Էլավ սուս-փուս, ու դուրս էլավ Մըսրա,  
Քոռ ու փոշման դարձավ իր տուն— Սասուն:

11

Աչքալուս տարան Արմաղանին,  
Ասին.— Մհեր էկավ:  
Արմաղան էլավ, դարբասներ հողեց  
Ու դռներ փակեց:  
Մհերն էկավ, տեսավ՝ դարբասներ փակ՝  
Դռներ գոց—դուռ-բան չ' էրևար:  
Ասաց.— Պատճառն ի՞նչ է,  
Դռներ իմ վրա շինած են.  
Չեն թողնի որ իմ տուն էրթամ:  
Ու Արմաղան պատասխանեց.  
— Պատճառն էն է՝ դու իմ մարդ չես.  
Դու ինձ թողիր, գնացիր Մըսըր.

Էլ դու չըգաս մոտ ինձ:  
Մհեր կանչեց.— Դուռ բաց...

[Էջ 126]

Արմաղան ասաց.— Մհե՛ր,  
Ես էրթում կերեր եմ.  
Չուր քառսուն տարի դուն չես գա իմ գողենք.  
Դու իմ հերն ես, իմ աղբերն ես:  
Դու գնացիր Մըսրա օջախ կայնեցուցիր,  
Մասնա օջախ փչացուցիր:  
Էդ քո մեղք քավելու համար՝  
Քառսուն տարի դա քառսունք տի պահես,  
Ու նոր քեզի հրամանք կա, որ գաս իմ գողենք:  
Մհեր մնաց շիվար՝ ասաց.  
— Քառսուն տարուց էղն էլ բան բանի չ'հասնի:  
Մելիք կըլնի կատարյալ մարդ:  
Մհեր նստավ էնտեղ.  
Ինչպես արավ, քանի մի համոզեց,  
Չէլավ, զկընիկ բառա չարեց:

12

Խաբար բերին Ձենով Հովանին՝  
Մհեր Մըսրա էկե:  
Հովան էկավ, ասաց.  
— Ա՛յ Արմաղան, էսօր ու էսօր հետ էկավ Մհեր,  
էլիք, հե՛տ վերու էդ սև մուշամբեն:  
Հարս մուշամբեն վերցուց, ասաց.  
— Հովա՛ն, իմ մեծ աղբեր,  
Զաթի՛ գիտեմ Մհեր անառակեն խաբված էկավ,  
Արծաթ տարավ՝ փախր հետ բերեց..  
Ես չեմ կարնա իմ ուխտ խախտեմ:  
Ձենով Հովան ասաց.— Հարսի,  
Մենք վարդապետներ կը ժողվենք,  
Քանի մի հատ իշխան մարդիկներ կը ժողվենք,  
Գան, ձեզի արձակում անեն:  
Վարդապետներ բերին՝ ժողվեցին,  
Իշխաններ բերին՝ ժողվեցին.  
Էն իշխաններ էկան, ընկան մեջտեղ,  
Վարդապետներ էկան, ընկան մեջտեղ,  
Ասին.— Օրհնած, ախր վնաս չըկա,  
Իսան է, մա՛րդ է՝ կը խաբվի՛:  
Հաշվենք՝ դադեր, յա՛ր է բռներ, հիմիկ էկեր է:  
Քանի՞ տարի էրդում արեր ես, Արմաղան:  
Ասաց.— Քառսուն տարի:

[Էջ 127]

Վարդապետներ ու իշխաններ ասին.  
Օ՛րհնած, օրենքն ի ձեռ վարդապետաց.  
Քառսուն տարին բերենք անենք քառսուն ամիս,  
Քառսուն ամիս բերենք անենք քառսուն շաբաթ,  
Քառսուն շաբաթ բերենք անենք քառսուն օր,  
Քառսուն օր էլ բերենք անենք քառսուն սհաթ:  
Շուռ տերտեր մ' էլ կար՝ ասաց.  
— Քառսուն սհաթ բերենք անենք մրկա:  
Վարդապետ մ' էլ պահպանիչ մի ասաց.  
Ասաց.— Աստված ձեզ թողություն շնորհե:  
Էլէք, գացէք, էդէք էրիկ կընիկ:  
Ընի թող, մեկմեկու խաբրով ըլնէք:

Միեր ասաց.— Կընիկ, ըղորդ կասեն:  
Թողնիս ես գամ քո գողենք:  
Բայքիմ աստված զավակ մի տա,  
Չը հանգցնի հայու ճրագ:  
Կընիկ դառ բաց արեց, ասաց.  
— Տղամարդ որ կա՝ գլուխ է.  
Կնիկ որ կա՝ ոտ է:  
Էն չի կարնա դուռ բռնի մարդու վերա.  
Դուռ կը բանա մ, դու կը գաս տուն,  
Աստված մեզ մեկ տըղա կը տա,  
Համա էրթմակոտոր կըլնենք, էրկուսս էլ կը մեռնենք.  
Տղան անտեր պիտի մընա— խսրի վերա:  
Միեր ասաց.— Աստված թող մեկ տըղա տա մեզ,  
Էրթա Մելիքի օձիք բռնի,  
Թող չը հանգչի Մասնա ճրագ,  
Աստըծու գառ, գել չի՛ ուտի:  
Որ մենք կանք վեր աշխրրքին— տի մեռնենք.  
Համա որ մենք մեռնենք,  
Մեր տղան մեր տեղ սաղ ըլնի՝  
Մենք էլ սաղ տի հիշվենք:  
Մեր տան անուն չի կորսվի:  
Ու Արմաղան պատասխանեց.  
— Էրթմակոտո ը կըլնենք, դո՛ւ գիտես:  
Քառսուն տարին արին քառսուն ամիս,  
Քառսուն ամիս արին քառսուն շաբաթ,  
Քառսուն շաբաթ արին քառսուն օր.  
Քառսուն օրն էլ արին քառսուն սհաթ,

[Էջ 128]

Քառսուն սհաթ որ լրացավ,  
Նոր Արմաղան Միերին թող էտուր,

Էլան, իրարու մոտ գնացին:  
Մհերի կին էղավ տղղով:  
Էդ վախտ էլավ Մհեր, գնաց Մասունա սար.  
Մեկ խաս բախչա՝ մի տնկել էտու էնտեղ,  
Իր սարեն կայնեցուց էնտեղ,  
Աստծու ստեղծած ամեն անասուններ, հավքեր  
Մեջ էն բախչի դրեց, շուրջը պարիսպ քաշեց:  
Էդ տեղի անուն դրեց Ծովասար:  
Ծովասարեն էրկու սահաթի չափ գատն  
Գնաց խորոտ վանք մի շինեց,  
Վանքի անուն դրեց Մարութա բարձր Աստվածածին:  
Էլավ, էտա վանքում շատ անգյալներ բերեց.  
Էլավ բերեց կուրեր, էլավ բերեց կաղեր,  
Կանչեց բերեց տերտեր, վարդապետներ,  
Թողեց էդտեղ, էդ բան պրծավ,  
Իջավ Մասնա քաղաք:  
Ինն ամիս, ինն օր, ինը սհաթ որ լմնցավ,  
Արմաղանին տղա էլավ:  
Տարան կնքեցին, անուն դրին Դավիթ:  
Տղան որ տուն բերին,  
Մհեր ու իր կնիկ էրթմակոտոր էղան, մեռան:

Մհերի մեր, Քառսուն–Ճուղ Ծամ Դեղձուն,  
Մհերի մեռնելեն հետև սուգ մտավ.  
Մտավ յոթ դռների ետն.  
Փակվեց մեկ սենեկի մի մեջ,  
Որ արև իր գլխան չ՝ առներ,  
Էնտեղեն արև լուս չէլներ,  
Չուր նոր մանուկ մեծանար՝  
Մհերի տեղ բռներ:  
Մասուն սուգ մտավ Մհերից հետո:

Դավիթ մնաց որբ:

ՄԱՍՈՒՆՅԻ ԴԱՎԻԹ

[Էջ 129]

ՃՅՈՒՂ ԵՐՐՈՐԴ

ՄԱՍՈՒՆՅԻ ԴԱՎԻԹ

[Էջ 130]

1

Դառնանք, զօղորմին տի տանք

Դեղձուն ճուղ Ծամին  
— Քառսուն, օղորմի:  
Դառնանք, զօղորմին տի տանք  
Քեռի Թորոսին  
— Քառսուն օղորմի:  
Դառնանք, զօղորմին տի տանք  
Ձենով Հովանին  
— Քառսուն օղորմի:  
Դառնանք, զօղորմին տի տանք  
Արտատեր Պառվան  
— Քառսուն օղորմի:.

Դառնանք, զօղորմին չը տանք  
Չմշկիկ Սուլթանին,  
Չը տանք օղորմի:  
Դառնանք, զօղորմին չը տանք  
Մըսրա Մելիքին  
Չը տանք օղորմի:  
Դառնանք զօղորմին տի տանք  
Իսմիլ խաթունին  
Քառսուն օղորմի:  
Դառնանք, զօղորմին տի տանք  
Խանդուր խանումին:  
Քառսուն օղորմի:  
Դառնանք, զօղորմին տի տանք  
Թառլան Դավթին,  
— Հագար օղորմի:  
[Էջ 131]  
ՄԱՄԼ Ա  
ԴԱՎԹԻ ԿՈՒՎԸ ՄՄՐԱ ՄԵԼԻՔԻ ԴԵՄ  
ՄԱՆՈՒԿ ԴԱՎԹԸ ՄԸՍՐՈՒՄ

2

Դավիթ որ մնաց որք,  
Հորողրերներ էկան, ասին իրար:  
Ձենով Հովան ասաց.— Վերգո,  
Դո՛ւ կը տանես զԴավիթ,  
Թե չէ՛ ե՛ս տանեմ:  
Վերգոն ասաց.— Չէ, ես որդի ունեմ,  
Դո՛ւ տար, պահի...  
Ձենով Հովան տարավ զԴավիթ,  
Արավ իրան հոգեզավակ:  
Էլան, ու էդ Սասնա քաղաք  
Ինչքան ծծմեր որ կար՝  
Էտա տղան տվին զետա ծծմեր:  
Տղան ո՛չ մեկի ծիծ էլ չըվերցուց:

Ձենով Հովան քաղաքացիք ժողվեց Էդտեդ,

Ասաց.— Էսա տղան տի մեռնի:

Բա ի՞նչ անենք, բա ի՞նչ չանենք,

ԶԴավիթ չենք կա՛րնա շահի:

Սասնեցիք ասին.

— Միեր յոթ տարի որ Մըսըր մնաց,

Մըկա էնտեղ ծծմեր մի կա,

Ու Միերի խաթեր համար՝ ըզԴավիթ տի շահի:

ԶԴավիթ Մըսըր ուղարկի.

Էնի էնտեղ տ՛ապրի, թե չէ էստեղ

Անկարելի՛ բան է.— ծիծ չի վերցու:

[Էջ 132]

3

Հովան ասաց.— Բա ո՞վ կ՛տանի, բա ո՞վ չի տանի:

Ասին.— Քուռկիկ Ջալալու թամբի վրեն դի՛ր,

Ամուր մի կապիր,

Քուռկիկ Ջալալուն լավ ճիպոտ մի գար,

Թող տանի Մըսըր:

Հովան էլավ, Քուռկիկ Ջալալին դուրս քաշեց գոմից,

Քուռկիկ Ջալալուն թիմար մի տըվին,

ԶԴավիթ առան, բարուր կապեցին Քուռկիկի քամակ,

Հովան ասաց.

— Քուռկիկ Ջալալին, քեզնե կը խնդրեմ\*.

Իմ տըղան դու գե՛տ չ՛թալես,

Իմ տըղան դու քա՛ր չը գարնես.

Տանե՛ս Մըսրա էրկիր,

Մըսրա խաթունին դու թասլիմ անես:

Քուռկիկ Ջալալին կը տամ ամանաթ,

Կը տամ ամանաթ մեր Սասնա ճրագ.

Ոչ քա՛ր կը թալես, ոչ թո՛ւփ կը թալես—

Հասցնես սալամաթ մեր Սասնա ճրագ:

4

Քուռկիկ Ջալալին ըզԴավիթ առավ,

Մեջ էրկինք-գետինք թռավ ու գնաց:

Մըսրա Մելքի մեր պատուհան նստե՛

Տեսավ թոզ կը գա դաշտերու վերան.

Տեսավ, որ կրակ գետնա էրեսեն կը տա վեր, էրկինք.

Մեջ էրկինք, մեջ գետինք կը մոտենա իր տան:

Մըսրա խաթուն ասաց.

— Էսի ամպ չի՛, կա ու չկա,



Էսի Քուռկիկ Ջալալու օտաց կրակն էսպես կ' էլնի:  
Դարձավ, ասաց.— Դռնապաններ,  
Գնացեք դռներ բացեք.  
Կո՛ւ, ձի մի կը հասնի մեր դուռ:  
Դռնապաններ հասան ու դռներ բացին:  
Տեսավ Քուռկիկ Ջալալին է:

-----  
\* Երգվում է:

[Էջ 133]

Բան մի վեր քամակին:  
— Մըսրա Մելի՛ք,— կանչեց Իսմիլ խաթուն,  
— Էն բան առեք, բերեք ինձի:

Մըսրա Մելիք գնաց, մոտիկացավ ձիուն:  
Ձին իր գլուխ կոռեց:  
Մելիք աչքեց, տեսավ— բարուր:  
Ձիու քամկից բարուր առավ,  
Տարավ էտուր Իսմիլ խաթուն:  
Մելքի մեր բացեց ու ի՞նչ տեսավ—  
Բարուրի մեջ՝ մանուկ Դավիթ,  
Թուղթ մել գրուկ դրա՛ծ կըշտին:  
Էդ թղթի մեջ Ձենով Հովան կ'ասե.  
— Աղբո՛ր կընիկ, հարսե՛,  
Մհերն էկավ էստեղ, էնոր տըղա՛ւ՝ էլավ.  
Մհեր ու իր կնիկ մեռան, տըղան մնաց որբ:  
Ա՛ռ, Մհերի խաթեր համար տըղան շահե:  
Մինչև որ քիչ մի մեծանա, չըդադարի.  
Նոր ես կ'առնեմ, ե՛ս կը շահեմ:

Մըսրա թագավորի կընիկ միտ վե՛ր ասաց.  
— Մհեր ինձի օր մի աղեկություն արեց,  
Էնոր խաթեր ես կը շահեմ Դավթին.  
Իմ ծիծ կաթ կա՛ հալա.  
Իմ տըղան կաթեն կը կըտրեմ,  
Ձեն կը շահեմ: Շահե՛մ, էստեղ կենա,  
Մելիքի հետ աղբե՛ր ըլնեն,  
Իրար աղբերություն անեն,  
Մըսը՛ր, ամբո՛ղջ էրկիր, զավթեն, տիրապետեն:  
Հե՛յ, մըկա նոր Դավիթ տի մեծնա, էրթա Սասո՞ւն;

5

Էդտեղ Մըսրա Մելիք ակահեց, ասաց.

— Տղեկնե՛ր, դարբասներ գոցեք:  
Քուռկիկ Ջալալին գոռո՛վ ընկավ մեր ձեռ,  
Բռնե՛նք մեզ համար: Դարբասներ գոցին,  
Ձիավորներ էկան իրար՝ ձիու բռնը:  
Քուռկիկ Ջալալին տի բռնեն:  
Քուռկիկ Ջալալին ասաց.

[Էջ 134]

— Ի՞նչըդ տի պրծնեմ էսոնց մոտեն, տե՛ր աստված:  
Գընաց դեն, էկավ դես մեջ պարսպին,  
Ասաց.— Տո, տե՛ր աստված,  
Ես տի զարնեմ էդա պարիսպ.  
Թե՛ անցնեմ, թե՛ մընամ:  
Քուռկիկ Ջալալին ո՛ւժ էտու զինք,  
Ձիավորներու միջեն էլավ դուրս:  
Էզարկ, զքառսուն գազ պարիսպ անցավ,  
Թռա՛ վ, գնա՛ ց:  
Մըսրա Մելիք ասաց.  
— Ո՛ւ ըլլա. զընա՛ց Քուռկիկ Ջալալին,  
Մեր ձեռնեն պրծավ:

6

Ձին փախավ, զընաց,  
Գիշեր ու ցերեկ անդադար քելեց,  
Ու էլավ Սասուն:  
Ձենով Հովան իր աչք գցե ճամփան՝ կիրիշկեր.  
Մեկ էլ տեսավ՝ իրիկվան կողմ՝  
Մեջ էրկինք, մեջ գետինք թոզ մի կ'էլնի:  
Էլավ, տեսավ, Քուռկիկ Ջալալին է կը գա.  
Բան մի չկա՛ հետ:  
Քուռկիկ Ջալալին էկավ, հասավ:  
Ձենով Հովան իր դեմ էլավ, հարցուց.  
- Մեռնեմ քե, Քուռկիկ Ջալալին,  
Դավիթ ո՛ր սարն ես թալե,  
Ո՞ր քարն ես թալե, ո՞ր թափն ես թալե,  
Ո՞ր գելն է կերե, ո՞ր ջանավարն է կերե  
Իմ թառլան Դավիթ:  
Ասաց.— Ոչ սա՛րն եմ թալե, ոչ ձո՛րն եմ թալե,  
Ոչ գե՛լն է կերե ու ո՛չ ջանավար:  
Տարեր եմ Մըսրը, Իսմիլ խաթունին թասլիմ եմ արե,  
Համա հազիվ պրծեր եմ, էկե.  
Դարբասներ վեր ինձ ամուր զարկեցին,  
Կուզեին բռնեն.  
Քառսուն գազ պարիսպ թոեր եմ, էկե:  
Ձենով Հովան ձիու զըլուխ պագեց, ասաց.

- Աստծու անեծք վեր էնոր տան տեղա՛ց ըլնի,  
Վեր էնոր զավակի՛ն ըլնի,

[Էջ 135]

Ով էս ձիու խաբար աշխարհի հանի:  
քԱ ձին տարավ, մըլէց յոթ դռնով ներս,  
Գոցեց դռներ, հողեց,  
Ձիու կեր ու ջուր հերթկեն կըտար:

7

Իսմիլ խաթուն Դավթի վերա շատ խնդացավ:  
Ձծիծ էտուր Դավթին:  
Դավթը էնոր ծիծ վերուց:  
Ժամանակ մի Դավթը ծիծ կերավ:  
Օր մէլ Դավթը էնոր ծիծ չըծըծեց:  
Իսմիլ խաթուն Դավթի գլուխ կը բերեր է՛ս ծծի վերա,  
Դավթը է՛ն կողմ կը փախցներ,  
Կը բերեր մեկէլ ծծի վերա,  
Էն մեկէլ կողմ կը փախցներ:  
Իրեք օր, իրեք գիշեր Դավթը բան չը կերավ:  
Իսմիլ խաթուն էլաց, մնաց շիվար,  
Չը գիտեր ինչ աներ հետ Դավթին:  
Կանչեց Մըսրա Մելքին, ասաց.  
— Էսա տղան իրեք օր ու գիշեր իմ ծիծ չ՛ն՛ տի:  
Ապա ի՞նչ անենք էսա տղի հետ, ապա ի՞նչ չ՛անենք:  
Մըսրա Մելքիք ասաց.  
— Էդա ազգ հաստակող են, մարե,—  
Էնի մեր գլխուն ցա՛վ տըլնի:  
Էնի հայ է, մենք արաք ենք,  
Քո ծիծ մի՛ տար էնոր:  
Իսմիլ խաթուն ասաց.— Էսպես մնա՛ մեռնի,  
Մեզ ամոթանք կ՛ըլնի էնոր տիրոջ մոտեն:  
Էլ վերջ չըկըտըրի, ընկել ենք մեջ...  
— Քո տուն ավերի,— ասաց Մելքիք.—  
Էնոր հոր մալ շա տ է,  
Էնոր հոր տուն չկա՞ մեղր ու կարագ,  
Չըկան անուշ-անուշ բաներ.  
Բարձրանա Բողեն ուղարկի,  
Թող էլնի, էրթա Մհերի տուն,  
Գնա բեռ մի մեղր բերի,  
Գնա բեռ մի կարա՛գ բերի,  
Կը շինես եղ-մեղր, կը տաս, տղան կ՛ուտի:

[Էջ 136]

Իսմիլ խաթուն Բաթմանա Բուղեն ճամփեց՝ մեղր-կարագ բերի.  
 Բաթմանա Բուղեն է, էլավ, գնաց Սասուն:  
 Ձենով Հովան մեղր, կարագ —  
 Էնոր ուտելիք ի՞նչ է, —  
 Ամեն տվեց Բաթմանա Բուղին:  
 Բաթմանա Բուղեն բեռ մի մեղր, բեռ մի կարագ  
 Բերեց դրեց Իսմիլ խաթնի առաջ:  
 Մըսրա Մելիք է դ որ տեսավ, ասաց.  
 — Տեսա՞ր բան, էսպես աղեկ բան ո՞ր տեղ կա.  
 Տո՞ւր, թող ուտի՛, ջոջնա:  
 Մեղրով, կարագով Դավթին պահեց Իսմիլ խաթուն:  
 Թե ուրիշ տղեք տարով կը մեծնան,  
 Դավիթ օրեօր կը մեծնար:  
 Իսմիլ խաթուն գԴավիթ լա՛վ կը տիրեր.  
 Կ՛ասեր. «Դավիթ Մելքին քոմագ կ՛ըլնի—  
 Ամբողջ երկիր տի գավթեն, տիրապետեն»:  
 Ամա Դավիթ էնպես գորեղ էր՝ բնդեր կը կտրեր:  
 Իսմիլ խաթուն շղթա բերեց, արավ բնդի թել.  
 Դավիթ էնչափ ուժ ուներ՝  
 Շղթան չըղիմացավ, կըտրավ:  
 Ինչ բերեց՝ ճար չէղավ, կըտրավ:  
 Բերեց էն որվանք, փեխր մանեց,  
 Արավ էնոր բնդի թել, որ պահեց:  
 Ինչ Դավիթ շունչ կը քաշեր ներս  
 Որվանք կը երկարնար,  
 Նորեն Դավիթ որ շունչ կը հաներ դուրս՝  
 Որվանք կը կըծկեր:

8

Մըսրա Մելիք որ իմացավ Սասնա Մհեր մեռե՛  
 Կալնավ, թուղթ ուղարկեց,  
 Իր տեղաց մեջ ցրվեց, գորք հավաքեց,  
 Գնաց Սասնա տեղաց վերան.  
 Սասնա երկրի վերա իր սուր քաշեց,  
 Սասնա ժողովուրդ կոտորեց,  
 Անհաշիվ խարջ ու խարաջ առավ,  
 Քըշեց Սասնա տավար, օչխար,  
 Սասուն ավրեց, առ ու ավար արավ:  
 Սասունցոց հպատակ դարձուց,

[էջ 137]

ԸզՎերգոն ու Հովան գերեց, Տարավ Մըսրը:  
 Ժամանակ մի անցավ,  
 Էնոնք ապրուստ չէին կարնա անի էնտեղ:  
 Ձենով Հովան Մելքին ասաց.

— Հրաման տուր մեզ, էրթանք մեր էրկիր:  
 Մելիք հրաման էտուր, էլան, գնացին:  
 Էս հետ Վերգոն էղավ կառավարող.  
 Մըսրա Մելիք չէթող, որ Դավիթ էլ էրթար:  
 Մըսրա Մելիք պատվեր տվավ,  
 Որ գԴավիթ մեջ օղային փակված պահեն:  
 Առավոտուն էլավ Դավիթ, տեսավ՝ դուռ փակ.  
 Գնաց դռան էտն.  
 Զարկեց, դուռն իր տեղեն հանեց,  
 Էլավ դուրս, տեսավ այգի՝ մի.  
 Տղեկներ հավաքվե՝ դոնգոգա կը խաղային:  
 Դավիթ բարձր բարդի ծա՛ռ մի բռնեց,  
 Կորե՛ց, բերեց տակ,  
 Ինք բռնեց ծառի կատարեն, ասաց.  
 — Էկեք, հեծեք, ձի՛ խաղացեք:  
 Էկան, շարվան վերան:  
 Դավիթ ծառ պահե՛ց, պահե՛ց,  
 Իր ձեռ շատ որ դադրավ՝ գոռաց.  
 — Ցա՛ծ իջեք, ցա՛ծ, իմ ձեռ դադրավ:  
 Տղեկներ ականջ չ՛արին, չ՛իջան:  
 Էդ վախտ Դավիթ ծառի կատար էթող:  
 Տղեկներ թափվան գետին.  
 Որ մեռավ, որի գլուխ կոտրավ:  
 Մեծ մարդերու տղեկներ էին:  
 Էդոնց հերեր էկան, լցվան Մելիքի դուռ,  
 Բողոք բարձրացուցին, ասին.  
 — Թագավոր, էդ ծուռ Դավիթ հեռացուր,  
 Թե չէ՛ կը քոչենք, կ'էրթանք էս էրկրեն:

9

Մելիք ավելի կատղավ.  
 Դրավ Դավիթ մութ սենեկ, փակեց,  
 Որ էն արևի լուս չըտեսնի.

[Էջ 138]

Դավթի վերան վարպետ դրավ,  
 Որ հնազանդություն սովորեցու:  
 Ու էնոր հաց տանողներին ասաց.  
 — Դավթին որ հա՛ց տանեք,  
 Մի՛ս կ'ըլնի՝ ոսկոր կը հանեք,  
 Չի՛ր կ'ընի՝ կորիզ կը հանեք:  
 Մեկ օր Դավթի հաց տանողին շա՛տ նեղություն տվին,  
 Էդ հաց տանող ասաց.— Կայնե՛ք,  
 Էսօր Դավթին հաց տանելուս՝  
 Միս կը տանեմ, ոսկոր չե՛մ հանի,

Թող ուտի, ոսկոր դեմ առնի,  
Դուրս էլնի՝ ձեզի սպանի:  
Հացը վերցուց, տարավ էտու Դավթին:  
Դավթի՞ հաց կերավ, միս թալեց իր ատամներ,  
Տեսավ՝ որ միս փլվեց, ոսկոր ատամներ չ' կտրավ:  
Վերցուց, զարկեց ոսկոր լուսամատին,  
Լուսամուտ փլվեց, շող ընկավ գետին:  
Ասաց.— Էս ի՞նչ ընկավ մեջ սենեկին:  
Դավթի՞ էլավ, ընկա՞վ հետ էդ շողին, ընկավ գետին:  
Էլ էտ էլավ, ընկավ հետ էդ շողին, ընկավ գետին:  
Էնպե՛ս էլավ, որ քրտինք է՛ս կողմեն,  
Էն կողմեն թափավ:

Վարպետ, որ էդոր դաս կը տար,  
Դռնով մտավ,  
Տեսավ՝ Դավթի՞ կ' էլնի ու կը տփփի գետին.  
Ասաց.— Դավթի՞, մեռնե՛մ քեզի,  
Ինչի՞՞ եղպես կը տփես դու էդա գետին:  
Ասաց.— Էսիկ մտել է իմ սենեկ, չի՛ էլնի դուրս:  
Ասաց.— Մեկ աչքերդ խփիր: Աչքեր խփեց:  
վարպետ թաշկինակով բռնեց էն շողի ծակ կալավ,  
Շող կտրավ: Դավթի՞ ասաց.  
— Յա՛, էս էսքան կը չարչարվեմ.  
Չե՛մ կարնա դուրս հանի:—  
Ասաց.— Ինձնեն գոռա՞ էիր:  
Ինչպե՛ս դու զեն հանեցիր դուրս:  
Վարպետն ասաց.— Ղո՛ւրբան, հե՛յրան,  
Էնիկ մարդ չէր, էնիկ արևու շո՛ղքն էր:  
Դավթի՞ ասաց.— Յա, էդ արև որ կա՛  
Բա ինչի՞՞ եք ինձի նստեցուցե էս բանտ:

[Էջ 139]

Ասաց.— Ղո՛ւրբան, հե՛յրան,  
Արև՛ էլ կա, ցերե՛կ էլ կա, գիշե՛ր էլ կա:  
Ասաց.— Բա ինչի՞՞ ինձ չեք հանի դուրս:  
Ասաց.— Կեցի էրթամ՝ թագավորին ասեմ:  
Գնաց, ասաց.— Թագավոր ապրած կենա.  
Դավթի՞ կ'ուզի, որ սենեկեն հանենք,—  
Կ'ուզի արևի լո՛ւս տեսնի:  
Թագավոր ասաց.— Գնա, հան դո՛ւս, պտըտեցուր:

10

Վարպետն էկավ, Դավթի թևեն բռնեց  
Ու հանեց դուրս, տարավ, քաղքի մեջով, գընաց:  
Ինչ պատահեց, Դավթի՞ հարցուց

Տավա՛ր, գոմե՛շ ու ձի՛  
 Ամեն ինչի հարցում կ'աներ.—  
 Էսիկ ի՞նչ է, էնիկ ի՞նչ է:  
 Վարպետ կ'ասեր.— Էսիկ՝ է՛ս է, էնիկ՝ է՛ն է:  
 Քաղքից էլան: Դավիթ աշկեց,  
 Տեսավ՝ քաղաքի ամեն մարդեր ժողված են դաշտ:  
 Ասաց.— Արի էրթանք էն տեղ:  
 Վարպետն ասաց.— Մեռնեմ քեզի,  
 Էն տեղ բան մի չըկա:  
 Արի էրթանք է՛ս կողմ:  
 Ասաց.— Չէ՛, ինձի տար էնտեղ:  
 Ասաց.— Ախր էնտեղ ի՞նչ կա, որ մենք էրթանք:  
 Ասաց.— Չէ՛, կը տանիս, տար, չէ՛ս տանի...  
 Որ ասաց.— Չէ՛,  
 Դավիթ իր ձեռք թալեց վեր վարպետի ականջ՝ պոկի:  
 Վարպետն ասաց.— Քելե էրթա՛նք:  
 Տարավ էդոր, գնաց, մի մեյդանի գլուխ: Կայնան:  
 Կայնելուն պես տեսավ՝ էրզնուց բան մի կը գա:  
 Տեսավ՝ ջրինդ կը գա իր մոտ:  
 Ջրինդ կը թալեին: Ջրինդ Մըսրա Մելքին էր:  
 Դավիթ հասավ, ջրինդ բռնեց,  
 Թալեց՝ գնաց տաս գազ անցուց Մելքի գլխով:  
 Մսրա Մելիք ասաց.— Հայ-հա յ,  
 Էս ո՞ր փահլևանն էր՝ որ իմ ջրինդ անցուց:  
 Գնացին, տեսան, Էկան, ասին.  
 — Թագավո՛ր ապրած կենա, Դավիթն էր:

[Էջ 140]

Ասաց.— Գնացեք, էնոր բերեք, գլուխ կտրեմ:  
 Վաքիլ, վազիր ընկան Մըսրա Մելքի ոտ-ձեռ պագին,  
 Թե.— Թագավո՛ր ապրած կենա, էնի էրեխա՛ս է,  
 Էն ի՞նչ է, որ էնոր գլուխ կտրես:  
 Վազիր մարդ ուղարկեց վարպետի կուշտ.  
 Էկան ասին.— Առտուն չ'ավրի, էլ մի՛ բեր էսատեղ:  
 Վարպետն ասաց.— Ձեր տուն չ'ավրի.  
 Մազյար իմ կամքո՞վ կը բերեմ.  
 Բռնի, ականջես կը քաշի,  
 Ձոռովեն ինձ բերել կը տա:  
 Ասին.— Առ գրնա՛, առ գրնա՛, առ գրնա՛:  
 Բերեց իրեն սենեկ:

11

Էն իրիկուն Մելիք դաշտեն դարձավ.  
 Դավիթ հարցուց Բամիլ խաթնին.  
 — Ի՛մ մեր, չուր իրիկուն Մելիք էդ ո՞ւր կերթա:

Ասաց.— Մե՛ր մեռնի քեզ,  
 Կ'երթա իրա սեյրանատեղ, ու իրիկուն կը գա.  
 Կ'երթա հոլ կը խաղա:  
 — Ապա ինչի՞ ինձ չի՛ տանի,  
 Որ իմ միտք էլ քիչ մի բացվի.  
 Ես կը մնամ մենակ տուն վե,  
 Իմ համբերություն կը կտրի:  
 Մարդ մի չունեմ որ հետ խաղամ:  
 Ինձ է՛լ թող դաշտ տանի:  
 Իր մեր ասաց.— Մեռնե՛մ քեզ,  
 Ձիանք կը տան վեր քեզ, ըզքեզ կը ճղոտեն:  
 Չուր հիմիկ տիրեր, պահեր ենք քեզ,  
 Հիմիկ կ'ընկնենք ամոթու տակ:  
 Դավիթ էլաց, ասաց.— Մարե՛,  
 Ես կ'երթամ զա՛տ տեղ կը կայնեմ:  
 Մեր ասաց.— Մելիք, ի՞նչ կ'ըլնի,  
 Առավոտուն գԴավիթ տար հետ քեզ,  
 Հոլ խաղ անի, սորվի:  
 Մըսրա Մելիք ասաց.  
 — Դավիթ, դու դեռ էրեխա՛ ես,  
 Չես կարնա հոլ խաղալ հետ մեզ:  
 Դավիթ ասաց. Տի գա՛մ հետ քեզ:

[Էջ 141]

Իսմիլ խաթուն ասաց.— Խնդիր կ'անեմ,  
 ԸզԴավիթ տա՛ր, կը տեսնե՞ս թե ինչպես կը լա:  
 — Մերիկ,— ասաց,— ախր չորակող են էդ ազգ.  
 Վախնամ Դավիթ պատիժ մի բերի մեր գլուխ:  
 Մեր էնոր հետ կովավ, ասաց.  
 — Չէ՛, տա՛ր, տար, դիր բարձր մի տեղ.  
 Դավիթ թող թամաշա՛ անի:  
 Չելնի՛ գա ցած ընկնի ձիանց ոտքերի տակ:  
 Մըսրա Մելիք ասաց.  
 — Թե չտանե՛մ, շատ մարդ տ'ասի.  
 Որք է, Մելիք ականջ չի՛ դնի:  
 Աղեկ, մարե, առավոտուն տանեմ հետ ինձ:

12

Առավոտուն Մըսրա Մելիք էլավ, հեծավ իր ձին,  
 Առավ գԴավիթ, տարավ իր հետ:  
 Չ'իշխեց տանի իր մոտ, տարավ մեկ մեծ սարի գլուխ:  
 Էրկու փահլաններ տարան,  
 Դավթի ոտ ու ձեռքեր կապին,  
 Դրին էդ մեծ սարի գլուխ:  
 Ու երկուսով Դավթի մոտ նստան պահապան:



Մելիք իր գորք առավ, իր իշխաններ,  
Փահլևաններ առավ ու Լեռա դաշտ իջավ.  
Խաղաց հետ փահլևաններուն:  
Դավթի մոտեն էր Լեռա դաշտ  
Համա-համա՛ կը նշմարվի:

Դավիթ մինչև կեսօր էնտեղ նստած կեցավ,  
Դավիթ նայեց, նայեց՝ բան չը տեսավ:  
Բա՛ն մի չը հասկացավ իր նստելուց.  
Դավթի սիրտը հոժար չէրավ.  
Դարձավ, ասաց.— Փահլևաններ,  
Էկեք, իմ ձեռներ արձակե՛ք:  
Փահլևաններ ասին էնոր.  
— Թագավորի հրամանըն է՝  
Մենք քեզ տի պահենք.  
Զ՛երթաս ձիաներու ոտքերի տակ ընկնես:  
Դավիթ ըրկավ ու կամացուկ հիրար տվեց իրան,  
Կապած պարաններ կտրտեց:

[Էջ 142]

Էրկու փահլևաններ կախվան Դավթից.  
ԸզԴավիթ չը կարցան պահեն:  
Դավիթ էրկու փահլևաններ վեր քիթ-բերնին քաշեց.  
Ու մինչև տուն տարավ:  
Դավիթ գլուխ դրավ գետին, պառկավ էնտեղ:  
Մըսրա Մելքի մեր ասաց.  
— Ինչի՞ ըռըկար, էկար:  
Ասաց.— Մըսրա Մելիք ինձի տարավ՝  
Բարձր սարի գլուխ դրավ.  
Ու ինք գնաց դաշտ, կը խաղար.  
Բան չի տեսա, էկա:

Իրիկուն էրավ, Մելիք կտրիճներուն ասաց.  
— Հոլեր զարկե՛ք, գնան զԴավիթ ըսպանեն:  
Կտրիճներ մեկ-մեկա հոլ զարկեցին,  
Մելիքըն էլ իր հոլ զարկեց:  
Տարան, հանին Դավթի տեղաց վերան,  
Տեսան՝ Դավիթ չըկա:  
Էլան, էկան տներ:

Մըսրա Մելիք էկավ իր տուն,  
Իսմիլ Խաթուն էնոր առջև, չ՛էլավ-կայնավ.  
Մըսրա Մելիք ասաց.  
— Դու ինչի՞ ըռկեր ես, նստեր ես էսատեղ.  
Զես կայնի, չես էնի առջև:  
Մեր ասաց.— Ինչի՞ զԴավիթ չը տարար՝

Հովի տեղ, թամաշա աներ:  
Ասաց.— Մարե, էն խոսք մտիկ չ'անի՛.  
Հով դպնի, էնոր տի սպանի,  
Ուրիշ մարդեր տ'ասեն՝ էլավ հացի կերող,  
Մելիք իրեն հացի ապով էտու սպանել:  
Ամո՛թ է ինձ իմ մարդերու առաջ:  
Տարա, փախավ, էկավ:  
Իրիկուն, որ հաց դրին Դավթի առաջ,  
Դավիթ ընկավ, ինչ որ արին հաց չը կերավ:  
Իսմիլ խաթուն նորեն կպավ Մելքի օձիք, ասաց.  
— Մըսրա Մելիք, որդի,  
Առավոտուն տար, մոտի՛կ դիր:  
Մելիք ասաց.— Աղեկ, մարե,  
Վաղ ես տանեմ, դնեմ մոտիկ:  
[Էջ 143]

13

Էս հետ, առավոտուն՝  
Մըսրա քաղքի ձիանք, ձիավորներ, որ դուրս ելան,  
Մըսրա Մելիք էլավ, իր ձին հեծավ,  
Առավ գԴավիթ, տարավ իր հետ:  
Մեկտեղ գնացին իր իշխաններ,  
Կտրիճ մարդեր, փահլևաններ:  
Գնացին էն դաշտ, քարե կալի մեջ գո՛ւրգ թալեն:  
Դավիթ նստեցուցին էդ կալի մոտ,  
Մեկ արտաչափ հեռու դրին:  
Մըսրա Մելիք ասաց.— Դավի՛թ,  
Էդտեղ կայնի, մտի՛կ արա.  
Դավի թ,— ասաց,— դու կը տեսնե՛ս, այ, էդա գուրգ

Շատ գե՛շ բան է, շատ գե՛շ բան է.  
Էդա գուրգ որ մարդո՛ւ առնի՝ մարդ կը սպանի.  
Չգա՛ս, մըտնես մե՛ջ մեր խաղին:  
— Աղբեր, աղեկ, քո խոսք կ'անեմ,— ասաց Դավիթ:

Մելիք կայնեց էդ քարե կալ,  
Հետ իր ընկերներաց՝ գուրգ կը թալեր.  
Դավիթ նստե էնտեղ՝ հետ հողին խաղ կաներու  
Հող կ'առներ ու կը լցներ վեր ոտքերուն,  
Հողերու մեջ կը թավալվեր:  
Փահլևաններ սովորուկ էին.  
Հա՛ խաղացած էին.  
Կը խաղային, մեկ մեկելի վնաս չէին իտա.  
Էդպես գուրգեր կը թալեին,  
Չար կեսավուր ժամանակին:  
Դավիթ իր տեղ նստե՛ կ'աչքեր,

Չուր հերթը Մելիքին հասներ—իր գուրգ զարկեր:  
Որ Մելիքի հերթը հասավ,  
Մըսրա Մելիք հեծավ իր ձին,  
Քըշեց, էկավ գորքերու մեջ:  
Բոլոր ժողվան, էկան՝ մտիկ անեն:  
Մեծ գուրգ մի կար Մելիքի ձեռ,  
Իրեք հարիր վաթսուն ու վեց լիտր էր էդ գուրգ:  
Կը խաղցներ—կը տաներ աջ,  
Կը բերեր գուրգ իր ձեռի մեջ.

[Էջ 144]

Պտտցնելով էդ գուրգ՝  
Գուրգից կըրակ կը թափեր դուրս:

Մելիք գուրգ կը զարներ՝  
Գետին սելի աղուրի պես կըճըղճըղվեր:  
Դավիթ տեսավ՝ որ հերթ Մելիքին է,  
Գընաց, մտավ մեջ աղուրին:  
Մեկ ծակ քոլոզ մ' էլ կար Դավթի գլուխ:  
Դավիթ նըստած էնտեղ, հող կը չափեր իր քոլոզով.  
Կասեր.— Էսա՛ մե՛կ...  
Քանի չափեր, կ'ասեր.— «Էսա՛ մե՛կ...»,  
Էլ չէր կարնա ասի «էրկո՛ւ»:  
Մըսրա Մելիք կանչեց.  
— Դավիթ, էդ տեղեն վեր էլի,  
Ես իմ գուրգ տի թալեմ:  
Իրեք անգամ կանչեց.  
Դավիթ չը լսություն դրեց վեր իր:  
Մելիք ասաց.— Փահլևաններ ր, Կակա՛ն, Ասլա՛ն,  
Գնացեք, ճիվ բռնեք, դուրս թալեք:

Կական, Ասլան ու հինգ փահլևաններ  
Էկան, ճիվ բռնեցին:  
Ինչպես կանեն՝ չի՛ էլնի վեր:  
Կ'ասի.— Էսա մե՛կ, Էսա մե՛կ...  
Փահլևաններ շատ ջանք արին,  
Չը կարցան իր տեղեն հանեն,  
Ինչպես որ մա՛րդ մի չի կարնա  
Դուրս քաշի ծառն իր արմատով:  
Փահլևաններ շիվար կայնան.  
Էնոնց խաղ խանգարվեց:  
Մըսրա Մելիք շատ բարկացավ, ասաց.  
— Գուրգ զարկեցեք, թող գա, սպանի:  
Փահլևաններ գուրգ զարկեցին:  
Դավիթ գուրգ աջ ձեռով բռնեց, թալեց էրկինք,  
Չախով գուրգ մ' էլ բռնեց թալեց էրկինք:

Մըսրա Մելիքն է, որ տեսավ, շա՛տ զարմացավ,  
Ասաց.— Դե՛ն գնացեք.  
Ես իմ գուրգ տի զարկեմ:  
Իմ մոր ասի՝ ես Դավիթ չե՛մ տանի:  
Ես գիտեմ Դավթի բնությունն.

[ներդիր]

Ասաց.— Էսա էսպես պիտի շինվի

[Էջ 145]

Երբ էդեր է, էն իմ գլուխ տի ցավցացի:  
Աղեկ է՛ն է՝ մըկա զարկեմ ու մեռցուցեմ:  
Գիտեմ, էն իմ գլխակե՛րն է, ձեզ տվեք դե՛ն:  
Դավիթ էնոր խոսքեր լսե՛ց,  
Ու ձեն տվեց, ասաց.  
— Մելիք, զա՛րկ, զա՛րկ, թող զա՛ք գուրգ:  
Չըլնեմ, չիմանամ, որ էրկու մըտանի՛ ըլնես:  
(Աստծուց դրած չէր,  
Որ մեր ազգ մըսրցոց դեմ փախնի):  
Դավիթ էլ Մըսրա Մելիքի դեմ չէ՛ր փախնի):  
Մըսրա Մելիք լսավ Դավթի խոսքեր,  
— Հող է, հող դարձուցեմ,— ասաց ու գուրգ զարկեց:

Դավիթ գուրգից էնպե՛ս ակահավ,  
Ասես՝ ջաղցի քար մի կը գա մեջ իր գլխուն:  
Իսկուն Դավիթ իր ձեռ տվեց առջև,  
Ու գուրգ բռնեց.  
Որ գուրգ բռնեց՝ ծանր-թեթև արավ,  
Ասաց.— Ափսո՛ս, հագա՛ր արափսոս,  
Մի քիչ թեթև՝ է էսա գուրգ:—  
(Քառսուն փութ էլ արճիճ ըլներ,  
Հալեին, լցնեին վերան,  
Նոր Դավթի համար լավ տ՛ըլներ):  
Մելիք էդ որ տեսա՛վ, փոշմանավ, հոնքնը կիտեց:  
Էնոր ընկերներ տընագ տվին, ասին.  
— Մելիք, Մելիք, դու կ՛ասեիր՝ ուժո՛վ եմ ես:  
Տեսա՛ր, Դավիթ դեռ տըղա է,  
Ամա ինչպես բռնեց քո գուրգ:  
Մելիք ասաց.— «Հեյ վա՛խ,  
Որ ես իմ գուրգ զարկեմ ու չը դպնի Դավթին,  
Իմ թագավորութեն էն իմ ձեռնեն տ՛աննի՛ :  
Ինչ Դավիթ էր՝ Մելիքի գուրգ ձեռք պտտցուց,  
Դրավ իր ծնկան տակ, պահեց:

Կական, Ասլան ու շատ փահլևաններ  
Ձիեր քշին, հասան Դավթին,  
Մեջ դաշտին գուրգ շա՛տ փնտռեցին, գուրգ չը գտան:  
Դավիթ էն ժամանակ գուրգ հանեց դուրս,  
Պտտցուց մեջ ձեռքին, պտտցուց, ասաց.  
— Գո՛ւրգ, սաջար գուրգ:

[Էջ 146]

Ասաց ու եղ գուրգով զարկեց: Որ զարկեց՝  
Կական, Ասլան ու հինգ ուրիշ փահլևաններ սպանեց:

Մնացածներ դարձան ասին.— Մե՛լիք,  
Էկանք մենք էսատեղ՝ քեֆ անելու:  
Թե՛ դու գիտիր՝ Դավիթ ծուռ էր,  
Ինչի՛ բերիր՝ էսա մարդեր սպանեց:  
Էն սպանուկներ ի՞նչպես տանենք քաղաք.  
Քաղաք տ՛ասեն.— Տնեն գնացիք  
Քե՞ֆ անելու, թե՞ էնտեղ մարդ սպանելու:  
Մե՛լիք էնպես բարկացավ՝ թուր քաշեց,  
Լարեց Դավթի էտև., որ վիզ կտրի:  
Կանչեց.— վայ-վայ, էն շան որբ տի սպանեմ:  
Էնոր փահլևաններ թափվան վերան, ասին.  
— Վայ-վայ, Մե՛լիք, դու գ՛Դավիթ տի սպանե՛ս;  
— Էն որբ է, մե՛ դք է:  
— Բա՛ց թող:  
— Էն տըղա՛ է: Էնոր խելք չի հասնի:  
— Մե՛լի ք, մի՛ ըսպանի: Խալի տի ասի.  
«Մե՛լիք որբ մի սպանեց իրեն հացի ապով»:  
— Էն չէ՛ր կարնա քո գուրգ թալի.  
Աստըծուցն էր, հրեշտակն էր, որ քո գուրգ թալեց:  
Շատեր ասին. եղ Մհերից կ՛ըլնի,  
Դավիթ հոր ուժն ունի:  
Չը թողին, որ Մե՛լիք գ՛Դավիթ սպաներ:

Դավիթ էլավ, մինչև տուն՝ չը կայնավ:  
Էկավ ու զինք զարկեց Բամիլ խաթունի փեշ:  
Բամիլ խաթուն ասաց.— Դավիթ, էն ի՞նչ էղավ:  
Ասաց.— Մա՛րե, Մե՛լիք կը գա՝ ինձ ըսպանի:  
Գախ է, գա իմ վիզ տի կտրի:  
Խաթուն ասաց.— Ինչի՛ տի գա քո վիզ կտրի:  
Էդտեղ Դավիթ ուր պատմություն արեց:

14

Իրկուն Մե՛լիք որ տուն էկավ,  
Մըսրա խաթուն հարցուց.

— Մըսրա Մելի՛ք, դու ինչի՞ չե՛ս խոսա.  
Ինչի՛ ես քո նոթեր կախե:

[Էջ 147]

Պատասխանեց.— Ինչի՞ խոսեմ.  
Դավիթ էսօր ինձ ամչեցուց խալիսի առաջ:  
Մեր ասաց.— Ի՞նչ արավ:  
— Հապա՛ իմ գուրգ որ զարկեցի՛  
Էն ձեռ էտու, իմ գուրգ բռնեց:  
Մեր ասաց.— Ի՞նչ կա, բան չկա:  
Մելիք վեր մոր շա՛տ բարկացավ,  
Էլավ, Դավթի թևից բռնե՛ց, գռռաց.  
— Ինչի՞ էկար իմ գուրգ բռնիր:  
— Ինչի՞ չըբռնեմ,— ասաց Դավիթ,  
Ես քեզնե պակաս տըղա չե՛մ:  
Ես է՛լ գուրգ տի խաղամ հետ քեզ:  
Նախանձեց Մելիք Դավթին,  
Ձեռ բարձրացուց, ասաց.  
— Մա՛րե, Դավիթ ես տի սպանեմ:  
Մեր մոտ վազեց, էկավ Մելքի վրա, ասաց.  
— Ա՛յ տղա, ծուռ հո չե՛ս:  
— Մարե՛,— ասաց.— էն որ իմ գուրգ էսօր բռնեց,  
Վա՛ղ էլ կը գա, զիմ տուն ու տեղ էլ կը բռնի:  
Մեր ասաց.— Մարե՛ն մեռնի քո արևուն,  
Դավիթ քո ուժն է, քո մեջքի թո՛ւրն է.  
Դավթի հեր—քո հեր—ջոջ փահլևա՛ն էղե:  
Վաղ Դավիթ էլ փահլևա՛ն կ՛ըլնի:  
Մեկ մեկէլի քամակ պիտի բռնեք, կայնեք:  
— Է, մարե՛,— ասաց Մըսրա Մելիք,—  
Ուրիշներ իմ գուրգի տակն ընկնեն, կը մեռնեն:  
Դավիթ բռնեց իմ գուրգ ու չը մեռավ:  
Չե՛մ, մարե, ես չեմ ընդունի.  
Դավթի վիզ տի կտրեմ:

15

Մելիք իշխաններ կանչեց պալատ,  
Էլավ, հայտնեց, ասաց.— Իշխաննե՛ր, ի՞նչ կ՛ասեք  
Էդա Դավիթ հիմիկվանե ձեռ կը թալի իմ գուրգ,  
Իմ մարդիկ կը սպանի:  
Մարդու մեկ բարեխիղճ էր, ասաց.  
— Թագավոր ապրած կենա,  
Դավթի խելք չի՛ հասնի, խելք ջո՛ւր է, տղա է:

[Էջ 148]

— Չէ,— ասաց,— իր խելք իմից, քոնից շա՛տ է:  
Չէ՛, էնոր տի գարկեմ:  
— Թագավոր ապրած կենա,— ասաց.—  
Կուզե՛ս, քելե փորձ մի անենք:  
Թե որ Դավիթ տղա չելավ,  
Էլեք զիմ գլուխ, զԴավթի գլուխ գարկեք:  
Մելիք ասաց.— Ի՞նչ փորձ անենք:  
Ասաց.— Բերեք սինի մի ոսկի մի կողմ դնենք,  
Մինի մի կրակ էն մեկէ՛լ կողմ.  
Դավիթ դնենք էդ կրակի, ոսկու արանք:  
Թե որ կրակ վերցուց՝  
Խելք չի հասնի, տղա է,  
Թե որ ոսկի՛ն վերցուց,  
Գնա գլուխ գարկի:

Բերին, զԴավիթ դրին սեղանի մոտ.  
Ոսկին մի կողք լցրին, կրակ մի կողք:  
Դրին Դավթի առջև, ասին.  
— Դա՛վիթ, ա՛ռ, առ, ո՞ր մեկ կուզես:  
Դավիթ իր ձեռ պարզեց ոսկուն,  
Հրեշտակ ձեռնեն բռնեց, տարավ դեհ կրակ:  
Իր մատ որ կրակին կըպավ, կրակ կպավ մատին.  
Մատ էրելով՝ տարավ բերան, լեզո՛ւն էլ էրեց:  
Տղան վրժժա՛ց, էլաց:  
Կրակ բերնեն դո՛ւրս հանեցին:  
Իսմիլ խաթուն Դավթին գրկեց, էլաց:  
Դավիթ էլ էլաց:  
Իսմիլ խաթուն ասաց.— Ո՛րդի, Մելիք,  
Դու հո տեսա՛ր, էնոր ըսպանել մե՛ղք է:  
Դու կ՛ասեիր՝ թե իր չարությունեն արավ.  
Ապա տեսա՛ր միամի՛տ է,  
Չը հասկացա՛վ, ձեռ տարավ, դրավ վեր կրակին,  
Հալա լեզուն էլ էրեց, էլավ թլոր:  
Բարեխիղճ մարդն ասաց.  
— Թագավոր ապրած կենա,  
Իմ խոսք ճի՛շտ է, ճիշտ չէ՞:  
Ասաց.— Հա՛, շա՛տ ճիշտ էր քո խոսք:  
Անխելությունն արավ, խելք չի՛ հասնի:

[Էջ 149]

16

Էստեղեն Դավիթ էլավ,  
Գընաց Մելքի զինանոցի դռան վերան:  
Տեսավ զինանոցի դուռ բաց:  
Մանդուղքով իջավ տակ, մտավ մեջ էդ զինանոցին,

Տեսավ, Մելքի մեծ գուրգ էնտեղ դրած:  
Դավիթ ասաց.  
— Էս ի՞նչ խաղալու լավ բան է:  
Ասաց, գուրգ վերցուց ու ձեռնեն թալեց գետին:  
Գրմփոց ընկավ մեջ քաղաքին,  
Մարդիկ, կընիկ, տըղեք վախցան:

Մըսրա Մելիք տեսավ՝ քաղաք ժածք ընկավ:  
Կռահեց, ասաց.— Էս իմ գուրգի ձենն էր.  
Տեսեք ո՞վ է. ի՞նչ բան էկավ վեր քաղաքին:  
Վազիր գիտցավ, որ Դավիթն է,  
Շուտ մի էլավ ու վազելեն գընաց.  
Գնաց, զինանոցի դռան վերան կայնեց:  
Դավիթ գրմփոց մէլ հանեց:  
Վազիր կանչեց, ասաց.  
— Դա վիթ, Դա վիթ, քո տո՛ւն չ՛ավրի.  
Դու ի՞նչ կ՛անես եղտեղ.  
Շո՛ւտ արա, արի վե՛ր:  
Դավիթ վեր էլավ ու դուռ դրեց:  
Վազիր ասաց.— Դա վիթ, Դա վիթ,  
Դե շո՛ւտ գընա Բամիլ խաթունի մոտ:  
Թե չէ Մըսրա Մելիք կը գա,  
Քո գըլուխ կը ջարդի:  
Դավիթ գնաց:

Մըսրա Մելիք շուտ-շուտ էկավ,  
Կայնեց դռան վերան, գոռաց, կանչեց.  
Ասաց.— Վազի՛ր, ո՞վ է եղտեղ:  
Պատասխանեց.— Դուռ բա՛ց էր, չ՛իմացա՝ ով էր:  
Էազիր էդ սուտ կ՛անի՝ չ՛ա՛սի ով է:  
— Չէ՛, եղնի, չ՛եղնի՝ էդ Դավիթ էր,— ասաց Մելիք:—  
Դավիթեն զատ իմ գուրգ մարդ չի՛ կարնա վերցու:  
Մըսրա Մելիք էլավ քաղաք պտտեց,

[Էջ 150]

ԶԴավիթ փնտռեց, չը գտավ.  
Էկավ տուն, տեսավ, որ Դավիթ ընկե,  
Քուրսու տակ քներ է:  
Մըսրա Մելիք աղեղան լար արձակեց,  
Բերեց՝ Դավթի բողազ խեղդեր:  
Էդ վախտ իր մեր դոնեն էկավ,  
Մելիքի ձեռ բռնեց, ասաց.— Մե՛լիք, ի՞նչ է կ՛անես:  
Ասաց.— զԴավիթ տի խեղդեմ,  
Իմ գուրգի հետ խաղացեր է,  
Գրմփոց մ՛ էլավ մեջ քաղաքին:  
Մելիքի մեր ծծեր էբաց, կայնեց Մելքի առջև,



Ասաց.— Թե դու Դավիթ ըսպանես՝  
Էս ծծերի կաթ քո վերան հարա՛մ ըլնի:  
Մելիք ասաց.— Մա՛րե, օձու ձա՛գ է Դավիթ,  
Թե որ ինձի վնաս դիպնի, է՛դ տըղից է:

17

Էդտեղ Մելիք ու մեր կոհիվ արին Դավթի վերա:  
Վազիր էլավ, Դավթի ձեռեն բռնեց,  
Գնաց Իսմիլ խաթնի առջև,  
— Դե,— ասաց,— թագուհի,  
Ինչո՞ւ Դավիթ չես ուղարկի ուր տիրու քով.  
Չես ուղարկի—գնա Սասուն:  
Օր մե, օր ըմ չէ, Մելիք գԴավթի տի գարկի:  
Դե, վեր էլիր, հաց պատրաստիր,  
Ուղարկիր թող էրթա Սասուն:  
Հերիք է մեր էրկիր մնա:

Իսմիլ խաթուն ասաց.— Դավիթ, տըղա,  
Ուղարկեմ քեզ՝ կ'էրթա՞ս Սասուն քո հրողբրանց:  
— Հրողբե՞ք ունիմ,— ասաց— ինչի՞ չեմ է՛րթա:  
Մարե, իմ հրողբերանք ո՞րտեղն են:  
Ասաց.— Սասուն քաղաք կ'ապրեն:  
— Էնոնց անուն ի՞նչ է:  
— Էնոնց անուն,— ասաց.—  
Մեկին Ձենով Հովան կ'ասեն, Մեկին՝ Վերգո:  
— Մարե՛, քո աչքե՛ր քոռանար,  
Ինչի՞ շուտ չ'ասիր,

[Էջ 151]

Դե, շուտ,— ասաց.—  
Տաս ջուխտ պուճիկ, տաս ջուխտ տրեխ,  
Տաս ավուր հաց տի պատրաստես,  
Առնեմ, գնամ Սասուն:  
Իսմիլ խաթուն պատրաստեց տաս ջուխտ պուճիկ,  
Տաս ջուխտ տրեխ, տաս ավուր հաց,  
Օրհնեց Դավթին, ասաց.  
— Գնա՛, գնա՛, տըղա.  
Գնա Սասնա քաղաք, հրողբրանցդ քով.  
Աստված թող քեզի հետ ըլնի:

Էդտեղ Մըսրա Լքելիք ասաց.  
— Դավիթ թող գա՛, էս իմ թրի տակով անցնի՛  
Որ թողնեմ՝ էրթա իր էրկիր:  
Ու թուր բարձրացուց: Դավիթ պատասխան էտու.  
— Էնպես կանի՛ որ վաղ մեծնամ՝

Մուր չը քաշե՞մ էնոր վերան:  
Էն ինձ թրով զարկի՛ — ես չըզարկե՞մ էնոր:  
Հագար էդպես Մելիք մեռնի  
Էս մեկ չարսու լաչակ է,  
Էս լաչակի տակով կ'անցնե՛մ.  
Էնոր թրի տակով չե՛մ անցնի:  
Ինչ ձեռեն կը գա՝ թող անի:

Վազիր Դավթի թենն բռնեց,  
Գընաց, որ անցուցի թրի տակով,  
Դավիթ չընկոռավ, կայնեց—  
Չէրթա՛, չ'անցնի՛ թրի տակով:  
Վազիր Դավթի պառեկ բռնեց,  
Հոլրեց, քաշեց, որ անցուցի թրի տակով.  
Դավիթ չը գնաց, չ'անցավ թրի տակով,  
Կըշտով անցավ.  
Ճկութ քսվավ ի ջարդու քար՝  
Քարեն կրա՛կ էլավ:

Մըսրա Մելիք տեսավ՝  
Շա՛տ վախեցավ, ասաց.  
— Էդ դեռ պատիկ է՝ էսպես է—  
Որ մեծանա՛ ինչ տի ըլնի:

[Էջ 152]

18

Էլավ Մելիք, կանչեց էրկու փահլաններ,  
Բաթմանա Բուդեն ու Չարբահար Քամին,  
Ասաց էդ փահլաններուն.  
— Դավթին տարեք յոթ սարով դեն՝  
Տարեք, վեր Բաթմանա կամուրջ — սպանե՛ք:  
Դավթի վերան հեղակ մի կար:  
Մելիք էդ փահլաններուն ասաց.  
— Դավիթ սպանե՛ք, էնոր հեղակ  
Մեջ արունին թաթխեք, ինձի համար բերեք:  
Կուժ մ' էլ էնոր արնեն բերեք՝  
Խըմեմ՝ իմ սիրտ հովնա:  
Փահլաններ գնացին պատրաստություն տեսան:  
Իսմիլ խաթուն գիտեր, թե Դավթին Մասուն տի տանեե,  
Դավթի համար տաս ավուր հաց պաշար դրրավ.  
Տաս ջուխտ պուճիկ, տաս ջուխտ տըրեխ տըվավ.  
Դավիթ Իսմիլի ձեռ պագեց,  
Կաց բարով արավ, գնացին...  
Թող էնոք իրենց ճամփան էրթան,  
Մենք խաբար տանք Քեռի Թորոսից:

Միերի մեռնելոյց էտն՝  
 Յոթ տարի Սասուն սուգ մընաց:  
 Յոթ տարին որ անցավ,  
 Սասնա իշխաններ, տերտերներ, ռամիկ  
 Ժողովան, էկան Քեռի Թորոսի մոտ:  
 Սասունցիք ասին Քեռի Թորոսին.  
 — Ա՛յ Քեռի Թորոս,  
 Մեր տղեկներ հալկորան,  
 Մեր աղջիկներ պառավան. թե դու գիտես,  
 Որ յոթ տարի սուգ պահելով Միեր կը սաղնա՛  
 Յոթ տարի էլ ավել լ պահենք:  
 Քեռի Թորոս հրաման տվեց,  
 Իր դուռ-դրկիցներուն ասաց.  
 — Կարգե՛ք ծեր տղեկներ ու աղջիկներ,  
 Սուգ պահելով բան չի՛ ըլնի:  
 Էկան, սեղան պատրաստեցին, նստան,  
 Բերին, զինի դրին, դրին զինեխում:

[Էջ 153]

Բերին, քեֆ, կեր ու խում անեն:  
 Ու Թորոս տերտերոջ ասաց.  
 — Տերտե՛ր դու Միերին հոգո՛ց ասա:  
 Տերտեր հոգոց ասաց, պրծավ,  
 Սկսան զինին լցնել,—  
 Տվին Քեռի Թորոսին,— թե խմե՛:  
 Քեռի Թորոս առավ կթխեն ի ձեռ,  
 Կայնեց ու միտք արեց.  
 Ոչ կը խմե ու ոչ կթխեն տեղ կը դնե:  
 Խոր Մանուկ էն տեղից ասաց.— Քեռի՛ Թորոս  
 Կըխմես՝ խմե, թե չե՛ս խմե՝  
 Իզին տուր, թող մարդիկ էրթան:  
 Թորոսի տղա՛ն էլ մի կողմեն  
 Ձե՛ն տվեց հորն,— ասաց.  
 — Աբո, Սասնա ծուռ են էրոնք,  
 Մկա մեկ վատ խոսք կ՛ասեն քեզ,  
 Կա՛մ խմե, կամ դիր գետին, քելեն:  
 Թորոս վերցուց տղին ասաց.  
 — Հեյ ջա՛ն տղա,  
 Ես էսատեղ նստեմ, ես կերուխում անեմ,  
 Մըսրա Մելիք Դավթին գերի պահի:  
 Բա ամոթ չէ՛ մեզի...  
 Հացն ու զինին, տեր կենդանին.  
 Չուր էղա որք հետ չը բերեմ,

Էս բաժակ իմ բերան չ'առնեմ:  
Ու թող տվեց, մարդիկ էլան, գնացին:

20

Մասունցի քանի մի տան ջուլիակ կար Մըսրա մեջ,  
Էդոնք լսեցին էդ ձեն-ձուն,  
Թե Մասնա Դավիթ տ' ըսպանեն,  
Էլան, իրանք ժողով արին,  
Թո՛ւրթ մի գրին Քեռի Թորոսին:  
Թղթի մեջ գրուկ էր.  
«Քեռի՛ Թորոս,  
«Քո գլուխ էդտեղ թրջես, էստեղ կընտես—  
«Քանի որ Դավիթ չեն վնասած,  
«Բալքի պըրծցուս, տանես Մասուն»:  
Էդ թուրթ տվին ջահել տըղի մի ձեռ, ասին.  
— Կըհեծնես, կ'երթաս Մասուն,

[Էջ 154]

Կը տաս Քեռի Թորոսին:  
Իրիկուն հասնես՝ իրիկուն թող գա,  
Լուսո՛ւն հասնես՝ լուսուն թող գա:  
Տըղան կարճ ճամփով էլավ,  
Գընաց դեպի Մասուն:

21

Ջուլիակներու ճամփած տղան  
Էդ գիշեր էկավ, հասավ Մասուն.  
Հարցուց.— Քեռի Թորոս ո՞րն է:

Էդ տղին տարան Քեռի Թորոսի մոտ:  
Տղան բարև էտու, կանգնեց.  
Քեռի Թորոս էտոր բարև առավ:  
Տղան հանեց գըռուրթ իր ծոցեն.  
Քեռի Թորոս նամակ կարդաց,  
Ասաց.— Կընիկ, վեցոտնեն Լազգին դո՛ւրս քաշե:  
Դու տըղին կը պատվես, չուր հետ կը դառնամ:

Էդ գիշեր Քեռի Թորոս հեծավ իր ձին,  
Մասնու որ զարկեց՝ առավոտ իջավ Մըսըր:

Մըսրա Մելիք դուռ նստուկ էր:  
Ասաց.— Կաց, բարով, Քեռի՛ Թորոս:  
Պատասխանեց.— Աստծո՛ւ բարին, Մըսրա՛ Մելիք:  
Ասաց.— Քեռի՛ Թորոս, բարի՞ է,

Էսպէս ըշտապէր ես էստեղ:  
 Ասաց.— Փառք աստծու, բարի է,  
 Խեր է, բան չկա:  
 Բարևեցին, նստան: Ասաց.  
 — Հա՛յրե, ես ու դուն՝ աստծու դատաստուն:  
 Գերին գին ըլնի, տիրուն կը հասնի:  
 Ես էկեր եմ, որ Դավիթ տաս, տանենք:  
 Ասաց.— Իրեք օր է, ինչ մեռեր է Դավիթ:  
 Քեռի Թորոսի արցունքներ թափվան միրուք վե,  
 Ամա գԴավիթ չը գտավ:  
 Նստավ Քեռի Թորոս իր վեցոտնեն Լազգին,  
 Առավոտուն ճամփա ընկավ Սըսրա՛  
 Իրիկուն իջավ Սասուն,  
 Էդ տխուր խաբար էրեր սասնեցոց:

[Էջ 155]

22

Էն ինչ Դավիթ էր՝  
 Փահլևաններու հետ շա՛տ էկավ, քի՛չ էկավ,  
 Հինգ-վեց օր ճամփա էկավ:  
 Բաթմանա Բուղեն, Չարբահար Քամին  
 Կուզեն գԴավիթ սպանեն,  
 Հարմար չեն տեսնի գԴավիթ սպանեն:  
 Դավիթ ճամփու հետ չ՛երթար:  
 Պահ մի էսպէս, պահ մի էնպէս կ՛երթար,  
 Չը խոսեր, կ՛երթա՛ր ու կ՛երթա՛ր...  
 Փահլևաններ հա առաջադէ՛մ կ՛երթային,  
 Դավիթ մեկ առջևից, մեկ հետևից, ճամփակորուս կ՛երթար:  
 Դավիթ էնոնց մոտեն զա՛տ կը մնար,  
 Հետ քարի՛ն, հետ թփի՛ն կ՛խաղար:  
 Կ՛ընկներ սար-ձոր, հետև հավքերուն, հետև գազաններուն:  
 Էդա էրկու փահլևաններ ճամփին կը նստեին  
 Հաց կուտեին, Դավթին հաց չէին ի տա:  
 Դավիթ ի՞նչ կ՛աներ.—  
 Կը քաղեր բանջարներ, կ՛ուտեր.  
 Կ՛ընկներ մեջ արտերուն, արմատ կը քաղեր, կ՛ուտեր.  
 Սարեր որ վե՛ր կ՛ը գար, սունկ կը քաղեր, կ՛ուտեր.  
 Մեկ լոր կը տեսներ՝ կը սպաներ,  
 Մեկ նապաստակ կը տեսներ՝ կը զարկեր, կը սպաներ,  
 Ականջ չէր անի փահլևաններուն:

Որ գնացին հասան մոտ Բաթմանա կամրջին,  
 Բաթմանա Բուղեն ասաց.— Չարբահար Քամի,  
 ԶԴավիթ առնենք, թալենք ջուր: Դավիթ հեռու էր;  
 Նստեցին Էդա էրկու փահլևաններ հաց ուտելու,

ԶԴավիթ կանչեցին, ասին.  
 — Դա վիթ, Դա վիթ, շո ւտ արի:  
 Դավիթ գրնաց, հասավ, ասաց.  
 — Էսա հինգ օր կա, վեց օր կա, մենք ճամփա կը գանք,  
 Դուք մեկ օր չասիք՝ «Դա վիթ,  
 Անոթի՛ ես, ծարա՛ վ ես».  
 Էդ կամրըջի մոտ նստե ինձ ինչի՞ կը կանչեք:  
 Ասին. — Հապա, Դավիթ,  
 Չուր հիմիկ մենք Մելիքի հող-ջուրն էինք—  
 —Հիմիկ քո հոր հող-ջուրն էկանք,

[Էջ 156]

Էն ապով քեզի կը կանչենք:  
 Արի, Դավիթ, արի, հա՛ց կեր:  
 Դավիթ ասաց.— Իսմիլ խաթուն յոթ ավուր հաց  
 Հետ մեզ դրեր է. դուք կերաք, ինձի չը տվիք:  
 Էսօրվան օր, որ ես իմ հոր հող-ջուրն ընկա,  
 Էլ չե՛մ ուզի ձեր հաց:

Դավիթ իրիշկեց, տեսավ՝  
 Էդ էրկու փահիլան էլան գնացին  
 Չուր վեր Բաթմանա կամուրջին, կայնան:  
 Դավիթ էկավ, հասավ էնոնց, նորեն հարցուց.  
 — Ինչի՞ կայնաք:  
 Ասին.— Էկեր, քե՛զ համար կայներ ենք.  
 Մելիք մեզի ասաց.  
 «ԶԴավիթ աղեկ կամուրջ անցուցեք,  
 Որ Դավիթ չը վախենա, չ՛ընկնի ջուր»:  
 Դու պատիկ ես. դու կը վախենաս:  
 Դավիթ ասաց.— Չուր մենք Մըսրա էկա՛նք՝  
 Դուք չասիք թե՛ «Դավիթ տըղա՛ էր. կը վախենար».  
 Հիմի ի՞նչ էղավ, դուք քելեք,  
 Զկամուրջ անցեք, ես հետնեն տի գամ:  
 Փահլևաններ ասին. (Դավիթ չէր իմանա)  
 — Մեկն անցնենք Դավթի առաջ,  
 Մեկն գնանք Դավթի հետև.  
 Որ կը հասնենք կամուրջի կես՝  
 Մեկն առջևից կ՛ողորվենք Դավթի վերան,  
 Մեկն հետևից,— Դավիթ կը սպանենք,  
 Թալենք ջուր, որ էրթա:  
 Դարձան Դավթին ասին.— Չե՛, Դավիթ,  
 Մեկ անցնի, մեկ կենա հետև, որ չը վախենաս:  
 Ասաց.— Որ էնպես է՝ թողեք ձեր խոսք ըլնի:  
 Դավիթ իր միտ վե ասաց.  
 — Ինչո՞ւ չուր հիմիկ էրկուսն կ առաջս էին,  
 Հիմիկ մեկն անցավ առաջ, մեկ մնաց հետև.

Չէ՛, բա՛ն մի կա էնոնց սրտին:

23

Գընացին, հասան կամրջի կես տեղ:  
Մեկն առջևն դարձավ Դավթի վերան,  
Մեկ՝ հետևն դարձավ:

[Էջ 157]

Դավիթ ասաց.— Էդ ի՛նչ տ՛անեք:  
Վա յ, դուք կուզեք ինձ ջո՛ւր թափք:  
Դավիթ ձեռ մի թալեց էնո՛ր փողպատ,  
Մեկել թալեց էնո՛ր փողպատ,  
Տրփեց իրո՛ւր, տրփեց իրո՛ւր,  
Կախեց երկուսն էլ կամրջի երկու կողն,  
Ասաց.— Դուք չեք գիտի մարդ թալել ջուր:  
Ես ձեզ նշանց տի տամ, ինչպես մարդ թալեք ջուր:  
Էրկու փահլևաններ ասին.— Աստճո՛ւ սիրուն,  
Դու ըզմեդ մի՛ թալի էդ ջուր:  
Դավիթ էնոնց բռնեց, հետ իրարու էզար գետին,  
Իր ծունկ էդի վեր սրտերուն, ասաց.  
— Ըզձեզ երկուսդ էլ տի սպանեմ ու թալեմ գետ.  
Յա դո՛րդ կ՛ասեք, յա կը թալեմ:  
— Դավի՛թ,— ասին,— մենք քո բա՛խտն ենք,  
Դու ըզմեզ թող, որ մենք էլնենք  
Ու դորդ խաբար տանք քեզ:  
Դավիթ իր ձեռ էնոնց մոտեն վերցուց:  
Էնոնք էլան վե՛ր, նստան:

Մըհաթ մի խելք չէր գա էնոնց գլուխ,  
Էնքան որ գոռ արավ:  
Դավիթ ասաց.— Դե, ասեք է՛:  
Նոր քիչ մի շունչ առան էնոնք,  
Ուշքի եկան, ու Չարբահար Քամին ասաց.— Դավիթ,  
Քեզնե պահենք, աստճուց ի՞նչպես պահենք:  
Էդ քյաֆուր, էդ զալըմ Մելիք  
Ձորբությունո՛ւ վ էդի վեր մեր վզին,  
Ձմեզ էդի հետ քե՛զ, որ քեզ սպանենք.  
Մըսրա Մելիք ասաց մեզի՛  
«Տարեք Բաթմանա կամրջի վերան Դավիթ զենեցեք.  
Կուժ մի էնոր արնեն առեք,  
Էնոր ջանդաք թալեցեք ջուր,  
Արուն բերեք, որ ես խըմեմ, իմ սիրտ հովնա».  
Ամա աղաչանք կ՛անեմ՝ ինձի չը սպանես:  
Դավիթ էր Բաթմանա Բուդա արաբ չը սպանեց,  
Խղճավորվավ, էթող: Էնոր քաշեց վե՛

Կայնեցուց վեր կամըրջին, ասաց.— Գնա՛ :  
Բաթմանա Բուդեն ասաց.— Քո հելակ որ չը տաս,  
Մեջ արնին թաթախենք, տանենք՝  
Մըսրա Մելիք մեզ կը սպանի:

[Էջ 158]

Դավիթ տեսավ՝ էդտեղ նապաստակ կը փախնի,  
Էլավ, հասավ հետնեն,  
Բռնեց, վիզ կտրեց, կուժ լցրեց արունով,  
Հելակ մեջ էտոր արնին թաթախեց, ասաց.  
— Տա՛ր Մելքին, ասա Դավիթ սպանեցիր:  
Բաթմանա Բուդեն ուրախացավ, ճամփա ընկավ Մըսըր,  
Էն որ Չարբահար Քամին էր՝ ասաց.  
— Ես որ կամ՝ Դավիթ, թե՛,  
Քո հոր սուփրի վերա՛ն եմ մեծացե:  
Չը գիտեի՝ դու էտա հունարի տերն ես.  
Ինչ որ քո հեր մեռավ՝  
Մըսրա Մելիք զմեզ տարավ գերի:  
Թալել եմ ինձ քո բախտ.  
Ես էլ Մելքին ծառայություն չեմ անի:  
Որ դու էդա մարդն ես,  
Որ էդա հունար քո փոր կա,  
Քանի կենդանի՛ եմ՝ ես քո ծառան տըլնեմ:  
Քո հոր խաթեր համար քեզի կը ծառայեմ:  
Դավիթ ասաց.— Որ էդպես է, կայնի՛ էրթանք:  
Էտատեղ մեկ-մեկու գլուխ պագեցին,  
Էկան էլան Սասնա սահման:

24

Էդ գիշեր Ձենով Հովան Դավթի վրա էրագ տեսավ:  
Ասաց.— Աստվա՛ծ գիտի, մանուկ Դավիթ կա՞, թե՛ չկա:  
— Կարելի է, որ մեր Դավիթ  
Շուտով էսա էրկիր կը գա:  
Ու մե՛ջ մեր հոգուն է մտե:  
Ձենով Հովան կնկան ասաց.  
— Սառյե՛, Սառյե՛, դու վե՛ր էլի: Սառյեն ասաց.  
— Ա՛յ հալևոր, ինչի՞ չես թողնի, որ քնենք:  
Ձենով Հովան ասաց.— Սառյե՛,  
Օտար զարմի՛ց ես դու, քո սիրտ հեջ չի՛ ցավի:  
Վե՛ր էլի, վե՛ր:  
Դու վե՛ր էլի, իմ սիրտ բա՛ց, տե՛ս.  
Էսօր մեր քաղքի պարիսպ կայնե՛ր էր,  
Մեր թագա բաղ կանաչեր էր,  
Մեր ջահեր քաղքի պարսպին վառվեր էր,  
Մեր բաղի պլպուլ կանչեր էր.



Կա չըկա, մեր որբ Դավիթ մեջ մեր հողին մտեր է:

ՍԱՍՈՒՆՑԻ ԴԱՎԻԹ

[Էջ 159]

ԴԱՎԻԹԸ ՀՈՎԻՎ

1

Դավիթ, ինչ խոտ, ինչ բան ընկեր էր ձեռ՝  
Անտթութնե կերեր էր:  
Էստուց քիչ մի ծուռ էր դարձե—  
Խելք էլ գլուխ չէր մնացե:  
Քանի մի օր գնացին Էսպես  
Դավիթ ու Չարբահար Քամին,  
Օր մէլ մոտեցան Սասնա:  
Էդտեղ հորթարածներ, էդտեղ նախորդներ,  
Էդտեղ հովիվներ ու գառնարածներ  
Թողե իրենց տավար, թողե իրենց օջիսար,  
Կիրիշկեին գԴավիթ:  
Ու ճանչըցան իր շորերաց,  
Թե Սասնա Ջոջանց տնի՛ց է:  
Գեղացու մեկ էլավ,—  
Էնոր Դավիթ պատմեր էր, թե՛ ես Սասուն տ'երթամ,  
Սասուն իմ հայրենիքն է,—  
Ակընջկալա տարավ Ձենով Հովանին:  
— Ձենո՛վ Հովան, դու իմանա՛ս,  
Մեկ կը գա, ձեր որդի Դավիթն է:  
Իմ ակընջկալեն քե:

Ձենով Հովան շատ խնդացավ,  
Իմաց արավ Քեռի Թորոսին,  
Էն մեծ տունեն էլան, էկան էնոնք,

[Էջ 160]

Քաղաքացուն ու գեղացուն ասին.  
— Աստվածություն մեզի նոր տղա մի տվեց.  
Կը ինդրեմ ձեր մոտեն, էլե՛ք, էրթանք Դավթի առաջ:  
Քաղաքացիք ու գեղացիք էլան, ժողվան,  
Հետ Ձենով Հովանին գնացին Դավթի առջև:  
Տեսնան՝ ի՛նչ տեսակ տըղա է Դավիթ:  
Գիտեն թե հորից աղե՛կ է:  
— Հե՛յ-հե՛յ, Դավիթ ո՞րն է, հե՛յ-հե՛յ,  
Դավիթ ո՞րն է.— ասին:

Էլավ Ձենով Հովան, իրիշկեց իր ճամփան.  
Իրիշկեց, տեսավ, որ մեկ փահլևան կը գա.  
Մեկ տղա էլ հետևանց կը գա,  
Ճամփուց դուրս կը քելե,  
Կորընգանու արտերու մեջ:  
Հովանն ասաց. — Քեռի Թորոս,  
Էն տղան, որ ճամփուցը դո՛ւրս, ծուռ-ծուռ կը գա՝  
Էնիկ, վա՛յ թե, մեր ծուռ Դավիթն է, որ էկավ.  
Սասնա ճրագ վառվեց:

Չուրի Դավիթ էկավ, էլավ Սասուն՝  
Էնոր տրեխներ կտրտվան,  
Էնոր պուճիկներ կտրտվան,  
Ինք էլավ անոթի:  
Տեսավ՝ շատ մարդեր ժողվված,  
Չը գիտեր՝ ո՞ր տեղն է էկե,  
Շիվար մնաց, ասաց.  
— Ես անոթի, ծարավ՝ ինչպե՞ս տերթամ Սասուն:  
Էն ինչ գեղացիք՝ ձեռ կտան Դավթի ձեռաց:  
Դավիթ խաբար չի, չի մոտենա,  
Էնի տըտուշ ընկե ճամփա, կըգա՝  
Խաբար չունի, թե սասնեցիք են  
Էնոր առջև պատվի էկե:  
Սասնեցիք էլ խաբար չե՛ն էնոր հալից,  
Թե ինչպես հալից ընկե,  
Ինչպես դադրած, անոթի է:  
Ձենով Հովան էկավ առաջ,  
Էկավ գ՛Դավիթ տեսավ,  
Էնոր քով կայնավ, ասաց.  
— Տղա՛, դու ո՞ր տեղացի ես:

[ներդիր]

Մըսրա մելիքն է քո դուշման

[Էջ 161]

— Ես Սասնու քաղքից եմ, — ասաց:  
— Սասուն քաղաք ես քեզի չե՛մ տեսեր:  
Է՛ս է Սասուն քաղաք, էստեղըն է:  
Սասուն քաղաք դու մարդ ունի՞ս:  
— Իմ մեր կ՛ասեր՝ էրկու հորողրե՛ր ունիմ:  
— Իրանց անուն ի՞նչ է. — հարցուց:  
— Մեծ հորողրոր անուն, — ասաց, — Վերգո,  
Էն մեկելին Ձենով Հովան:

Էդտեղ Հովան ըզԴավիթ պինդ գրկե՛ց, պագեց,  
 Դավթի ճակատ լալեն պագեց:  
 — Վա՛յ, Դավիթ,— ասաց.— Էս դո՞ւ ես:  
 Ես էլ—քո հորողբեր Հովա՛նն եմ:  
 Հովան, նորեն պագելեն առավ ըզԴավիթ,  
 Ուրախ-ուրախ գնաց տուն:  
 Ձեն տվեց ճամփին, կանչեց.— Է՛, աղբերնե՛ր,  
 Էկե՛ք, ձեր աչքը լո՛ւս, էկե՛ք, մեր ա՛ջքն էլ լուս,  
 Մեր Դավի՛թն է էկե...  
 Դավթի հորողբերներ էնտեղ,  
 Գրկին, համբուրեցին ըզԴավիթ:  
 Մասունցիք էլ շատ աչքալուս արին:  
 Ձենով Հովան ասաց.— Փա՛ռք իմ աստծուն.  
 Էս մեկ զավա՛կ էլ մեզ էլավ կայնավ.  
 Էկավ մեր աղունիկ:  
 Համա ի՞նչ տ՛անեմ՝ շիվա՛ր է:  
 Մենք ասինք լա՛վ մարդ մ՛եր,  
 Ափսոս շիվա՛ր տըղա մե. փա՛ռք իմ աստծուն:  
 Նստան Հովան, բարեկամներ, քաղաքացիք,  
 Ուրախություն ու քեֆ արին իրենց համար:  
 Շատ գրուցին, էլան մեկ-մեկ իրանց տներ գնացին:  
 Մնացին Ձենով Հովան, Դավիթ:  
 Դավիթ ասաց.— Հրողբեր, ինչպե՛ս ես, ի՞նչ ունիս:  
 Ասաց.— Որդի, փառք իմ աստծուն,  
 Էհ, տեր աստծո՛ւ օղորմությամբ  
 Քո հոր գերեզմանով մեր իդարեն կանենք:  
 — Աղե՛կ, ասաց Դավիթ, որ էդպես է, աղեկ է:

2

Առավոտուն Ձենով Հովան էլավ, կայնավ.  
 Իրեք անգամ ձեռք էտու գետին, փառք էտու աստծուն,  
 Ասաց.— Փա՛ռք իմ քո մոտեն, աստված,

[Էջ 162]

Էս անգամ էլ էրազ ես քո մոտեն տեսա.  
 Մեկ պուրակ ըմ էլավ Մասնա օջիւի վերա,  
 Ես, իմ աղբեր էլ վախ չ՛ունենք:  
 Էլավ, բերեց ձեռք մի խորոտ հալավ, հազցուց,  
 Ձեբեր լիք ճան, չամիչ, պոպոք արեց,  
 Գլուխ պագեց, ասաց.— Դավիթ,  
 Գընա մոտ ճժերուն, խաղա:  
 Դավիթ գընաց մոտ ճժերուն, խաղաց:  
 Ճժեր լեպ արին, ճաներ գամեն մոտեն տարան:  
 Դավիթ ապտակ մեզար իշխանաց լաճերուն,  
 Լաճու մի վիզ ծռվեց:

Իրիկուն էդ լաճու մեր էկավ մոտ Հովանին գանգատ:  
 Ձենով Հովան ասաց.— Ոչինչ, բան չի ըլնի:  
 Թամբահ կ' անեմ, որ էլ կոիվ չ' անի:  
 Գնաց Հովան, Դավթին ասաց.  
 — Հորողբեր քե մեռնի, Դա՛վիթ, էլ հետ խալխին կոիվ չ' անե՛ս:  
 Դավիթ լուսուն էլավ, զընաց մեջ ճժերուն, խաղաց.  
 Ճժեր նորեն ողջ մեկ էլան,  
 Թափվան Դավթի վերան, կովան.  
 Դավիթ զարկեց, իրեք լաճերու վիզ ծռեց:  
 Էդ վախտ էկան քաղքի մեծեր,  
 Ամեն ժողվան, իրար ասին.  
 — Էն շան որբ մեր ճժեր խեղեց:  
 Մենք տ'երթանք, Դավթին սպանենք,  
 Դավիթ ինչի՞ մեր տըղաներու վիզ ծռեց:  
 Էլան էկան, կանչեցին Ձենով Հովանին, ասին.  
 — Դավիթ դո՞ր է, կանչի, թող գա:  
 Ասաց.— Ինչի՞ կանչեմ Դավիթ:  
 Ասին.— Մագյար էդ ծուռ Դավիթ  
 Դուշմա՛ն է մեր սղեկներուն.  
 Ինչի՞ էնոնց վզեր ծռեց:  
 Հովան վախեցավ, գնաց Դավթին, ասաց.  
 — Աստված քո տուն ավրի, Դավիթ,  
 Էդ սղաներ ինչի՞ խեղիր:  
 Ասաց.— Ջայնամ էնոնց գըլուխ,  
 Ինձ հետ կովան՝ ես էլ զարկի:  
 Ասաց.— Քաղքի մարդիկն էկե,  
 Մեր դուռ բռնե՛, էլի՛ր, պատասխա՛ն տուր էնոնց:

[Էջ 163]

Դավիթ էլավ, էկավ դուռ, տեսավ.  
 Էնքա՛ն մարդ է հավաքված դուռ:  
 Շատեր կան՝ Դավիթ չե՛ն տեսած.  
 Էկած են՝ թամաշա՛ անեն, Դավի՛թ տեսնեն:  
 Շատեր էլ կան, Դավթին զարկելու ապով են էկած:  
 Դավիթ որ էլավ դուրս,  
 Էսքան մարդիկ Դավիթ տեսան,  
 Ահուց դողդողացին, իրարու գաղտուկ ասին.  
 — Դավթին դուք ձեռք չը տաք,  
 Որ ակահի՛ մեզ է՛լ տ'ըսպանի:

Ու դարձավ, ամեն մեկ գնաց իր տուն:

3

Էն մեկէլ օր քաղքի ջոջեր

Կանչեցին Հովանին, ասին.  
— Հո վան, գիտե՞ս ինչի համար ենք քե կանչե.  
Մենք որ էրեկ էկանք ձեր դուռ,  
Դավթին տեսանք՝ շա՛տ վախեցանք:  
Արի Դավթին գործի՛ մի դիր.  
Էդոր գործի որ չը դընես՝  
Քաղքի մեջ շա՛տ ավերություն տ՛ըլնի:  
Հովան ասաց.— Ի՞նչ անեմ, ի՞նչ գործի դնեմ:  
Էնոնք ասին.— Դավթին մենք գառնարա՛ծ անենք,  
Թող չը մընա՛ք քաղաք:

Ձենով Հովան իրիկուն տուն էկավ, ասաց.  
— Դավիթ, մեռնե՛ս մ քեզի, չե՞ս ըլնի գառնարած:  
Աղքատացեր ենք մենք—  
Չա՛ փ մի էրկու կորեկ առնենք, ուտենք:  
Դավիթ ասաց.— Հորդբեր, ինչի՞ չեմ ըլնի...  
Էսպես պարապություն չեմ կա րնա անցուցեմ:  
Դու ջո ջ մարդ ես,  
Հիմիկ քեզ խաթր կա մոտ մեր խալիսին,  
Ինձ համար մեկ ռանչպարություն մի առ:  
Ասաց.— Դա՛ վիթ, քեզի բռներ են գառնարած:  
Ամեն մեկ տավարի գլուխ մեկ կոտ կորեկ,  
Մեկ կոտ ցորեն մեզ վարձ կը տան:  
Կարնա՞ս ս պահի գառներ, թե՞ չես կարնա:

[Էջ 164]

Ասաց.— Էնենց պահեմ, ծաղկըներու պես:  
Ձենով Հովան էկավ քաղքոց ասաց.  
— Էս տարին իմ աղբոր տղան տ՛անենք գառնարած:  
Դուք լուսուն ձեր գառներ բերօք քաղաքի դուռ.  
ԶԴավիթ կը ճամփեմ, թող ամեն ժողվի, տանի:

Ձենով Հովանին դրկիցներ ասին.— Հովան,  
Մեկ ջուխտ մի սոլ էնոր համար կտաս կարել.  
Էդոր ի՛նչ սոլ տի դիմանա, որ էդ հագնի,  
Էրթա Սասնա սարեր, արածացնի, ֆըռա:  
Հովան ասաց.— Իսկուն կ՛էրթամ, կը տամ կարե՛լ:  
Էլավ Հովան գնաց, դարբնին  
Պողպատե սո՛լ էտու կարել,  
Պողպատե կո՛ռ էտու կոռել,  
Առեց, բերեց, առավոտուն էտու Դավթին:  
Դավիթ իր սոլերու վերան ուրախացավ.  
Ձենով Հովան ասաց.— Ո՛րդի,  
Էլիբ, գառներ քըշիր  
Սասնա սարի հետն՝ արոտատեղ.  
Կեսօրին գառներ կը հավաքես վեր աղբրին,

Քեղի կեսօրին հաց կ' արնեմ, կը գամ:

4

Էլլավ Դավիթ, պողպատե սուլ հագավ,  
Պողպատե կոռ բռնեց ի ձեռ,  
Կանգնեց Սասնա մեջ, կանչեց.  
— Դրկիցնե ր, ձեր գառներ հանե՛ք,  
Ձեր ուլեր հանեք, դո՛ւրս բերեք,  
Տանեմ Սասնա սարեր, արածացնեմ:  
Դրկիցներ առան գառներ, առան ուլեր,  
Բերին քաղաքի դուռ:  
Դավիթ զգառներ ժողվեց, տի տաներ սար.  
Մարդեր որ տեսան զԴավիթ, ասին.  
— Հո՛վան, Դավիթ տի սպանի՛ գառներ:  
Հովան ասաց.— Դա՛վիթ,  
Մենք դրկից ենք, տես գառներ չը սպանե՛ս.  
Սալամա թ տար, սալամաթ ե՛տ բեր իրիկուն:  
— Հորոդբեր,— ասաց,— մագյար ես ծո՛ւտ եմ,  
Գառներ շա՛տ խորոտ կը պահեմ:

[Էջ 165]

Դավիթ գառներ առաջ արավ, տարավ,  
Մեկ բարձրը սար մի կար՝ էնտեղ արածացուց:  
Գառներ կուշտ կուշտ կերան:  
Դավիթ էնոնց գոմեց քարայր,  
Դավիթ հեռացա՛վ գառներուց.  
Իր համար թե՛ք ընկավ, քընավ,  
Դավիթ ակահ չունե՛ր գառներուց:  
Գառներ արթնացան, քարայրից էլան,  
Գառներ ամեն մեկ իր տեղ ցրվա՛վ արածելու:  
Դավիթ ակահ չունե՛ր գառներուց:  
Քնավ, գարթնեց, իրիշկեց, տեսավ գառներ, ուլեր  
Ամեն մեկ մի կողմով գացած—վերա՛ կորուսված;  
Կայնավ, գրնաց քարայրի դուռ, մեկ գառ չկա:  
Է՛ս կող իրիշկեց՝ գառ չըկա.  
Է՛ն կող իրիշկեց՝ գառ չըկա.  
Կայնավ՝ գոռաց, էլլավ ընկավ հետևքեր,  
Ման էկավ, ընկավ էդ սար ու ձոր.  
Էնոր ոտքի ձեն որ էլավ,  
Էնոր բոռոց որ դըմդըմբաց,  
Նապաստակներ ու աղվեսներ սարից, քարից էլան,  
Թողին իրենց բներ, կը փախչեն, հա՛ կը փախչեն:  
Տեսավ նապաստա՛կ մի փախավ,  
Ասաց.— Ուրհ, նա ուլ ինչպե՛ս կը փախնի:  
Ընկավ հետև նապաստակին, էն չալ ուլ էր:

Կուգ, մ'ել գրնաց, աղվե՛ս մ'ել փախավ,  
Դավիթ էլ ասաց.  
— Օ հ, էն ուլեր ինչպե՞ս կը փախնեն:  
Էնպես վազեց հետններեն,  
Չուր լեզուներ հանին, դադրան, կանգնան:  
Ինչքան աղվես, կուգ, նապաստակ որ կար՝  
Բռնեց բերեց, գցեց մեջ գառներուն, մեջ ուլերուն:

Էդտեղ պողպատե սուլեր կտրտվան:

5

Կեսօրին Հովան հաց առավ, տարավ,  
Գնաց տեսավ՝ Դավիթ էնպե՛ս է ման էկե սարեր,  
Որ էն պողպատե սուլ կտրտվե,  
Էն պողպատե կոռ մաշվե՛ :

[Էջ 166]

Ասաց.— Դավիթ, քո բան ինչպե՞սն է:  
Տըղա, գլխուդ մեռնեմ.  
Օրեն մեկ սուլ կարել տամ քե,  
Օրեն մեկ կոռ կոռել տամ քե,  
Քո հախն էն չափ չի հանի.  
Էլ մեր օգուտըն ի՞նչ տ'ըլնի:  
Դավիթ ասաց.— Է՛հ, հորողբեր,  
Էլ վաղն էդ գառներ չեմ տանի:  
Էսօր էնպե՛ս եմ վազվզե,  
Որ իմ սուլ կտրտվե:  
Ձենով Հովան ասաց.— Դավի՛թ ջան, ի՞նչ է,  
Գառնարածութեն անուշ բան չէ՛ :  
Ասաց.— Անո՛ւշ է, հա, էն խա՛չ, անո՛ւշ բան է.  
Էդա սն ուլեր միամիտ են.  
Էդա կարմիր ուլերու հետ,  
Էդա սևիկ ուլերու հետ  
Ես շատ աղեկ ճամփա կ'երթամ.  
Համա էդա բալբալոս ուլեր, էդա սիպտա՛կ ուլեր,  
Էդա էրկարականջ ուլեր— չե՛ն կանգնի.  
Էդոնք ինձ շատ կը չարչըրեն, շա՛տ կը փախնեն,  
Զիմ հոգին անգրո դ առան.  
Էէնքան ինձ ցավցուցին:  
— Լա՛ն,— ասաց Հովան.—  
Մենք շեկ, սիպտակ ուլեր չունենք:  
Դավիթ ասաց.— Չե՛, հորողբեր,  
Շեկ ու սիպտակ ուլեր էլ կան:  
Թե էն ուլեր առավոտուն չը հանե՛ս գառներաց մեջեն,  
Ես չե՛մ էրթա հետ գառներաց:

— Մեկ է՛լ,— ասաց Հոկան,—  
Քարայրեն էդ գառներ հան դո՛ւրս,  
էդ շեկ ուլեր տեսնեմ:

Էլան, Էկան, քարայրի դուռ բացին:  
Դավիթն ասաց.— Հորողրե՛ր, դու մտի ներս,  
Գառներ հանի՛ ես էնա ուլեր կը բռնե՛մ,  
Դու էնոնց չե՛ս կարնա բռնի:  
Հրողրեր ասաց.— Չե՛, չե, տըղա, դու պստի՛կ ես:  
Դու մտի նե՛րս, քըշե, թող գան, ես կը բռնեմ:  
Դավիթ մրտավ էդ քարայր,  
Փետ մի զարկեց, մեկ էս քարին, մեկ է՛ն քարին.

[Էջ 167]

Կուզեր, աղվես, նապաստակներ ամեն դո՛ւրս թափվան:  
Ձենով Հովան տեսավ՝ աղվեսներո՛ւն,  
Նապաստակներո՛ւն կ՛ասի Դավիթ ըսպիտակ ուլ:  
Նապաստակներ, աղվեսներ ամեն փախան:  
Քարայրեն Դավիթ էլավ դուրս, ասաց.— Հրողրե՛ր,  
Դու ինչի՞ իմ ուլեր թողիր՝ գնացին:  
Ասաց.— Էնոնք ջանավար են, տղա լատ, ուլ չե՛ն,  
էդ շեկ ուլեր թո՛ղ, թող էրթա՛ն:  
Դավիթ ասաց.— Դու իմ ուլեր թողի՛ր,  
Ինչպե՛ս տ՛անեմ, էնոնց տերեր ո՛ւլեր տ՛ուզեն,  
Ինձ ուլ չը կա՛ ես տամ:  
Էնոնց ջուաբ ինչպե՛ս տի տա՛մ:  
Ասաց Դավիթ, էլ հետ վազեց սարեր,  
Որ նապաստակ, աղվես ժողվի:  
Հրողրեր հետնեն գոռաց.  
— Դավիթ, աստվա՛ծ քո տուն ավրի.  
Էնոնք գազաննե՛ր են, թո՛ղ, թո՛ղ գընա՛ն:  
Դավիթ ականջ չ՛արեց, գնաց:

Հրողրեր դարձավ, էկավ տուն. ասաց.  
— Ձա՛նըմ, էսա ի՛նչ մուր էր՝ քըսեցինք մեր էրես:  
Էսա մեր ծուռ Դավիթ ինչ ջանավար տեսե,  
Բերե, լցրե մեջ գառներուն,  
Ո՛ւլ, նապաստակ մեկ-մեկից չի՛ ջոկի.  
Ասաց.— Դրկից-գեղացիներ, աստծո՛ւ սիրուն,  
Լուսուն Դավիթ էլ չը դընեք առջև ձեր գառներուն:

6

Էն ինչ Դավիթ էր՝ էլավ վեր,  
Ընկավ հետն աղվեսներու ու կուզերու  
Էն կուզ, աղվես ու նապաստակ



Լեզուն թալած կը վազեն,  
Հըլիըլոց ընկեր էր գառներ  
Ու տկի պես կը զարկվեին:  
Դավիթ էնոնց կը տաներ սար, կը բերեր ձոր,  
Կը բերեր, կ'աներ մեջ ուլերուն,  
«Կ'ասեր. — Էսա տերով տերամեռներ,  
Գառ-մառ, ուլեր, չեն թողնի՝ ես հանգստանամ.

[Էջ 168]

Չե՛ն դադարի՝ ես հաց ուտեմ:  
Ջանավարներ Դավթի ահուց էլ չը փախան:

Իրիկուն Դավիթ գառ ու գազան քշեց քաղաք:  
Դավթի սուլեր էնպե՛ս էին ցրվե՛  
Էնպես էին կտրտվե, որ Դավիթ սուլեր հանե,  
Մտուցե ի կո՛ռ, ոտաբոբի՛ կ կը գար:  
Էդա անասուններ բերեց, լցրեց մեջ քաղաքին:  
Կանչեց. — Դրկիցնե՛ր, էկե՛ք, ձեր ուլ ու գառ տարե՛ք...  
Էնա էրկենականջ ուլեր ո՛ւմն է, չեմ ճանչնար,  
Շա՛տ կը փախնեն, էկե՛ք, տարե՛ք, կը խատուցեմ...  
Էնա էրկեն պոչով ուլեր ո՛ւմն է, չեմ ճանչնա,  
Շա՛տ կը փախնեն, տփելո՛վ եմ բերե. խառնե մեջ գառներուն,  
Քաղքըցիք էդա բան տեսան, ասին.  
— Դավիթ ամեն աղվես ու նապաստակ ժողվե,  
Մըլե մեջ գառներուն — գնանք, առնենք:  
Էլան, ջոկեցին իրանց գառներ, տարան:  
Ամեն մեկ ինչ ուզեց՝ տարավ—  
Կուզ, նապաստակ, աղվես:  
Նապաստակներ մորթին, հետ ուլերու կերան.  
Աղվեսներու, կուզերու մորթիք քուրքեր արին, հագան:  
Էն վախտեն չուր հիմիկ՝  
Նապաստակ հա՛ կը գենե՛ն, հա՛ կուտե՛ն,  
Աղվես, կուզ էլ կանեն քուրք, կը հագնե՛ն:

Էն իրիկուն իշխան մարդեր գնացին,  
Ձենով Հովանին ասին.  
— Էն ծուռ արեր ես գառնարած,  
Ջանավարներ, ուլեր իրարուց չի՛ ջոկի:  
Էն սարի որս ամեն ժողվե բերե  
Սարեր որս չի՛ թողե:  
Մենք չենք թողնի, որ Դավիթ գառնարած անեք:

7

Ժողովուրդ հավաքվավ, ասաց.  
— Ապա ի՞նչ անենք Դավթի հետ

Բերենք նախորդ անենք:  
Դավիթ ասաց.— Ինձ բերիք, արիք գառնարած

[Էջ 169]

Ու հանիք դո՞ւրս— հիմիկ նախորդ կանեք:  
Ձենով Հովան ասաց.— Դավիթ, տղա,  
Ուկեր քեզ շատ կը չարչարեն.  
Դու ուկեր մի՛ տանի.  
Նախի՛ր տար, էդա դաշտ արա,  
Պառկի էնտեղ քընի,  
Մինչն ես քեզ հաց կը բերեմ:

Հրողբեր գնաց, պողպատե սոլ մ՛ էլ էտու կարել,  
Պողպատե կոռ մէլ էտու կոռել,  
Առավ, բերեց, առավոտուն էտու Դավթին,  
Էլավ լուսուն կանչեց.  
- Հէյ-հէյ, էլէ՛ք, մալեր թողեք Դավթի առաջ:  
Դավիթ հորթեր չի՛ տանի արածացնելու,  
Դավիթ տավա՛ր կը տանի արածացնելու:  
Էլան, տավար թողին առաջ:  
Դավիթ ժողվե՛ց էդա տավար,  
Գընաց, էլավ Սասունա դաշտ:  
Տավար բաց էթող, թավալավ, քնավ:

Քնուց որ ակահավ, նստեց, տեսավ՝  
Տավար բարձրացե, էլէ քարափներու պռունկ:  
Էլավ, ընկավ հետն տավարներուն:  
Էս դիր՝ խանդքներուց գելէ՛ր, արջէ՛ր փախան.  
Ասաց.- Անիծե՛մ ես ձեր տիրու հեր, էլի՛ փախան:  
Էնոնք փախան, Դավիթ ընկավ հետններեն,  
Էնչափ վագեց մինչն նեղացա՛ն, դադրան, ուժից ընկան:  
Դավիթ բռնեց, բերեց մեջ տավարին:  
Նորեն ընկավ սար-ձոր ու ման էկավ.  
Ի՛նչ կադար ջանավար որ կար՝ ամեն ժողվեց,  
Ասլանը մե՛կ կողմից բերեց,  
Ղափլանը մե՛կ կողմից բերեց,  
Պընգըլը մե՛կ կողմից բերեց,  
Գելերը մե՛կ կողմից բերեց,  
Արջերը մե՛կ կողմից բերեց —  
Ամե՛ն գազաններ ժողվեց, դաշտ լի՛ք արավ:  
Դավթի ահից մեկ կարող չէր իրար դիպնի.  
Մեկ որ փորձեր իրար դիպներ, տեղեն շարժվեր՝  
Դավիթ էնպես կը բարձրացներ, կը տար գետին,

[Էջ 170]

Որ՝ մեջ գետնին կը խըրվեին:  
Անասուններ գազաններու ահա կանգնած էին,  
Էդ գազաններ Դավիթի ահու կանգնած էին,  
Դավիթ էլ ամենու առաջ կայներ էր:

8

Իրիկուն Դավիթ նախիր քշեց,  
Բերեց լցրեց մեջ Սասնա քաղքին:  
Էլ մարդ դուրս չ'ելավ:  
Քաղքըցիք վախից դռներ չը բացին.  
Դռներ գոցեցին, դարգահներ զարկին:  
Ինչ Դավիթ՝ կանգնավ Սասունա մեյդան,  
Բա՛րձր ձենով կանչեց, բռռաց, հա՛ բռռաց.  
— Հե՛յ ժողովուրդ, էլե՛ք, ձեր տավար տարե՛ք,  
Տարե՛ք, տեղավորե՛ք,— ասաց.  
— Ով կո՛վ չուներ՝ կով եմ բերե,  
Ով ե՛զ չուներ՝ եզ եմ բերե,  
Բա՛ց արեք ձեր դռներ, դե՛ բա՛ց արեք:  
Ում մեկն ուներ՝ արի էրկուս,  
Ում էրկո՛ւսն էր՝ արեր եմ տաս,  
Ում որ տա՛սն էր՝ արեր եմ քսան,  
Ում քսան էր՝ արեր եմ քառսուն,  
Ինչի՞ չեք գա ձեր տավար տանեք:  
Մեկ չի՛ էլնի իրեն տավար ջոկի, տանի:  
Էնչափ կանչեց՝ մարդ չը տեսավ.  
Մարդ չէր իշխենա դուրս էլներ:  
Դավիթ ըռկավ, էդտեղ ասաց.  
— Կէլնեք՝ չիտ բարո՛վ չ'էլնեք, ջահաննա՛մ ըլնի.  
Ես չոլերից ազատե, բերեր եմ տուն.  
Տեր չեք ըլնի՝ ո՛ւր կ'երթան, թող էրթա՛ն:  
Հա՛յ գիդի աշխարք,— ասաց.—  
Արի ու լավութո՞յտ ւն արա:  
Դավիթ իր գդակ կործեց գլուխ,  
Պառկավ էնտեղ, քնավ՝ մինչև առավոտուն:

Իշխան մարդեր էլան, Ձենով Հովանի մոտ գնացին,  
Ասին.— Ձենով Հովան, մեզ տավարից պիտի կտրես:  
Քո տղան մեր քաղաք ավրեց.  
Կը վախենանք էդ գելերեն,

[Էջ 171]

Էդ արջերեն, գազաններեն:  
Էս ի՞նչ բան է, էսքան գազան...  
Տըղատերեր վախցան, ահու մեռան:  
— Որ էնպես է,— ասաց Հովան,—

Կ'երթամ զԴավիթ բերեմ տուն:  
Ձենով Հովան գնաց, կանչեց.  
— Դավիթ, հորողբեր մեռնի քեզ, ասա.  
«Հալալ մնացե՛ք, հարամ գնացե՛ք.  
Հալալ մնացե՛ք, հարամ գնացե՛ք...»:  
Դավիթ էլավ վեր, ասաց.  
— Հալալ մնացե՛ք, հարամ գնացե՛ք...  
Հալալ մնացե՛ք, հարամ գնացե՛ք...  
Գազաններ փախան, գնացին սարեր,  
Մնացին տավարներ:

Տավարներու տերեր էլան, դռներ բացին,  
Զիրենց տավար տարան, արին գոմեր:  
Դավիթ ասաց.— Աստվա՛ծ ձեր տուն ավրի,  
Դուք թող տվիք, պարարտ տավարներ փախան սարեր,  
Մնացին լղարներ:

Իշխաններ Հովանին ասին.  
— Էս է՛լ չ'էլավ, էս է՛լ չ'էլավ:  
Էս տնավեր իսկի՛ մարդու շնորք չունի,  
Ծուռ, օղորթմանց ծո՛ւռ...  
Դավիթ հասկացավ, ասաց.  
— Ձեր գլուխն ուտի՛, էլ չե՛մ ըլնի ձեզ նախորդ:  
Էդտեղ Հովան բարկացավ, ասաց.  
— Դու որ էսպե՛ս կ'անես,  
Էլ էս քեզ չե՛մ կարնա շահի,  
Դոր էլ կ'երթաս՝ գնա:

9

Դավիթ էլավ Սասնուց, տեղ մի պառկավ քնավ:  
Քեռի Թորոս առավոտուն էկավ Սասուն, հարցուց.  
— Էս մեր տղան, Դավիթ, ո՞ւր է:  
Ինչքան մարդ կար՝ զԴավիթ հայհոյեց,  
Ինչքան կնիկ կար՝ անիծեց:

[Էջ 172]

Քեռին գնաց տղան փնտռի.  
Տեսավ՝ տեղ մի Դավիթ քնե:  
Էնպես քացի մ' զարկեց էնոր,  
Որ թե Դավիթ չ'ըլներ, ուրի՛շ ըլներ,  
Յո՛րթն գազ գետնի տակ տ'երթար:  
Դավիթ քնից էլավ, ասաց.  
— Քեռի ջան, ինչի՞ կը զարկես:  
Քեռին ասաց.— Հաբա, ի՞նչ էս արեր, լառ:  
Դավիթ ասաց.— Քեռի՛ Թորոս,

Էն-էն լըբոք տավար ինձի շատ չարչրեց:  
Էդոր համար էլ քաղքցիք ինձ դուրս արին:  
Ասաց.- Անխե՛լք, Սասունա ծուռ,  
Էն տավար, որ շա՛տ կը փախնի, էնի մի՛ բեր.  
Էն, որ շատ չի՛ փախնի, էնի տուր քո առաջ ու բեր:  
Դավիթ ասաց. — Չէ՛, ես էսա տեղ չէ՛մ կայնի:  
Ուրիշ էրկիր նշանց տուր ինձ,  
Որ ես էրթամ էնտեղ:  
Էս անգամ քեռին առավ Դավթին, տարավ իր տուն:

10

Ժամանակ մի անցավ:  
Էդ տարին գարուն նոր բացվեր էր.  
Դավիթ ասաց.— Քեռի, գարուն է,  
Հոտադ-մշակի վախտ է, ռանչպարու վախտ է:  
Մենք քառսուն ջանով լցվեր էնք էդա տուն,  
Խո դու պարտական չե՛ս մեզի գամեն պահես:  
Էլի՛, մեզի աշխատող դարձու:  
Դատենք, աշունք բերենք մեր աշխատանք:  
Ժողվենք վեր իրարու, ուտե՛նք, ապրենք:  
— Հա՛, — ասաց, — Դավի՛թ, աստված քո արև ըսպանի,  
Հըմլա էդար ինձի աշխատող... —  
Քեռի Թորոս ծիծաղեց վեր Դավթին, ասազ.  
- Տո, ծո՛ւտ Դավիթ, արի քեզի տանեմ Դաշտու Պաղրիալ,  
Հոնի քեզ տամ նախրորդ, հոտադ,  
Դու առնես քո հախ՝ կոտ մի կորեկ.  
Առնես, բերես մեր տո՛ւն,  
Ես տանեմ ջաղաց, աղա՛մ,  
Բերեմ քո քեռակին ջաղա՛,

[Էջ 173]

Թխա, թոնդրեն հանա, տա՛ քեզի,  
Վերցուս, հաց մի ինձի տաս,  
Ասես՝ քեռի, էդ իմ աշխատանքն է.  
Առ, էդա հացըն՝ կեր —  
Էլի չեմ հա՛վտենա, Էփ չեմ հա՛վտենա:  
Ասաց.— Քեռի, որ էդմալ է՛  
Էլիր, ինձ տար, արա նախրորդ:

Քեռին գիտեր՝ Դավթի խոսք մեկ էր, էրկու չէր անի:  
Էլավ առավ զԴավիթ, գնաց Դաշտու Պաղրիալ:  
Տարավ, տվեց նախրորդ:  
Ամեն բան էլ էնոր խրատ տվեց, ասաց,  
— Տըղա, է՛դ տեսակ, էդ տեսակ տավար կը պահեն.  
Լուսուն նախիր կը տանես, — ասաց, —

Մասնա սարի հետև, արոտատեղ,  
Սիպտակ Քար կա, Սիպտակ Քարի տակ աղբո՛ւր կա.  
Էն աղբրի վրա կեսօր տի հավաքես, ջուր տի տաս:  
Խրատ էտու, էլավ, թողեց գ՛հավիթ,  
Էկավ հասավ Մասուն:

Առավոտուն Դավիթ գնախիր տարավ արոտատեղ,  
Ճաշին տարավ Սիպտակ Քար, վե՛ր աղբրին:  
Տեսավ՝ որ յոթ գեղի նախրորդ ժողովված են.  
Տավար բերե, կարածան:  
Դավիթ ասաց.— Այ նախրորդներ,  
Արեք ես-դուք աղբեր ընենք:  
Էդ նախրորդներ ու Դավիթ էղան աղբեր:

11

Գարո՛ւն էր. իսալխի մալ զաբուն էր...  
Անձրն՛ էր. թացությո՞ւն էր, տի՛լ էր...,  
Մալեր կը չոքվեին տիլ, կը պաղեին.  
Օրական յո թ-ութ հատ տըլի մեջ կը մնային:  
Դավիթ կը քաշեր դուրս, տըլից կը հաներ,  
Իր փետ էնոնց ոտներ կը կապեր,  
Փետ մ, էլ կը մտուցեր մալերու ոտներ,  
Կը դներ ուսին, ու կը բերեր գեղ.  
Կը բերեր տիրու տուն, կ'արձակեր,  
Ու կընկտոց կ'ասեր.— Նանե, ձեր կովեր նիհար են:

[Էջ 174]

Եղանակ ցո՛ւրտ է, կը պաղե՛ն, կը տլվե՛ն,  
Չեն կարնա էլնի, կը փետնան, մե՛ դք են:  
Էդ վախտ կընկտիք կ'օրհնեին Դավթին, կ'ասեին.—  
— Շա՛ տ դատիս, շա՛ տ ուտիս.  
Քի՛ չ դատիս, շա՛ տ ուտիս.  
Աստված քո արև պահի.  
Որ դու չ'եղնեիր էս տարի՝  
Մեր կովեր ամեն կը փետնին:  
Էդ վախտ Դավթին կը պատվեին,  
Հաց կ'անեին կը տային, ձվածեղ կ'անեին,  
Հավկիթ կը տային Դավթին,  
Շա՛ տ խորոտ հոգ կը տանեին:  
Գեղացիք կ'օրհնեին Դավթին, կ'ասեին.  
— Հարի մըկա էդպես նախրորդ մեզի ռաստ չի՛ էկե:  
Դավիթ արածեցուց տավար մինչև ամառ.  
Տավարներ լցվան, գիրացան:

12

Մնաց: Էկավ, էլավ Աստվածածին.  
 Աստվածածնա կիրակի օր ցասման ժամ կ'անեն,  
 Կ' էրթան ուխտ, պատարա գ կ' անեն.  
 Պատարագ որ կ' անեն, հարիսա կը դնեն:  
 Հարիսա որ կը դնեն, ժամից որ կելնեն,  
 Կը գան պատարագի տիրոջ մոտ, հարիսա կ'ուտեն:  
 Էդ Աստվածածնա կիրակի օր ճաշոցին  
 Դավիթ գնախիր ժողվեց, տարավ արոտատեղ,  
 Սիպտակ Քարի տակ, վե՛ր աղբրին:  
 Տեսավ՝ յոթ գեղի նախորդներ ժողովված են.  
 Դավիթ տեսավ՝ գեղացիք, իշխաններ,  
 Խմբով ընկած ճամփա վե, հա՛մա կ'էրթան:  
 Ասաց.- Ջա՛նըմ, լուսուն չուր կեսօրին հա՛ կ'էրթան,  
 Էդ կողմեր ո՛ւր կ'էրթան:  
 Ասին.- Ցասման ժամ է՝ կ' էրթան մատա՛ղ տի կտրեն,  
 Էնտեղ սա՛գ տի զարկեն,  
 Տէլնեն խա՛ղ անեն,  
 Էնտեղ քե՛ֆ տ'անեն,  
 Հարիսա՛ տի դնեն,  
 Տ'ուտեն, տի գան տակ:

[Էջ 175]

Նախորդ մի ասաց.  
 — Ո՞վ կ'էրթա էդ տեղեն մեզի հարիսա բերի՛՝  
 Փըշուր մի ուտենք:  
 Էդոնցեն մե՛կ էլ չը գնաց:  
 — Որ էդպես է, — ասաց Դավիթ, —  
 Դուք իմ նախիր պահեք՝ էրթամ:  
 Էնպե՛ս մի հարիսա բերեմ, որ կուշտ ուտեք:  
 Համա թե էդ նախրեն տավար մի կորչի՛՝  
 Ձեր յոթի գլուխ էլ տի կտրեմ:  
 Դավիթ էդոնց որ ահ տըվեց՝  
 Էդոնք ահու՛ նստան:

Ու Դավիթ էլավ, գնաց էդա հարիսատեղ:  
 Հարց ու փորձ արավ էտր ու էնոր,  
 Թե հարիսեն ո՞ր տեղն է դրած:  
 Ասին. — Է՛, է՛ն տեղն է դրած:  
 Ու գնաց Դավիթ տեսավ՝  
 Չորս ունկանի պղինձ մի հարիսա թոնդիր դրած.  
 Կընիկ մ՛ էլ կայնուկ պղինձի մոտ:  
 Դավիթ ասաց. — Նա՛նե, նա՛նե,  
 Ինձի քիչ մի հարիսա տուր,  
 Յոթ գեղի նախորդ ժողովվեր ենք մեկտեղ, —  
 Դե՛հ, գեղի աղքատ որ կա.

Գեղի նախրո՛րդն է, հոտա՛ղն է,—  
 Քո հո՛ր խերին՝ մեզի հարիսա՛ տուր —  
 Տանենք, ուտենք: Կընիկ ասաց.  
 — Դե դո՛ւրս կորի, Սասունա ծուռ,  
 Չը գինաս, որ ժամեն դեռ չեն էլած:  
 Կեցի՛ ժամեն էլնեն,  
 Տերտեր ժամեն տի գա մեր հարիսեն օրհնի,  
 Նոր հարիսեն տ՛ուտենք:  
 Դավիթ ասաց.— Նանե,  
 Տավար թողած եմ ուրիշին, մոտ մարդ չը կա,  
 Ես վռագ եմ, հիմի՛ կ տանեմ.  
 Նախիր կ՛երթա սարեր, խալխին վնա՛ս կը գա:  
 Էդ կընիկ ասաց.— Չե՛մ իտա.  
 Չուրի տերտեր չը գա, հարիսեն չօրհնի, չե՛մ իտա:  
 Թող ժամավորն էլ գա, ուտի.  
 Մնացող կը տամ՝ տարեք, կերեք:  
 Դավիթ ասաց.— Նա՛նե, մնացող շա՛ն կ՛իտան:

[Էջ 176]

Որ ասաց՝ նանեն քրվեց: Դավթի հերս էլավ,  
 Իր ձեռ թալեց, պղինձ թոնդրեն առավ,  
 Դրեց թոնդրան պռունկ,  
 Իր փետ անցաց պղնձի ունկ,  
 Վերցուց պղինձ շալկեց,  
 Վերցուց տաշտ մ՛ էլ դրեց գլխուն,  
 Եղի փարիսաջ առավ ի ձեռ,  
 Ինչքան որ հաց թխած էին, վերցուց,  
 Զարկեց տակ իր թևին:  
 Յոթ շերեփի էլ վերցուց, ասաց.  
 — Էդա էլ մեզի գդա՛լ:  
 Աստված թող ձեր մատաղ ընդունելի՛ անի:  
 Էդա կընիկ դարձավ Դավթին ասաց.  
 — Անիծե՛մ ես հըմլյա մատաղ,  
 Էլ ի՞նչ մնաց, որ ի՞նչ ընդունելի անի:  
 Դավիթ զարկեց ու գնաց դաշտ:

Կընիկ վազեց, հավար տըվեց ժամ.  
 — Ձեր տուն ավերի՛, ա՛յ խալխ,— ասաց.—  
 Սասանա ծուռ Դավիթ էկավ,  
 Հարիսեն ու հացեր զամեն ժողվե՛ց, տարա՛ վ:  
 Էնտեղ շատ մարդ գրուց կ՛աներ,  
 Մարդու մեկ բոբբոռաց.  
 — Էլե՛ք, զարկե՛ք Դավթին,  
 Հարիսեն ձեռնեն խլեք:  
 Մեկ մարդ էնտեղ էր, ասաց.  
 — Դուք չ՛լնիք ընկնիք էնոր առջև:



Քահանան էլ ասաց.  
 — Մ'երթաք, էրկու պղինձ հարիսա կա՛ դեռ կրակին,  
 Էն Սասունա ծառ է, մ' է՛րթաք,  
 Ձեզ տի գարկի, ձեզ տի խեղի,  
 Մեզ էլ բենամուս տ'անի:  
 Ծերունի մարդ մ' էլ էնտեղ ասաց.  
 — Էն Սհերի զարմի՛ց է, մ' է՛րթաք:  
 Թե որ կարցաք՝ էն չորս ունկանի պղինձ  
 Չորսով տեղից վերուք՝ գնացեք,  
 Թե չէ, մ'երթաք, չէ՞ դուք խե՛ղձ եք...  
 Դավիթ հասավ Սիպտակ քար:  
 Էնտեղ պղինձ դրեց գետին,

[Էջ 177]

Հարիսեն լիք լցրեց,  
 Եղ էն շերեփով լիք լցրեց՝  
 Բոռաց ընկեր նախորդներուն.  
 — Արե՛ք, տղեկնե՛ր, հարիսա՛ կերեք:  
 Է՛յ, ինչի՞ չեք գա:

Տղեկներ ահուց ցամքած են.  
 Նոթեր կախած նստեր են:  
 Դավիթ դարձավ էնոնց, հարցուց.  
 — Ինչի՞ եք նոթեր կախե:  
 Նախորդներեն մեկ ասաց.— Դավի՛թ,  
 Մենք նոթեր չը կախե՛նք, բա ո՞վ կախի,  
 Դու որ գնացիր՝ քեզնից էտն  
 Քառսուն հարամի դև էկան, զարկին,  
 Նախրից քառսուն տավար տարան:  
 Ասաց.— Բան չի՛ ըլնի, տղեկներ,  
 Արեք, նստեք, կուշտ մի ուտենք:  
 Էդ նախորդներ ահու չը կարցան ճաշ ուտեն:  
 Դավիթ ասաց.— Տղեկնե՛ր,  
 Գիտեք թե ո՞ր տեղով տարան:  
 Տղեկներ Դավթին ասին.  
 — Հա՛: Ա՛յ, էդա սարո վ զարկին, անցան վերև:

13

Դավիթ կոպալ դրեց իր թև,  
 Ճամփան տվեց առաջ,  
 Շրջվեց սարի էն մի էրես,  
 Էլավ սար-ձոր փնտռեց, դներ չը գըտավ:  
 Դավիթ գնաց, իջավ Արքըկու տակ, Սըպղանաց մոտ,  
 Գնաց, հասավ սարի մի լանջ.  
 Տեսավ քարափներու մեջեն ծուխ կը գա դուրս,

Բռնեց էդ ծովս, գնաց.  
Տեսավ, քառսուն հարամի-դև  
Քառսուն կովեր բերե՝ մորթե,  
Լցե քառսուն կանթեն պղինձ,  
Օջախ շինե, դրե օջախ,  
Քըլքըլթալեն կեփեն:  
Դավիթ վերցուց քառսուն կանթեն պղինձ,  
Շրջեց էդ օջախի վերան.

[Էջ 178]

Քառսուն կաշին ժողվեց, լցեց մեջ պղնձին,  
Գնաց, մտավ էնոնց քարայր:  
Մտավ ու ի՛նչ տեսավ.  
Որն իր խալու վրա պառկե,  
Որն իրեն քամար խա՛ղ կ'անի,  
Որն իրեն տեղ պառկե, քնե,  
Որն էլ— ուրախութե՛ն ն կ'անի:

Դավիթ որ էդ տեսավ՝ Դավթի աչքեր դարձան:  
Դավիթ դարձավ ու էլավ դուրս,  
Մեկ մեծ քար մի առավ, գրկեց,  
Էկավ մտավ մեջ քարայրին,  
Էդ քար դրեց քարայրի դուռ,  
Որ էդոնք չ'ելնեն, չը փախչեն:  
Դավիթ էդտեղ մեկ որ բռնաց,  
Մարսափ թափավ հարամի դևերու վերան.  
Դևերու մեծ էնոր ձեն լսեց, ասաց.  
- Էլե՛ք, ծառայությո՛ւն արեք, որ չըսպանի մեզի:  
Էնի Դավիթն է, էլեք վե՛ր:  
Համա Դավիթ բռնեց, մեկ-մեկ էնոնց վիզ օլորեց,  
Կտրեց, թալեց քարայրեն դուրս:

Դավիթ դարձավ տեսավ՝ քարայր էնպե՛ս է լիք —  
Խազինա՛ է էնոնց քարայր:  
Մարդու ինչ բան որ պետք կը գա՝ լի՛քն էր էդտեղ.  
Տեսավ՝ էդտեղ ոսկի էրկանք...  
Տեսավ կուտակ մի ոսկի՛ է, մեկել՝ արծաթ:  
Ողջ Սասունա ապրանք, հարստություն՝  
Քանի Դավթի հեր մեռեր էր՝  
Էդոնք ավերությո՛ւն արած,  
Բերած լցած են էդա տեղ:

14

Դավիթ իր հարգա՛ն լցեց ոսկին, կապեց մեջքին,  
Էն մորթոտած մալի կաշիք ու գըլուխներ

Լցեց մեջ էնոնց պղնձին,  
Ոսկի լցրեց մեջ պղնձին,  
Կոպալն անցրեց պղնձի կանթ,  
Թալեց իրեն ուսի վերան,

[Էջ 179]

Առավ, Էկավ հարիսատեղ:  
Տեսավ՝ տերտերներ նո՛ր հաց կ'օրհնեին:  
Առավ պղինձ, տարավ դրեց ժամու դռան.  
Տերտերոջ պա՛հ տվեց, ասաց.  
— Տերտե՛ր, ճա՛շ տվեք, ես ուտեմ.  
Տարածս անջախի իմ ընկեր նախորդնե՛ր կերան:  
Տերտերն ահու ասաց. — Էս տղին ձեռ չը տաք.  
Համ մեր պղինձ տարավ, համ էլ դարձուց, բերեց.  
Հաց է՛լ կտաք, ուտի, էլնի էրթա:

Գնաց, նստավ Դավիթ լուկ մի եղ հարիսից կերավ,  
Էլավ, Էկավ, դարձավ ռամկին.  
Ըզյեզներու տերեր կանչեց, ասաց.  
— Ձեն մի՛ հանեք, ձեզ բան տասեմ:  
Եզան կաշիք հանե՛ց, թափեց.  
Ամենք Էկան, իրենց տավրի կաշին ճանչցան:  
Դավիթ ասաց.— Ձեր մալերու ոտն ու գլուխ՝  
Ձեր հարիսի՛ փոխ ինչ տարա, առեք,  
Էսա մեծ պղի՛նձն էլ՝ ձեր պատիկ պղնձին է փոխ.  
Էս ոսկի՛ն տարեք,  
Բաժին արեք՝ ձեր տավարի մսի՛ն է փոխ.  
Համա կաշիք թողեք տանեն էն շիվարներ.  
Հագնեն իմ հոր խերի՛ն:  
Վա՛յն է էկե ձեր գլխներուն,— ասաց.—  
Թե իմ աղբերներու հախից ճանկ մի կորեկ կտրեք՝  
Ձեր տուն ես կ'անեմ Դավթի ավերած:  
Ասին.— Ջա՛նքմ, առ քո խաթեն ու հեռացի:  
Աղբերներուդ հախ չե՛նք կըտրի:  
Դավիթն էլավ, Էկավ հասավ աղբերներուն:  
Էկավ տեսավ հալա հարիսան չե՛ն կերե,  
Հալա նստած են՝ նոթեր կիտած:  
Ասաց.— Աղբերներ, հարի է՞րբ նոթեր կիտեք,  
Դարդ կ'անեք, որ աղ չե՛մ բերե.  
Էլեք, կերեք եղ հարիսան,  
Գացեք իրիկուն, աղն էլ ձեր տուն կերեք.  
Ասին.— Դավիթ, բա ի՞նչ անենք.  
Էղ եզներու տերերուն ի՛նչ պատասխան տանք:  
Ասաց.— Տարե, եզան կաշին տերվըտեր եմ արե:  
Ու թամբահ եմ արե,  
Որ ձեր հախից ճանգ մի կորե՛կ էլ չը կտրեն.

[Էջ 180]

Թե որ կոտորեն, ինձի ասե՛ք,  
Կ'երթամ, էնոնց տներ կ'անեմ Դավթի ավերած:  
Նոր էդ նախորդներու չանեք բացվավ,  
Կարցան հարիսան ուտեն:  
Որ կերան, Դավիթ ասաց.  
— Էլեք, տավար ջոկեք, ես տերթամ տուն,  
Ասին.— Դեռ կեսօր է, Դավիթ:

Դավիթ յոթ հարամու ականջ տվեց էնոնց,  
Ասաց.— Գընացեք գեղ, ասեք,  
Թող զջորիք առնեն,  
Գան էդ ապրանք տանեն:  
Նախորդներ վազեցին գեղ, ասին.  
— Էլե՛ք, գընացեք, դներ զքառսուն եզ մորթեր են.  
Դավիթ զքառսուն հարամի դև սպանե՛ր է,  
Կ'ասի թող գա՛ն, ապրանք տանեն ն:  
Գեղականներ ասին.— Դուք սուտ կ'ասեք:  
Տղեկներ ասին.  
— Թե սուտ էղավ՝ զմեր ականջ կտրեք:

15

Ինք, Դավիթ էլավ,  
Նախիր խառնեց առաջ,  
Քջեց, էկավ Դաշտու Պաղրիալ, ասաց.  
— Առեք ձեր տավար, ձեր նախիր.  
Ձեր նախիր չե՛մ պահի:  
Թողեց, գնաց Սասուն, իր տուն:  
Էկավ, հասավ Քեռի Թորոսի օղեն,  
Մտավ, բարն՝ էտու, հարցուց.— Քեռի,  
Մեր տուն քանի՞ մարդ ենք:  
Ասաց.— Լառ, քեզնով քառսո՛ւն մարդ ենք:  
Ասաց.— Քեռի՛, օղորմի քո պապուն,  
Մեր տուն քանի՞ տղամարդ ենք:  
Ասաց.— Տըղա, լա՛ն, չե՞ որ ասի,  
Աստված քեզի վերու,  
Քեզնով քառսո՛ւն կը թամամենք:  
— Էդ լավ,— ասաց.— Բա մենք քանի՞ ջվալ ունենք:  
Ասաց.— Աստված քո արև սպանի,  
Քո ջվալով քառսո՛ւն ջվալ ունենք, ի՞նչ կ'ուզես:

[Էջ 181]

Դավիթ ասաց.— Քեռի ջան, դու մի՛ նեղանա.

Էլի՛ր, մարդոց խաբար արա,  
Ջվալ առնեն՝ էրթանք ոսկի բերենք:  
— Դե, դե՛, — ասաց. — Շա՛նորդի ծուռ,  
Կորեկ չը բերիր՝ ոսկի՞ բերես:  
Ասաց. — Քեռի՛, էլե՛ք, էլե՛ք,  
Շա՛տ կ'աղաչեմ, էլեք էրթանք,  
Աշխարքի մալ-խազինեն ամեն տամ ձեզ.  
Էդ էրեսունինը մարդ ինձ հետ թող գա, էրթանք:  
Թե էրեսունին ջվալ ոսկի-արծաթ բերենք՝  
Զաթի մեր մալն է՛ կը բերենք, կ'ուտենք:  
Թե չը բերի՛՝ դուք էրեսունինը մարդ  
Ինձ ըսպանեք, էլեք, էկեք ձեր տուն:  
Քեռի Թորոս սուտ խոսելուց կը խրտըներ:  
Ասաց. — Տղե՛ք, էլեք էրթա՛նք.  
Որ սուտ էդավ՝ գԴավիթ կը սպանենք:  
Էդ վախտ Դավիթ իրա մեջքեն քանդեց հարգան,  
Թափեց ոսկին Քեռու առջև:  
Քեռին ոսկին տեսավ՝ — Վա՛յ, Դավիթ ջան, — ասաց.  
— Քո գլխուն, արևո՛ւն մեռնեմ,  
Դու հարամի դներ ըսպաներ ես...  
Բռնեց Դավթի էրեսներ պագեց:

Էլան, առան ջորիք, էլան էրսունինն էլ կանգնան.  
Առան էրսունինը ջվալ,  
Ձենով Հովան ու Վերգոն էլ  
Առան ամեն մեկ-մեկ ջվալ,  
Ընկան Դավթի հետև, գնացին...  
Դավիթ գնա՛ց, գնա՛ց.  
Գնաց հասավ Սիպտակ Քար:

Էնտեղեն էլավ քարայր:  
Էնոնք տեսան դներ ընկած են այրի դուռ,  
Ուռած, էղած են ամեն մեկ քանց Պող Բլուր:  
Յռան Վերգոն՝ վախցավ,  
Իրան ջորին մեկէլ ջորիներուց պրծուց, փախավ:  
Ուրիշներ էլ, դևի ջանդաք, գլուխ որ տեսան  
Մեկ-մեկու հետևեն կ'ուզեն փախնեն:  
Դավիթ դարձավ, բռռաց. — Հեյ-հե՛յ,  
Տնավերնե՛ր, ո՞ւր կը փախնեք, ըսպանե՛ր եմ.

[էջ 182]

Ասաց. — Թե չե՛ք հավատա ինձ  
Դարձեք, ձեր էտև նայեք.  
Էնոնց ականջ կտրե, լցրեր եմ էդատեղ:  
Դարձան, էդ ականջներ տեսան,  
Ձորիներն առան, էկան դեհ էն քարայր:

Քարայրի բերնից Դավիթ էն ժայռ վերցուց, քցեց,  
Առավ Քեռի Թորոս, Ձենով Հովան, Վերգո,  
Մըտավ մեջ քարայրին:  
Էննք ինչ որ տեսան էդա ոսկի՛ն, ապրա՛նք,  
Ուրախութենն էնոնց ոտներ գետնեն կտրավ:  
Ինչ կա՛ր, չկա՛ր ժողովեցին,  
Ոսկիք լցրին ջվալներ,  
Ոսկի էրկանք, ամեն ապրա՛նք,  
Բե՛ն բեռնեցին, ջորիք բարձին,  
Տարան իրենց տներ:

Էդ ամեն լցրին Սասնու ամբարներ:  
Սասուն էնպե՛ս էդավ, որ կը ճըճեր:

Դավիթ իր համար մենակ ձի մի առավ քարայրեն:

### ՄԱՍՈՒՆՅԻ ԴԱՎԻԹ

[Էջ 183]

ՈՐՍՈՐԴ ԴԱՎԻԹԸ ՎԵՐԱՇԻՆՈՒՄ Է ՀՈՐ ՎԱՆՔԸ ԵՎ ՊԱՏՈՒՀԱՍՈՒՄ Է ԽՈԼԲԱՇՈՒ  
ԶՈՐՔԵՐԻՆ

1

Դավիթ դներուն որ կոտորեց,  
Էդ վախտ էդավ տան ազիզ.  
Գտավ աղեկ բազե մի,  
Ընկավ արտեր, որս կ'աներ.—

Ճնճող՝ կը սպաներ, կաքա՛վ կը սպաներ:

Սասուն Պառա՛վ մի կար.  
Էդ Պառավ Մհերի յարն էր էդէ:  
Էնի արտ մի կորեկ ուներ:  
Կորեկի մեջ լորերը շա՛տ, ճնճողուկը շա՛տ:  
Պառավ օր մի էկավ, տեսավ՝  
Բազեն ի ձեռք, քուռակ հեծած՝  
Դավիթ մե՛ջ իր արտին լոր, ճնճողուկ կը զարկեր:  
— Դավիթ,— ասաց,— փռեմ, լա՛մ քո արև,  
Էդ ի՞նչ կ'անես.  
Էկեր ես իմ կորեկի մեջ լո՞ր կը սպանես,  
Էլի՛ր, գնա, մեջ սարերուն քի չ կա օչխար.  
Էն վիրու օչխարներ զարկի,  
Էս ճնճողու մեջ ինչքա՛ն միս կա,—  
Դու Պառավի կորկի ճընճողով տի կշտանաս...  
Դավիթ ասաց.— Պառավ, հապա, սար որ էրթամ

Ինչո՞վ զարկեմ վիրու օշխար:  
Ասաց.— Քո հեր նետ ու աղեղ ունե՛ր:  
Էդ նետ-աղեղ, ասա, թող տան՝ էնով գնա:  
— Բա՛, — ասաց Դավիթ.

[Էջ 184]

— Իմ հոր նետ-աղեղ ո՞ւմ մոտն է:  
— Քո հրողբոր կրնկան հարցուր:  
Էկավ Դավիթ, հրողբոր կնկան, Սառյեին հարցուց.  
— Հրողբոր կնիկ, իմ հոր նետ ու աղեղ ո՞ւր է:  
Ասաց.— Մեռնե՛ւ ես քե, Դավիթ, ես չե՛ւմ գիտի:  
Տեսեր եմ՝ նետ-աղեղ քո հոր թն՛ն էր.  
Հիմիկ ես չե՛ւմ գիտի ո՛ւր են մնացե:  
Մնաց: Դավիթ տեսավ, որ ճար չը կա՝  
Էլի գնաց Պառավու կորկի արտ:  
— Պառա՛վ, — ասաց, — իմ հրողբոր կրնիկ  
Նշանց չի՛ տա նետ ու աղեղ:  
Ասաց.— Մեռնե՛ւ քեզ, ծուռ Դավիթ, թը՛ն ր Դավիթ,  
Գնա, նեղի քո հրողբոր կնկան  
Ու նետ-աղեղ գոռովեն ար:  
— Ինչպե՛ս նեղեմ, Պառավ:  
Ասաց.— Գնա, քարից աղանձ արա, ասա՛  
«Կամ էս աղանձ տուտես,  
Կամ նետ-աղեղ նշա՛նց տի տաս»:  
Դավիթ էկավ, ասաց.— Սառյե, անոթի՛ եմ:  
Սառյեն ասաց.— Մեզ հաց չը կա:  
Դավիթ նստեր է թոնդրան շուրթ,  
Քարե աղանձ կանի, կը ճընճըլա:  
Սառյեին դժար էկավ, ասաց.  
— Դա՛վիթ, էլի, նա ցանոցից քի՛ չ մի ցան բեր.  
Խմոր անեմ՝ թխեմ ուտես:  
Դավիթ էլավ՝ ցանոցից ցան բերի, տեսավ՝  
Բան մի էդա պատից կախուկ—կոռուկ փետ մի:  
Առավ էդ փետ, բերեց, ասաց.  
— Հրողբոր կնիկ, էնա ի՞նչ է:  
Ասաց.— Չեմ գիտի, հրողբեր գիտի:  
Դավիթ ըռկավ, ասաց.— Հրողբո՛ր կրնիկ,  
Ասա՛, էն ի՞նչ կոռուկ փետ է:  
Սառյեն ասաց.— Էլի՛ր,  
Թե էնա թել դու գցեցիր էնա չախմախ, կ՛ասեմ,  
Թե չե՛ չե՛ւմ ասի:  
Դավիթ ինչ ձեռ տվավ էդա փետին՝  
Թել թալեց վեր չախմախին:  
Սառյեն շատ շշկլավ, ասաց.  
— Միեր սհա՛թ մի կը բաներ, նոր կը գցեր էդ թել,

[Էջ 185]

Էսի մեկ դիր որ ձե՛ն էտու, զցեց չախմախ:—  
Դարձավ, ասաց.— Ես չե՛մ գիտի՝ էդ ինչ է, թող:  
Էդա վախտ Դավիթ Սառյեի ձեռ բռնեց,  
Քաշեց, տարավ էն աղանձի բովի վերա.  
Իր ձեռ զարկեց, մեկ բուռ քարե աղանձ վերցուց,  
Լցեց Սառյեի ձեռաց մեջ՝ ու էնոր ձեռ խփեց:  
Սառյեն «յամա՛ն-յամա՛ն» արեց, ասաց.  
— Քո արևո՛ւն մեռնեմ, Դա՛վիթ, թող, ես ասեմ:  
— Թափի՛ գետին, հրողբոր կընիկ:  
Թափեց գետին, ասաց.— Չե՛մ գիտի, չե՛մ ասի:  
— Հրողբոր կընիկ, տե՛ս, մեկ է՛լ կը լցեմ:  
Էդ վախտ Սառյեն ասաց.— Դավի՛թ,  
Էդա քո հոր նետ-աղեղն է,  
Էնով Սհեր որսի կ՛երթար:  
Դավի՛թ էր՝ խնդացավ,  
Ձնետ-աղեղ առավ,  
Բերեց մաքրեց, լվաց,  
Ժանգեր-մանգեր քերեց,  
Ձնետ-աղեղ իր թն էթալ  
Ու ամեն օր որսի կ՛երթար:

2

Ամիս մերկու էսպես վրա՛ անցավ.  
Չ՛ասես՝ Ձենով Հովանի կնիկ Սառյեն —  
Դավիթ շատ սիրուն, խորո՛տ տղա էր —  
Գաղտուկ աչք էդի վեր Դավթին, ասաց.  
- Տի գաս հե՛տ իմ ձեռաց:  
Դավիթ ասաց.— Հրողբո՛ր կնիկ,  
Դուն իմ մե՛րն ես, ես քո որդի՛ն...  
Հրողբոր կնիկ ասաց.— «Տանեմ, գյուխ լվամ,  
Դավիթ գա՛ ջո՛ւր լցի վեր իմ գլխուն.  
Որ Դավիթ իմ մարմին տեսնա՛  
Էնոր սիրտ տի մեղավորնա,  
Տի գա հետ իմ ձեռաց»:  
Էլավ, ջուրն առավ, տարավ,  
Դավթին կանչեց, գա, ջո՛ւր լցնի:  
Դավիթ աչքեր բռնեց,  
Որ հրողբոր կնկան լեջ չը տեսներ,  
Որ իր սիրտ չը մեղավորնար,

[Էջ 186]

Ու էսպես ջուր լցրեց Սառյեի գլխուն:  
Հրողբոր կնիկ գյուխ լվաց,



Էլավ, իրիշկեց, տեսավ՝  
 Դավիթ իր աչքեր պինդ բռնած:  
 Էլաց, էտո՛ւ գլխուն,  
 Իր էրեսներ արնեց,  
 Մազեր քրքրրե՛ց վեր գլխուն,  
 Գնաց իր տուն՝ նստավ,  
 Չուր էնոր մարդ, Ձենով Հովան էկավ:  
 - Հե՛, կընիկ, ի՞նչ է էդեր քեզի:  
 Կնիկ ասաց.— Ի՞նչ տըլնի:  
 Ես գիտեի՛ թե ինձ որդի՛ էիր բերե,  
 Չը գիտեի՛, թե դու գնացե՛  
 Ինձի էրիկ էիր բերե:  
 - Հե՛, կնիկ, էդպես չե՛, դու սո՛ւտ կ'ասես:  
 Կնիկ ասաց.— Ես սուտ չե՛մ ասի.  
 Էլավ, իր ձեռ էթալ ինձի,  
 Ես էնոր չը թողի...  
 - Որ էդպես է, իրիկուն դուռ շինենք:  
 Իրիկուն Ձենով Հովան դուռ շինեց.  
 Չէթող Դավիթ գար տուն:  
 Դավիթ ասաց.— Հրողբեր,  
 Հիմիկ կարամ քացի մի զարկեմ՝  
 Դո՛ւ էլ, քո դո՛ւտ էլ էրթաք գետնի սակի անդունդք:  
 Ամա ի՞նչ անեմ, հերագուր՝ հրողբեր,  
 Լրբե՛ խաբված ես:

3

Դավիթ գնաց, իրիկուն մնաց Պառավու տուն:  
 Առավոտուն էդ տեղեն էլավ, գնաց որսի:  
 Ճամփին տեսավ շատ ագռավներ —  
 Զարկին վեր Պառվու արտին, կորեկ տուտեն:  
 Դավիթ ասաց.— Ինչպե՛ս անեմ,  
 Որ քսան հատ մեկից զարկեմ.  
 Էսա ագռավներ կը թռնեն:  
 Չէ, ես բա՛ն մի տ'անեմ:  
 Ձեռ որ թալեց, մեկ ահագին բարդի քաշեց,  
 Քաշեց ու մեկ էնպե՛ս էզար,  
 Որ ագռավներ, կորե՛կ մեկտեղ ժողվեց,

[Էջ 187]

Բերեց, արեց բարդոց: Պառավ էկավ,  
 Տեսավ մեկ հատ կորեկ չը կա մեջ իր արտին:  
 Ասաց.— Օ՛յ, օ՛յ, գրող-մահ տանի քե, Դավիթ.  
 Դու ինչի՞ իմ կորեկն էսպես արիր:  
 Ասաց.— Պառավ, չէի թողնի,  
 Որ ագռավներ զքո կորեկ ուտեն:

— Չարըս գրեզ տանի, գրո՛ղ գրեզ խեղդի,— ասաց,  
 Տո, դու ցաս վեր Պառվու կորկին  
 Քո փռո դք տի թափես:  
 Աստծու կրա՛կ ըլնի վեր քեզ.  
 Էն հոր տղեն դո՛ւ տի ըլնես:  
 Աստված օղորմի Առյուծ Մհերին.  
 Էնի որ կար՝ խեղճերու պապ ու մամ:  
 Համա դու եղ ի՞նչ է՝ կ'անես.  
 Իմ հույս՝ եղ փշուր կորե՛կն է:  
 Դուն էլ էկար, տրորեցի՛ր:  
 Ե՛ս եմ՝ մեկ աղջի՛կ, էս կորե՛կ,  
 Իմ բա՛խտը կը կըտրես վեր ինձ:  
 Դուն որ էդպէս տղամարդ ես՝  
 Հորի՞ չես էրթա Ծովասար:  
 Թե կտրիճ ես՝ գնա, քո հոր որսատե՛ղ առ:  
 Քո հոր սեյրանատեղ Ծովասա՛րն է:  
 Հրեն, Մըսրա Մելիք էկե,  
 Քո հոր սար զավթե՛ ,  
 Էդա Ծովասար բոլոր պարիսպ քաշած՝  
 Էնքան գագաններ, վիրու օջխարներ  
 Թալած են պարսպի էտն —  
 Չեն կարնա դուրս էլնեն:  
 Հիմիկ ինչի՞ դու չես էրթա էնտեղ.  
 Վեր ինձի՛ եղար կտրիճ:  
 Դավիթ ասաց.— Պառավ,  
 Ես հոգո՛ւղ, արևո՛ւղ մեռնեմ,  
 Ո՞րտեղն է, շա՞նց տա ինձ,  
 Ծովասար ո՞րտեղն է, էս չը գիտեմ:  
 Ասաց.— Դավիթ, գնա քո հրողբոր օձիք բռնի.  
 Քեզ կը տանի, նշա՞նց կը տա:

4

Դավիթ էկավ հրողբոր մոտ, ասաց.—  
 Հրողբե՛ր, Ծովասար ո՞րտեղն է, նշա՛նց տուր ինձ:

[Էջ 188]

Իմ հոր սեյրանատեղ ո՞րտեղն է:  
 Հրողբեր ասաց.— Ո՞րդի, քեզ խաբե՛լ են.  
 Քո հոր սեյրանատեղ չըկա՛ .  
 Քեզ խաբել են, քեզ սո՛ւտ կ'ասեն:  
 — Չէ, հրողբեր, էս գիտե՛մ, կա՛ .  
 Ես կ'էրթամ, չե՛մ կայնի: Մուտ մի՛ ասա:  
 Հրողբեր ասաց.— Մովորեցնողիդ բերան կոտրի:  
 Ա՛յ որդի, ինչ քո հեր մեռավ՝  
 Մըսրա Մելիքն էն սար խլեց.

Չե՛նք իշխենա երթանք:  
 Ասաց.— Հրողբեր, դու ինձ նշա՛նց տու,  
 Որ գան, ինձի՛ թող ըսպանեն, քեզի չե՛ն ըսպանի:  
 Ասաց.— Ո՛րդի, էսօր մնանք, էն մեկէլ օր երթանք:  
 Դավիթ նորեն ընկավ, ասաց.— Հրողբեր,  
 Ծովասարի տեղ թե հիմիկ կ'ասե՛ս, ասա՛ ,  
 Չ'ասես՝ հա՛ցն ու գինին, տեր կենդանին,  
 Միլա մի կտամ քո էրես, քո վիզ ծոխ:  
 Որ էդպէս ասաց, հրողբեր վախեցավ,  
 Տեսավ, որ Դավիթի ծռությունըն բռներ է:  
 Ասաց.— Տղա, լա՛վ, մի՛ հերսոտի,  
 Արի, տանե՛մ, քեզ նշանց տամ:

Ձենով Հովան էկավ Քեռի Թորոսի մոտ,  
 Քաղքի մարդերու մոտ, ասաց.  
 — Ես չե՛մ գիտի՝ Դավթին ո՞վ է նշանց տվե.  
 Էսօր Դավիթ ինձ գոռե՛ կ'ասի տ'երթանք Ծովասար:  
 Էդա քաղքի ամեն մարդեր ասին.  
 — Հովան, դուք որ կ'երթաք՝  
 Մենք է՛լ գանք, էնտեղ մտիկ անենք:  
 Էնտեղ հիմիկ ջոջ-ջոջ արջե՛ր կան, գելե՛ր կան,  
 Կիստա՛ր, վիրու օչխար էլ կա.  
 Տեսնանք Դավիթ ինչպե՛ս տի սպանի վիրու օչխար:  
 Էլավ Դավիթ՝ ձի հեծավ, գնաց Ծովասար:  
 Տղերք պատրաստություն տեսան,  
 Ձենով Հովան ու քաղքըցիք իր հետ գնացին:  
 Գնացին, հասան ու — ի՞նչ տեսան:  
 Ծովասարի բոլոր մի մեծ պարիսպ քաշած,  
 Դո՛ւտ մէլ չը կա վերան:  
 Դավթի հեր — Մհեր,  
 Որ սարերու չորս բոլոր պարիսպ էր քաշե,

[Էջ 189]

Էնքա՛ն ժամանակ՝ էնոր մեռնելուց հետո՛  
 Ինչքան ջեյրան, վիրու օչխար,  
 Գե՛լ ա՛րջ — լցվեր էր Ծովասար:  
 Դավիթ հարցուց.— Հրողբեր, էս ի՞նչ պարիսպ է:  
 — Քո հոր որսասարն է,— ասաց:  
 Դավիթ էլավ սարի գլուխ,  
 Տեսավ՝ չորս կողմ պարիսպ:  
 Ո՛ր կողմ դարձավ, փնտռեց, դուռ չը գտավ:  
 Դավիթ կանչեց.  
 — Յա՛, բարձրիկն Մարութա Ասովաձաձին...  
 Գուրգ զարկեց, պարիսպ փլավ:  
 Դավիթ մտավ ներս — ի՞նչ տեսավ.  
 Էնտեղ ծա՛ռ, ճուղ, բա՛ղ ու բաղչա՛, կանա՛չ,

Էնտեղ մեկ մեծ հավո՛ւզ շինուկ,  
 Աղբուրի պես, մեջ հավուզին ջուր կը գլգլա՛, կ՛երթա՛ :  
 Ի՛նչ չափ գազաններ կա՛ն՝ ամեն էդտեղ են:  
 Ասաց.— Վա՛յ, իմ հեր ինչքա՞ն մեղք է գործե՛  
 Որ էս գազաններ գերի՛ է դարձուցե:  
 Էդա մարդիկ, ինչ իր հետ գնացեր են՝  
 Ուզեցին զարկեն, սպանե՛ն օչխարներ:  
 Դավիթ իրիշկեց, իրիշկեց, կանչեց ասաց.  
 — Էհեյ, ձեզ իրավունք չկա ...  
 Էնոնցից մե՛ կն էլ չը սպանե՛ք:  
 Մոտիկ մի գաք, էս չե՛մ թողնի էնոնց զարկեք:  
 Ձենով Հովան ասաց.  
 — Հրողբե՛ր մեռնի քեզի, Դավիթ,  
 Ձա՛րկ, հա՛տ մի ըսպանի, բռնենք զենենք:  
 Դավիթ ասաց.— Հրողբեր, ջա՛նրմ,  
 Կապուկ տեղ պա՛պս էլ կը զարկի.  
 Տղամարդն է՛ն է, որ արձակի ու նո՛ր զարկի,  
 Չե՞ որ էնոնք գերի են, հրողբեր,  
 Մարդ էլ գերին զարկի՛ :  
 Դավիթ քացի մ՛ տվեց, պատեր զամեն քանդեց:  
 Իր կապան հանեց, թալեց էրկինք վե՛ր, ասաց.  
 — Հոյ-հոյ... Ամեն գազաններ փախան:  
 Ասաց.— Գնացե՛ք, ձեզի համար ապրե՛ք:  
 Ինքն էլ էլավ էկավ սարի մեջ, ձորի մեջ,  
 Ման էկավ քարի տակ, ծառի՛ տակ,  
 Հա՛, ման էկավ, ասաց.  
 — Չըլնի՛ մեկ ջանավար քնուկ ըլնի — մե՛ղք է:

[Էջ 190]

Գազաններ ամեն դուրս հանեց,  
 Էկավ քաղքըցոց ասաց.— Դե, գնացե՛ք,  
 Ով կըտրիճ է՛ իր համար թող զարնի:  
 Ով ինչ կտրիճ էր՝ գնաց, իրան որս արեց.  
 Ով ինչ անշնորհք էր՝ ետ մնաց:  
 Ամենն էլ ետ դարձան, էկան Օովասար,  
 Դավիթ էլ գնաց, էրկու վիրու օչխար բռնեց,  
 Բերեց դրավ հավուզի մոտ,  
 Ինք մտավ հավուզ լողացավ, էլավ,  
 Օչխարներ զենեցին աստծուն,  
 Իրանց համար կրակ կայցուցին,  
 Խորոված շինեցին, կերան, նստան էդտեղ:

5

Էն մարդեր ու Դավիթ մնացին չուր իրիկուն:  
 Իրիկուն էդա քաղքի մարդեր

Ամեն դարձան, էկան տուն:  
 Հովանն ասաց. — Դավիթ,  
 Էլիք, մենք է՛լ էրթանք տուն:  
 Դավիթն ասաց. — Հրողբեր,  
 Իմ հեր էստեղ շա՛տ է ման էկե,  
 Ես էս գիշեր տի մնամ էստեղ:  
 Ասաց. — Դա՛վիթ, մարդ գիշերներ դուրս չի՛ մնա՛ս,  
 Գիշեր կ'երթա իր տուն:  
 Տեսա՛ր, եդա քաղքի մարդեր ամեն գնացին:  
 Մենք էլ տերթանք մեր տուն:  
 Ասաց. — Հրողբե՛ր, չէ, էս իմ հոր տեղրանքն է.  
 Գիշեր էս տի մնամ էստեղ:  
 Կ'ուզես՝ դուն գնա տուն:  
 Էլավ, ծառերու տակ պառկավ՝ քնի:  
 — Դավի՛թ, — ասաց Հովան, —  
 Որ դու կը մնաս՝ էս է՛լ կը մնամ:  
 Մընաց: Իրիկուն Դավիթ շուտով քնավ:  
 Հովան նստեց, չէ՛ր իշխենա՛ քնի.  
 Էն իր միտ վե՛ ասաց. — Ինչպե՛ս անեմ,  
 Որ դադարի Դավիթ:  
 Բերեմ, էնոր փեշ դնեմ տակ իմ գլխին,  
 Որ գիշերով Դավիթ ինձ չը թողնի՝ չ'ելնի՛ էրթա:

[Էջ 191]

Հովան Դավթի կապայի փեշ ժողվեց, քաշեց,  
 Գաղտուկ բերեց, դրավ տակ իր գլխին,  
 Քընավ: Համա կը դադարի՞ Դավիթ...  
 Մընաց. եղավ գիշերվա կես:  
 Դավիթ զարթնավ քնից.  
 Էլավ, նստեց, իրիշկեց — ի՞նչ տեսավ.  
 Մարի գլուխ ճրագ մի կը վառվի:  
 Տեսավ՝ լուս-կամար կանգներ է.  
 Ասաց. — Էսա ի՞նչ ճրագ է.  
 Տեսնեմ՝ ի՞նչ մարդիկ են էնտեղ:  
 Ուզեց էլնի, տեսավ՝ կապայի փեշ  
 Հրողբեր իր գլխու տակ դրե, քնե:  
 «Ո՛վ տեր աստված, — ասաց, —  
 Թե իմ հրողբեր վե՛ր հանեմ,  
 Տ'ասի՛ Դավիթ վախեցավ:  
 Թե չը հանե՛մ՝ կապայի փեշ իր գլխու տակն է»:  
 Դավիթ հրողբոր վե՛ր հանեց, ասաց.  
 — Էնա լեռի գլուխ ի՞նչ կանաչ-կարմիր բոց կ'իջնի:  
 Հովան գիտե, որ Մհերի գերեզմանն է,  
 Ու լուս կ'ելնի գերեզմանից,  
 Համա գ'Դավիթ խաբեց, ասաց.  
 — Կըրակ կը կըպցնեն. հալբաթ հովիվ,

Կամ թե նախորդ րդ է, գառնարած...  
 Ես ի՞նչ գիտեմ՝ ո՞ր մեկըն է:  
 Դավիթ իր սրտի մեջ չը համոզվավ էր խոսքերուն:  
 Էրկուսի քուն էլ տարավ, կող էլան, քնան:  
 Ձենով Հովան մեկ էլ Դավթի փեշ դրեց գլխու տակ,  
 Որ Դավիթ չերթա՝ էր գերեզման նայի:  
 Մնաց, մեկ մ'էլ Դավիթ զարթնավ,  
 Տեսավ՝ սարի մոտ մարմար քա՛ր մի բացվե,  
 Էրկնուց լուս էնե վե՛ր էն բարին:  
 Էս դիր Դավիթ հրողոր ձեն չը տըվեց, ասաց.  
 — Թե դանակ հանեմ՝ կապայի փեշ կըտրեմ՝ ափսո՛ս է:  
 Ասաց.— Ջայնամ թե ափսոս է:  
 Զինք իր դանակ հանեց,  
 Դրեց՝ իր կապայի փեշ կտրեց,  
 Կապայի փեշ մնաց Հովանի գլխու տակ:  
 Դավիթ իրիշկեց էն կրակ, էլավ գնաց վեր:  
 Գնաց, տեսավ կո, գերեզմա՛ն մի կա էնտեղ  
 Կանաչ-կարմիր բոցն էր գերեզմանն՝ն կելնի:

[Էջ 192]

Լուս կամար գերեզմանի վերան կանգնե:  
 Դավիթ գնաց մոտ, ձեռ էտու բոցին—ձեռ չ'երեց:  
 Հո՞ղ թալեց վերան—չը հանգավ:  
 Նոր մեջ իր խելքին մտածեց.  
 «Է՛ն, ինչ Մարութա բարձր Աստվածածին կ'ասեն՝  
 Մա է»: Ձնետ-աղեղ էզար էնտեղ նշան,  
 Էլավ, իջավ հրողբոր մոտ:

6

Իջավ Դավիթ, տեսավ՝ հրողբեր հալա քնած:  
 Նստավ իր տեղ, կանչեց, ասաց.  
 — Հրողբեր, քո անուշ քնից վե՛ր էլի\*,  
 Տո, հրողբե՛ր, մեռնե՛մ ս քեզ, հրողբեր,  
 Ես տեր չ'ունեմ, դու ինձ արա տերություն.  
 Տո, հրողբե՛ր, մեռնե՛մ ս քեզ, հրողբե՛ր,  
 Ես հե՛ր չ'ունեմ, դու ինձ արա հերություն.  
 Տո, հրողբե՛ր, մեռնե՛մ ս քեզ, հրողբե՛ր,  
 Ես մե՛ր չ'ունեմ, դու ինձ արա մերություն.  
 Տո, հրողբե՛ր, մեռնե՛մ ս քեզ, հրողբե՛ր,  
 Ես աղբե՛ր չ'ունեմ, դու ինձ արա աղբերություն:  
 Հրողբեր վե՛ր էլավ, ասաց.  
 — Ծո՛ւտ Դավիթ, էլ ի՞նչ է էղե:  
 Ասաց.— Հրողբեր, օրհնյա լ է բարերար աստված,  
 Խնամքը շա՛տ է աստծուն.  
 Մարմար քար հրեն բացվեր է.

Լուս կամար կապեր է մեջ Ծովասարին.  
Էլի՛, էրթանք, քեզ նշանց տամ:

Դավիթ առավ զհրողքեր,  
Բերեց վեր հոր գերեզմանին:  
Գերեզման շանց տվեց, ասաց.— Էնի ի՞նչ է:  
Ասաց.— Էնի քո հոր գերեզմանն է:  
Վանք էլ, որ քարուքանդ էղե՛  
Քո հեր, Մհեր էտու շինել  
Անունն էլ է՛ն էղի Մարութա բարձր Աստվածածին:  
Համա ինչ որ քո հեր մեռավ՝  
Մըսրա Մելիք էգար, հիմեն ավրեց, տարավ:

-----  
\* Երգ է:

[Էջ 193]

Դավիթ էղ լսեց, դարձավ,  
Էգար չոքեր գետին, զընաց.  
Ձեռներ էգար գետին, համբուրեց.  
Իր նետաղեղով էղա մարմար քարի բուր  
Գիծ մի քաշեց, նշան արավ,  
Լուսու ձևով խորանների կամար քաշեց,  
Մեղանատեղ քաշեց, հիման տեղ էլ քաշեց  
Ասաց.— Էսա էսպե ս տի շինվի:  
— Հրողքե՛ր, մեռնեմ քեզ, հրողքեր, էս քենե՛\* կ՛ուզեմ.  
Հինգ հարիր—համար հազա՛ր—քար կտրո՛ղ, քենե կ՛ուզեմ.  
Հինգ հարիր—համար հազա՛ր—քար տաշո՛ղ, քենե կ՛ուզեմ.  
Հինգ հարիր—համար հազա՛ր—խիճ բերո՛ղ, քենե կ՛ուզեմ.  
Հինգ հարիր—համար հազա՛ր—ջուր կրո՛ղ, քենե կ՛ուզեմ.  
Հինգ հարիր—համար հազա՛ր—պատ շարո՛ղ, քենե կ՛ուզեմ.  
Հինգ հարիր—համար հազա՛ր—սվաղ անող, քենե կ՛ուզեմ.  
Հինգ հարիր—համար հազա՛ր—փայտ փորող, քենե կ՛ուզեմ:  
Թե որ չը շինե՛մ էս էս վանք՝  
Իմ ուխտի տակ կը մեռնեմ.  
Չուր վաղն իրիկուն էս ամեն պատրա՛ստ կ՛ուզեմ,  
Որ լո՛ւս տա՝ մեկէլ օր պատարագ մեջ մատուցվի:

Հրողքեր լա՛վ գիտեր,  
Որ Դավթի խոսք մե՛կ էր — էրկու չէր անի:  
Էդոր համար Հովան լսեց Դավթի խոսքեր, ասաց.  
— Դավի՛թ, մենք տո՛ւն էրթանք, բանո՛ղ ճարենք:  
Դավիթ ասաց.— Ես տի մնամ մարմար քարի մոտ,  
Ես տուն չեմ իգա: Դու շո՛ւս զընա,  
Ուստեք, բանողներ ճամփի, թող իգան,

Դու էլ էնոնց հետներ արի:  
 Ձենով Հովան ասաց.  
 — Ես էս լաճու խորհուրդ տի կատարեմ:  
 Ասաց.— Ո՛րդի,  
 Ես Ձենով Հովանն եմ, ի՞նչ կը վախենաս,  
 Քառսուն ավուր ճամփա իմ ձեն կ'էրթա:  
 Իմ ձեն յոթ քաղաքի ուստա մարդիկ,  
 Հագար-հագար բանող մարդիկ տի լսեն, տի գան:  
 Վե՛ր, յոթ հատ վիրու ե՛զ գարկի,  
 Առնեմ, էրթամ քաղաք, պատի՛վ տամ քաղքըցոց.

\* Երգ է:

[Էջ 194]

Էն ժամանակ ուստեք ու բանողներ  
 Ամեն կը ժողովվեն,  
 Դուն էլ սրտիդ մուրազ կը կատարես-վանք կը շինվի:  
 Դավիթ էլավ, վեց վիրու եզ գարկեց.  
 Հովան եզներ շալակն առավ, գնաց քաղաք:

7

Առավոտուն Հովան էլավ, կանչեց ձենով.  
 — Ա՛խ, կը կանչե՛մ, թող գան\*,  
 Ով իր աստված կը սիրե, թող գա.  
 Մարութա բարձր Աստվածածին տի շինենք, թող գա՛ :  
 Ա՛խ, կը կանչե՛մ, թող գան,  
 Ա՛խ, կը կանչե՛մ, թող գան,  
 Ա՛խ, հի՛նգ հարի՛ր—համա՛ր հագար-քար կտրո՛ղ,  
 Ա՛խ, հի՛նգ հարի՛ր—համա՛ր հագա՛ր—քար տաշո՛ղ,  
 Ա՛խ, կը կանչե՛մ, թող գա՛ն,  
 Ա՛խ, կը կանչե՛մ, թող գա՛ն,  
 Ա՛խ, հի՛նգ հարի՛ր—համա՛ր հագա՛ր—խիճ բերո՛ղ,  
 Ա՛խ, հի՛նգ հարի՛ր—համա՛ր հագա՛ր—ջար կրո՛ղ,  
 Ա՛խ, կը կանչեմ, թող գա՛ն,  
 Ա՛խ, կը կանչեմ, թող գա՛ն,  
 Ա՛խ, հի՛նգ հարի՛ր—համա՛ր հագա՛ր—փայտ փորո՛ղ,  
 Ա՛խ, հի՛նգ հարի՛ր—համա՛ր հագա՛ր—պատ շարո՛ղ,  
 Ա՛խ, կը կանչեմ, թող գա՛ն,  
 Ա՛խ, կը կանչեմ, թող գա՛ն...  
 Հովանի ձեն չուր յոթ քաղաք լան:  
 Էդ յոթ քաղքի բանողներ, ուստա մարդեր  
 Հագար-հագար թափվան,  
 Էլան, Էկան Հովանի տուն:



Ձենով Հովանին պատիվ տվին, էլան, գնացին՝  
Մարութա բարձր Աստվածածին շինեն:  
Դավիթ էդ վախտ ի՞նչ է արե.  
Գնացե, էնտեղ, ուր նետ-աղեղով  
Էնա մարմար քարի բոլոր գիծ էր քաշե.  
Գընացե՛ հիմ էր փորե, հիման քարեր բոլոր դրե,  
Պա՛տ էլ մեկ մեջք բարձրացուցե:

-----

\* Երգ է:

[Էջ 195]

Ձենով Հովան որ առավ ուստեք, էկավ,  
Ուստեք կը տեսնան, կը զարմանան էնտեղ,  
Էնպես ջոջ քարեր բերեր, դրեր է մեջ հիման  
Որ ամեն բանողներ ժողվեն մեկտեղ՝  
Չեն կարնա էն քարեր բերեն:

Ուստեք կը կանգնեն պատի վերա,  
Դավիթ էն ջոջ քարեր ձեռ կը տա,  
Կը վերցու, կը բերի, կը դնի իր տեղ:  
Ոչ բանողներ կարնան էն քարեր բերեն,  
Ոչ ուստեք կարնան վերցուն, դնեն տեղ:  
Բանողներ էլ էնա պստիկ քարեր կը բերեն,  
Ուստեք էդ պստիկ քարեր կը տան ջոջ քարերու բոլոր,  
Բանողներ տիլ կը շինեն, կը տան ուստեքին,  
Ուստեք տիլ կը զարկեն էդ քարերու բոլոր:  
Չուր մութ կը տա գետին,  
Էդ վանք կը գլխեն, կը լմնցուցեն,  
Օրե՛ Մարութա բարձր Աստվածածին կը շինեն:

8

Էն գիշեր կը քնեն. Դավիթ կը տեսնա՝  
Մարութա բարձր Աստվածածին կը գա էրագ, կ'ասի.  
«Քո թուր քո մեջքեն քաշի,  
«Իմ հիմ քո թրի վերա՛ ձգի,  
«Օրե՛ մի կը շինես, կը թամամցես,  
Պատարագ մեջ վանքիս կը մատուցես,  
«Որ ես վեր իմ հիման կանգնեմ»:  
Ուստեք տիլ կը զարկեն էդ քարերու բոլոր:  
Դավիթ զարթնավ, տեսավ  
Մարութա բարձր Աստվածածին չըկա:  
Քարն իր տեղն է գնացե,  
Հողն իր տեղն է գնացե,

Ավագ, կավ ու ինչ որ պատրաստություն կար՝  
Ամենն իր տե՛ղն է գնացե:  
Էլավ Դավիթ, Հովանին ձեն տվավ,  
Քեռի Թորոսին ձե՛ն տվավ, ասաց.  
— Հրողբեր, Քեռի՛, ձեր անուշ քնից վե՛ր էլեք:  
Մարութա բարձր Աստվածածին էսօր էկե ինձի էրագ.

[Էջ 196]

Իմ մեջքնն իմ թուր տի քաշեմ՝  
Վանքի հիմ իմ թրին տի դնեմ.  
Վանք տի շինե՛մ, տի թամամեմ:  
Պատարագ մեջ տի մատուցեմ:  
Հովան շա՛տ զարմացավ, համա ասաց.— Դավիթ,  
Ես Ձենով Հովանն եմ. լուսուն մեկ էլ կելնեմ,  
Մեկ է՛լ բանող կը բերեմ քեզ համար, մեկ է՛լ շինեն:  
Առավոտուն կելնի Հովան, նորեն կը բռռա,  
Հագար-հագար բանող, ուստա նորեն կը գան:  
Կը գան, կը տեսնեն Դավիթ էլ հետ  
Էնպես ջոջ քարեր բերե, դրեր է մեջ հիման,  
Իր մեջքեն թուր քաշե՛ խրեր է մեջ հիման:  
Քարեր, բաներ հելըստա կ՛անեն,  
Մինչ մութ կը տա գետին, կը շինեն, կ՛ավարտեն:  
Իրիկուն Դավիթ կ՛ասի.— Հերահոտ հրողբեր,  
Էդա վարպետներու վարձ տո՛ւր,  
Էդա բանողների վարձն է՛լ տուր...  
Առանց վարձ մի՛ թող:  
Հովան կը գնա կը բերի էրկու-իրեք բեռ ոսկի,  
Կը բերի, Մարութա բարձր Աստվածածնա դուռ,  
Էդտեղ ամեն մարդու մեկ ոսկի կը տա,  
Մարդիկ կ՛երթան իրենց տուն:  
Դավիթ Ձենով Հովանին կը դառնա, կ՛ասի.  
— Հրողբեր, մեռնե՛մ քեզ, հրողբեր\*,  
Ինձ քենե պետք են քառսուն էպիսկոպոս,  
Ինձ քենե պետք են քառսուն վարդապետ,  
Ինձ քենե պետք են քառսուն ավագ սարկավագ,  
Ինձ քենե պետք են քառսուն սարկավագ,  
Ինձ քենե պետք են քառսուն լուսարար,  
Որ վանք լուս տան, շաբաթ պատարագ մատուցենք:  
Էլավ Հովան կանչեց.  
Վարդապետներ էկան, լուս տվին,  
Շաբաթ պատարագ մատուցեցին:

Դավթի քեֆ էնքան էկա՛վ էկեղեցու վերա՝  
Որ գնաց, Չարբահար Քամին բերեց,  
Վանքի դռան հետև դրեց պահեցող:  
Օրեն մեկ տիկ մեղր, մեկ տիկ կարագ

-----  
\* Երգ է:

[Էջ 197]

Չարքահար Քամու կերակուրն էր:  
Թամբահ արավ Դավիթ Չարքահար Քամուն, ասաց.  
— Ավեր մարդ — որ կը գա՝ դուռ վերան չը բանաս.  
Որ ուխտավոր կը գա, շիվար-մարդեր կը գան՝  
Դուռ բաց արեք, կերակրեցեք:

Մնացին էնտեղ չորի առավոտուն:  
Առավոտուն էլան, Դավիթ աչքեց, տեսավ՝  
Մեջ Սասունա, մեջ Մարութա սարի գե՛տ մի կ'անցնի.  
Դավիթ ասաց. — Պետք է էսա գետին կամուրջ շինվի:  
Թե չէ՝ մարդիկ տի գան, տի ընկնեն գետ:  
Բերին՝ կամուրջի հիմ թալեն՝  
Ամա թալած քարեր ջուր կը տաներ՝  
Հիմ չէր բռնի: Էն ժամանակ էլավ Դավիթ՝  
Սարից է՛ն տեսակ ջոջ քարեր գլորեց տակ,  
Որ ամեն քար քանց ջոջ տո՛ւն մի:  
Էդ ջոջ քարեր կամրջի չորս հիմե՛ր թալին,  
Քիչ ետ՝ կամուրջ կապին, պրծան:  
Էդ քարերաց վերա ուրիշ քարեր շարին,  
Էնպես լեն էր էն կամուրջ,  
Որ էրկո՛ւ սել կուշտ կշտի կ'անցնեին:  
Էն կամրջի անունն մնաց Դավթի կամուրջ:  
Քանի մի օր հետո՛ Դավիթ ու հրողբեր Հովան  
Իջան Սասուն՝ աչքե անցնեն,  
Թե ի՞նչ էր Սասնա տեղ էլե, դարձե:

10

Խաբար հասավ Մրսրա Մելիքին,  
Թե՛ «Դավիթ գնացե Ծովասար ավրե,  
Ամեն բռնավոր գազաններ թողե,  
Պարիսպ փլցուցե ա Մարութա վանք շիներ է տվե:  
Մըսրա Մելիքի հերս էլավ.  
Իր նախանձ սիրտ չը հովացավ.  
Էլավ, կանչեց իր Խոլբաշան, ասաց.  
— Ես տի էլնեմ, հեծե լ առնեմ, էրթամ,

[Էջ 198]

Վանք Մարութան թալնեմ բերեմ:

Էդ Խոլբաշին ասաց.— Թագավոր ապրած կենա,  
 Դու հեծելներ ինչի՞ առնես.  
 Մենք հինգ հարիւր հոգի հեծել՝  
 Կերթանք էն Ծովասար, վրբաններ կը զարկենք,  
 Էն վանք կը թալնենք, կը բերե՛նք,  
 Դավթին էլ կը սպանենք,  
 Ականջներ կը կտրենք, կը բերե՛նք:  
 Մելիք ասաց.— Դու էդպէս բան անես՝  
 Քաղա՛ք մի կը տամ քեզ նվե՛ր:  
 Պատրաստությունդ տե՛ս, դու Ծովասար կ'երթաս.  
 Մարութա բարձր Աստվածածին թալնես, ավրես ու գաս  
 Դավթին էլ տի սպանես, իր ականջներ բերես:

11

Էդ Խոլբաշին հինգ հարիւր ձիավոր առավ, Էկավ.  
 Չէր իշխենա գա Մասնա քաղաքի վերան:  
 Էկավ, էլավ Մարութա բարձր Աստվածածին:  
 Չարբահար Քամին էլավ դուրս, իրիշկեց, տեսավ՝  
 Քանի մի հարիւր ձիավոր մեջ դաշտին կը գա:  
 Ասաց.— Թե ասեմ էսիկ զամեն ուխտավոր քե՛ն՝  
 Ուխտավոր զամեն ձիավոր չի՛ ըլնի.  
 Մա՛ս մի ձիավոր, մա՛ս մի ոտավոր տըլնի.  
 Ես ասեմ էսիկ ավե՛ր մարդ են, ավագա՛կ են.  
 Ես տ'էլնեմ, դուռ դարբաս զարկեմ,  
 Իմ մեջք տամ դարբասի առաջ:  
 Թե ուխտավոր էլավ՝ դուռ տի բանամ, գան ներս.  
 Թե ավե՛ր մարդ էլան, զաթի դուռ չե՛մ բանա,  
 Թող էլնեն, էրթան:  
 Ու Չարբահար Քամին էլավ իր մեջք տվեց դռան:  
 Խոլբաշին հի՛նգ հարիւր ձիավորով էկավ,  
 Էկան, մեռա՛ն, կտրա՛ն, չը կարցան դուռ բացեն:  
 Խելքով մա՛րդ մի կար մեջ գորքին, ասաց.  
 — Բերեք նապաստա՛կ մի զարկենք, շոր մի,  
 Դավթի շորի տեսակ, թաթխենք մեջ արունին,  
 Էդ շոր զարկենք մզրախի ձեր,  
 Ու պարիսպ վե՛ թալենք տակ, ասենք.  
 «Չարբահա՛ր Քամի, մենք քո տեր սպանե՛ր ենք,  
 Դու ո՛րտեղ տի մնաս, ի՞նչ տ'անես»:  
 Որ տեսնա Դավթի շորեր,

[Էջ 199]

Դարբասներ տի բանա, մենք տ'երթանք ներս:  
 Բերին էդ շոր, թալին պարիսպ վե՛ տակ:  
 Չարբահար Քամին տեսավ շորեր, ասաց.  
 — Էս Դավթի հագուստն է:

Բո՛ւտ մի մոխիր գցեց իր գլուխ,  
Համա դուռ բաց չարավ.  
Ինչ արի՛ն-չ՛արին, դուռ բաց չարավ:

Խոլբաշին գնաց վանքի պարսպի մոտ,  
Մեկ է՛լ կանչեց, ասաց.  
— Միաբաննե՛ր, վարդապետնե՛ր, դուռ բացե՛ք:  
Ասաց.— Անիրավնե՛ր, ձեր տեր զեներ եմ.  
Դուք դո՞ր կը մնաք՝ դուռ չեք բանա դեմ ինձ:  
Մենք գնացինք Սասնա Դավիթ ըսպանեցինք.  
Էլ ձեր հույս մեռա՛վ:  
Կուզե՞ք դուռ բացեք, կուզե՞ք մի բանաք,  
Չուր սև կուպր կը սիպտակի:  
Էսա բան որ լսին վարդապետներ՝  
Իրենք իրենց ասին. «Սասնա քաղաք ավերեր են,  
Մեր տեր ըսպաներ են,  
Էլ ինչպե՛ս մենք մնանք վեր աշխարհին»...  
Գիշեր, Չարբահար Քամու քնած պահին,  
Էնոնք ահու էլան, վանքի պարսպի դուռ բացին..  
Չարբահար Քամին գարթնավ քնուց,  
Էտո՛ւ վեր իր գլխուն, դռներ էթող բաց,  
Փախավ գնա՛ց, գնաց սար վե՛ր:  
Խոլբաշին գորքով մտավ վանք,  
Վանքի դուռ բռնեց, ինք կանգնեց դռան,  
Էդա հինգ հարիր ջան մտցրեց ներս.  
Թալանեցին, թախթըփեցին,  
Կտրեցին քառսուն վարդապետ մեջ խորանին,  
Կտրեցին քառսուն ավագ սարկավագ մեջ սենեկին,  
Կտրեցին քառսուն լուսարար  
Ու քառսունեն մեկ պակաս սարկավագ.  
Էն մեկ թաքնվավ սպանվածներու լեշերու տակ:  
Խոլբաշա գորքեր որ գնացին,  
Էն էլավ լեշերու տակեն,  
Առավ սարկավագի մի շապիկ,  
Թաթխեց սպանվածներու արնով,  
Հավար տարավ Սասուն, Դավթին:

[Էջ 200]

13

Սարկավագ էկավ, հասավ Սասուն:  
Էկավ Ձենով Հովանի սենեկ:  
Տեսավ՝ Դավիթ նստե, Դավթի քեֆ հասեր է.  
Սագեր արե խորոված՝ դրե փլավի վերա,  
Յոթ տարվա նռան գինին խմե,  
Ոտ թալե վեր ոտուն, ազապ լաճերու,

Ազապ աղջիկներու հետ կեր ու խում կ'անի:  
 Սարկավագ էկավ, էդոր դիմաց կանգնավ:  
 Ձենով Հովան ասաց.— Էդ ի՞նչ է եղե:  
 Սարկավագ ասաց.— Մեր վանք թալնեցին:  
 Դավիթ ծուռ է— Էկե նստե, քե՞՛ք կ'անի:  
 Ձենով Հովան սիլա՛ մի զարկեց սարկավագին:  
 Դավիթ էն կողմեն ասաց.  
 — Հրողբեր, ինչի՞ սարկավագին տփիր:  
 Ասաց.— Սարկավագ կ'ասի՝ Դավիթ ծո՛ւռ է,  
 Էկե, նստե, էստեղ քե՛ք կ'անի:  
 Դավիթ կանչեց սարկավագին, ասաց.  
 — Տեսնե՛ մ, արի էստեղ, ի՞նչ կ'ասես.  
 Էն ի՞նչ է պակաս իմ վանքին.  
 Խո՞ւնկն է պակաս, ձե՞թն է պակաս, ինչի՞ էկար,  
 Շուտ ա՛ռ, գընա՛, քո ժամուն հասի՛ր:  
 — Դավի՛թ,— ասաց էդ սարկավագ,—  
 Սպանեցին քառսուն էպիսկոպոս\*  
 Սպանեցին քառսուն վարդապետ,  
 Սպանեցին քառսուն ավագ սարկավագ,  
 Սպանեցին քառսուն լուսարար,  
 Սպանեցին քառսուն՝ մեկ պակաս՝ սարկավագ,  
 Վանք պլոկեցին, թալնեցին, առա՛ն, գընացին:  
 — Է՛,— ասաց Դավիթ,— ինչի՞ գլուխ կը ցավցնես:  
 Դարձավ Հովանին ասաց.— Հրո դբեր,  
 Սարկավագն էկեր է. խո՞ւնկն է պակաս,  
 Ձե՞թն է պակաս, մո՞մն է պակաս,  
 Տո՛ւր թող էրթա:  
 Սարկավագ մնաց շվար:  
 Չի կարնա հասկացնի Դավթին:

Դավիթ որ էտենց ասաց, չը հասկացավ,  
 Սարկավագ արնոտ շապիկ տվեց առաջ, ասաց.

-----

\* Երգ է:

[Էջ 201]

— Աստված քո տուն ավրի,  
 Ո՞ւր են քո էպիսկոպոսներ,  
 Ո՞ւր են քո վարդապետներ,  
 Ո՞ւր են քո ավագ սարկավագներ...  
 Դավիթ՝ որ տեսավ արնոտ շապիկ,  
 Գինին գլխից անցավ, ասաց.— Տըղա՛,  
 Էդա ի՞նչ է, ի՞նչ է եղեր:  
 — Դավիթ, մեռնեմ ես քեզ,— ասաց\*,—

Մպանեցին քառսուն էպիսկոպոս,  
 Մպանեցին քառսուն վարդապետ,  
 Մպանեցին քառսուն ավագ սարկավագ,  
 Մպանեցին քառսուն լուսարար,  
 Մպանեցին քառսուն՝ մեկ պակաս՝ սարկավագ:  
 Վանք պլոկեցին, թալնեցին, առան, գնացին:  
 — Ո՛ւրի,— ասաց,— վանք թալնա՞ծ,  
 Վարդապետներ սպանա՞ծ.  
 Դու եղպե՞ս կ'ասես, սարկավագ, ո՞վ էր, ո՞վ չէր:  
 Սարկավագն ասաց.— Խոլբաշին էր՝  
 Հինգ հարիր ձիավորով:  
 Ամեն ըսպանեց, ես էլ հազիվ փախա:  
 — Սարկավա՛գ,— ասաց Դավիթ,—  
 Էնոնք շո՛ւտ են գացած, թե նոր:  
 Ասաց.— Էնոնք էնտե՛ղ են գացած,  
 Կո, ես էստե՛ղ էկա:  
 Դավիթ էլավ կայնեց, ասաց.  
 — Ազա՛ պ լաճեր, ազապ աղջկե՛րք, կերե՛ք, խմե՛ք,  
 Ձեր քե՛ֆն արեք... Ես գնացի...

14

Իսկուն Դավիթ էլավ վագեց, մտավ Պառավու տուն:  
 Ասաց.— Պառավ, ես ո՞րտեղով էրթամ —  
 Էդ Խոլբաշու առջն բռնեմ.  
 Էն իմ վանք թալաներ, տարեր է:  
 Պառավ նշանց տվեց ճամփան, ասաց.  
 — Կ'երթաս էն Բաթմանա գետի վերան, կամրջի մոտ:  
 Էդ Խոլբաշին ո՛ւր էլ էրթա,  
 Տի գա, էդ տեղեն տանցնի:

\* Երգ է:

[Էջ 202]

Դավիթ իրա ոտքեր չըլտեց,  
 Իրա թևքեր վե՛ր էտու,  
 Գնաց, բարդի ծառ մի քաշեց,  
 Իր ձեռ քսեց վերան,  
 Չլուտկացուց, դրեց թևին, գնաց:  
 Գնաց՝ եղա ջոջ քարի տակ կայնեց:  
 Խելի ժամանակ կայնեց, նայե՛ց, նայե՛ց...  
 Դըռդըռոց մի, ձա՛յն մի չի՛ գա:  
 Ասաց.— Վա՛յ թե անցած ըլնեն:  
 Մեկ էլ լսեց, որ Խոլբաշին կ'ասի.

— Դավթի հե՛ր անիծեցինք,  
 Համ վա նք թալնեցինք,  
 Համ քառոտ ՚ն վարդապետ, սարկավագ կտրեցինք:  
 Դե՛հ, թող գա, իմ առջև առնի՛:  
 Դավիթ իսկուն կանչեց.  
 — Խորաշի, դու դո՛ր տի փախչես:  
 Խորաշին հետև աչկեց, տեսավ՝  
 Դավիթ բարդու ծառ մի քաշե գորքերու մեջ  
 Կը փարատի, ու կամրջի վերան  
 Մեկ է՛ս կողմեն շուռ կը տա ջուր,  
 Մեկ է՛ն կողմեն շուռ կը տա ջուր:  
 Էնոր գորքեր ամմեն ջարդեց, Էնոնք սպանեց,  
 Մնացած էլ լցեց գետ, Էնոնք էլ խեղդեց:  
 Իրիշկեց՝ մարդ չի՛ մնացե. տեսավ՝  
 Խորաշին իրեն ձիով անցե գետի Էն երես:  
 Ասաց.— Ձիո՛ւ տեր, ես կարնամ գամ քեզ ըսպանեմ,  
 Համա ես քեզ չե՛մ ըսպանի.  
 Դու գնա, Մելիքին բարո՛վ արա,  
 Ասա՛ դեռ Սասուն չի՛ մեռե.  
 Մեկ էլ թող էսպես բան չանի՛.  
 Ավեր բանից ինչ կը դառնա:  
 Է՛, Խորաշին կիշխենա՞, դառնա՞ պատասխա՛ն տա.  
 Կը գարկի ձիուն, կը փախնի:  
 Դավիթ կելնի կը դառնա Սասնա քաղաք:

## ՄԱՍՈՒՆՅԻ ԴԱՎԻԹ

[Էջ 203]

ԴԱՎԻԹԸ ՊԱՏՈՒՀԱՍՈՒՄ Է ՄԸՍՐԱ ՄԵԼԻՔԻ ՀԱՐԿԱՀԱՆՆԵՐԻՆ

1

Խաբար գնաց, հասավ Մըսրը:  
 Գընացին Մըսրա Մելիքին ասին.  
 — Մելիք, ի՞նչ կ՛անես.  
 Էն Սասունցի Ծուռ քո գորքեր ջարդեց...

Մըսրա Մելիք մեջի՛ս հավաքեց.  
 Խելացի մարդեր՝ ինչքան կար, ժողվեց,  
 Խորհուրդ հարցրեց՝ ճամփան շանց տան՝  
 Դավթի կյանք էրկրի էրեսից վերցուն:  
 Մեջ մեջլիսին Կոզբադին անունով  
 Կտրիճ փահլևան մի կար, Էն ասաց.  
 — Թագավո՛ր ապրած կենա, վայել չե՛մ տեսնի՛



Դու էրթաս վեր գյավուրի՛ն:  
Դու ինձ հազար փահլևան տաս՝  
Տ'երթամ, Սասնա քաղաք թալնեմ, բերեմ քեզի.  
Քառսուն էրկեն կնիկ բերեմ՝ ուղտեր բառնան,  
Քառսուն կոլոտ կնիկ բերեմ՝ էրկանք աղան,  
Քառսուն ազապ աղջիկ բերեմ քեզ արմաղա՛ն:  
Քառսուն արջառ, քառսուն էրինջ,  
Քառսուն ուղտու բեռով արծաթ,  
Քառսուն ուղտու բեռով ոսկի՛ բերեմ—քե խա՛րջ,  
Սասուն անեմ առ ու թալան:  
ԶԴավիթ էլ սպանեմ, գլուխ բերեմ քեզի:  
Մելիք ասաց.— Քաջ Կոզբաղին,

[Էջ 204]

Էդ իրավունք տվի՛ քո ձեռ:  
Կ'ելնես կ'երթաս Սասնա վերան:  
Կը բերես մեր յոթ տարվա խարջ.  
Քառսուն էրկեն կնիկ՝ մեզի ուղտեր բառնան,  
Քառսուն կոլոտ կնիկ՝ մեզի էրկանք աղան,  
Քառսուն կույս աղջիկ մեզի՝ արմաղա՛ն—  
Արջառ ու էրինջ, ոսկի ու արծաթ,  
Մեկ էլ Դավթի գլուխ:  
Կոզբաղին Մելիքին ասաց.  
- Մե՛ լիք, դու ի՞նչ տի տաս ինձի:  
Ասաց.— Թե դու էդպե՛ս արիր,  
Իմ կես թագավորություն կը տամ քեզի:  
Կոզբաղին կ'ելնի, հազար կտրիճ մարդեր կը ջոկի,  
Կ'առնի, որ էրթա Սասնա վերան:

2

Բաղին, Կոզբաղին, Սուդին, Չարխաղին  
Ու Մելքի տված գորք ու գորական ընկան ճանապարհ.  
Մըսրա քաղքի կընկտիք  
Երբ որ տեսան էնոնց,  
Պար բոնեցին, ասին.

«Բարո՛վ Բաղին ու Չարխաղին\*,  
Էդ ո՞ւր կ'երթաք էդպես վազան,  
Էյ Կոզբաղին, է՛յ դու Սուդին,  
Որ դարձեր եք էդպես զազան...»:  
Կոզբաղին վերցուց, էդ կընկտոցն ասաց.  
— Մտեք տուն, արեք շիվան\*,  
Էլեք դուրս, արեք դիվան.  
Կերթանք Սասան առ ու թալան.  
Կարմիր եզներ բերենք լծան,

Միրուն կովեր բերենք կրթան,  
Որ դուք անեք եղ ու չորթան:  
Կընկտոցից մեկ դարձավ ասաց,  
— Մասնա ծռե՞ր... թե ես գիտե՛մ՝  
Էդ ձեր ուզած թե՛ տան, թե տան:

-----  
\* Երգ է:

[Էջ 205]

3

Կոզբաղին իր գորքով գնաց,  
Գնաց ու Մասնա մոտկացավ.  
Մեջ դաշտին վրաններ զարկեց,  
Քառսուն մարդեր ջոկեց գորքից,  
Էդ քառսուն մարդ ու քառսուն ուղտ առավ,  
Գնաց Հովանի մոտ,  
Որ յոթ տարվա հարկ հավաքի:  
Ասաց.— Մեկիք ճամփե՛ր է մեզ,  
Որ յոթ տարվա ձեր հարկ տանենք:

Հովան էդ բան լսեց, — Դավթից կը վախենար,—  
Կանչեց ասաց.— Դա՛վիթ,  
Էսօր իմ սիրտ վիրու օջիսարի մի՛ս կ'ուզի.  
Գընա՛, օջիսար մի զարկ, բե՛ր, ես ուտեմ:  
ԶԴավիթ խաբեց ու ճամփեց սար,  
Որ Դավիթ խաբար չ'աներ, թե խարջ կը տան:  
Դավիթ էլավ գնաց սար:  
Վերգոն ու Կոզբաղին կ'երթան,  
Քառսուն աղջիկ կը ժողովեն,  
Կը լցնեն մեկ մարագ,  
Քառսուն երկեն կընիկ կը ժողովեն,  
Կը լցնեն մեկ մարագ,  
Քառսուն կարճ կընիկ կը ժողովեն,  
Կը լցնեն մեկ մարագ,  
Պատվու աղջիկն էլ կը տանեն:  
Կը տանեն արջառներ, կը տանեն երինջ,  
Կը տանեն եզներ, կը տանեն կովեր,  
Կը փակեն մեջ մարագներուն:  
Սուղին, Չարխաղին, Բաղին, Կոզբաղին  
Կը գան, կը մտնեն ոսկու զարգամբին.  
Կը գան, քուրսու վերան կը բազմեն.  
Վերգոն էլ կ'էլնի որ ոսկին չափի,  
Մըսրա Մեյքի ջվալներ լցնի:

Էդ վախտ Մըսրա գորք կը մտնի Սասուն քաղաք,  
Թալան-թուլան կ'անի:  
Կնիկ ու ապրանք կը տանի:

[Էջ 206]

4

Դավիթ սար-ձոր ընկած՝ իր որս կ'աներ:  
Սարեն իջավ Դավիթ՝  
Իր նիզակին վերա օջախ տնկած:  
Էկավ, մտավ Սասուն,  
Իր ձեռ էտու, ժանգոտ շեղբիկ մ'առեց իր ձեռ,  
Գնաց Պառվա շաղգամի մարգ,  
Շաղգամ քաղեց, շեղբկով մաքրեց,  
Ու շաղգամ ուտելեն մտավ քաղաք.  
Մտավ քաղաք, էկավ տեսավ՝ ինչ,—  
Ամեն օր որ կը գար, կը տեսներ՝  
Ասե՛լ խոսե՛լ ծիծաղ, ուրախություն՝  
Էս օ՛ր որ էկավ, տեսավ՝  
Ինչ որ քաղքի վերան հո՛ղ մաղես,  
Քաղաքն ինչ լա՛լ գոռա՛լ ծեծկուք,  
Մեր ու մանուկ ուրացեր են.  
Տեսավ Պառավ, ձեռները ծոց դրած՝  
Կը լա՛ կը մոռնա՛, կ'երթա, կը գա, կասի  
— Ավե՛ր, ավերվիս Սասուն,  
Մեկ թաք աղջիկ ունեի՝ էն էլ գերի՛ զընաց Մըսրը:  
Էդ ձեռն ընկավ Դավթի ականջ.  
Դավիթ էլավ, ասաց.— Պա՛ռավ,  
Էդ ի՞նչ է, էդ ի՞նչ խաբար է:  
Ասաց.— Գրող-մահ քեզ տանի, Դավիթ,  
Սասունա ծո՛ւռ, շաղգամակեր,  
Թող դարդակվի քո թամբ:  
Դավիթ ասաց.— Ինչի՞ համար ինձ կ'անիծես,  
Ի՞նչ եմ արե, Պառավ:  
Պառավ ասաց.— Ապա էն թաղթ նստող ո՞րն է:  
Ասաց.— Իմ հրողբեր Վերգոն է.  
Նանե, ինչի՞ ինձ կ'անիծես:  
Պառավ ասաց.— Հալա դեռ չանիծե՛մ,  
Մենք ի՞նչ նեղությունով, ի՞նչ տանջանքով  
Մեծացուցինք մեր աղջիկներ,  
Հիմիկ Վերգոն մեր աղջիկներ ժողվե,  
Լցե էն մարագներ,  
Որ տա, տանեն Մըսրա Մելքին:  
Գընա, տե՛ս, Կոզբաղին էկե՛  
Քո հրողբոր մոտեն խարջ կը տանի՝  
Մենք էդոնց խարջ տվո՞ղն ենք, ի՞նչ:

[էջ 207]

Դավիթ ասաց.— Պառա՛վ, Պառա՛վ,  
Կոզբաղին ո՞վ է, ի՞նչ խարջ է:  
Պառավ ասաց.— Հը՛, Կոզբաղին ո՞վ է...  
Կոզբաղին Մելիքն է ճամփե.  
Քառսուն կարճիկ կընիկ տանի\*,  
Քառսուն էրկեն կընիկ տանի,  
Քառսուն ազապ աղջի՛կ տանի:  
Կովեր տանի, եզնե՛ր տանի,  
Քառսուն ուղտի բեռնով ոսկի՛, արծա՛թ տանի;  
Աղջիկ, կընկտիք, ամեն տարե,  
Իրեք մեծ մարագներ արե,  
Հիմիկ էլ ոսկի՛ն կը չափեն:

Դավիթ շատ բարկացավ,  
Ամուր բռնեց Պառավու ձեռ, ասաց.  
— Պառավ, էդա բաներ ո՞ր տեղն է,  
Արի, էրթանք, ինձ նշանց տուր:

Պառավ Դավթին բերեց, նշանց տվեց գումեր,  
Ուր կարճ կընկտիք, էրկեն կընկտիք,  
Ազապ աղջիկ լցուկ էին:  
Դավիթ իրեք գումի դոներ կոտրեց,  
Դոներ բացեց, կընկտիք, աղջիկներ դուրս հանեց,  
Ասաց.— Իմ մերե՛ր, իմ քուրե՛ր,  
Դուրս էլեք, գնացեք ձեր տներ,  
Գնացեք, ձեզ համար աղոթք արեք,  
Ես կ'երթամ ձեր չար կը տանեմ:  
Դավիթ գնաց, արջառներու, կովերու դուռ էլ բացեց,  
Ասաց.— Աստծու անասուններ,  
Գնացեք ձեր տիրու դուռ:  
Ապա Դավիթ Պառավու ձեռ քաշեց, ասաց.— Պառավ,  
Արի՛ ոսկու զարգամբա տեղ նշա՛նց տուր ինձ:  
Ո՞ր տեղն է՝ կը չափեն ոսկին:  
Պառավ բերեց, էսապես. հեռու կայնեց.  
— Դավի թ, — ասաց, — իմ ձեռ թո ո,  
Որ չը թողնես, չեմ ասի:  
Դավիթ Պառավու ձեռ թողեց,  
Պառավ ասաց.— Դե՛հ, ահա՛, տե՛ս, էնա՛ է, տես:  
Ու խագնի դուռ նշանց էտու:

-----  
\* Երգ է:

[էջ 208]

Դավիթ էլավ, գնաց,  
 Տեսավ քառսուն փահլաններ  
 Խազնի դռան, թրեր հանե՛  
 Կես մեկ կողմեն, կես էն մեկէ՛լ՝ նստե:  
 Էնոնց բարև էտու, հարցուց.  
 - Տեսնես իմ հրողբեր էդ ի՞նչ կանի:  
 Ջուաբ տվին, թե ի՞նչ կը հարցուցես:  
 Ասաց.- Էրթամ էնոր օգնեմ: Նե՛ղն է:  
 Փահլաններ ասին.  
 - Էն ի՞նչ արեց, որ դու ի՞նչ անես:  
 Էս խոսքի վերան Դավիթ բարկացավ.  
 Վիրու օչխար դրավ գետին,  
 Բռնեց էն քառսունի վիզն էլ քաշեց,  
 Ինչպես մարդ հավու մի վիզ դուրս քաշի...  
 Էլ էտ վիրու օչխարն առավ իր թև,  
 Մտավ զարգամբին:  
 Դավիթ մտավ ոսկու զարգամբին,  
 Տեսավ՝ ոսկին գետնի վերան դիզած.  
 Տեսավ՝ Հովան ջվալների բերան բռնե,  
 Վերգոն էլ կոտ առե,  
 Կոտով ոսկի կը չափի՛, կը տա՛,  
 Կը լցնե՛ն, կը չափե՛ն, կը լցնե՛ն, կը չափե՛ն,  
 Կը դարդակեն, Մըսրա բեռնե՛ր կը լցնեն.  
 Հրողբերներ էնպես են քրտընե,  
 Կը լողան մեջ քրտընքին:  
 Դավիթ աչքեց տեսավ  
 Քուրսու բոլոր նստեր են.  
 Մեկտեղ Բադին, մեկ՝ Կոզբադին,  
 Մեկ՝ Չարխադին, մեկէլ՝ Մուդին:  
 Կոզբադին մեկ մեկ թիզ պոնգներ ունի,  
 Մուր-սուր ցըցված բեղեր ունի,  
 Որ մարդ տեսնի՝ կը սարսափի:  
 Էդ Կոզբադին նստե էնտեղ,  
 Որ հրողբեր ոսկին չափեր՝ կ՛ասեր՝ «Էրկու-ո՛ւ»  
 Կոզբադին կ՛ասեր - «մե՛-ե՛կ»:

Բարկութենեն արյուն լցվավ Դավթի աչքեր:  
 Հովան տեսավ՝ Դավիթ էկավ,

[Էջ 209]

— Համա խեղճ Վերգոն չը տեսավ:  
 Մեկ էլ Դավիթ էնենց բռնաց Վերգոյի վերա,  
 Վերգոն էնենց վախցավ, որ լավուտեց:

Իրիշկեց՝ Դավիթ գլխու վերև կայնուկ է,  
 Ասաց.— Դա՛վիթ, մա՛հ քեզ տանի.  
 Դիր մի քո հե՛ր բռնաց—ես վախեցա:  
 Դիր մ՛ել էդպես դու բռնացիր:  
 Դավիթ դարձավ Ձենով Հովանին, ասաց.  
 — Հրողբեր, էդա ի՞նչ է կ՛անեք:  
 Ասաց.— Ծո՛ւտ Դավիթ, քո թևի կեղտե՛ր կը սրբենք:  
 — Ա՛յ հրողբեր, իմ թևին կեղտ ուր է,  
 Չե՛ս տեսնա, որ չը կա, բա՛ն էլ չը կա:  
 Հովան ասաց.— Տե՛ս, հա՛ն, քո թևի վերան:  
 Դավիթ օչխար թևեն թալեց էն վերի տեղ,  
 Էկավ մոտ հրողբրանց:  
 Կամաց Վերգոյի ձեռ բռնեց, ասաց.  
 — Հրողբեր Վերգո, հրողբեր Հովան,  
 Դուք շա՛տ եք ծերացե,  
 Դուք չեք կարնա Սասնու ոսկին չափեք,  
 Տվեք, ես տի չափեմ, լցնեմ Մըսրա բեռներ.  
 Մեղիք որ խարջ կ՛ուզե,  
 Մեղիքի խարաջ ե՛ս տի տամ:  
 Էդա փահլևաններ ասին.— Ջանըմ.  
 Դե, էդա ճիժ թող դեն, քո գո՛րծ արա:  
 Դավիթ ասաց.— Չե՛, աստվա՛ծ գիտե, ե՛ս տի չափեմ:  
 Ձենով Հովան ասաց.— Դավիթ, գնա՛ քո բանին,  
 Քեզ բան չը կա՛ էսա գործին:  
 — Չե՛, — ասաց, — ես չե՛մ էրթա, տո՛ւր:  
 Ու ձեռ էթալ, հրողբոր ձեռեն կոտ խլեց,  
 Կոտ կործեց վեր բերնին, ասաց.  
 — Հրողբեր, լից, լից, ոսկի՛ լից:  
 Հրողբեր մեկ թիակ ոսկի լցեց չափի ոռք,  
 Դավիթ փետ էտու վերան, թափեց,  
 Դատարկ կոտ վերուց իր ձեռ,  
 Շրջեց ջվալի մեջ, ասաց.— Էսա մե՛կ էրկո՛ւ...  
 Կոզբադին չը դիմացավ, բռնաց, ասաց.  
 — Տո, ծո՛ւտ, էդ ի՞նչ է կ՛անես:  
 Գնա, տեղդ նստի, կելնեմ գլուխդ կը թոցում:  
 Բռնաց ասաց.— Ձենով Հովան, խաղա՛լի՞ք ենք.  
 Դու էդա ճիժ բերեր ես, որ ծիծաղա վեր մեզ:

[Էջ 210]

Կը տաս՝ տո՛ւր յոթ տարվա մեր խարջ.  
 Թե չե՛ս իտա, կ՛էրթամ Մըսրա Մեղքին կ՛ասեմ,  
 Կը գա Սասնա քաղաք կ՛ավերի, տանի:  
 Դավիթ հերոտտավ, էլավ, կանգնավ,  
 Էսպես, վիզ ծռելով՝ մեկ մ՛ել Կոզբադնի կողմ աչքեց,  
 Կոտ վերցուց, ասաց,  
 — Յա՛ հացն ու գինին, տեր կենդանին,

Մարութա բարձր Աստվածածին:  
 Ասաց, կոտ զարկեց Կոզբաղնի գլխուն:  
 Կոզբաղին իր գլուխ կոռեց, բարձր կպավ.  
 Թե Կոզբաղին գլուխ չր կոռեր,  
 Վիզ կը կտրեր, գլուխ կ'երթար:  
 Կոզբաղին շուտ մի էլավ՝ փախնի:  
 Դավիթ ընկավ հետև, Կոզբաղին բռնեց,  
 Էնոր շրթունքներ կտրեց,  
 Էնոր ատամներ քաշեց, շարեց ճակատ,  
 Բերեց, դրեց ձիու վերան,  
 Ոտքեր ձիու փորի տակ կապեց, ասաց.  
 — Դե, գնա, թագավորիդ բարև արա, ասա.  
 Էն Մհերի տղա Դավիթն էդպես արեց.  
 Մեկ էլ չը գա՝ Սասնա կընիկ, աղջիկ տանի՛.  
 Սասնա տուն դեռ չի՛ ավերվե՛,  
 Որ դուք էկե մեզեն խարջ ու խարաջ կ'ուզեք:  
 Մըսրա գավառ իրեն, Սասնա գավառ մեզի:  
 Թե չէ՝ ինչ իրմեն կը գա, թող չը խնայի:

6

Էլան քոռ ու փոշման Բաղին, Կոզբաղին,  
 Մուղին, Չարխաղին, իրենց գորք թողին  
 Փախան Մըսրա էրկիր:  
 Կոզբաղնի գորքեր էլ իրենց ավար քշե,  
 Հաներ էին Սասնա սինորեն դուս, կը տանեին:

Դավիթ էլավ, հեծավ իր ձին,  
 Քրշեց Կոզբաղնի գորքերի առաջ, կանչեց, ասաց.  
 — Էս մարդիկ ո՞ւր կը տանեք,  
 Էս թալան ո՞ւր կը տանեք:  
 Թողեք, գընացեք, քանի շո՛ւտ է.

[Էջ 211]

Խե՛ղճ էք, մի՛ թողեք, որ ձեր գլուխ կտրեմ:  
 Ասին.— Դու մե՛կ՝ մենք հազար.  
 Ինչպե՞ս կարնաս դու մեզի հետ...  
 Դավիթ մըզրախ քաշեց ու ընկավ մեջ,  
 Էդ գորք բոլոր ջարդ ու փշուր արեց:  
 Զժողովուրդ, կնիկ, աղջիկ,  
 Քաղքեն տարած ական-թալան հետ դարձուց,  
 Բերեց, հասավ Սասնա քաղաք,  
 Կանչեց զժողովուրդ, ասաց.  
 — Ամեն մարդ գա, իրեն ապրանք ճանչնա՛, վերցու  
 Ով որ ապրանք տվե՛, —  
 Թող գա իր ապրանք վերցու:

Ով որ ոսկի, փող տվե,  
Թող գա, իրեն ոսկի՛ն վերցու:  
Ով որ մեկ կորեկ ավե՛լ վերցու՝  
Կը գարկեմ՝ զգլուխ կը կտրեմ:  
Ամեն իր տվա ծ թող վերցու:  
Զապրանք, զոսկի, զփող  
Բոլոր ցրվեց, տվեց ժողովրդին.  
Ինք էկավ իր տուն նստավ:

7

Մուղին, Չարխաղին, Բաղին, Կոզբաղին  
Լեղապատառ կ'երթան, կը հասնեն Մըսըր:  
Կիրիշկեն, Մըսրա աղբըրի վերա  
Կնկտիք ժողվեր են՝ կժեր կը լցնեն:  
Կնկտիք զեղ տեղաց տեսան Կոզբաղին,  
Որ բերան բացած՝ ուրախ կը ծիծղա:  
Ասին.— Կոզբաղին խարջ բերե, կը գա:  
Համա Կոզբաղին գնաց, մոտեցավ,  
Տեսան՝ էնոր պոնգներ կտրտած,  
Ատամներ քաշած, բևեռած ճակտին:  
Կնկտիքըն ասին.— Տեսե՛ք մի, տեսեք,  
Մեր Կոզբաղին ինչպես կը գա լերան-լերան,  
Բերնից կը թափե չորթընե թան:  
Կոզբաղին որ քիչ մել մոտիկ էկավ կնկտոց՝  
Կնկտիքըն ասին ու խաղ արին.

[Էջ 212]

— Այ, Կոզբաղին, մեծաբերան\*,  
Կերթիր Սասուն՝ բերես թալան՝  
Քառսուն էրկեն կնկտիք բերես՝ ուղտեր բառնան,  
Քառսուն կարճիկ կնկտիք բերես՝ էրկանք աղան,  
Քառսուն կույս աղջիկ բերես արմաղան,  
Քառսուն բեռով ոսկի, արծաթ բերես թալան.  
Կարմիր կովեր բերես կթան,  
Որ մենք անենք եղ ու չորթան:  
— Ո՞ւր են հապա կարմիր կովեր:  
— Ո՞ւր են հապա են քու կնկտիք.  
— Հապա, էկար դու էտապես լերան-լերան,  
— Քո ատամներ ճակտիդ վերան շարան-շարան:  
— Ցեխո՛վ մովված մեծաբերան:  
— Իդա դիհեն գացիր՝ քանց գել գագան,  
Ու էն դիհեն էկար՝ քանց շուն վագան.  
— Մըզրախո՞ք քո վզեն կախուկ՝ քանց շան խառան  
Բերանդ է բաց՝ քանց պատուհան.  
— Փսի՞ք կ'երթա, քանց տոպրակի տակի թան՝



Ճանճեր վերան կապած քարվան:

Կոզբադին ամոթու եղավ՝ ձիու գըլուխ կոռեց,  
Ուրիշ ճամփով էրթա: Կնկտիք տեսան՝  
Էնոնց մարդիկ գացած՝ հետ չե՛ն իգա:  
Շատերու աչք ճամփին էր— բոռացին, ասին.  
— Աբա մեր էրիկներ ո՞ր տեղ թողիր:  
Դարձավ ասաց.  
— Այ կընկըտիք շատախոսան\*,  
Ես գիտեի, թե էդ Սասուն դաշտ է, դուրան,  
Չը գիտեի՝ քար էր, կապան:  
Էնտեղ, ճժեր, որ նոր էլած՝ դիվանական  
Իրենց նետ կա՝ քանց ձիթհանի գերան,  
Էնոնք խոտե՛ր ունին կծան,  
Էնոնց թրերը կեծական,  
Էնոնք կը զարկեն մարդու ջան,  
Մարդու լեշ կ'անեն պատուհան.  
Ձեր էրիկներ էնտեղ ընկան.  
Շատ մի անձրև կը գա գարնան՝

-----

\* Երգ է:

[Էջ 213]

Մասնա տեղաց հեղեղ կը գա,  
Ձեր մարդերու քիթ ու ականջ՝  
Կրերի ձեզ՝ եղ ու չորթան:

8

Մնաց: Օր մը, էրկու՝ վերա անցավ.  
Մըսրա Մելիք հարցում արեց իր Մեջլիսին.  
- Կոզբադին որ գնաց Սասուն՝  
Խարջ ու խարաջ դեռ չի՞ բերե:  
Ջուաբ տվին Մըսրա Մելիքին, թե— Հա՛լ, հավա՛լ...  
Կոզբադին ե՛տ էկավ Մըսրը:  
Մելիք ասաց.— Կանչեք, թող գա՛, գա էսատեղ:  
Կոզբադին ամոթու չէկավ:  
Էդ վախտ, որ Կոզբադին գորքեր սպանն՛լ էտու,  
Էնոնց բարեկամներ ժողվան Մելիքի դուռ,  
Գանգատ արին, ասին.  
- Կոզբադինին տարեք Մելիքի Դիվանխանեն, դատեք:  
Մելիք չորս մարդ ճամփեց Կոզբադինի հետև:  
- Գնացե՛ք,— ասաց,— գոռո՛վ բերեք:  
Էդա մարդիկ գնացին, ասին.

- Վա՛յ, Կոզբաղին, Մելիք հրամա՛ն արե՛ տի գաս,  
Որ դու չը գաս մենք քե տրփելով տի տանենք:  
Երբ Կոզբաղին առան, բերին Մելիքի դեմ,  
Տեսավ՝ էնոր ակոեք քաշած՝ զարկած ճակատ՝  
Շա՛տ բարկացավ, ասաց.— էդ ի՞նչ է էդե քեզ:  
Դու շատ կտրիճ կայիր էստեղ\*.  
Ասիր տ՛երթամ Սասուն թալնեմ,  
Ո՞ւր են ապա, բեր մի տեսնեմ:—  
Քառսուն-քառսուն էրկեն կնիկ,  
Քառսուն-քառսուն կոլոտ կրնիկ,  
Քառսուն-քառսուն կույս աղջիկ արմաղա՛ն:  
Հապա ի՞նչպես գացիր Սասուն,  
Էդքան կտրիճ մարդեր տարար.  
Ո՞ւր են ապա էդ քո մարդեր:

Կոզբաղին ասաց.— Թագավո՛ր, ապրած կենաս,  
Սասնա մեջ Դավի՛թ դուրս էկավ,

-----

\* Երգ է:

[Էջ 214]

Էնի քո հրաման չը լսե՛ց:  
Մեր գորք ջարդեց, յոթ տարվա խարջ չէտուր,  
Մեզ էլ էսպես խեղեց:  
Ասաց. «Դե ե՛լ, գնա՛ ,  
Բարև՛ տար դու Մըսրա Մելքին,  
Թող ի՛նք գա իր խարաջ տանի,  
Ես ձեզի խարաջ տվող չե՛մ:  
Մըսըր էնոր, Սասուն մեզի:  
Չե՞՛, չի՞ ուղի: Ինչ կուզի՝ թող անի»:  
Շա՛տ կտրիճ տըղա դառեր է Դավիթ.  
Էնպես կտրիճ տըղա չըկա ...

9

Էդ որ լսեց՝ Մելիք կատղա՛վ,  
Կատղավ, արուն էլավ աչքե՛ր,  
Էլավ, էկավ իր տուն, ասաց.  
— Ա՛խ, մարե, ա՛խ, մարե,  
Ես էն օր՝ Դավթին տի սպանեի՛, դու չը թողի՛ր:  
Տեսա՛ր՝ հիմիկ ի՞նչպես վեր ինձ  
Զոռբայություն կը բանացնի:  
Ես զուր էն քո ասած արի:  
— Հա՛, — ասաց մեր,— դու իմ ասած չ՛արի՛ր.

Դու Կոզբադնի՛ ասած արիւր:  
 Մելիք ասաց.— Ես քո ո՞ր ասածն էր՝ չարի:  
 Ասաց.— Որ դու իմ ասածն անէիր,  
 Տարին էրկու անգամ դու տ՛երթայիր իր տուն  
 Ու տեսնէիր Դավթին.  
 Ու դեռ Դավի՛թն էլ կանչէիր՝ բերէիր տուն:  
 Էն վախտ կ՛ուրախանա ը, կ՛ասեր՝ աղբեր կա ինձ:  
 Էլ մարդ չէր կարնա քո վերա խոսի:  
 Մելիքն ասաց.— Մա՛ ըե, ես արա՛ բ եմ,  
 Դավիթ՝ հա՛յ է. էն ո՞նց կըլնի ինձի աղբեր:  
 — Մելիք,— ասաց Իսմիլ խաթուն,—  
 Է, քո խելք չի՞ կըտրի:  
 Շատեր՝ արաբ ու հայ, կըլնեն աղբեր.  
 Մեկ-մեկի տուն կ՛երթան  
 Ու իրար շատ կ՛օգնեն:  
 Էն Դավիթն էլ մեր պահած-շահած տըղե՛ն էր.  
 Թե աղեկ վարվէիր իր հետ՝

[Էջ 215]

Դավիթ քո խոսք տի կատարեր...  
 Աղե՛ կ, Դավթի մոտ չը գնացիր,  
 Դավիթն էլ չը կանչի՛ ը քո տուն,  
 Էլ ի՞նչ ունէիր Դավթի հետ,  
 Որ ճամփեցիր՝ յոթ տարվա խարջ ուզիր:  
 Դավիթն էլ տեղ հանեց:  
 — Մարե՛,— ասաց Մելիք,—  
 Դավիթ էդա բանե՛ ը հանեց իմ գլուխ,  
 Որ ամոթու մե՛ջ էդ քաղքին  
 Չեմ կարնա գլուխ հանի դուրս:  
 — Մելի՛ ք,— ասաց Իսմիլ խաթուն,—  
 Էլ դու Դավթի հետ գործ չունե՛ս.  
 Էլ բադալ բադալի՛ն էլավ.  
 Ես մեկ թուղթ կը ճամփեմ Դավթին,  
 Դավիթ քեզ հետ կը բարիշցում.  
 Էլ էնոր հետ դու գո՛րծ չ՛ունես:  
 Է՛, Մելի՛ քն է, կը դադարի՛:— Մարե՛,— ասաց.—  
 Քանի՛ ես քո ասածն արի՛ վնաս տեսա:  
 Կամ ես գԴավիթ կը սպանեմ,  
 Կամ Դավիթ ինձի կը սպանի:  
 — Մելի՛ ք,— ասաց Իսմիլ խաթուն,— իմ խո՛սք արա,  
 Դու չե՛ս կարնա գԴավիթ սպանի:  
 Որ ասաց՝ դու չես կարնա գԴավիթ սպանի՛  
 Մելիք բարկացավ.  
 Էլավ, իր վագիրի ձեռնեն բոնեց.  
 — Էլի՛, էրթա՛նք,— ասաց:

Մելիք գնաց մեջ քաղքին,  
 Քաղքի խելոք մարդիկ ողջ ժողովեց,  
 Առաջ էդա խելոք մարդկանց հարցմունք արեց:  
 Շատեր կային՝ ավերություն չէի՛ն ուզի.  
 Շատեր կային՝ որ կ'ասեին. — Մե՛ լիք,  
 Դավիթ քեզ ի՞նչ վնաս կը տա իսկի.  
 Դավիթ միամիտ իր տան նստե,  
 Դո՛ւ ես ավերություն արե,  
 Էլի դո՛ւ ես, որ չես դադրի:

[Էջ 216]

Մելիք էդ մարդերու հետ էլ խորհուրդ չ'արեց:  
 Ջո կ'մարդերու հետ զրուցեց.  
 Ասաց. — Դո՛ւ ք ինչ կ'ասեք.  
 Մենք Դավթի հետ կռի՛վ տ'անենք:  
 Ասին. — Մե՛ լիք, էսօր Դավիթ քսան տարեկան է.  
 Դավիթ դեռ չը գիտե կռվել.  
 Թե դու էսօր կռիվ չ'անես՝  
 Թե որ Դավթին դու չը սպանես,  
 Էն որ էլավ էրեսուն տարու,  
 Քեզ կը սպանի ու զՄըսըր էլ կը զավթի.  
 Ադե՛կն է՝ քո ամեն գորք ժողովես,  
 Էրթաս Դավթի վերա կռիվ:  
 Թե որ դու մեզ ականջ դնես՝  
 Էդա ամե՛ն բանեն լա՛վ է: Էս տարի թե չ'երթաս  
 Էլ Դավթին վրա չե՛ս կարնա...

Մելիք դարձավ խելոք մարդերու վերա  
 Գոռա ց, կանչե ց, ասա՛ ց.  
 — Կերթամ Սասուն, Սասուն կավերե՛մ:  
 Ըզհող ու ջուր, ըզժողովուրդ կը վերում,  
 Քանդեմ, տանեմ  
 Մըսրա հետև նոր քաղաք մի շինեմ.  
 Էլ թող Սասուն անուն չըլնի մեջ աշխարհին:

[ներդիր]

Ինձ պետք են հազար–հազար անբեղ, անմորուս զինվոր

ՍԱՍՈՒՆՑԻ ԴԱՎԻԹ

[Էջ 217]

ԴԱՎԹԻ ԵՎ ՄԵԼԻՔԻ ՄԵՆԱՄԱՐՏԸ

1

Իրեք կողմըն աշխարհի Մըսրա Մելքի ձեռն էր.  
Մենակ մե կ կողմն աշխարհի Դավթի հայրենին էր.  
Մելիք կանչեց, իրեն իշխաններ ժողվեց,  
Հետո բերավ, տաշտ մի դրեց իրեն առջև,  
Ածելի զարկեց իրեն ճակտին,  
Արուն թափվեց, տաշտ լցրեց:  
Բացեց Մելիք մեկ թուղթ,  
Էն արնով գրեց գորականչ.  
«Թղթիկ մի գրեմ հարավային\*,  
Թղթիկ մի գրեմ հյուսիսային,  
Թղթիկ մի գրեմ արևելյան,  
Թղթիկ մի գրեմ արևմտյան,  
Իմ բոլո՛ր գորքին ու գորապետին,  
Զենքեր վերցնո՛ղ, թող գա՛ ,  
Պատերա՛զմ է.  
Էկե՛ք, էկե՛ք.  
Իսա՛ չ պարոններ,  
Սակո՛ի գլխներ,  
Լե՛ն ճակատներ,  
Թիա՛ կ լեզվներ,  
Էկե՛ք վեր գյավուրին.  
Պատերա՛զմ է, պատերա՛զմ...

-----  
\* Երգ է:

[Էջ 218]

Ինձ պետք են հազա՛ր—հազար անբեղ, անմորուս զինվոր.  
Ինձ պետք են հազա՛ր—հազար էն մոր մինուճար զինվոր.  
Ինձ պետք են հազա՛ր—հազար թխամազ մորուսով զինվոր.  
Ինձ պետք են հազա՛ր—հազար սիպտակ մորուսով զինվոր.  
Ինձ պետք են հազա՛ր—հազար կարմիր մորուսով զինվոր.  
Ինձ պետք են հազա՛ր—հազար սիպտա՛ կ ձիավոր,  
Ա՛խ, սիպտա՛ կ ձիավոր.  
Ինձ պետք են հազա՛ր—հազար կարմի՛ր ձիավոր,  
Ա՛խ, կարմիր ձիավոր.  
Ինձ պետք են հազա՛ր—հազար սև-սև՛ ձիավոր,  
Ա՛խ, սև-սև՛ ձիավոր.  
Ինձ պետք են հազա՛ր—հազար փո՛ղ փչողներ,  
Թմբո՛ւկ զարկողներ,  
Ա՛խ, թմբո՛ւկ զարկողներ,

Էկե՛ք, Էկե՛ք, ինձ պետք են բյուր-հազար հետևակ զինվոր,  
Ա իս, հետևա կ զինվոր:  
Էկեք, Էկեք վեր գյավուրին.  
Պատերազմ է, պատերազմ»:

Քիչ ժամանակ վերա անցավ.  
Մըսրա Մելիք տեսավ,  
Որ չորս կողմեն օգնականներ հասան:  
Էն ժամանակ էլավ Մելիք,  
Ձենով ասաց.  
«Էկա՛ն, որ Էկան լոտրիկ ջահելներ\*,  
Էկա՛ն, կո հարի՛ր հազար համար,  
Էկա՛ն, որ Էկան թառքեղ ջահելներ,  
Էկա՛ն, կո հարի՛ր հազար համար,  
Էկա՛ն, որ Էկան մորո՛ւս կնդուկներ,  
Էկա՛ն, կո հարի՛ր հազար համար,  
Էկա՛ն, որ Էկան փողե՛ր փչողներ,  
Էկա՛ն, կո յո՛թ թագավորներ՝ չորս կողմ աշխարհեն  
Էկա՛ն, որ Էկան իմ կտրի՛ճ օգնողներ,  
Պատերազմ է, Մելիք, պատերազմ...»:

Էնպես, անթիվ ու անհամար ձիավորներ Էկան,  
Որ Մըսրա գետ հասած ժամանակ

-----

\* Երգ է:

[Էջ 219]

Առաջին Էկողներ ջրի կե՛ս խմեցին,  
Միջին Էկողներ ջրի մնացա՛ծ կես խմեցին,  
Հետո Էկողներ գետի քարե՛ր լիզեցին,  
Մնացած հեծելներ ծարա՛վ մնացին:  
Էկան հասան Մըսրա դաշտին, վրան զարկին  
Ու հարցում արին Մըսրա Մելիքին.  
— Մեր դուշման ո՞վ է, ո՞ւմ հետ տի կռվենք:

Պատասխան տվեց.— Դավիթ անունով Սասնեցին.  
Ինձի շատ ու շատ մարդ է կոտորե.  
Օգնություն տվեք,  
Կռի՛վ տ՛երթամ էդ Դավթի դեմ:

2

Էդ գիշեր Իսմիլ խաթուն իրեք էրագ տեսավ.  
Քուն որ փախավ՝ էլավ էկավ,

Տըղի բարձի վերև նստեց, ասաց.  
 — Մե՛ լիք, ո՛րդի, մեկ է՛ լ կ'ասեմ,  
 Դու մի՛ էրթա Դավթի վերան:  
 Ես էս գիշեր էրա՛ գ տեսա.  
 Մըսրա աստըղ մութ, խավար էր,  
 Մասնա աստըղ լո՛ւս, պայծա՛ ո էր.  
 Ու մեկ դի՛ր էլ էրագ տեսա՝  
 Մեր Մըսրա ձին փախեփա՛ խ էր,  
 Մասունա ձին հասեհա՛ ս էր.  
 Էն մեկ դի՛ր էլ էրագ տեսա.  
 Մասնա էրկիր արև՛ էր, լո՛ւս էր, տա՛ք էր.  
 Մեր Մըսրա էրկիր ա՛ մպ էր, մո՛ւթն էր,  
 Մըժ էր, անձրև՛ կը գար:  
 Հեղեղ կայնավ. հեղեղի ջուր դառավ արուն,  
 Ու ջանդաքներ մեջ կը տաներ...  
 Արի, մի՛ էրթա վեր Դավթին,  
 Դու իմ խոսքին ակա՛նջ արա:  
 Մե՛ լիք ասաց.— Մո՛ւս, խաբերա,  
 Դու քեզ համար կը քնես՝ էրագ ինձ համա՞ր կը տեսնես:  
 Տ'էրթամ Մասնու վերան:  
 — Որ տ'էրթաս,— ասաց իր մեր,  
 Ես է՛ լ տի գամ, մենակ չե՛մ թողնի քեզ:

[Էջ 220]

Մե՛ լիք ասաց.— Դու կընիկ էս, մի՛ գա:  
 — Կը գա՛մ,— ասաց,— էս չե՛մ դադրի:

Էլավ Իսմիլ խաթուն,  
 Ժողվեց քառսուն աղջիկ, քառսուն կնիկ,  
 Ու էրկու ձեռք շավար քաշող,  
 Ու էրկու ձեռք գուռնա փչող առավ,—  
 Էդ աղջիկներ խաղալո՛ւս ապով առավ,—  
 Մե՛ լիքի հետ զընաց Մասուն:

Մե՛ լիք իր գորքեր առավ,  
 Ինք էլ ընկավ գորքի առաջ  
 Ու դուրս էլավ Մասնա վերա:  
 Էկավ ու մեջ Լեռա դաշտին բանա՛կ դրավ  
 Ու անհամար վրա՛ն զարկեց:  
 Էնոր բանակ էնքան էր մեծ,  
 Որ չուր հետինն էկավ, հասավ,  
 Առջին էկող քարեր քաղեց, ավագ մաղեց  
 Ու գետ կըտրեց...

Էդտեղ Մե՛ լիք թուղթ մի գրեց Դավթին.  
 — Դավի՛թ, կռի՛վ տ'անես, արի՛ իմ դեմ,

Չէ հո՛ տի տամ ես իմ գորքեր քաղքի վերա  
Ու ինչքան ո՛րձ կա՛ տի սպանեմ,  
Կրա՛կ տի տամ Սասնա քաղաք ու տի վառեմ,  
Ջրհեղեղի տակով տ՛անեմ,  
Սասնա քար-հող քշեմ գերի:  
Առան էդ թուղթ, բերին, տվին Հովանի ձեռ:  
Ձենով Հովան կարդաց, ասաց.  
— Ձա՛նըմ, էսա ո՛ւմ վերան է՛ կը գա կըռիվ,  
Էսքան գորքեր ժողվե-էկեր է, ի՛նչ տ՛անենք:  
Ոչ մա՛րդ ունենք, ոչ գո՛րք:  
Կը լա Հովան՝ մորուսը վե,  
Կը թափի տաք արտասուքներ:  
— Հե՛, բարերա՛ր աստված,— կ՛ասի,—  
Դո՛ւ օգնություն հասնես մեզի:

Մասուն էդ թուղթ որ կարդացին՝ ահ-դող ընկան.  
Ամա Դավիթ դեռ չէր լսե:

[Էջ 221]

3

Ձենով Հովան Մելիք գրած էդ թուղթ առավ՝  
Գնաց Վերգոյի մոտ:  
Երբ որ Վերգոն լսեց՝  
Մելիք մեծ գորքերով էլե՛ր, էկե,  
Ջարկե վրան, ասաց.  
— Հովան, մեր ձեռքեն չի՛ գա, որ կովենք,  
Բերենք Դավթին, նստենք, քե՛ֆ մի անենք,  
Խաբենք Դավթին, խմեցուցենք,  
Էլնենք, տանենք կընիկ, աղջիկ,  
Ոսկի-արծաթ տանք Մելիքին,  
Անցնենք էնոր թրի տակով,  
Բալքի Մելիք խղճա մեզի:

Էլավ Ձենով Հովան, կեր-խում սարքեց:  
Դավթին կուշտ-կուշտ գինի տվին,  
Յոթը կանթեն պղինձ լցրին,  
Բերին, դրին իրենց միջև:

Թորոսն էլ էդ քեֆին էկավ,  
Ու իր միտ վե՛ ասաց.  
«Դավիթ տաքարուն տղա է,  
Ինքզինքը մեջ կովին վնաս կը տա,  
Խմեցուցենք՝ թող տուն մնա...»:  
Դարձավ ասաց.— Դավիթ,  
Թե էդ պղինձ գինին խմես՝ Մհերի տղեն ես,



Թե չը խմես՝ բիճ ես:  
— Քեռի՛, — ասաց, — լի՛ց մի տեսնենք էդա բարոշ:  
Քեռին պղինձ լցրեց լիք — չուր բերան:  
Դավիթ վերուց, դրեց բերնին,  
Խըմեց, խըմե՛ց, խլսուց թողեց,  
Պղինձ ընկավ գետին, ծակվավ:  
Դավիթ էնպես մի զինովցա վ—պառկավ, քնավ:  
Քեռի Թորոս ինք էլավ, թմբուկ զարկեց, ասաց.  
«Էլե՛ք, էլե՛ք\*,  
Քոթո թ, մոթո թ,  
Անուշ Քոթոթ,

-----  
\* Երգ է:

[Էջ 222]

Վժիկ Մըխո,—  
Ճընճղափորիկ,  
Ու Խոր Մանուկ,  
Ու Խոր Գուսան,  
Ու Ճոռ Վիրապ,  
Էլե՛ք, էլե՛ք,  
Էսօր լավ է, քանց ամեն օր,  
Էրթանք, տեսնենք —  
Շատեն՝ շա՛տ, ու քչեն՝ քիչ.  
Յա աստված էդ մարդո՛ւն կը տա,  
Յա թե՛ աստված կը տա մեզի՛»:  
Քեռի Թորոս երեսունինը վրան վերցուց,  
Առավ իր տան անդամներուն,  
Էլան, հեճան, գնացին.  
Գնացին Լեռա սարի գըլուխ,  
Իրենց վրաններ զարկեցին:  
Էրեսունինը վրան զարկեց Քեռի Թորոս,  
Մնաց, չուր լուս բացվի:

4

Քեռի Թորոսի կընկա, Սադուխտի սիրտ լցվավ,  
Սանդուխտ միտ վե ասաց.  
«Թորոսին էնտեղ կը սպանեն,  
Մեր տղեքներ էլ կը սպանեն,  
Կը գան, մեզի՛ էլ կը սպանեն,  
Մեր քոք կը բերեն, կը կտրեն»:  
Էկավ Սանդուխտ նստավ,  
Լացեց Դավթի գլխու վերև:

Էնոր արտասուքն օր թափավ Դավթի էրես,  
Դավիթ զարթնավ, տեսավ՝ ասաց.  
— Յա, նանե, աստված ինձ ր անի.  
Հալա ես ո՛ղջ եմ—դու ինչի՞ կը լաս:  
— Ա՛յ Դավիթ, — ասաց. — լառ, գրո՛ղ քեզ խեղդի.  
Կոզբադնի գորք տվիր, ջարդիր.  
Մըսրա Մելիք անթիվ գորք է քաշե, էկե.  
Քեռիդ էլավ, զընաց դեմ էնոր:  
Քեռուդ Մելիք տի ըսպանի

[Էջ 223]

Ու գա, մեզի էլ տի ըսպանի,  
Մեր քոքըն տի կտրեն.  
Մեզի ամեն գերի տանեն:

Դավթի հերսըն էնպե՛ս էլավ,  
Որ քո՛ւն, գինովութե՛ն անցան:  
Էլավ, իր նետ-աղեղ առավ,  
Ասաց. — Նա՛նե, մի՛ վախենա,  
Հիմա կ՛երթամ, ես Մելքին պատասխան կը տամ:  
Էլավ, գնաց...

5

Գնաց Ձենով Հովանի մոտ, ասաց. — Հրողբեր Հովան,  
Ինձ զենք ու ձի մի տուր, կռիվ տ՛երթամ,  
Ձենով Հովան ասաց. — Գընա՛ ,  
Գոմի ձիերուց մեկ ջոկի,  
Օդի թրերուց էլ՝ թո՛ւր մի ջոկի:  
Վերգոն էդտեղ ծաղրով ասաց  
— Դավիթ, որ Մելիք կը սպանես,  
Էնոր ականջ ինձ նվեր բեր:  
Դավիթ ըռկավ, ամա բան չասաց:  
Դավիթ գնաց, գոմից կռուտ քուռա՛կ մ՛առավ,  
Թրերեն էլ ժանգոտ թուր մի առավ,  
Ձին հեծավ, քըշեց, զընաց:

Էդ վախտ արտատեր Պառավ էլավ դեմ Դավթին,  
Ասաց. — Դա՛վիթ, ո՛րդի, ի՞նչ տ՛անես:  
Ասաց. — Կ՛երթամ վեր Մըսրա Մելիքին կռիվ:  
Պառավ խնդաց Դավթի վերա, ասաց.  
— Դավիթ, ծո՛ւտ ես, որ էդոնցով կ՛երթաս կռիվ.  
Բա ափսոս չի՛, որ դու էն հոր տղան ըլնես:  
Դավիթ ըռկավ, ասաց. — Պառա՛վ,  
Հապա ինչո՞վ էրթամ կռիվ.

Կ'ուզես՝ անթարոցի՛ց, շիշի՛ց,  
Ի՛նչ որ ունես՝ հազի՛ր արա,  
Բե՛ր, էնոնցով էրթամ կռիվ՝  
Պառավն ասաց.— Դավիթ, մեռնե՛մ քո արևուն,  
Մի՛ բարկանա, կ'էրթաս, քեզ բա՛ն ասեմ՝ նո՛ր գրնա:  
— Պառավ, դե, շո՛ւտ, ասա տեսնեմ:

[Էջ 224]

Պառավ ասաց..  
«Մազյար չը կա՞ր քո հոր Թուրն Կեծակին\*,  
Մազյար չը կա՞ր քո հոր Քուռկիկ Ջալալին,  
Մազյար չը կա՞ր Քուռկուն Նալն պողպատի,  
Մազյար չը կա՞ր քո հոր Գյամն պողպատի,  
Որ դնես Քուռկիկ Ջալալու բերնին:  
Մազյար չը կա՞ր քո հոր Թամքը սաղաֆի,  
Ջանգուներ իր վերան կախուկ են ոսկի,  
Մազյար չը կա՞ր քո հոր Գուտն ի գլխին.  
Մազյար չը կա՞ր քո հոր Կապեն դադիֆե.  
Մազյար չը կա՞ր քո հոր Քամարն ի մեջքին.  
Մազյար չը կա՞ր քո հոր Շավարն ի ոտին.  
Մազյար չը կա՞ր քո հոր Կոշիկն ի ոտին.  
Մազյար չը կա՞ր քո հոր Խաչ Պատերազմին  
Վեր իր աջ թևին»:  
Ասաց.— Պառավ, էդ բոլոր ո՞րտեղն է:  
Պառավն ասաց.— Դավի թ, քո հրողբեր  
Անեծք դրեց էնոր վերան,  
Ով քեզ քո հոր բաներ, նշանց կը տա:  
Ասեմ՝ էնոր անեծքի տակը տի մնամ:  
Էլիբ, քանի դու էդապես շիվար էդար—  
Մըսրա Մելիքն էկե, քեզնից կռիվ կ'ուզե,  
Գընա, գոռի՛, Հովան թող դո՛ւրս հանի.  
Ամա խաթրով Հովան չի՛ տա էդա բաներ.  
Տ'էրթաս, էնոր փողպատ պինդ տի բռնես  
Ու գոռովեն տ'առնես:

6

Դավիթ գնաց հրողբոր մոտ.  
Իր ձեռ էթալ ու հրողբոր փողպատ բռնեց,  
Պինդ թափ էտու, էնոր ոտքեր հողից կտրեց:  
Ասաց.— Ես կուզեմ քենե իմ հոր Թո՛ւրն Կեծակին\*.  
Ես կուզեմ քենե իմ հոր Քուռկի՛կ Ջալալին՝  
Վեր ոտին Նալն պողպատի,  
Ես կուզեմ քենե Սա՛նձը պողպատի,  
Որ դնեմ Քուռկիկ Ջալալու բերնին:

-----  
\* Երգ է:

[Էջ 225]

Ես կուզեմ իմ հոր Թա՛ւքը սաղաֆի՛  
Վերան կախուկ զանգուններ ոսկի:  
Ես կուզեմ քենե իմ հոր Գուտն ի գլխին,  
Ես կուզեմ քենե իմ հոր Կապա՛ն դադիֆե,  
Ես կուզեմ քենե իմ հոր Քամա՛րն մեջքին,  
Ես կուզեմ քենե իմ հոր Շալվա՛րն ի ոտին,  
Ես կուզեմ քենե իմ հոր Կոշի՛կն ի ոտին.  
Ես կուզեմ քենե իմ հոր Իսա չ՝ Պատերազմին.  
Կըտաս տուր խաթրով —  
Չես ի տա՛ կը կայնեմ, զոռովե՛ն կանեմ:  
Հրողբեր դարձավ, ասաց.  
— Էն բերան կոտրի, որ քեզ սովորցուց.  
Էն քո գիտցած չէ՛ր, քեզի ուստա՛ կա:  
Էն տարին, ինչ Միեր մեռավ —  
Շեմքի տակ էնոր գեստեր խորեցի:  
Դե գնա՛նք, հանեմ:

Գնացին, հանին:

Դավիթ բերեց տուն, էդ գեստեր հազավ:  
Հրողբերն ասաց.— Մեռնե՛մ քեզ, Դավիթ,  
Քո հոր զենք-զրահ, կո՛ւ, էն ներքնատան:  
Քառսուն աստիճան սանդուղք ցած իջնես,  
Նո՛ր քո հոր զենքեր էն տեղեն հանես:  
Թե էդ զենք վերո՛ւս՝ դու կարնաս կռվես.  
Թե չէ՛՝ մի՛ էրթա, չէ՛ս կարնա կռվես:

Դավիթ էր՛ գնաց, իջավ ներքնատուն,  
Իր հոր զենք-զրահ տեսավ պատեն կախ:  
Էդ ամեն գրկեց, քաշեց իր թնին,  
Դուրս հանեց, բերեց Ձենով Հովանին:  
Ձենով Հովան էդ բան տեսավ, ուրախացավ:

Ասաց.— Բալքի Դավիթ իրա հոր տեղ բռնի:  
Ես Միերի աղբե՛ր էի՛ չէի կարնա դուրս բերեի,  
Ամա Դավիթ գրկեց, բերեց:

-----  
\* Երգ է:

[Էջ 226]

Ձենով Հովան ուրախացավ, ասաց.— Դավիթ,  
 Էն օրից, ինչ քո հեր մեռավ, մինչև էսօր,  
 Ես քո հոր ձին փակեր էի մեծ գոմ,  
 Դուռն էլ շարե. հերթիկեն խոտ ու ջուր կը տայի:  
 Մըսրա Մելքի ահուց չե՛մ իշխենա,  
 Որ դուռ բանամ, ձին հանեմ դուրս:  
 Տարավ Դավիթ Ձենով Հովան,  
 Հեռվանց գոմի դուռ շանց տվեց, ասաց.  
 — Դավիթ, քո հոր ձին էնտեղն է.  
 Թե դու կարնա՛ս՝ գնա քաշի, հան դո՛ւրս:  
 Դավիթ դուռ քանդեց, բացեց, մտավ ներս:  
 Ձին Մհերի գենք-գրահներ տեսավ թե չէ,  
 Ճանաչեց, ուրախացավ,  
 Տոճիկ տվեց ու խրխնջաց:  
 Դավիթ մոտիկ գնաց ձիուն, մազեր բռնեց,  
 Աչքեր մաժեց, քամակ մաժեց.  
 Ձին հոտոտաց, ձին լա՛ց էղավ:  
 Էլավ Դավիթ, զձին գոմեն քաշեց, հանեց:  
 Գոմեն էլան՝ ձին ճանաչեց, որ Մհեր չէր:  
 Պինդ աքացի՛ մեզար գետին,  
 Կրակ էտու ոտի տակեն:  
 Աստծու շնորհքով լեզու առավ, ասաց.  
 — Հողածին, հո՛ղ էս, քեզ հո՛ղ տի դարձնեմ.  
 Ինձ ի՛նչ տ՛անես:  
 Ասաց.— Ես քեզի տի հեծնեմ:  
 Ձին ասաց.— Քեզ էնպե՛ս տի բարձրացուցեմ,  
 Տի տամ արեգական—վառեմ:  
 Ասաց.— Կոլորվե՛մ քո փորի տակ:  
 Ձին ասաց.— Քեզ տի տակեմ սար ու ձորեր,  
 Ձարնեմ քարեր, ծառեր՝ փշրեմ:  
 Ասաց.— Տ՛օլորվեմ, էլնեմ քո մե՛ջք:  
 Ձին ասաց.— Հա՛յ գիղի մարդ,  
 Դու ինձ տե՛ր, էս քե՛զի՛ ըլնենք:  
 Դավիթ ձիուն ասաց.  
 — Քե տեր չը կար՝ էս քե տե՛ր կըլնեմ,  
 Քե թիմարող չը կար՝ էս քե թիմարող կըլնեմ:  
 Քե կեր տըվող չը կար՝ էս կեր տըվո՛ղ կըլնեմ:

[Էջ 227]

Դարձավ Հովանին՝ ասաց.— Հրողբեր,  
 Ես կուզեմ քենե Թա՛մբը սադաֆին:

Թամբ բերեց Հովան, իր միտ վե ասաց.  
 — Ինչ Մհեր էդ թամբ կը դներ ձիուն,

Ինչ թանգ կը կըքեր,  
 Ձիու առաջի էրկու ոտ գետնուց կը կտրեր:—  
 Ասաց.— Թե Դավիթ ձիու ոտ վերուց,  
 Թող էրթա կռիվ.  
 Թե որ չը վերուց չի՛ կարնա էրթա:  
 Դավիթ թամբ դրեց ձիու քամակին  
 Ու թանգ որ կքեց,  
 Ձիու չորս ոտն էլ գետնուց կտրեց:  
 Ասաց.— Հրողբե՛ր,  
 Տո՛ւր ինձ Մհերի Խաչ Պատերազմին:  
 Հրողբերն ասաց.— Ես չե՛մ կարնա տա.  
 Թե արժա՛ն էս՝ կը գա քո թևին,  
 Թե արժան չէս՝ չի գա քո թևին:  
 Էդտեղ աստծու հրամանով  
 Խաչ Պատերազմին իջավ վեր աջ թևին:  
 Դավիթ էլավ հոր ձին հեծավ,  
 Իր հոր ջոջ սագ էտու զարկել,  
 Փչեց իր հոր Պղլորի Փող,  
 Անգամ մի իր դռան առաջ գընաց, էկավ:  
 Սասուն ողջ ժողովավ էդտեղ:

8

Ձենով Հովան կայնեց, լավ մի աչքեց տղին,  
 Միրտ մրմըռաց, ըսկսեց լալ, երգով ասաց,  
 «Ա՛ խ-վա՛ խ, ախ-վա՛ խ, հազա՛ր ափսոս\*  
 Ափսոս՝ ա, հազա՛ր ափսոս Քուռկիկ Ջալալին,  
 Ա՛ խ, հալա Քուռկիկ Ջալալին,  
 Ափսոս՝ ա, հազա՛ր ափսոս Թամբը սադաֆին.  
 Ա՛ խ, հալա Թամբը սադաֆին.  
 Ափսոս՝ ա, հազա՛ր ափսոս Սանձը պողպատին,  
 Ա՛ խ, հալա Սանձը պողպատին.

[Էջ 228]

Ափսոս՝ ա, հազար ափսոս Գուտն ի գլխին,  
 Ա՛ խ, հալա Գուտն ի գլխին,  
 Ափսոս՝ ա, հազա՛ր ափսոս Կապան դադիֆե,  
 Ա՛ խ, հալա Կապան դադիֆե.  
 Ափսոս՝ ա, հազար ափսոս Քամարն ի մեջքին,  
 Ա՛ խ, հալա Քամարն ի մեջքին.  
 Ափսոս՝ ա, հազա՛ր ափսոս Կոշիկն ի ոտին,  
 Ա՛ խ, հալա Կոշիկն ի ոտին,  
 Ափսոս՝ ա, հազա՛ր ափսոս Խաչ Պատերազմին,  
 Ա՛ խ, հալա Խաչ Պատերազմին»:

Ձենով Հովան Դավթին չէր տեսնի,  
 Դավիթ իր ձիուն նստած՝

Ձեռ զարկեց վեր թրին,  
Տի քաշեր, զարկեր հրողբոր,  
Ձենով Հովան կանչեց.  
«Ափսո՛ւ, հազա՛ր ափսոս մեր թառլան Դավիթ\*,  
Ա՛խ, հալա մեր թառլա՛ն Դավիթ.  
Ափսո՛ւ, հազա՛ր ափսոս եղնիկն ջահել,  
Որ գնաց մեր Սասնա տնեն»:

Որ ասաց՝ «Ափսո՛ւ մեր թառլան Դավիթ»,  
Դավիթն ասաց.— Հրողբե՛ր,  
Դու մատա՛ղ ըլնես եղա մե՛կ խոսքին.  
Էղա մեկ խոսք որ չ՛ասեիր՝  
Քո վիզ տի զարկեի.  
Տըվի՛ եղա մեկ խոսքի խաթեր:  
Ինչի՞ առաջ ամե՛ն բանի ափսոսացիր— հետո ինձ.  
Առաջ ինձի՛ ափսոսայիր ու հետո էնոնք:  
Ե՞ս եմ ափսոս, թե՞ Թուր Կեծակին.  
Ե՞ս եմ ափսոս, թե՞ Քամարն ի մեջքին:  
Ասաց.— Դավի՞թ, քո գլխուն մեռնեմ,  
Ախր ես քո ապով կը լամ:  
Դավիթ ձիուց իջավ տակ,  
Պագեց իր հրողբոր ձեռ, ասաց.  
— Հրողբեր, հալա լ արա, ինչ ամագ տվեր ես ինձի:  
Հրողբեր Հովան եղ բան որ լսեց,  
Մհերի ջոջ սագ էտու զարնել,

-----  
\* Երգ է:

[Էջ 229]

Մհերի թմբո՛ւկ էտու ծեծել:  
Մհերի փո՛ղ էտու փչել:  
Հարսներ էկան, դեմ կայնան,  
Խաղով ասին Դավթին.  
«Դավիթ, երթալ քեզ չ՛ընի, դառնա՛լ քեզ ըլնի\*»  
Դառնալ քեզ ըլնի, մեր աղբեր Դավիթ.  
Չուր հիմիկ քեզ հարսնություն չե՛նք արեր —  
Նո՛ր տի հարսնություն անենք, մեր աղբե՛ր Դավիթ.  
Նո՛ր տի քո ձեռքին ջո՛ւր լըցնենք, մեր աղբե՛ր Դավիթ.  
Քո ոտներին սուլ տի դնենք, մեր ախպե՛ր Դավիթ.  
Քեզ հարսնություն ինձ տ՛անենք, մեր աղբեր Դավիթ»:

9

Դավիթ էլավ, թռավ վեր իր ձիուն,

Աստծու անուն տվեց,  
 Դարձավ, առավ խաթրը քաղքըցոց,  
 Դարձավ, առավ խաթրը գեղացոց,  
 Առավ Դավիթ խաթրը մարդ ու կընկտոց, ասաց.  
 — Աղբերնե՛ր, քուրե՛ր, դուք մի՛ վախենաք\*  
 Աստծու կամքով կ'երթամ ես կոհիվ  
 Օ՛, քուրեր, դուք կացե՛ք բարով,  
 Դուք ինձի քուրությո՛ւն եք արե.  
 Օ՛, մերեր, դուք կացե՛ք բարով,  
 Դուք ինձի մերությո՛ւն եք արե:  
 Բարի՛ դրկիցներ, դուք կացե՛ք բարով,  
 Դուք կացե՛ք բարով մե՛ծ ու պստիկով.  
 Իմ դուռ-դրկիցներ, ձեր էրես շա՛ տ եմ թոեր,  
 Ինձ հալա լ արեք:  
 Բարի տանտիկիներ՛ր, ինչ հա՛ց կը թխեք,  
 Դավթի անուն հիշեցե՛ք:  
 Ջահելնե՛ր, դուք է՛լ, ինչ որ քե՛՛ֆ կ'անեք,—  
 Դավթի անո՛ւն հիշեցե՛ք:  
 Իմ քուրե՛ր, մերե՛ր, իմ լա՛վ դրկիցներ,  
 Մնացե՛ք բարով:

-----

\* Երգ է:

[Էջ 230]

10

Երբ որ Դավիթ էս խոսք կ'ասեր՝  
 Իր մամիկ, Մըհերի մեր, Դեղձուն Ծամ,  
 Իր սուգեն էլավ սգահան:  
 Էն ժամանակեն որ Մհեր մեռեր էր,  
 Ու մամիկ մտեր էր յոթոտանու հետև,  
 Ծառա մի կար,  
 Էնոր հաց կը տաներ:  
 Էն օր, որ Դավիթ էլավ  
 Մհերի սագ էտու զարկել,  
 Էդ ծառան հաց կը տաներ Մհերի մոր:  
 Մհերի մեր ասաց.  
 — Էս Մհերի սագի՛ ձեն կ'առնի իմ ականջ,  
 Էս ի՞նչ բան է:  
 Ասաց.— Խանում, հալա դու դեռ չե՛ս հասկացե,  
 Դավիթ էլե, իր հոր շորեր հագե,  
 Իր հոր զենքեր կապե վեր ի՛ր,  
 Իր հոր Քուռկիկ Ջալալին հե՛ծե,  
 Իր հոր սա՛զն է, որ կը զարկի,



Կռի՛վ կ'երթա Մելիքի դեմ:  
 Մհերի մեր՝ էդ լսեց, թողեց իր սուգ,–  
 Էլավ, իրան տեղեն կայնեց, ասաց.  
 – Իմ մուրազ կատարվեց, տ'ելնեմ դուրս:  
 Գնաց, գլուխ փանջարեն վեր կախեց,  
 Աչքեց, տեսավ՝ նորմանուկ Դավիթ  
 Մհերի ձին հեծե, կայնե: Կանչեց.  
 – Քուռկի՛կ կ'Ջալալին, մեռնե՛մ քե, մուրա՛զ:  
 Դավիթ շա՛ տ զարմացավ, կայնեց:  
 Դեղձուն շարունակեց.– Քուռկի կ'Ջալալին\*,  
 Իմ Դավիթ հե՛ր չ'ունի՝ անես հերություն.  
 Իմ Դավիթ մե՛ր չ'ունի՝ անե՛ս մերություն,  
 Իմ Դավիթ աղբե՛ր չ'ունի՝ անե՛ս աղբերություն,  
 Իմ Դավիթ դու տանես իր հոր Կաթնով Աղբուր,  
 Դավիթ ձիուց իջնի, իջնի ջուր խրմի,  
 Իմ Դավիթ դու տանես իր հոր փորձաքար –  
 Դավիթ իր թուր զարկի, զարկի սան, փորձի:

-----  
 \* Երգ է:

[Էջ 231]

Քուռկիկ, քե ամանա՛թ իմ նորմանուկ Դավիթ:  
 Ձին վիզ թեքած լսեց, ասաց.– Շա՛ տ լավ, մամիկ:  
 Պատավ իր խոսք դարձուց Դավթին, ասաց.  
 – Դավիթ, քո օղորմած հեր իր ձիուն  
 Ամեն ճար ու ճամփա շանց է տվե,  
 Ձին էդ ամեն գիտի:  
 Դավիթն ասաց.– Շա՛ տ լա՛վ, մամիկ:  
 Ու էլավ Դավիթ՝ քրջեց Քուռկիկ Ջալալին:

11

Քշեց, գնաց մեջ հոր Ծովասարին.  
 Դավիթ որ Սասունեն էլավ՝  
 Էնպես մշո՛ւշ մի, դումա՛ն մի դրեց,  
 Որ Դավթի աչք ըսկի ճամփեն չե՛ր ջոկի:  
 Ամա Քուռկիկ աղավնիկի՛ նման թռավ:  
 Դավիթ ասաց.– Ջա՛ նըմ, էդ է՛լ աստծու բան է:  
 Կայնեմ, թողնեմ Քուռկիկ Ջալալու կամքին,  
 Ուր որ էրթա՛, թող էրթա՛ :  
 Քուռկիկ Ջալալի՛ն էր, գրնա՛ց, գրնա՛ց,  
 Էն յո թ օրվա ճամփան մի սհաթվան անցավ:  
 Էլավ բարձրիկ սարի գլուխ.  
 Որ էլավ էդ սարի գլուխ, կանգնեց.

Կանգնեց վեր էն Կաթնաղբրին:  
 Մըժ բացվավ, դուման բացվավ.  
 Քուռկիկ չոքեր էգար գետին, մնաց.  
 Դավիթ գիտցավ, թե ձին դադրավ, ասաց.  
 — Հեյ-վա խ, Քուռկիկ Չալալին,  
 Քո վի՛զ կոտրի,  
 Ես կ'ասեի՝ դու ինձ արնի գետե՛ր տ'անցուցես,  
 «Էս պո՛ւտ մի ջուր է—ինձ չե՛ս կարնա անցուցես:  
 Էսա տեղ որ էսպե՛ս կ'անես՝  
 Բա մեջ կովին ի՞նչպես տ'անես.  
 Ի՞նչպես տ'երթամ Մըսրա Մելիքի դեմ կռիվ:  
 Ասաց, զանգուն էգա ը,  
 Ձիու կողաշար կոտրեց:  
 Ձին ըռկավ, ասաց.  
 — Կարնամ զքեզ զարնեմ արեգական էրես  
 Համա քո հոր խաթրին չե՛մ իտա:  
 Դավիթ ըռկավ, քաշեց իր թուր,

[Էջ 232]

Ու Քուռկիկի վիզ տի կտրեր.  
 Թուր մինչև կես քաշեց՝  
 Էն դեհեն քամի՛ մի զարկեց էնոր ճակատ.  
 Դավիթ ուշքի եկավ—լսեց ձիու ձեն:  
 Ձին ասաց.  
 — Էսի քո հոր Կաթնաղբուրն է.  
 Իջի՛ տակ, ջո՛ւր խմի:  
 Իջի պո՛ւտ մ'էլ ջրից տուր իմ կողաշարին:  
 Դավիթ իջավ, ձիու գլուխ պագեց,  
 Պուտ մի ջուր էտու ձիու կողաշարք:  
 Դավիթ ձին էթող խոտերի մեջ արածա,  
 Ինքն էլ աղբուրեն ջուր խմեց,  
 Պառկեց, քնեց, հանգստացավ:  
 Ձին էլ կանգնեց արևու դեմ՝  
 Հով արեց վերան:

12

Քնից ակահավ, ի՞նչ տեսավ,— հզորացե,  
 Իր հոր հագուստ հազիվ կը գա վերան:  
 Ձին խրխնջաց, էկավ, կանգնեց Դավթի առաջ:  
 Դավիթ սանձ դրեց բերան, էլավ, հեծավ:  
 Խնդացավ, քըշեց, գնաց:  
 Ճամփին տեսավ մեկ էրկաթե սուն:  
 Ձին ասաց.— Դավի՛թ,  
 Էն սուն որ կը տեսնես՝ էնի քո հոր փորձաքա՛րն է:  
 Թե դու մեկ դարբից կտրեցիր՝ կ'երթա՛նք կռիվ.

Չը կտրեցիր՝ չե՛նք էրթա կռիվ:  
Դավիթ թուր քաշեց, մեկ դարբից էզարկ.  
Թուր Կեծակին էն սուն կտրեց, մեջեն անցավ:  
Էրկաթե սուն է—էդ սուր որ մեջեն անցավ՝  
Կտոր վեր կտորի՛ն մնաց.  
Դավիթ չ՛իմացավ թե թուր կտրեր անցեր է.  
Նոթեր կիտեց, էնոր սիրտ թոռումավ:  
Ասաց ձենով.  
«Ոտի՛ կ, դու թո՛ւ վ կենայիր\*.  
Չը գայի՛ ր, հասնեի՛ ր էստեղ:  
Որ իմ դարբ գարկեի՛ էդ սան,

-----  
\* Երգ է:

[Էջ 233]

Չը կտրեի՛ իմ սիրտ թոռումե՛ ր:  
Ձեռիկ, դու կոտո՞ր կենայիր,  
Որ ուժ էնքան չըկար քեզի,  
Զարնեիր, էն սուն շո՛ւ տայիր,  
Իմ սիրտ էսպես չը թոռումե՛ ր:  
Աչքի՛ կ, դու խավա՛ ր կենայիր,  
Որ էսա բան չը տեսնեիր,  
Ինչի էրկաթե սուն չը կտրեի,  
Որ գնայի կռիվ դեմ Մըսրա Մելքին»:

Մեկ էլ՝ Դավիթ տեսավ՝ քամի՛ էլավ.  
Էդա քամին փոթորկի՛ պես էկավ,  
Էկավ, գարկեց էրկաթե սուն,  
Սուն շո՛ւ առավ:  
Դավիթ գնաց, տեսավ,  
Իր գարկած տեղ թուր կտրե՛, անցե:  
Խնդացավ, ասաց.  
«Ոտի՛ կ, դու ուժո՛ւ վ ըլնես\*,  
Դու բարո՛ւ վ էկար էստեղ.  
Որ ես գարկեցի՛ էս սուն կտրի.  
Ձեռիկ, դու կանա՛ չ ըլնես,  
Թող քո ուժ է՛լ ավելի ըլնի,  
Որ Մելքի դեմ գնա՛ մ կռիվ.  
Աչքիկ դու լուսո՛ւ վ ըլնես,  
Որ էս բան տեսար»:

Ասաց, քշե՛ց իր ձին,  
Էն քարերուց, աղբրներուց, էն սարերուց.  
Հավալութեն ուզեց,

Մնաք բարև՝ ասաց, երգեց.  
«Օովասարու պաղ-պաղ աղբրներ\*,  
Մնացե՛ք բարով, բարի՛ մնացեք:  
Ես կ'երթամ կռիկ, կը ծարավնամ.  
Դուք ինձնից կարո՛ւտ մնացեք:  
Օովասարու պաղ-պա՛ղ դ քամիներ,  
Մնացե՛ք բարով, բարի՛ մնացեք,  
Ես կ'երթամ կռիվ, կը շոգնամ,  
Դուք հո՛ւ վ մնացեք»:

-----  
\* Երգ է:

[Էջ 234]

13

Ասաց, քրշեց, գնաց Մըսրա Մելիքի դեմ.  
Տեսավ՝ երկնուց աստղին հաշի՛ վ կար,  
Էնոնց վրաններին հաշիվ չը կար.  
Կայնեց բարձր սարի վերա,  
Տեսավ՝ որ գորք քանց ծովու ավազ շատ է:  
Գլուխ թափ էտու, ասաց.  
«Տեր աստված, ինչպե՛ս տերթամ կռիվ\*:  
Խնամք շա՛տ է մե՛ծ թագավորին:  
Էնոնք ըլեն գարնան մատղաշ գառներ,  
Ես ըլնեմ անոթի գել՝  
Չեմ կարնա էնոնց խեղդի.  
Էդ վրաններ ըլնեն դեզեր, ես ըլնեմ կրակ,  
Չե՛մ կարնա ես էդոնց վառի:  
Էդոնք ըլնեն մոխիր, ես ըլնեմ քամի՝  
Չե՛մ կարնա էնոնք տեղից վերցուցի»:

Ձին իմացավ Դավթի երկմտիլ, ասաց.  
— Է՛յ անիրավ, ի՞նչ կը վախենաս\*,  
Քանի մի քո թո՛ւր կը կտրի,  
Էնքան էլ իմ շո՛ւնչ կը կտրի.  
Քանի մի քո թո՛ւր կը կտրի,  
Էնքան էլ իմ ո՛ւտ կը տրորի:  
Դավիթ, մի՛ երկմտի, քրշի:  
Դու իմ քամկից վե՛ չը գաս, չը խաբվես:

Դավթի սիրտ պնդացավ էդ խոսքերով,  
Դավիթ քշեց, գնաց, ասաց.  
— Ջանըմ, ես տի խաբա՛ր անեմ ու նո՛ր տերթամ:  
Գնաց, էլավ Լեռա սարի գլուխ, կանչեց.— «Էհե՛յ\*,

Ով քրնած է՝ արթուն կացեք,  
Ով արթուն է՝ ձիւնը թամբեք,  
Ով թամբեր է՝ զենքն ը կապեք,  
Ով կապեր է՝ էլնք, հեծեք.  
Չ'ասեք Դավիթ գող գող էկավ,  
Գող-գող գրնաց»:

Ասաց, ընկավ էդ գորքի մեջ,  
Զարկեց, զարկեց, կանչեց.

-----  
\* Երգ է:

[Էջ 235]

«Վազն՝, Քուռկիկ, վազն՝,  
Կըտրն՝, թըրիկ, կըտրն՝...»:  
Կովան, զարկին, կոտորեցին,  
Արնն հեղեղ էլավ, լեշեր տարավ:

Էդ վախտ Քեռի Թորոս աչքեց  
Դեպի Մըսրա Մելքի գորք,  
Տեսավ՝ Մըսրա գորքերի մեջ  
Էնպէս մի կտրում ընկէ,  
Էնպէս վայնասուն ընկէ —  
Զիրար կը ջարդեն, կը կտրեն:  
Քեռի Թորոս դարձավ, ասաց.  
— Տղեկներ, վե՛ր էլեք, մեր աստված մե՛ծ է.  
Կտրում ընկէ՛ր է Մելքի գորքերի մեջ:  
Էլեք, մենք էլ ներքի դեհեն առնենք...  
Վերի դեհեն Դավիթ կտրեց,  
Ներքի դեհեն՝ Քեռի Թորոս...

Մըսրա Մելքի գորքի միջեն մարդ մի էլավ,—  
Մեկ ալևոր—յոթ տղու հեր:  
Մելքի էնոր յոթ տղեկներ գոռովեն էր բերեր կռիվ:  
Էդ ալևոր ասաց.— Հեյ-վա խ, հեյ-վա խ...  
Դուրս էկավ էն՝ առանց զենքի ու գլուխբաց՝  
Զորքի միջեն վազեց,  
Ասաց.— Ճամփա՛ տվեք, էրթամ Դավթի առաջ:  
Մի խոսք ասեմ, էսա գորք ազատեմ կովից:  
Էկավ, կանգնեց Դավթի առաջ,  
Ասաց.— Դավիթ, մեռնե՛մ քեզի,  
Ակա՛նջ արա, ձիդ դադրեցրու,  
Գամ՝ քեզի խո՛սք տ'ասեմ:  
— Ի՞նչ տ'ասես ինձ, հալվոր.— հարցուց Դավիթ:

— Դավի՛թ,— ասաց,— մեռնե՛մ քո արևուն.  
Չե՛ որ էնոնք էլ մա՛րդ են, իսան են.  
Ինչի՞ կը կոտորես, ինչի՞ կը սպանես,  
Չե՞ էդոնք է՛լ էրեխաներ ունեն,  
Տուն ու կընիկ ունեն:  
Էնոնց սպանես՝ ճժերու մեղք կ'ընկնի քո վիզ:  
Աղքատ ու խեղճ մարդ են էդոնք.  
Որը իր մոր մեկուճարն է,  
Որը նոր պսակված տղղա,

-----  
\* Երգ է:

[Էջ 236]

Որը իր օջախի սունն է,  
Որը հանգած մի տան ճրագ:  
— Ապա ինչի՞ էկած են, հետ ինձ կը կովեն:  
Պատասխանեց.— Մեզ ի՞նչ մեղք կա.  
Մըսրա Մելիքն է գոռովեն բռնե, բերե.  
Մըսրա Մելիքն է քո դուշման,  
Գընա իր հետ կռիվ արա:  
— Ապա Մելիքն ո՞ւր է հիմա:  
— Ա՛յ, էն կանաչ վրանի տակ քնա՛ծ է, տե՛ս,  
Ոսկի խնձորն էնոր չադրի գլխին դրուկ.  
Յոթն ազապ աղջիկ էնոր ճանճ կը քշեն,  
Յոթն ազապ աղջիկ էնոր ոտ կը մաժեն:  
Էն վրանից մուխ որ կ'էլնի՝  
Էն մուխն էլ հո մուխ չի,  
Էն շոգելքն էնոր բերնի:  
Դու որ էրթաս Մելիք սպանես՝  
Էդ գորք քեզի աղոթք տ'անի,  
Տի խնդանա ու ա՛ մեն մեկն իր տուն տ'երթա:

Էդտեղ Դավիթ խղճավորվավ,  
Զորք ջարդել վերջացուց,  
Դարձավ, ասաց.— Հա՛ լվոր,  
Աղեկ խոսք ասացիր.  
Ես քո ասած տ'անեմ:

14

Դավիթ քշեց իր ձին, զընաց,  
Մելքի վրանի դուռ կայնեց.  
Տեսավ՝ Մելիք վրանի տակ  
Մեջ վերմակին կռլոնվե՝ պառկե:

Յոթն աղջիկ էնոր չորս դին նստե՝ ճանճ կը քշեն,  
 Յոթն աղջիկ իր ոտ կը մածեն,  
 Իսմիլ խաթուն նստե Մելքի գլխու առջև,  
 Էրկու արաբ ծառայող էլ դռան կանգնած:  
 Դավիթ արաբներին ասաց.  
 — Վե՛ր հանեք էրա ձեր աղեն,  
 Կանչեք, Մելիք թող դուրս գա դուռ:  
 Էդ արաբներ ասին.  
 — Մենք չենք կարնա, էնի յոթըն օր տի քնի:  
 Իրե՛ք անցե, չո՛րս օր էլ կա, որ վեր էլնի:

[Էջ 237]

Դավիթ ասաց.— Ես չե՛մ դադրի,  
 Չուր էնիկ իր քեֆով էլնի:  
 Քընի-մընի ես չե՛մ գիտի,  
 Շուտ մի կանչեք, թող դո՛ւրս էլնի,  
 Թե մահ չունի՝ մա՛հ եմ բերե.  
 Թե գրող չունի՝ գրող եմ դառե.  
 Էնոր ջո՛ջ քուն կը քնացնեմ:  
 Էլան՝ շամփուր կարմրցուցին,  
 Դրին Մելքի ոտների տակ:  
 Ասաց.— Օ՛ֆ, աղջիկներ,  
 Ինչի՞ իմ տեղ լավ չեք շինե.  
 Լու կա իմ տեղ, ինձ կը խածե:  
 Ասաց, էլի մնաց քնուկ:  
 Բերին՝ գութնի խո՛փ մի կարմրցուցին,  
 Դրին էնոր ոտների տակ:  
 Ասաց.— Օ՛ֆ, մեջ իմ տեղաց ինչքա՛ն լու կա:  
 Ինձ կը խածեն, չեն թողնի՝ ես քնեմ:  
 Դավիթ էդտեղ չը համբերեց, քաշեց նիզակ,  
 Ջարկավ, Մելքի կրունկ ծակեց:  
 Ասաց.— Մե՛լիք, դե վեր էլի, բա՛վ է քնես:  
 Մըսրա Մե՛լիքն ասաց.— Օ՛ֆ - օ՛ֆ,  
 Չե՛ք թողնի դինջանամ:  
 Էլավ, նստեց.  
 Մեկ ձեռ դրեց էսա՛յ քի վերա,  
 Մեկ ձեռ դրեց մեկե՛լ քի վերա,  
 Աչքեր սրբեց, էսպես իրիշկեց դուրս,  
 Տեսավ Դավիթ իր ձին հեծե՛  
 Մեջ արնին շաղախվե,  
 Վրանի դուռ կանգնե:  
 Մելիք որ ճանաչեց զԴավիթ,  
 Փչեց, որ թոցնի տեղեն:  
 Տեսավ՝ Դավիթ իրար չեկավ:  
 Մելքի մոտեն քառսուն գոմշի ուժ պակասեց:  
 Դավիթ ասաց.— Էկել եմ, որ կռվենք:

Մելիք խնդացավ, ասաց.  
— Չա՛ր սատանեն գրեզ տանի, Թլո՛ր Դավիթ,  
Էդ ե՛րբ էդար դու ձիավոր՝  
Էկար, կանգնիր իմ չադրի դուռ:  
Դավիթ, ձիուց իջի,  
Արի էստեղ, խոսենք, հանգստանանք:

[Էջ 238]

Նորեն էլենք, կռիվ անենք:  
Դավիթ ասաց.— Չե՛, չեմ իջնի:  
Էսա խեղճ ու կրակ մարդեր  
Ինչի՛ ես դու բերե կռիվ.  
Մենք էլ նստինք հանգստանա՛նք:  
Դուրս արի, դուրս, զարկե՛նք իրար:  
Մելիքի մեր, Իսմիլ խաթուն առաջ էկավ,  
Ասաց.— Դավիթ, ճամփա էկե՛ նեղացեր ես.  
Ձիուց իջի, հանգստանաս,  
Նորեն կէլենք, կռիվ կ'անենք:  
Շա՛տ որ խնդրեց Դավիթ ուզեց ձիուց իջնի:  
Ձին փախ տվավ, չ'ուզեց Դավիթ իջնի:  
Մըսրա Մելիք քառսուն գազ հոր փորե մեջ վրանին,  
Էրկաթե թոռ գցե բերնին,  
Ու խալիներ փռե վերան,  
Կ'ուզեր Դավիթ գար՝ նստեր,  
Ընկներ մեջ էն հորուն:

Խաբեցին Դավթին՝ ձիուց բերին տակ:  
Ձին ըռկավ, փախա՛վ, գրնա՛ց,  
Գրնաց՝ էլավ սարի գլուխ:  
Տարան Դավթին, նստեցուցին վե՛ր էն հորին:  
Դըրըմբ... ընկավ հոր վե՛, գրնաց:  
Մեջ էդ հորուն էրկաթե թոռ, օղե՛ր կային:  
Դավիթ ընկավ օղերու մեջ,  
Չըկարցավ դուրս էլներ.  
Էրկաթե թոռ էկավ իրար:  
Մելիք բերեց ջաղցի քարեր,  
Քաշեց հորի բերնի վերան, թողեց, ասաց.  
— Է՛ն էր, որ հետ ինձի կռիվ տ'աներ,  
Հայ-հո՛յ... Դավիթ Սասնա էկեր է՛  
Հետ Մելքին կռի՛վ կ'անի.  
Թլո՛ր Դավիթ Սասնա էկեր է՛  
Կուզի հետ Մըսրա Մելիքին կռի՛վ անի... հայ-հա՛յ...  
Դե թող կենա էստեղ, չուր օսկորներ փտեն...

Իրիկուն էդավ: Մելիք ընկավ քնավ.  
Դավիթ մնաց էն հոր:



Դավիթ թող մնա էն հոր.  
Մենք դառնանք վիճմեն խաբար տանք:  
Խաբար տանք Ձենով Հովանեն:

[Էջ 239]

15

Ձենով Հովան գիշերն էրագ տեսավ.  
Մըսրա աստղը շողի՛ն կը տար,  
Մասնա աստղը կը խավարեր:  
Հովան քնուց էլավ, ասաց.— Կընիկ, վե՛ր էլի, վե՛ր,  
Տեսա՛ Մըսրա աստղը շողի՛ն կըտար,  
Մասնա աստղը կը խավարեր —  
Դավիթ մեր ձեռքեն գնաց:  
Մառնեն ասաց.— Աստված քո տուն ավրի.  
Դու քուն քեզ հա՛մար կը քնես,  
Էրագ խալխի՛ն կը տեսնես:  
Ձենով Հովան էլի քնավ:  
Մեկ է՛լ էրագ տեսավ.  
Մըսրա աստղը շա՛տ էր պայծառ.  
Մասնա աստղը խավարե՛ր էր, հա՛, կը հանգչեր:  
Հովան քնից էլավ, ասաց. — Կընի՛կ, վե՛ր էլի, վե՛ր:  
Ես տեսա՛ Մըսրա աստղը շա՛տ էր պայծառ,  
Մասնա աստղը հա՛ կը հանգչեր:  
Մառնեն ասաց.— Քո տո՛ւն ավրի,  
Դու ինչի՞ չես քնի, ա՛յ մարդ.  
Չը թողի՛ր, որ էսօր քնեմ:  
Ձենով Հովան մե՛կ էլ քնավ:  
Քնավ, մեկ է՛լ էրագ տեսավ.  
Տեսավ՝ Մըսրա աստղը էկավ,  
Ու Մասնա աստղը կուլ էտու:  
Ասաց.— Կընի՛կ, վե՛ր էլի, Դավիթ ըսպանեցին:  
Մառնեն ասաց.— Ինչի՞ չես քնի դու, ա՛յ մարդ,  
Ով գիտի՛ ո՞ր կընկա ծոց է պառկե Դավիթ.  
Ով գիտի՛ ո՞ր տեղ քե՛ֆ կ'անի:  
Ձենով Հովան ըռկավ,  
Քացի մ' էգար կընկան:  
Կնիկն էլավ ճրագ վառեց:  
Ձենով Հովան ասաց.— Իմ գրահներ բե՛ր:  
Կընիկ բերեց: Ձենով Հովան էլավ,  
Յոթ գումշի կաշի փաթեց իրեն վերա,  
Յոթ գումշի շղթա փաթեց իրեն վերա.  
Որ բռռալեն չը պա՛տովի:  
Հագավ իր գենք-գրահ,  
Գնաց, գովի դռներ էրաց:

[Էջ 240]

Իր ձեռն տվեց վեր Սիպտակ ձիու մեջքին,—  
Սիպտակ ձին փոր էտու գետին:  
Հովան ասաց.— Սիպտակ ձի,  
Ե՞րբ տի տանես ինձ, հասցնես Դավթի կովին:  
Ձին ասաց.— Չուր կեսօրին:  
Ձենով Հովան ասաց.  
— Հարա՛մ ըլնի էնա իմ կեր, որ տվի քեզ:  
Չուր կեսօր Դավթի նաշի՞ն հասնեն, թե լաշին:  
Գնաց Հովան ու ձեռն էտու Կարմիր ձիու մեջքին,—  
Կարմիր ձին էլ իր փոր էտու գետին:  
Հովան ասաց.— Ա՛յ Կարմիր ձի,  
Ե՞րբ տի տանես ինձ հասցնես Դավթի կովին:  
Ասաց.— Չուր արևն առնելուն:  
Ձենով Հովան ասաց.  
— Հարա՛մ ըլնի իմ պահել, որ պահեցի՛ գքեզ:  
Դավթի ինչի՞ն հասնեն արևն առնելուն:  
Հետո գնաց ու ձեռն էտու Սևո՛ւկ ձիու մեջքին,  
Էս Սև ձին փոր չէտու գետին:  
Ձենով Հովան պագեց Սևուկ ձիու գլուխ,  
Ասաց.— Սև՛ ձի,  
Ե՞րբ տի տանես ինձ—հասցնես Դավթի կովին:  
Սև ձին ասաց.  
— Որ դու կարնաս քեզ վե՛ր իմ քամակին բռնես՝  
Մեկ ոտ թալես զանգուն,  
Չուր մեկել ոտ շո՛ւտ տաս մեկել զանգուն,  
Կը հասցնես Դավթի կովին:  
Էլավ, հեծնի Հովան Սև ձին,  
Մի ոտ էդիր զանգուն,  
Յուր մեկել ոտ շուտ էտու մեկել զանգուն,—  
Սև ձին հրեղեն էր—  
Լեռա սարի գլուխ կայնավ:  
Քուռկիկ Ջալալին զՁենով Հովան տեսավ,  
Խրխնջալեն էկավ մոտիկ:  
Ձենով Հովան վախցավ, ասաց.  
— Դավիթ սպանված է, ձին փախե, էկե էստեղ:  
Կանգնեց Ձենով Հովան, կանչեց.  
Ձեն ընկավ սար ու ձոր.  
Ասաց.— Դավիթ, ո՞ւր ես,  
Հիշա՛, Մարութա բարձր Աստվածածին,  
Հիշա՛ զԽաչ Պատերազմին,

[Էջ 241]

Ինչ վեր քո աջ թևին,  
Ու թա փ տուր քեզ...

Կանչեց...  
 Հովանի ձեն՝ հասավ, ընկավ Դավթի ականջ.  
 Դավիթ ասաց.— Հայ-հա յ,  
 Հրողբերս է էկե էստեղ.  
 Ի՛նձ կը կանչի.  
 Յա, Մարութա բարձրիկ Աստվածածին,  
 Խա՛ չ Պատերազմին, վեր իմ աջ թևին:  
 Ասաց, զինք թափ էտու:  
 Էրկաթե օղ ու շղթաներ թռան էրկինք,  
 Ջաղցի քարեր բլան, թռան,  
 Էնոնց ամեն կտոր քառսուն մարդ ըսպանեց:  
 Դավիթ թռավ, կանգնավ հորի բերան, ասաց.  
 — Մըսրա Մելիք, էլ դու բերախտություն չ՛անե՛ս:  
 Լուսուն տղամարդո՛ւ նըման կովենք:  
 Մըսրա Մելիք էլ չը գիտցավ մոտենալ:  
 Դավիթ էլավ իր ձին փնտռի.  
 Ձենով Հովան կանչեց.— Դավի՛թ, արի՛:  
 Դավիթ էնոր կանչով գնաց մոտ հրողբեր:  
 Ամա ձին ըռկեր էր՝ չէր իգա ձեռ:  
 Դավիթ գնաց, գուրգուրելով էբեր.  
 Ձին էկավ ձեռ, Դավիթ էլավ, հեծավ, ասաց.  
 — Հրողբեր, դու գնա քաղաք, ես տ՛երթամ կռիվ:

16

Գնաց, հասավ Մըսրա Մելիքին, ասաց.  
 — Մըսրա՛ Մելիք, էն դիր ինձ խաբեցիր,  
 Մըկա էլ ի՞նչ տ՛անես:  
 Մելիք տեսավ՝  
 Դավիթ դրեր էր ձեռ գուրգին:  
 Ահից դողաց, ասաց.  
 — Դավի՛թ ջան, դե արի՛, նստի՛:  
 Ասաց.— Ես չե՛մ նստի, կռի՛վ անենք:  
 Մըսրա Մելիք հրաման տվեց.—  
 Քյահլան ձին դուրս բերին:  
 Հագավ շորեր, կապեց զենքեր,  
 Նստեց իր ձին, գնաց մեյդան:

[Էջ 242]

Ըսկսեցին մեջ մեյդանին էրթալ ու գալ:  
 Մըսրա Մելիք ասաց,  
 — Գավի՛թ, կրռիվ գոռովե՞ն անենք թե հերթով.  
 Դավիթ ասաց.— Ինչպես քո ջան կուզի:  
 Մըսրա Մելիք ասաց.  
 — Կուզեմ հերթո՛վ անենք.

Իրեք դարբ մեկ զարկի,  
 Իրեք դարբ մեկէլ զարկի:  
 Առաջ ո՞վ տի զարկի:  
 Դավիթ ասաց.— Առաջ դո՛ւ զարկ,  
 Տարիքով մեծ դուն ես:  
 Դավիթ ձիուց էկավ տակ.  
 Գնաց, կանգնեց մեջ դաշտին:  
 Ասաց.— Մըսրա Մելիք, քո դարբեր զարկ:  
 Մըսրա Մելիք իր գուրգ առավ:  
 Քըշեց, գնաց մինչև Ֆարկին.  
 Իրեք ավուր ճամփա՛ անցավ,  
 Քըշեց, էկավ, հասավ Դավթին,  
 Գո՛ւրգ մի զարկեց Դավթին:  
 Ինչպէս շո՛ւն մի օռնա՝ գետին պոռթեց.  
 Ինչպէս քառսուն ջուխտ գոմեշնե՛ր լծես,  
 Գութան վարես՝ գետին պոռթա,  
 Թո՞ղ ու դուման էրկիր-էրկինք բռնեց,  
 Օր ու գիշեր եղ թո՞ղ չիջավ գետին:  
 Մելիք ասաց.— Է՛, Դավիթ, հո՛ղ էիր,  
 Հող դարձուցի:  
 Դավիթն ասաց.— Մելիք, դեռ ես կենդանի՛ եմ::  
 Էղ մեկ, մե՛կ էլ զարկի:  
 Մելիքն ասաց.— Հա՛, տնավեր,  
 Էս մեկ անգամ ճամփասս մո՛տ էր.  
 Թափ չը մնա՛ց մեջ իմ գուրգին:  
 Ասաց, դարձավ, մեկ է՛լ քըշեց:

Գընաց, հասավ չուր Դիարբեքիր  
 Ու էստեղից քըշեց, էկավ Դավթի վերա:  
 Էկավ՝ իր գուրգ թալեց Դավթին:  
 Ինչպէս առյո՛ւծ օռնա՝ գետին պոռթեց,  
 Ինչպէս հեղեղ ավերի, գետին պոռթեց:  
 Թո՞ղ ու դուման էրկիր-էրկինք բռնեց,  
 Արեգական էրեսն առավ:

[Էջ 243]

Էրկու գիշեր ու էրկու օր եղ թո՞ղ կանգնեց Դավթի վերա:  
 Մելիք ասաց.— Դավի՛թ, հալա կենդանի՞ ես,  
 Հող էիր, քեզ հող դարձուցի:  
 Դավիթ ասաց.— Մելիք, կենդանի՛ եմ.  
 Էսիկ էրկու, մեկ էլ զարկի:  
 — Հայ-հա՛յ,— ասաց Մելիք,—  
 Իմ ձիու մանգղիլ քի՛չ էր.  
 Թափ չը մնա՛ց մեջ իմ գուրգին:

Նորեն Մելիք դարձավ, գընաց,

Քըշեց, հասավ Մըսըր քաղաք:  
Ու Մըսրրից քըշեց, էկավ Դավթի վերա:  
էկավ, գուրգ մ'ել զարկեց:  
Ինչպէս զարնան ամպ գոռգոռա՝ էրկիր պոռթեց,  
Ինչպէս էրկրաշարժ մի զարկի՝ էրկիր պոռթեց:  
Թոզ ու դուման էրկիր-էրկինք բռնեց,  
Արեգական էրեսն առավ.  
Իրեք ցերեկ, իրեք գիշեր  
էդ թոզ կանգնեց Դավթի վերան:  
Մելիք ասաց.— Մեռա՛վ Դավիթ.  
Հող էր Դավիթ, հող դարձուցի:  
Ինչ թոզ-դուման գետնեն էլավ,  
Դավիթ, իր ձին, էլան, իրենց տեղ կանգնեցին:

Դավիթ ասաց.— Մելիք, դու քո դարբեր պրծար:  
Հերթ ի՛նձ հասավ:  
— Է՛յ, — ասաց.— տնավե՛ր, մեկ է՛լ էրթամ:  
— Չե՛, չե՛, — ասաց,— դու ո՞ւր տ'երթաս:  
Հերթ իմըն է. աշխարհ հերթո՞վ է, թե գոռով:  
Մելիքի մեր էկավ, ասաց.  
— Դավի՛թ, Մելիք քո աղբե՛րն է.  
Բերախտաթոյուն չ'անես:  
— Հա՛, մարե՛, չե՛ մ անի բերախտաթոյուն.  
Իրեք դարբ տի զարկեմ Մելքին:  
Մելիք ասաց.— Դավիթ, քեզնէ կը խնդրվեմ,  
Յոթ սհաթ ժամանա՛կ տաս ինձ:  
Թող ես էրթամ, վրանի տակ պառկեմ,  
Դու գաս ու ինձ զարկես:  
Ասաց.— Գընա, պառկի,  
Մենակ թե ինձ ասա, Մելիք,

[Էջ 244]

Ինչո՞վ զարկեմ, թրո՞վ զարկեմ, թե՞ իմ գուրգով.  
Մելիք իր մտքի մեջ ասաց.  
«Ջա՛նըմ, էդ գուրգ ոք ինձ զարկի՛՝  
էդ գուրգին դիմանա լ կ'ըլնի»:  
Ասաց.— Դավի՛թ, թրո՞վ զարկի:

17

Գընաց Մելիք վրանի տակ, ասաց.  
— Ես իրեք դարբ Դավթին զարկի,  
Դավթին ըսկի բան մի չեղավ.  
Հիմի Դավիթ կը գա, էստեղ ինձ կը զարկի:  
Մելիքի մեր ասաց.  
— Մե՛լիք, արի մտի մեջ էդ հորին:

Մելիք մտավ մեջ հորին:  
 Քառսուն գունշու կաշի բերին քաշին վերան,  
 Քառսուն ջաղացի քար դրին վերան,  
 Վերմակ քաշին քարի վերան:  
 Մելիք մեջ էն հորին հանգիստ նստեց, ասաց.  
 — Հիմի հերթ Դավթինն է:  
 Դավթի գիտի, թե էն ինչ արեր է.  
 Կը գա, կը տեսնա ջաղացի քար,—  
 Չէ՞ որ հորու բերնին դրած էսպես բարձրացեր է  
 Վերմակ քաշած քարի վերա:  
 Գիտի, որ էնքան Մելիքի ջանդաք չի՛:  
 Ապա Մելիքի մեր էնտեղ կայնուկ է:  
 Դավթի չասաց՝ զՄելիք հանեք դուրս, տեսնեմ:

Հեծավ Դավթի Քուռկիկ Ջալալին,  
 Գնաց հասավ չուր Ծովասար.  
 Քաշեց իր Թուր Կեծակին,  
 Քըշեց իր Քուռկիկ Ջալալին,  
 Էկավ, որ տի գարկեր՝  
 Իսմիլ խաթուն իրեն ծծեր հանեց,  
 Դավթի առաջ վազեց, ասաց.  
 — Դավթի, քաղցր ծիծ եմ տվե քեզի,  
 Դու իմ կաթի խաթեր էդ գարկ ինձի բախշի:  
 Դավթի ասաց.— Մարե, ինչի՞ դուն չուր հիմիկ,  
 Մելիքի գարկ կը գար մեջ իմ գլխուն,  
 Մեկ մ'էլ չ'ասիր՝ Մելի՛ք, գարկ մի ինձի՛ բախշի:

[Էջ 245]

Դավթի իր թուր իջեցուց, տարավ, բերեց,  
 Բարձրացուց էդ թուր, համբուրեց,  
 Դրեց ճակատին, ասաց.— Մարե՛,  
 — Էս մեկ գարկ քո՛ խաթեր:

Մեկ էլ դարձավ, գնաց Դավթի,  
 Իր ձին քըշեց Էկավ. Էկավ, որ տի գարկեր՝  
 Մելիքի քուր վազեց էնոր առաջ, ասաց.  
 — Դավթի, դու որ պստիկ էիր՝  
 Ես քեզ շա՛տ եմ գրկեր, պահեր, խաղցուցեր եմ,  
 Էդա մեկ թուրն էլ ինձ բախշի:  
 Դավթի էդ թուր իջեցուց, տարավ, բերեց,  
 Բարձրացուց էդ թուր, համբուրեց,  
 Դրեց իր ճակտին, ասաց.  
 — Էս մեկ գարկ էլ քո՛ խաթեր:  
 Մընաց մեկ գարկ, մեկ աստված, մեկ էս  
 Յա կը սպանեմ, յա կը թողում:

Դավիթ դարձավ,  
 Գընաց, հասավ Սասնա սարեր,  
 Քըշեց, էկավ Մելքի վերա:  
 Որ տի հասներ հորի բերան՝  
 Իսմիլ խաթուն իր հետ բերած կնիկներուն,  
 Էդա ազապ աղջիկներուն,  
 Էդա շավար քաշողներուն ասաց.  
 — Շո՛ւտ, շա՛ վար քաշեք,  
 — Շո՛ւտ, փողե՛ր փչեք,  
 — Շո՛ւտ, թմբո՛ւկ զարկեք,  
 — Շո՛ւտ, ձեր քաֆկիրնե՛ր բռնեցեք ձեր ձեռ.  
 — Խաղացե՛ք, խորո՛ւտ խաղացեք,  
 — Դավիթ որ գա՛ ազապ տըղա է,  
 Կ՛իրիշկի՛ ձեզի, զարկ թո՛ւլ կը զարկի.  
 Մելիք չի՛ սպանի:

Աղջիկներ էլան,  
 Շավա՛ր քաշեցին,  
 Փողե՛ր փչեցին,  
 Թմբուկնե՛ր զարկին,  
 Էլան, խա՛ղ կ՛անեն:  
 Ապա Դավիթ՝ գիտի՛.  
 — Էդա ինձի՛ համար կ՛անեն, — ասաց, —

[Էջ 246]

Կ՛ուզեն ինձի շըշկըռացնեն:  
 Կանչեց, ասաց.  
 — Յա՛ Մարութա բարձրիկ Աստվածածին,  
 Յա Խաչ՝ Պատերազմին, ինչ վեր իմ աջ թևին:  
 Կանչեց, զարկեց Թուր Կեծակին:

Կըտրեց քառսուն ջաղացի քար,  
 Կըտրեց քառսուն գովշու կաշին,  
 Կըտրեց հըրեշ Մըսրա Մելքին,  
 Կըտրեց ճակտից, ոտքերուց դուրս էլավ  
 Ու յոթ գազ էլ մտավ գետին,  
 Գնաց հասավ սև ջուր:  
 Թե հրեշտակ իր թև չ՛առներ առջև,  
 Մև ջուր տեղներ, աշխարք առներ:  
 Մըսրա Մելիք կանչեց, ասաց.  
 — Դավիթ, ես էստե՛ղ եմ,  
 Մեկ է՛լ զարկի:  
 Դավիթ ասաց. — Մըսրա Մելիք, քեզի թա՛փ տուր:  
 Մըսրա Մելիք զինք թափ էտուր,  
 Մեկ կտոր ընկավ էստեղ, մեկ էլ՝ էնտեղ:  
 Մըսրա Մելիք խատավ:

Դավիթ ասաց.— Մարե՛ ,  
 Վերմակ բացե՛ք, տեսնեմ Մելիք:  
 Ասին.— Գնա, մենք կը բանանք:  
 Դավիթ զձին քըշեց, էկավ կանգնեց,  
 Ձեռ էթալ, վերմակ բացեց,  
 Տեսավ քառսուն ջաղցի քարեր,  
 Ամենն էլ թրի առջև կտրտված.  
 Իր ձեռ էթալ, քարեր վերուց, գցեց,  
 Տեսավ քառսուն գովշու կաշիք  
 Ամեն կտոր կտոր արած:  
 Մելիքի մեր կռացավ էդ հորի վերան,  
 Կանչեց.— Մե՛ լիք, Մե՛ լիք, Մե՛ լիք:  
 Մելիք ձեն չհտու:  
 Մելիքի մեր ու քիր նստան էնտեղ, վերան լացին:  
 Ապա մեր դարձավ Դավթին, ասաց.  
 — Դավի թ, սպանեցիր Մըսրա Մելքին,  
 Վնա՛ս չը կա, դու է՛լ իմ տղան ես:

[Էջ 247]

Արի, էնոր կնիկ դու ա՛ն,  
 Մըսրա թագավորություն մնա՛ քեզի,  
 Մասուն զաթի քո՛նն է:  
 Դավիթ ասաց.  
 — Ես մորե որ ծնվեր եմ՝ անարա՛տ եմ,  
 Ես իմ հալալ լեշ հարամ լեշերու չե՛մ խառնի:  
 Կուգես արի, քե կը տանեմ մոտ ինձ, Մասուն:  
 Ասաց.— Չե՛, Դավիթ, չեմ գա Մասնա էրկիր:  
 Ասաց.— Որ չես գա մեր Մասնա էրկիր,  
 Գընա, Մըսրը տվեր եմ քե, ապրի:

Դավիթ ձիու գլուխ շրջեց,  
 Էլավ, զընաց մեջ գորքերին.  
 Ինչ գորք գորական մնացե՛  
 Կանչեց, հրամայեց, ասաց.  
 — Ամենիդ իրավունք կը տամ.  
 Ուր տեղեն էկեր եք՝ էլեք, գնացեք ձեր տեղ:  
 Էլեք, գնացեք ու ձեր տներ նստեք,  
 Դուք ինձ համար աղո՛թք արեք,  
 Իմ հորն ու մորն էլ օղորմի՛ տվեք,  
 Հանդա՛րտ կացեք,  
 Մեկ էլ չէլնեք ու գաք վեր Մասնա:  
 Մեկ էլ որ զենք առնեք մեր դեմ,  
 Թե որ դուք կռվի գաք վեր մեզ՝



Քառասուն գագ խոր հորում ըլնեք,  
Թե ջաղացի ջոջ քարի տակ,  
Տ'ելնի ձեր դեմ Սասնա Դավիթ,  
Տ'ելնի ձեր դեմ Թուր Կեծակին:

Էդա գորք Դավթին օրհնեց,  
Համա դժար կը հավատար, թե Մելիք սպանուկ է:  
— Հա՛, Դավիթ, — կ'ասեն, —  
Մեռնե՛նք մենք քո գլխուն,  
Ո՛ւր էլ գնաս՝ աստված հետ քեզ,  
Աստված քո բան միշտ աջողի,  
Աստված քեզ ջանսադություն՝ ւն տա,  
Աստված քո հոր ու մոր արքայություն տա:  
Իսմիլ խաթուն առավ իր գորք, գրնաց Մըսրը.  
Էն եկած թագավորներ, փաշեք ու գորքեր  
Էլան, ցրվեցան չորս կողմն աշխարհին,

[Էջ 248]

Դավթի արած կտրճություն ամեն տեղ պատմեցին,  
Ասին. — Դավիթ իր հոր ուխտ արավ՝  
Մըսրա Մելիք սպանեց,  
Սասուն ազատեց:

19

Իր կովի տեղեն իմացավ Թորոս,  
Որ Դավիթ Մըսրա Մելքին սպաներ է:  
Դադարեցուց իր կռիվ,  
Էկավ, հասավ Դավթին:  
Դարձուց Դավիթ իր Քուռկիկ Ջալալին,  
Դարձուցին իրենց ձիեր Քեռի Թորոս  
Ու երեսունութ կտրիճներ — էկան Սասուն:  
Ի՛նչ կ'բերեն հետներ էն կովից.  
Իսկի բան չեն բերի:  
Էնոնց բերած էղավ ջուխտ մի եզ,  
Լծեցին սել, քցեցին հետևներ,  
Մըսրա Մելիքի ականջ Դավիթ զարկեց նիզակի ծեր,  
Դրավ վեր սելին, քաշեցին, բերին,  
Քաշեցին բերին՝ Սասնա քաղաք հասցնեն,  
Վերգոյին նվեր:

Էդ ժամանակ ի՞նչ կ'անցներ կը դառնար Սասուն:  
Հովան որ հասավ Սասուն, —  
Չէ՞ որ Հովան էն գորք ամեն տեսեր էր,  
Ամեն վրաններ տեսեր էր,  
Գրնացեր Սասնա քաղաք, ժողովրդին ասեր էր —

Էսքան չա՛ դր կա, Էսքան գո՛րք կա.  
Ժողովուրդ ասեր էր.— Ախ-վա՛ իս, ախ-վա՛ իս,  
Ախ-վա՛ իս, տի սպանե՛ն գԴավիթ.  
Տի գան կրնիկ, աղջիկ, ճժեր տանեն գերի:  
Ախ-վա՛ իս, տեր աստված,  
Ախ-վա՛ իս, դո՛ւ ճար արա...  
Էդա քաղքի մարդեր  
Էն սարի գլուխ պահապան են դրե՛ ի՞նչ ապով.  
Որ իրիշկեն ճամփան,  
Դավի թ կը գա, թե գո՛րք կը գա:  
Որ շատ մարդ գա՛  
Քաղքի մարդերուն խաբար տան,  
Իրենց պատրաստություն տեսնեն:

[ներդիր]

Կանչեց զարկեց թուր Կեծակին

[Էջ 249]

Էդ պահապաններ մեկ էլ տեսան՝  
Մեկ ձիավոր կը գա առաջից,  
Էրեսունինը ձիավոր հետևից:  
Պահապաններ վազեցին քաղաք, ասին.  
— Ձիավորն է ր կըգան, մեկն էլ առջևեն.  
Հավատաս, Դավի թն ըլնի:  
Հովանին ասին.— Դավիթն էկավ:  
Հովան էլավ՝ էրթա Դավթի առաջ: Էն քաղքցիք,—  
Մարդ, կրնիկ, ալևոր, պառավ, ճիժ-բիժ—  
Ամե՛ն գնացին Դավթի առաջ:

Դավիթ նայեց, տեսավ, ջոջ գորք կը գա:  
«Ձա՛նըմ,— միտ վե ասաց,— Էդա գորք ի՛նչ է.  
Ինձի քանի՞ դուշման կա կը գան վեր ինձի»:  
Դավիթ իր ձին քըշեց, ասաց.  
— Ձի՛, գընա՛, աստված ինչ արե՛ր է, արե՛ր է...  
Ձին քըշեց, մոտեցավ, տեսավ՝  
Հովան ամենու առջևն է.  
Իրիշկեց՝ տըղա, աղջիկ, գեղական ամեն էկած են.  
Բոռաց.— Հրողբեր, դու է՛լ էկեր ես հետ ինձ կռիվ:  
Հրողբեր ասաց.— Դավի թ,  
Մենք էկել ենք քո վերա կը խնդանանք,  
Մենք փառք կը տանք աստծուն,  
Որ սալամաթ էկար:  
Դավիթ հարցուց.— Էդ կնիկնե՞ր ինչի էկած են:

— Դավիթ, — ասաց, — ինչ դու գնացիր՝  
 Չուր հիմիկ եղա շիվարներ կը լան,  
 Աստված կը կանչեն, կը վախենան,  
 Թե Մըսրա Մելիք քեզի կը սպանի,  
 Արաբներ կը գան, քաղքի մարդեր ամեն կը սպանեն,  
 Կընկտեր կը տանեն:  
 Քո գալ լսան, ամեն խնդացան, ուրախացան:  
 Մեծ ու պստիկ քո ապո՛ւ վ էկան:  
 — Դե դարձեք, գնացե՛ք, — ասաց, —  
 Մելիք սպանե՛ր եմ. դե դարձե՛ք, դարձե՛ք:  
 Դավթի հրողբեր էլավ,  
 Դավթի գլուխ պագեց, քրտինք սրբեց, ասաց.  
 — Էլ իսկի չե՛նք վախենա:  
 Մասունցիք գնացին արխային տներ նստան:

[Էջ 250]

Տուն որ էկան, հրողբեր Դավթի արնոտ շորեր փոխեց.  
 Առոք փառոք նստեցուց,  
 Քուռկիկ Ջալային էլ մաքուր լվացին,  
 Տարան, կապեցին իր տեղ:

Ինչ Դավիթ՝ գնաց նստեց իր տեղ,  
 Ասաց. — Դե մեկ կթխա գինի՛ տվեք ինձ:  
 Գինին խմեց ու պառկավ, քնավ իրեք օր:  
 Ինչ իրեք օր անցավ,  
 Արտատեր Պառավ էլավ էկավ Դավթի մոտ,  
 Ասաց. — Դավիթ, բարով էկար, Դա՛վիթ, բարո՛ւ վ էկար:  
 — Աստծու բարին քե, Պառավ:  
 — Տեսա՞ր, — ասաց Պառավ, —  
 Ժանգոտ թրով, քոսոտ ձիով ինչպե՞ս կ'երթայիր.  
 Տեսա՞ր Մելիքի դեմ կռիվ քանի մի գոռ է:  
 — Պառավ, — ասաց, — շնորհակալ եմ քեզնե.  
 Կը գա՞ս դու ինձի մե՛ր ըլնես. ես մեր չ'ունեմ:  
 — Դավիթ, ես էլի՛ քեզ մեր եմ, — ասաց, —  
 Կ'երթամ իմ տուն.  
 Ինչ բան քեզ պետք կ'ըլնի՝ կը գամ, կ'ասեմ:  
 Ըսկի՛ մի վախենա, Դավիթ, ծլիս, ծաղկիս:  
 Չուր հիմիկ պըստիկ էիր՝ ջոշացար,  
 Էլ էստեղ մի՛ նըստի.  
 Դու գընա, Հովանին ասա.  
 «Իմ հոր սենեկ պատրաստի,  
 Ես էրթամ, իմ հոր սենեկ նստեմ»:  
 Դավիթ, դե մնա՛ս բարով:

Դավիթ գնաց, Հովանին ասաց.  
 — Հրողբեր, իմ հոր սենեկ բաց:

Տ'երթամ, իմ հոր սենեկ նստեմ:  
— Հա՛, — կ'ասի Հովան, — հիմիկ կը բանամ:  
Էդա Սասնա ճրագ չուր հիմիկ հանգա՛ծ էր,  
Հիմիկ Սասնա ճրագ վառվավ:  
Ապա չը բանա՛մ:  
Քո արածն, որ դո՛ւ արիր, ես շա՛տ կը խնդանամ:  
Որ դու էսպես կտրիճ ես —  
Ես գիտեմ, թե աշխարհ ամեն իմն է:  
Ես կը խնդանամ, որ դու ասես, մենք ծիծաղանք:

## ՄԱՍՈՒՆՑԻ ԴԱՎԻԹ

[Էջ 251]  
ՄԱՍՆ Բ  
ԴԱՎԻԹ ԵՎ ԽԱՆԴՈՒԹ  
ԴԱՎԹԻ ԱՄՈՒՄՆՈՒԹՅՈՒՆԸ

1

Քանի Դավիթ չէր գնացե կռիվ,  
Որք տղա էր, պահող, ականջ արող չկար:  
Որ գնաց կռիվ, Էկավ, փոխվավ, լցվավ:  
Ով կը տեսներ էնոր խորոտ աչքեր,  
Կարմիր էրեսներ, խորոտ քի թ-բերան,  
Էնոր զլխեն իր խելք կ'երթար:

Մեկ օր, Ձենով Հովան քնած էր, —  
Էնոր կնիկ էլավ,  
Շաքարիաց թխեց գողտուկ,  
Հավ մորթեց, տապակեց,  
Մեղր, կարագ, յոթ տարվա գինին առավ,  
Էլավ իր խորոտ-խորոտ շորեր հագավ,  
Աչքեր դեղեց, բսկեր էհան,  
Խորոտ-խորոտ կոնդուրեք հագավ,  
Առավ էդ բաներ, մոմ վառեց,  
Էկավ Դավթի սենեկ:  
Դավիթն էլ դուռ շինե, քներ է:  
Ասաց. — Դա՛վիթ, էլի՛, դուռ բա՛ց:  
Դավիթն էլ հարցմունք արավ էնոր մոտեն,  
Ասաց. — Դու ո՛վ ես՝ ես դուռ բանամ:  
Ասաց. — Քու հրողբոր, Հովանի կնիկն եմ:  
Դավիթն էլ էլավ, դառ էբաց:  
Հովանի կնիկ էկավ սենեկ, նստավ:

[Էջ 252]

— Դավիթ,— ասաց,— ես շուտուց քո կարոտով էի,  
Ձեմ կարցեր անուշ-անուշ բան շինե,  
Պատրաստ եղ էր, քեզ համար բերի:  
Բացեց իր բերած, եղիր առջև,  
Կուժ մի գինի, մեկ կըթխա,  
Էն էլ եղիր առջև Դավթին:  
Դավիթ միտք արավ, թե.  
«Ինձի մեր չկա, էս իմ մոր տեղն է»:  
Շա՛տ շնորհակալ եղավ, ասաց.  
— Դու իմ մոր տեղն էիր,  
Էսօր ինձի ճանչեցար, էկար իմ մոտ:  
Հովանի կնիկ ասաց.  
— Դավի թ, մատաղ եմ քե,  
Սասնա մեջ քո պես կտրիճ՝  
Ոչ եղեր է, ոչ կ'ըլնի:—  
Դավիթ հաց կերավ, նռան գինին խմեց:—  
Է՛, յոթ տարվան գինին,  
Դավիթն էլ շա՛տ խմեց:  
Խնդացավ, ասաց.— Խմե՛մ,  
Էսօր իմ հրողբոր կնիկ պատիվ կանի:  
Աղե՛կ մի խմեց, հարբավ,  
Գլուխ եղիր վեր բարձին, քնավ.  
Էլ չը կարցավ, որ գրուցի:

Հովանի կնիկ Դավթի երեսներ պագեց,  
Ճակատ պագեց, իրիշկեց՝  
Դավիթ քներ է, իսկի՛ խաբար չի իր մոտեն:  
Էլավ, գնաց տուն, դեռ Հովան քնած:

Մեկ շաբաթ եղպես գնաց, էկավ:  
Էն մեկ օր միտք արեց, ասաց.  
— Ես եղ յոթ տարվան գինին ինչի՞ կը տանեմ.  
Դավիթ կը խմի, պառկի, քնի .  
Ես էնոր մոտեն ի՞նչ կը հասկանամ:  
Էն մեկ օր էլավ մե՛կ տարվան տարավ,  
Գինին էլ քիչ տարավ:  
Գնաց սենեկ, նստավ:  
Էղիր առջև Դավթին:  
Դավիթ հաց կերավ, գինին խմեց.  
Էլ գինին էնոր գլուխ չը բռնեց, չը քնավ:

[Էջ 253]

Հովանի կնիկ նստավ Դավթի գոգ,  
Ձեռ քցեց, էնոր վիզ բերի, գրկի.  
Արեց, որ Դավթի երես բերի, պագի,  
Դավիթ էնտեղ ըռըկավ, չ'էթող, որ պագի:

Ասաց.— Դու իմ մոր տե՛ղն ես.  
 Էլի՛, նստի՛ էնտեղ, ես դու գրուցենք:  
 Ասաց.— Դավի՛թ, ինչի՞,  
 Ես քո մոր տե՛ղն եմ.  
 Ես օտար աղջիկ եմ,  
 Էկեր եմ քո հրողբորն առեր:  
 Դավիթ ասաց.— Իմ մեր, հրողբոր կնիկ մեկ է.  
 Էն էլ իմ մոր տեղն է...  
 Էն ինձի համար քանց լուսն-արեգակն է:  
 Հովանի կնիկ ասաց.  
 — Դավի՛թ, դու չես գիտի ես օտար աղջիկ եմ,  
 Էսքան ժամանակ քո հրողբոր ձեռքին էի,  
 Հիմի էնոր չեմ ուզի, ըզքե կ'ուզեմ:  
 Դավիթ մնաց մտածելով.  
 «Ես հիմի էլնեմ զարնեմ, սպանե՛մ,  
 Իմ հրողբեր գանգատ տ'անի,  
 Թե՛ իմ կնիկ սպանեց Դավիթ.  
 Թե չը սպանե՛մ, էդ կնիկ ինձնե չը դա՛դարի»:  
 — Հրողբո՛ր կնիկ,— ասա՛ց Դավիթ,  
 Էլի՛ գնա՛, ես քնեմ.  
 Չուր վաղ, վաղ քե բան կ'ասեմ:  
 Խաբեց, էդիր ճամփու:

Առավոտուն շուտ Դավիթ էլավ,  
 Գնաց վեր աղբրին, լվացվեց,  
 Նստավ էնտեղ, մտածեց:  
 Տեսավ՝ Պառավ էնտեղ էրևաց:  
 Կանչեց.— Պառա՛վ, արի՛ էստեղ:  
 Ձեռով արավ, Պառավ էկավ:  
 Հովանի կնիկ ինչ արեր էր,  
 Ամեն մեկ-մեկ Պառվուն պատմեց:  
 Ասաց.— Պառա՛վ, իմ մոր տեղն ես, ընդուց կ'ասեմ  
 Ասաց.— Դավի՛թ, ես էն կնկան մեղք չեմ դընի:  
 Էն ժամանակ դու պստիկ էիր,  
 Հիմի էդեր ես քսան տարեկան,  
 Դեռ ազապ մնացեր ես.

[Էջ 254]

Ով զքեց տեսնի, իր խելք կ'երթա,  
 Կուզի որ գա, քո ծոց պառկի:  
 — Է՛, Պառավ, ապա ի՞նչ անեմ,— ասաց Դավիթ  
 — Ե՛լ, քեց համար կնիկ մի բեր,  
 Որ էլ կնիկ քե չը նեղի.  
 Ով կ'իրիշկի քո բոյ-բուսին՝  
 Էնոր գլխեն իր խելք կ'երթա:

Մեկ տարի մի վերա անցավ, Ձենով Հովան ասաց.  
— Դավիթ, դու զմեզ ազատիր Մելիքի ձեռեն.  
Տ'երթամ, քեզ համար կնի՛կ ուզեմ:

Գնաց Չմշկիկ Սուլթան ուզեց Դավթին:  
Չմշկիկն էլ շատ խորոտ փահլևան էր,  
Դեռ չէր պսակվե:

Դավիթ, Չմշկիկ Սուլթան  
Մատնիքներ իրարու հետ փոխեցին:

2

Դավիթ որ Մըսրա Մելքին հաղթեց,  
Ձեն ի ձեն հասավ Կապուտկող,  
Կապուտկողի թագավոր Վաչոյ-Մարջոյին,  
Էնոր աղջկան՝ Խանդուր խանումին:  
Ինչպես որ Դավիթ՝ քաջ, խորոտ մարդ էր,  
Խանդուր՝ թե՛ խորոտ էր, թե՛ քաջ էր.  
Էնոր սիրունություն աշխարհ բռներ էր:  
Շապուհ արքան լսեր էր էնոր ձեն՝  
Մարդ դրկեր, Խանդուրին կ'ուզեր:  
Ուրիշ քաջ մարդիկ քառսուն հոգով  
Իրենց ուժին վստահ,  
Էկած են Խանդուրին ուզելու:  
Էդոր սիրուն կ'ուտեն, կը խմեն,  
Որ բալքի հավներ, մեկին առն'եր:  
Համա Խանդաթ՝ Դավթի ձեն լսեր էր,  
Իրեն մտքի մեջ կ'ասեր՝  
«Իմն որ կա՝ Դավիթն է.  
Իմն որ չկա՝ Դավիթն է.  
Էդոնք ի՞նչ մարդ են՝ որ ես էդոնցմե առնեմ»:

[Էջ 255]

Մեկ օր Խանդաթ նստած էր պատուհան,  
Տեսավ իրեք գուսան կ'անցնեն փողոցով:  
Կանչեց էնոնց, ասաց.  
— Գո՛ւսաններ, մի էկե՛ք էստեղ:—  
Հարցուց էդ գուսաններուն.  
— Գուսաննե՛ր, օրական դուք ի՞նչ կ'առնեք:  
Ասին.— Խա՛նում, գուսանություն է,  
Մենք ի՞նչ գիտնանք, որ ասենք.  
Օր կա՝ շատ կառնենք, օր կա՝ քիչ.  
Օր կա՝ մեկ արծաթ, օր կա՝ էրկու:  
Խանդաթ ասաց.— Գո՛ւսաններ,  
Դուք էկեք, գնացեք Սասուն.

Քանի որ գնացիք, էկաք,  
 Օրական ձեզի մեկական արծաթ փող տամ:  
 Գուսաններ շուտ մի էլան, դարձան,  
 Ուրախ-ուրախ դեմ ի Սասուն գնացին:  
 Խանդութ ասաց.— Գո՛ւսաններ, ո՞ր կ'էրթաք:  
 Գուսաններ ասին.— Խա՛նում, դու չասի՛ր  
 էլե՛ք, գնացե՛ք Սասան, էկե՛ք:  
 Ասաց.— Աստված ձեր տուն քանդի,  
 Սասուն որ կ'էրթաք, ես բանի կը ճամփեմ,  
 Հո՛ր դատարկ չե՛ք էրթա, գա:  
 — Խա՛նում,— ասին,— ի՞նչ կ'ասես:  
 — Գուսաններ,— ասաց,— կ'էրթաք Սասուն.  
 Կը հարցուք Դավթի սենեկ,  
 Կ'էրթաք, կը նստեք էնտեղ,  
 Դավթի առջև ինձի կը գովեք,  
 Որ էլնի, գա, ինձի առնի՛:  
 Թե հավնա՛վ ինձի, հավնա՛վ,  
 Թե չըհավնա՛վ՝ գլուխ քար, էրես պատ,  
 Էն էլ ինձի պետք չի:

Գուսաններ էլան, գնացին.  
 Գնացին դեմ ի Սասուն:  
 Հասան Սասնա քաղաք:  
 Էդոնց տղաներ կը խաղային:  
 Գուսաններ տղաներուց հարցուցին,  
 Թե.— Դավթի սենեկ ո՞ր մեկն է:  
 Տղաներ մոտեցան էդոնց, ասին.  
 — Արե՛ք, ձեզի տանենք Դավթի սենեկ:

[Էջ 256]

Էնոնք որ մոտիկցան գուսաններուն,  
 Տեսան՝ մեկ-մեկ փետ կա էդոնց թև,  
 Էդ փետերի վերան էլ ականջ կա:  
 Հասան տղաներ, ձեռ քցեցին,  
 Էդ գուսաններու սազեր բռնեցին:  
 Ասին, թե.— էդ ի՞նչ տեսակ փետ է.  
 Ձեռ քսվավ էն մեկ սազի թելին,  
 Էդ սազի միջեն ձեն էլավ:  
 — Վա՛յ,— ասին էդ տղաներ,  
 Ու թափան գուսաններու վերան,  
 Որ սազեր էնոնց ձեռեն առնեն:  
 Էնոնք մեկ-մեկի ասին.  
 — Տըղա՛, էդ փետի միջեն ձեն կ'էլնի,  
 Մի արի՛, աչկենք, տեսնենք էդ ի՞նչ է.  
 Քեռի Թորոս տեսավ, էկավ.  
 Էկավ, էդ տղաներուն բարկացավ.



Իմկնի Սասունա ծոեր,  
Էդ գուսա՛ն է, սա՛գ է.

Ձեն կ'էլնի մոտեն, անո՛ւշ-անո՛ւշ:  
Դուք իսկի բան չեք տեսե,  
Արե՛ք, տանեմ մեր սենեկ,  
Էդոնք սագ զարկեն, խաղ ասեն,  
Մենք էլ ականջ անենք...  
Առա՛վ գուսաններուն, գնաց իր սենեկ:  
Հաց բերել էտու, գուսաններ կերան:  
— Դե՛, — ասաց, — փշուր մի մեզի դամ արեք,  
Մենք էլ մեր ձեռնեն գալած նվեր կը տանք,  
Կ'էլնեք, կ'երթաք ձեր տուն:  
Գուսաններ ասին. — Մենք էկեր ենք,  
Խանդութ խանում Դավթի համար գովենք:  
Քեռի Թորոս ասաց. — Դավիթ ե՛ս եմ,  
Դե՛հ, տեսնեմ՝ ինձի համար գովեցեք:  
Գուսաններ հանեցին թևերուց սագեր,  
Թելներ զըլցուցին, սագեցին,  
Դարձան զԽանդութ խանում գովեցին:  
Որ գովեցին պրծան,  
Քեռի Թորոս հարցուց, ասաց.  
— Գո՛ւսաններ, էդ ո՞րտեղ է ձեր գոված Խանդութ:  
Գուսաններ ասին. — Կապուտկող է,

[Էջ 257]

Վաչոյ-Մարջոյ աղջիկն է:  
Քեռին դարձավ տղաներուն, ասաց.  
— Ջարկե՛ք էդ գուսաններուն:  
Էդոնք էկեր են, որ խաբեն,  
Մեր էղնիկի սիրտ ավերեն:  
Քեռին ձեռաց հասկացավ,  
Որ Խանդութ ճամփեր է գուսաններ՝  
Դավիթ հասկանա, էրթա իրեն առնի:  
Ջարկեցին գուսաններուն, սագեր ջարդեցին,  
Գուսաններ էլան փախան...

3

Էկան, — քաղքի տակ կամուրջ մի կար, —  
Կամրջի գլուխ կայնան, միտք արին, ասին.  
«Կ'էլնի՛ մենք Խանդութի ասած չասինք,  
Որ մեզի ծեծեցին, զարկեցին:  
Չե՛, աղբեր, Խանդութ մեզի էդպես սովորցուց,  
Ապա էդոնք ծո՞ւռ են,  
Ինչի՞ մեզի ծեծեցին, զարկեցին»:

Էդ որ գուսաններ կ'ասեին,  
 Դավիթ Ավագ սարեն որս վեր թնին՝  
 Կուզար դեմ ի իրենց տուն:  
 Իրիկուն էր. կամրջի գլուխ կայներ  
 Գուսաններու ասած ականջ կաներ:  
 Դավիթ մոտեցավ էնոնց, ասաց.  
 — Գո՛ւսաններ, էդ ի՞նչ է, որ կասեք:  
 Գուսաններ ասին. — Մենք գնացինք Սասուն,  
 Խանդութ Դավթի համար տի գովեինք,  
 Դավիթ էլավ, Սասունա ծուռ ճժեր  
 Մեր վերան լարեց, մեր սազեր ջարդեցին,  
 Մեզի ծեծեցին, քաղքեն հանին...  
 Մեր հույս վեր են սազերին էր:  
 Ասաց.— Գո՛ւսաններ, Դավիթ որ կա, ես եմ,  
 Էն իմ քեռին է էղեր:  
 Առեք էսա փողեր  
 Գնացեք, ձեր սազեր տվեք շինել,  
 Ոսկի թել տվեք քաշել վերան,  
 Բերեք, ինձի համար Խանդութ խանում գովեցեք:

[Էջ 258]

Գուսաններ գնացին, սազեր տվին շինել,  
 Էկան Դավթի սենեկ,  
 Իրեքն էլ ջոկ-ջոկ խաղ ասին,  
 Ամեն մեկ՝ մեկ դիր Խանդութ խանում գովեց:

Առաջին դիր էն սիպտակմորուս գուսան  
 Առավ ձեռ իր դամբուրեն, լարեց,  
 Խանդութ խանում գովեց, ասաց.

«Տ'ասեմ, տի գովեմ Խանդութ խանում Դավթին\*.  
 Էնոր բոյ գյուլու էղեզ նման է:  
 Տ'ասեմ, տի գովեմ Խանդութ խանում Դավթին.  
 Էնոր սրտիկ Բուռլիկ Զալալու մեյդանն է,  
 Տ'ասեմ, տի գովեմ Խանդութ խանում Դավթին.  
 Էնոր բերան մեղրով բացած է:  
 Տ'ասեմ, տի գովեմ Խանդութ խանում Դավթին.  
 Էնոր ատամներ մարգրրիտ շարած է:  
 Տ'ասեմ, տի գովեմ Խանդութ խանում Դավթին.  
 Էնոր աչքեր գինու կթխա է:  
 Տ'ասեմ, տի գովեմ Խանդութ խանում Դավթին»:

Էնոր էտեկն էն թուխմորուս գուսան  
 Առավ ձեռ իր տամբուրեն, լարեց,  
 Խանդութ խանում գովեց, ասաց.

«Կ'իրիշկեմ Խանդուօ խանում, ձեռ-ոտ կալամով քաշած է՛,  
Ա՛ խ, հալա տրգո, կալամով քաշած է:  
Կ'իրիշկեմ՝ էնոր էղնգներ, ոանդայով տաշած է,  
Ա՛ խ, հալա տրգո, ոանդայով տաշած է:  
Կ'իրիշկեմ՝ էնոր ծամեր, քառսուն ճուղ ծամ է,  
Ա՛ խ, հալա տրգո, քառսուն ճուղ ծամ է:  
Կ'իրիշկեմ՝ բոյն ու բուսաթ, շատ նման է քաղքի բրջին,  
Ա՛ խ, հալա տրգո, քաղքի բրջին:  
Կ'իրիշկեմ՝ էրեսի կարմրություն, նռան գինի է,  
Ա՛ խ, հալա տրգո, նռան գինի է.  
Կ'իրիշկեմ՝ էնոր ծրծեր մեջ ծոցին,  
Քանց Հալապա շաքար քաղցր է,  
Ա՛ խ, հալա տրգո, քաղցր է»:

-----

\* Երգ է:

[էջ 259]

Վրա իրեք դիր էն ջահել գուսան  
Առավ ձեռ իր սագ, լարեց,  
Խանդուօ խանում գովեց, ասաց.

«Ընդրա բոյն ասեմ,  
Քառսուն գագ է, լգո՛, մե չափ ավելի\*.  
Ընդրա աչքի թարթափներ ասեմ,  
Կռնկի թնի նման է, լգո՛, մե չափ ավելի—  
Ընդրա սրտի լենք գովեմ,  
Յոթը գագ է, լգո՛, մե չափ ավելի.  
Ընդրա սիպտկություն ասեմ,  
Քանց մեկ օրվա գալած ձուն սիպտակ է, լգո՛, սիպտակ է:  
Ընդրա կակդություն ասեմ,  
Քանց բամբակի քուլեն կակուղ է, լրգո՛ կակուղ է»:

Դավիթ որ Խանդուօ խանումի գովք լսեց,  
Էն ինչ գուսաններ իրեք դիր գովեցին,  
Առավ ձեռ իր սագ, լարեց, ասաց.

«Գո՛ւսաններ, դուք բարով էկաք\*.  
Իմ սիրտ քանց կաթն անարատ էր,  
Մերան թալիք, մակարդիք:  
Իմ սիրտ քանց Սասնա բերդն ամուր էր,  
Քլունգ առաք, իմ հիմ քանդեցիք:  
Իմ սիրտ քանց աշունքվա գետ գուլալ էր,  
Գարնան հեղեղի նման պղտորիք:

Գուսաններ, դուք ինձի հավիք, մաշեցիք,  
Դեհ ձեր Խանդութ խանում ինձի քաշեցեք»

Դավիթ որ պրծավ, սագ էդիր գետին, ասաց.

— Գուսաններ, էդ ո՞րտեղ է Ձեր գոված Խանդութ խանում:

— Կապուտկող է, Վաչոյ-Մարջոյ աղջիկն է:

Ասաց.— Գո՛ւսաններ, կ'երթաք, կ'ասեք,

Դավիթ ասաց՝ վեց օր կը սպասի,

Յոթն ավուր վերան իրեն հյուրն եմ:

Իմ ճաշ կ'ուտեմ ճաժվան,

Խրամենց կը գամ Բանդումահին,

-----

\* Երգ է:

[Էջ 260]

Ընթրիսին կը հասնեմ սեր խանումին:

Հանեց, քանի մի փող էտու նվեր,

Բարով էրթաք ասաց, ճամփու էդիր:

Գուսաններ՝ «Տը՛ մբ, տը՛ մբ»... սագեր զարկեցին,

Էլան, ընկան ճամփա:

Դավիթ էլավ, գնաց տուն, Հրողբոր կնկան ասաց.

— Իմ շորեր լվա, ես տեղ տ'երթամ:

Դառավ հրողբորն ասաց.

— Ես Չմշկիկ Սուլթան չե՛մ առնի.

Տ'երթամ, Խանդութ խանում բերեմ:

Հրողբեր ասաց.— Դա՛վիթ, էս յոթ տարի էդավ,

Քառսուն փահլևան նստած են առջև էնոր դուռ.

Դու էլ կ'երթաս առջև էնոր պատուհան.

Թե քե նշան էտու, կ'երթաս.

Թե չէտու, կը դառնաս, կը գաս:

Գուսաններ էկան, հասան Կապուտկող:

Խանդութ խանում պատուհան նստած էր.

Որ տեսավ էնոնց, հարցուց, ասաց.

— Գո՛ւսաններ, գնացի՞ք Սասուն:

Ասին.— Հրամանք ես, խանո՛ւմ:

Աստված էնոնց տուն ավերի,

Էդոնք ամեն ծուռ են:

Գնացինք Դավթի սենեկ,

Քեզի տի գովեինք,

Բռնեցին մեզի ծեծեցին, մեր սագեր ջարդին,

Էկանք քաղքի տակ,—

Էլի աստված կյանք տա էն Դավթին,

Մեր սազեր էտու շինել, ասաց.  
«Կերթաք Խանդութին կասեք՝ վեց օր կը սպասի,  
Յոթն ավուր վերան իրեն հյուրն եմ:  
Իմ ճաշ կուտեմ ճածվան,  
Խրամենց կը գամ Բանդումահին,  
Ընթրիսին կը հասնեմ սեր խանումին»:

Խանդութ գուսանների փող հաշվեց,  
Քանի օր գնացեր, էկեր էին, էտու:  
Գուսաններ էլան, գնացին իրենց տուն:

[Էջ 261]

4

Դավիթ խոսք տվածին պես,  
Վեց օրեն գնաց իր սենեկ,  
Մնդուկ էբաց, շորեր հագավ,  
Թուր Կեծակին կապեց,  
Քուռկիկ Ջալալին քաշեց դուրս,  
Սանձ էդի բերան, թամբ էդի մեջքին,  
Հեծա՛վ, ընկավ ճամփա:  
Սասնա մինչև ճածվան  
Յոթն ավուր ճամփա է,  
Ճածվանա Բանդումահու կամուրջն  
Յոթն ավուր ճամփա.  
Բանդումահու կամրջից Կապուտկող՝  
Յոթն ավուր ճամփա:  
Դավիթ իր ձին քշեց.  
Չուր ճաշ հասավ ճածվան.  
Կեսօրին Բանդումահու կամուրջ:  
Տեսավ Գործութա գութան  
Էկեր է էնտեղ, դաշտ կը վարի:  
Յոթ գութան է:  
Գութանավոր նստեր են հացի:  
Դավիթ էկավ, ասաց.  
— Բարի աջողում, գո՛ւթանավոր:  
— Աստծու բարին, — ասին, —  
Կարիք աղբեր, դու բարո՛վ էկար.  
Նստի, հաց անուշ արա:  
Դավիթն ասաց.— Չէ՛, ես կ'երթամ,  
Թող հաց ձեր ճժեր ուտեն:  
Ես ուտեմ իրենց բան չի մնա:  
Գութանավոր վերուց ասաց.  
— Աշխարհ գութանի մոտ կը լիանա:  
Դավիթ գնաց արտի կուշտ, ձիուց իջավ,  
Սանձ ձիու բերնեն հանեց,

Ձին էնտեղ թողեց,  
Գնաց, նստավ, մեջք տվեց սելի ական:  
Մեծ մի աման փլավ են բերած,  
Բերին դրին Դավթի առաջ.  
Էրկու հաց կաներ մեկ պատառ.  
Հինգ պատառ զարկեց, փլավի տակն առավ:

[Էջ 262]

Յոթ օրվա պաշար  
Բերին դրին Դավթի առաջ.  
Յոթ գութնի հաց ու ջուր  
Բոլոր կերավ, խմեց, մանանա չ'էթող:  
Էլավ որ պիտի էրթար,  
Գութանավորներ իրար ասին.  
— Ի՞նչ անենք, մենք մնացինք անոթի,  
Էդ ճամփորդ մեր յոթ օրվա պաշար կերավ.  
Վեց օր պիտի էստեղ գութան անենք,  
Մեր էտն հաց բերող չկա, ի՞նչպես տ'անենք:  
Մենք ճամփենք տուն, պիտի ասեն՝  
Կեսօր էք գնացե, ձեր հաց չի պրծե.  
Թե որ ասենք՝ հյուր էկե մեկ մարդ, չեն հա՛վատա:  
Թ'ասենք՝ գումեշն է կերե, էլի չեն հա՛վատա:  
Դավիթ լսեց, ասաց.— Ի՞նչ տի վարեք:  
Ասին.— Այ, էդա դաշտ:  
Ասաց.— Դուք էստեղ քիչ մի նստեք,  
Ես կ'ելնեմ, են վեց ավուր գութան  
Մեկ ժա՛մվա մեջ կ'անեմ:  
Էդ ասելուն Դավիթ էլավ,  
Յոթ գութան կապեց իրարուց, ձին նստավ  
Ու քաշեց զգութաններ:  
Մեկ տաս փաթ գնաց, էկավ,  
Դաշտ մի տեղ սևցուց:  
Մշակներ ասին.— Էդ քո շնորհք չէ,  
Քո ձիո՛ւ շնորհքն է:  
Էն ժամանակ Դավիթ իջավ ձիուց,  
Դավիթն բնատեն առավ ձեռ,  
Ու ինք վարե՛ց, վարե՛ց, արտ պրծավ:  
Մշակներ զարմացան, բերաններ մնաց բաց:  
Գութանավոր ասաց.— Մասունա Դավիթ որ կասեն,  
Չըլնի՞ դու ես, ա՛յ ճամփորդ:  
Ասաց.— Ե՛ս եմ, որ կամ:  
Ասին.— Դավի՛թ, աշխրքի մեջ՝  
Քո պես կտրիճ՝ ոչ էղեր է, ոչ կ'ըլնի,  
Որտեղ որ դու էրթաս  
Քո ոտ քարին չըդիպնի.  
Աստված քեզի վատ օր նշանց չը տա:

[Էջ 263]

Դավիթ էլավ էդ տեղեն,  
Մանձ դրեց ձիու բերան, հեծավ քշեց:  
Կապուտկող, ո՞ւր ես... էկա քեզի:

Դավիթ էկավ, տ'անցներ  
Չմշկիկ Սուլթանի պատուհանի տակով,  
Չմշկիկ Սուլթան տեսավ՝  
էկավ էնոր առաջ, ասաց.  
— Դավիթ, արի էրթանք էսօր ինձի հյուր:  
Ասաց.— Չէ, ինձի ճամփուց ետ մի գցի:  
Ասաց.— Ես գիտեմ, դու Խանդութի համար կերթաս,  
Համա Խանդութ իմ ճկութի հավասար չիլնի:  
ԶԴավիթ խաբեց, տարավ տուն.  
Կերան, խմեցին, էլան քնան:

Լուսուն Դավիթ փռչմնավ իր բռնած բանեն, ասաց,  
«էդ ի՞նչ բան էր՝ ես բռնեցի,  
Պիտի մեր ազգ չխաբվեր.  
Ես ինչի՞ խաբվա մեկ կնկա ապով»:  
էլավ, ձին քաշեց, հեծավ, քշեց:  
Չմրշկիկ Սուլթան ասաց.— Դու կեցի՛.  
էկար, ինձի խաբեցիր, գնացիր:  
Ու հակառ ընկավ հետ Դավթին:

5

Վեց օր որ էկավ անցավ,  
Խանդութ խանում առավոտ լուսուն՝  
էլավ, նստավ պատուհան,  
Դավթի ճամփան բռնեց:  
Մեկ էլ իրիշկեց՝ ինչ տեսնի.  
Կրակ մեջ էրկինք, մեջ գետինք կը տա:  
Մեկ ձիավոր մի մեջ էրկինք, մեջ գետինք կը գա,  
Հազիվհազ կերևա:  
Ասաց. «Կա-չկա էս Դավիթն է»:  
Դարձավ դրնապանին, ասաց. —  
Գորգիզ, հասի, դուռ զարկ.  
Գահ է, որ ձիավոր մի հասնի դուռ:  
Գորգիզ հասավ, դուռ էզար.  
Խոսք դեռ բերանն էր, Դավիթ հասավ վեր դրան,

[Էջ 264]

Քշեց, գնաց առջև Խանդութի պատուհան:

Խանդութ խանում՝ որ աչք ընկավ,  
 ԶԴավիթ տեսավ՝ ուրախացավ.  
 Ուրախությունե խնձոր մեզար Դավթին:  
 Դավիթ խնձոր բռնեց վեր ձիուն,  
 Խնդացավ վեր խնձորին:  
 Իրիշկեց, տեսավ զԽանդութ  
 Գուսաններ ինչ գովացեր էին,  
 Դեռ կեսն էլ չէին ասե:  
 Զին քշեց առաջ, տեսավ՝  
 Մարդու մեկ գուրգ ձեռք կայնե Էտն դռան:  
 Դավիթ միտ վե ասաց.  
 «Ինչ մորե մեկներ եմ, մարդու բարև չեմ տվե..  
 Թե որ էդոր բարև տամ՝  
 Տ՛լնի ցավ, ընկնի իմ սիրտ, ինձ տի սպանի:  
 Թե որ էդոր բարև չը տամ՝  
 Էդ փահլևան ինձ տի սպանի»:  
 Ահու բարև էտու, մտավ ներս:  
 Գորգիզ էնոր բարև առավ:  
 Դավիթ ասաց.  
 — Ինչ մորե մեկներ եմ՝  
 Մարդու բարև չեմ տվե.  
 Էսոր Գորգիզն եմ տեսե՝  
 Ահու բարև եմ տվե,  
 Լգո, ահու բարև եմ տվե:  
 Գորգիզ ասաց.  
 — Քառսուն տարի դոնապանություն, եմ արե՝  
 Մարդու բարև չեմ առե.  
 Էսոր Դավիթն եմ տեսե՝  
 Ահու բարևն եմ առե,  
 Լգո, ահու բարևն եմ առե:  
 Դավիթ հարցուց էդոր.  
 — Գորգիզ, էդ ի՞նչ գունդ են դրած քո ձեռք:  
 Թն էրկնցուց, առեց զգուրգ ու թալեց.  
 Ու դեռ հալա կերթա ...  
 Գորգիզ հարցուց.— Դավիթ, ինչի՞ ես էկե:  
 Ասաց.— Խանդութ խանումի համար.  
 Ես ինչպե՞ս տեսնեմ էնոր:  
 Ասաց.— Ուրբաթե-ուրբաթ Խանդութ խանում  
 Քառսուն նաժիշտներով կը գա Խաս բախչեն.

[Էջ 265]

Էսոր ուրբաթ է, կ'երթանք էնտեղ, կը տեսնես:  
 Գորգիզ վերուց ասաց.  
 — Որ Խանդութ խանում առնես,  
 Ինձի կանե՞ս քեզի քավոր:  
 Ասաց.— Կ'անեմ,



Կ'ըլնենք սանհեր Դավիթ, քավոր Գորգիզ:

Դավիթ էլավ գնաց,  
Ձիով քշեց Խանդութ խանումի Խաս բախչի մեջ:  
Ձին թողեց վարդ, ըռեհաններու մեջ արածի,  
Ինք անմահության հավուզի վերան պառկավ:  
Արև որ տաքացավ,  
Խանդութ խանում քառսուն նաժիշտով էկավ,  
Տեսավ Դավիթ կո ձին թողե Խաս բախչի մեջ,  
Վարդ, ըռեհաններ կարածի,  
Ինք պառկե հավուզի վերան, քնե:  
Խանդութ խանում ասաց.  
— Էն Դավիթ ինչ անհիմա մարդ է.  
Գնա՛ցե՛ք, ասեք, որ էն տեսակ մարդ է,  
Թող էլնի, էնտեղեն էրթա:  
Մեկ հաց էլ տարեք, թող ուտի,  
Նոր ասեք՝ մեր Խանդութ խանում կասի՝  
Թող էլնի, էնտեղեն էրթա:

Հաց տարան, դրին առջև Դավթին, Դավիթ կերավ:  
Ծառաներ ասին.— Մեր Խանդութ խանում կասի՝  
«Թող էլնի, էնտեղեն էրթա:  
Էնոր ո՞վ ասե՛ գա,  
Ձին թողնի Խա՛ս բախչի մեջ,  
Վարդ, ըռեհան ուտի, տրորի, թավալ տա.  
Էն էնոր հոր չիմա՞նն է,  
Օձն իր պորտով, հավքն իր թևով  
Մեր Խաս բախչի վրա չէր իջե.  
Էն քա՞նի գլուխ ունի,  
Մտնի Խաս բախչի մեջ,  
Ձին թողնի էնտեղ արածի:  
Ի՛նչ տեսակ անհիմա մարդ է.  
Թող էլնի, էնտեղեն էրթա.  
Ափսոս է, թե չէ փահլևաններ կը գան,  
Էնոր ջոջ պատառ ականջ կը թողնեն»:

[Էջ 266]

Դավիթ ասաց.— Ինչի՞ դուք շուտ չէիք ասե,  
Քանի ես հաց չէի կերե.  
Հաց կերա, պրծա, նոր ասիք:  
Որ եղպես է, ես չեմ էրթա.  
Ինչ էնոնց ձեռնեն կը գա, թող չըխնայեն:  
Գնացին, Խանդութ խանումին ասին  
— Դավիթ էսպես ասաց:

Էնոնք որ գնացին,

Դավիթ կանչեց Խանդութի ձիապան,  
 Ասաց.— Իմ ձին թողնեմ ո՞ր տեղ:  
 Էն էլ դարձավ, ասաց.  
 — Քառսուն փահլևանների ձիանք  
 Կո գումն է, դո՛ւ էլ տար:  
 Դավիթ գոմի դուռ բացեց,  
 Ձիու սանձ բերնեն էհան,  
 Քաշեց, էթող էն ձիերու մեջ, ասաց.  
 — Թե դու էդ ձիեր հաղթեցիր,  
 Ես էլ էնոնց տերվանք տի հաղթեմ:  
 Քուռկիկ Ջալալին խրխնջաց,  
 Էն քառսուն ձիու կեր մոտերուց առավ,  
 Էտու իրեն դռշի առջև, ճխթեց, կպցուց պատ,  
 Էնոնց ամենի դարման կերավ:  
 Ծառաներ խաբար տարան Խանդութին, ասին.  
 — Ձին իր հունար ծախսեց, մնաց տեր:

6

Ինչ Խանդութ խանում խնձոր էգար Դավթին,  
 Էն քառսուն փահլևան, որ էնոր համար  
 Յոթ տարի էնտեղ նստեր էին,  
 Շատ նեղացան, ասին.  
 — Մենք յոթ տարի էստեղ ենք,  
 Մեզի նշան չ'էտու,  
 Սասնա շաղգամակեր Դավիթ նոր էկավ,  
 Դեռ չի տեսե՛ խնձոր էգար էնոր վեր ձիուն:  
 Դավիթ գնաց էդ քառսուն փահլևանի մոտ,  
 Տեսավ՝ քառսունն էլ նստած, գինի կը խմեն:  
 Էնոնք ինչպես ճժեր մոտ Դավթին:  
 Փահլևաններ ինչ Դավթին տեսան,  
 Ամեն վախեցան, դողացին,

[Էջ 267]

Խոսք մեկ արին, ասին.  
 — ԶԴավիթ հարբեցնենք, սպանենք,  
 Թե չէ՛ մեր բան գուր է.  
 Մենք էլ Խանդութի տեղ ըլնինք,  
 Էնոր չենք թողնի, մեզնե մեկին առնի:

Տարան Դավթին, նստեցուցին իրենց մեջ,  
 Յոթ տարվա նռան գինին դրին՝ խմեն:  
 Դավիթ ինչ նստավ, էնոնք մեկ-մեկ թաս տվին,  
 Ասին.— Դավի՛թ, դու բարով ես էկե,  
 Ա՛ն, Խանդութ խանումի կենաց խմի:  
 Ասաց.— Գինու կարաս ինձի նշանց տվեք՝

Էրթամ գինի խմեմ, գամ հաց ուտեմ,  
Որ իմ սրտի թոզեր սրբվի.  
Էդով մարդու բերան չի թացվի.  
Ես ճնճդուկ չեմ, որ ինձի ջուր կուտաք,  
Ուղտ գդալով կը ջրվի\*:

Էլան մեկ ուր՝ իշ թաս բերին,  
Էն թա՛սն էլ քանց ջոջ տաշտ էր:  
Էն թասով սկսեց խմել:  
Դավիթ քեֆովցավ, հարբավ.  
Դինին Էնոր վերուց, տարավ,  
Էդավ շոխ շաբգան, սըմբուլ գըղական:

Դավիթ որ հարբավ, գլուխ կիջեցներ սրտին,  
Նորեն կը բարձրացներ, կը շիտկեր:  
Փահլևաններ էդ որ տեսան,  
Թրեր քաշին, կայնան,  
Ու պիտի խփեն Դավթին:  
Գորգիզ դոնից տեսավ, կանչեց.  
— Մանհե՛ր Դավիթ, սանհե՛ր Դավիթ,  
Ճանճ գլխուդ վերևով կ'անցնի, գլուխ թռու:  
Փահլևաններ իրենց թրեր պահին,  
Համա Դավիթ բան չէր լսի:  
Խանդութ խանում վերուց աչքեց,  
Տես՝ ավ Դավիթ գլուխ կ'իջեցնի սրտին:  
Որ տեսավ, էլավ, գնաց,  
Ջվալ մի կաղին բերեց, էդիր էրդիսին,  
Էն ժամանակ ինչ Դավթի գլուխ կիջներ ծոցին,

[Էջ 268]

Փահլևաններ ինչ թրեր կը հանեին դուրս,  
Որ գարկեն, Դավթի վիզ կտրեն,  
Խանդութ խանում վերուց կաղին կը թալեր:  
Կը դիպներ սինուն, սինին կը զընգար.  
Դավիթ գլուխ կը վերուցեր,  
Էնոնք թրեր կը պահեին,  
Կը սըրսըփային, կը դողային:  
Խանդութ էն ջվալ կաղին՝  
Մեկ-մեկ թափեց տակ, պրծուց:  
Դավիթն էլ լուրջացավ, ծառային ասաց.  
— Էլի՛, էսա սուփրեն վերու,  
Մեղք է էսա հացեր կոխեն:  
Էլավ ձեռ էտու, սուփրեն տի վերուցեր,  
Փահլևաններ ասին.— Սուփրեն թող կենա.  
Գնացեք, հաց բերեք մեկ էլ ուտենք: —  
Էնպես կանեն, որ թրեր չ'երևան:—

Դավիթ սասց.– Սուփրեն վերուցե՛ք:  
 Ձեռ էտու, վերուց, սասց.  
 — Սուփրեն կ'երթա էտև հացին,  
 Հաց չ'երթա էտև սուփրին:  
 Տեսավ ամեն փահլևանի առջև մեկ թուր տկլորած:  
 Ասաց.– Էդ ի՞նչ է ձեր առջև:  
 Ասին.– Մեր թրերն են:  
 Ասաց.– Տվեք տեսնեմ:  
 Ամեն ժողվեցին, տվին ձեռ:  
 Դավիթ վերուց, սասց.  
 — Էտնք խորոտ կանգրհան կ'լնեն,  
 Գարուն աղջիկներ տանեն, բանջար հանեն:  
 Ձեռ տվեց, թրեր ամեն ժողվեց,  
 Էտու ծնկան, կոտրտեց,  
 Ինչ որ մարդ բուռ մի քիբրիթ կոտրի:  
 Ծալեց, ծալվեց, սասց.– Գորգիզ,  
 Տար, թալ մեր ձիու խուրջին.  
 Լավ պողպատ-երկաթ է,  
 Իմ ձիուն նալ, բևեռ չկա.  
 Տանեմ, շինեմ իմ ձիուն նալ, բևեռ:  
 Մեկ տարի իմ ձիու համար հերիք է:  
 Փահլևաններ որ էնոր արած տեսան,  
 Շուտ մի էլա՛ն, փախան սենեկեն դուրս:  
 Դավիթ կանչեց.– Քավո՛ր Գորգիզ, արի մտնենք ներս,  
 Տուն մնաց մեզի, բակ մնաց հավերուն:

[Էջ 269]

7

Էն փահլևաններու մեջ  
 Խանդութ խանում Դավթին հավնեցավ,  
 Ասաց. — Թող Դավիթ գա վեր,  
 Մեկել քառսունին հաց տանեն էնտեղ:  
 Դավիթ էլավ, գնաց Խանդութի սենեկ:  
 Ինչ աչք ընկավ, Խանդութին տեսավ,  
 Դե՛, ջահել տղա էր, չղիմացավ,  
 Ձեռ թալեց, զխանդութ խանում կիք մի գրկեց,  
 Թև էթալ վիզ, ճակատ պագեց,  
 Միրտ չըհովացավ.  
 Մեկ էլ՝ էրես պագեց,  
 Էլի սիրտ չըհովացավ.  
 Մեկ էլ՝ ձեռ թալեց, որ սիրտ պագի,  
 Խանդութ թռունցքի մեզար Դավթի քիթ-բերան:  
 Ինչ աղբուր ջուր կը թալի,  
 Էնպես արուն Դավթի բերնեն թալեց:  
 Ասաց.— Դու քո հոր կտրիճն ես, ես էլ իմ.

Դու էն մեկ անգամ իմ ճակատ պագեցիր,  
Քո ճամփու խաթրի համար, ինչ դու էկեր էիր.  
Էն մեկէլ անգամ, որ իմ էրես պագեցիր,  
Քո ջահելության համար, քեզ հալալ էր.  
Դու ինչի՞ վրա իրեք դիր իմ սիրտ տի պագնէիր:

Դավիթ ըռըկավ, դարձավ ետ,  
Էկավ Գորգիզին ասաց.  
— Գո՛րգիզ, իմ ձին քաշի դուրս:  
Գորգիզ գնաց ձին բերեց,  
Դավիթ հեծավ, տ'երթար,  
Խանթուդ խանում ընկավ էտն,  
Լացեց, աղաչեց Դավթին:  
Դավիթ ետ չըդառավ:  
Խանդուր խանում էնպես գնաց,  
Չմուշկներ թողեց, թաթացիկ գնաց.  
Թաթեր կտրրտվան, ոտքեր ընկան գետին,  
Փշուր մի բոբիկ գնաց.  
Ոտքեր ճղճղվան, վիրավոր էլան,  
Արուն-արնջուր լցվավ տակ.  
Էնտեղ ինչ ոտ կը դներ, լիք արուն կ'էլներ գետին:

[Էջ 270]

Դավիթ վեր ձիուն հա՛ կը գա, հա՛ ականջ կ'անի.  
Իրիշկեց մեկ ձեն կը գա, հա՛ կը բռռա.  
— Դավի թ, Դավի թ, կանգնի,  
Կանգնի, չուր ես գամ, հասնեմ.  
Իրիշկի էտն՝ իմ հալ տես, նոր գնա:  
Դավիթ ձիու վերնեն կը դառնա, կիրիշկի,  
Կը տեսնի Խանդուր խանում՝  
Բոբիկ էտնեն կը վազի:—  
Է՛, էսքան ժամանակ Խանդուր խանում  
Բոբիկ ոտ գետին չէր դրե,  
Հիմի բոբիկ դաշտի մեջ կը վազի.  
Ոտ ամեն էդեր է արուն:  
Խանդուր Դավթին ասաց.  
— Իմ մեղք մի՛ թալի քո վիզ, դարձի էրթանք.  
Դավի թ, տնա՛ շեն, ի՛նչ շուտ նեղացար:  
Դավիթ ասաց.— Ես Սսաունա քո ապով էկա.  
Էսքան ճամփա էկա, հասա քո մոտ.  
Մեկ անգամ քո էրես պագի.  
Այա էն բռունցքին դու ինձի զարկիր,  
Հալբա՛ թ կը նեղանամ:  
Խանդուր ասաց.— Ուխտ ըլնի՛ քանի հոգի ինձի կա,  
Ես քո էտնեն բոբիկ տի գամ:  
Դավիթ խղճացավ, դարձավ:

Ինք, Խանդութ էկան տուն:

8

Աջմու Շապուհ արքան էլավ,  
Թուղթ գրեց Բապը ֆրենկին,  
Ասաց. «Մեկ մարդ Սասունա էկե,  
Էդ մարդու անուն էլ Դավիթ կ'ասեն,  
Կապուտկողու խորոտ Խանդութ  
Ձոռովեն կուզի տանի»:  
Բապը ֆրենկին կանչեց իր վագիր-վաքիլ, ասաց.  
— Շահու թուղթ կարդացեք,  
Տեսնենք ի՞նչ է գրած մեջ:  
Թուղթ կարդացին, իմացան:  
Բապը ֆրենկին էլավ գրեց Դավթին.  
«Դա վիթ, մենք լսեր ենք՝  
Դու շատ գորեղ մարդ մ'ես.  
Կը գաս, արի հետ մեզ կռիվ.

[Էջ 271]

Որ չես իգա, գորք կը քաշենք՝  
Քո էրկիրը քար ու քանդ կանենք,  
Ինչ կա, չկա, լոպկենք տանենք»:

Թուղթ առան, բերին,  
Տվին Խանդութի ծառային.  
Էն էլ էտու Խանդութին.  
Խանդութ կարդաց, ասաց.  
— Էդ թուղթ ո՞վ է բերե:  
Ծառան ասաց.— Էրկու հատ մարդ:  
Խանդութ ասաց.— Տար մեր սենեկ,  
Էն էրկու մարդ լավ մի պատվի:  
Ծառան էլավ էնպես արեց:  
Մնաց, չուր լուս բացվեց,  
Խանդութ խանում թուղթ գրեց.  
«Մենք քե վնաս մի չենք տվե,  
Մենք քո անուն չենք էլ լսե,  
Ու քեզի էլ չենք ճանչենա:  
Որ դու կը գաս, մենակ մի՛ գա,  
Դու չես կարնա Դավթին հաղթի.  
Քեզ հետ ուրիշ թագավոր էլ բե,  
Թող էն էլ գա, որ քեզ օգնի»:

Խանդութ էն թուղթ ծալեց,  
Տվեց ծառային, ասաց.  
— Առ էս նամակ, տու էն էրկու մարդուն,

Աղէկ շոր հագցրու, տաս ոսկի էլ հետ,  
Էրկու ձի էլ տու, թող հեծնեն էրթան:  
Ծառան էլավ էնպէս արեց:  
Էն էրկու մարդ Խանդութին օրհնեցին,  
Գլուխ տալով ասին.  
«Ոտքով էկանք, ձիով կ'երթանք»:  
Խանդութ Դավթին բան չի ասի՝  
Մեջ էն թղթին ինչ կար գրված:  
Էն էրկու մարդ թուղթ տարան,  
Տվին իրենց թագավորին:  
Թագավոր իր վագիր-վաքիլ ժողվեց.  
Թուղթ կարդացին, զարմացան, ասին.  
— Էդ ի՞նչ գորեղ մարդ է Դավիթ.  
Էլեք, — ասին, — խաբար դրկենք

[Էջ 272]

Խանդութի հոր հողի դուշման՝  
Էն վեց էրկրի նստողներին:  
Էլան էնտեղ խաբար դրկին...  
Մեկ թուղթ էլ ճամփեցին Դավթին, ասին.  
«Դավիթ, կո՛մենք էկանք»:

Թուղթ բերին, տվին Դավթին.  
Էն էլ տվեց Խանդութին.  
Խանդութ կարդաց, ասաց.  
— Էս էրկու Դիր թուղթ կը գա.  
Մեկ առաջ, մեկն էլ հիմի:  
Բապը ֆրենկի թագավորն է  
Էդ թուղթ գրե, դրկե քեզի.  
Հետ քեզ էնիկ կովել կուզի:  
Էն մեկ անգամ թուղթ որ էկավ,  
Ես քեզ չ'ասի, ասաց Խանդութ.  
Էլա գողտուկ թուղթ գրեցի.  
«Թե որ կը գաք՝ երկսով էկեք.  
Դուք չեք կարնա մենակ կովեք»:  
Էնպէս գրի, որ վախենա,  
Չ'էլնի ու գա հետ քեզ կոխի:  
Համա դու տես, չի՛ վախեցե,  
Զորքով, զոռով էլեր էկե, կուզի կովել...

9

Չուր լուսուն, ինչ աղոթքան բացվավ,  
Քանի աստղ էրկինք կար,  
Էնքան վրաններ բռնեցին  
Բոլոր Խանդութ խանումի հոր քաղքին,

Ամեն Խանդութ խանումի հոր դուշման:  
Բապը ֆրենկին  
Ժողվեր է իր գորք, էկե,  
Դրե մեջ Խանդութ խանումի հոր հողին,  
Որ Խանդութ խանում առնի, տանի:

Աջմու Շապուհ արքան  
Ժողվեր է իր գորք, էկե,  
Դրե մեջ Խանդութ խանումի հոր հողին,  
Որ Խանդութ խանում առնի, տանի:

[Էջ 273]

Չինաստանա թագավոր  
Ժողվեր է իր գորք, էկե,  
Դրե մեջ Խանդութ խանումի հոր հողին,  
Որ Խանդութ խանում առնի, տանի:  
Սև թագավոր  
Ժողվեր է իր գորք, էկե,  
Դրե մեջ Խանդութ խանումի հոր հողին,  
Որ Խանդութ խանում առնի, տանի:

Օղան-Տողան  
Ժողվեր են իրենց գորք, էկե,  
Դրե մեջ Խանդութ խանումի հոր հողին,  
Որ Խանդութ խանում առնեն, տանեն:

Հալապա թագավոր  
Ժողվեր է իր գորք, էկե,  
Դրե մեջ Խանդութ խանումի հոր հողին,  
Որ Խանդութ խանում առնի, տանի:

Լանդբանդ թագավոր  
Ժողվեր է իր գորք, էկե,  
Դրե մեջ Խանդութ խանումի հոր հողին,  
Որ Խանդութ խանում առնի, տանի:

Էն քառսուն փահլէաններ մեկ-մեկի ասին.  
— Մենք կռիվ չենք էրթա.  
Էս յոթ տարի էստեղ նստեր ենք,  
Մենք Խանդութի էրես չենք տեսե.  
Դավիթ էրեկն էկավ,  
ԶԽանդութ տեսավ, հետ էնոր քեֆ արեց.  
Թող էն էրթա կռիվ անի:

Լուսուն Խանդութ ասաց.  
— Ո՞վ տ'էրթա ձեզնեն կռիվ:



Էն քառսուն փահլկան ասին.  
— Ով տ'երթա մեզնեն կոի վ.  
Խնձոր ում տվեր ե՛ս՝ էն տ'երթա կոիվ:  
Թե կուզես խաբար մեզ տուր, մենք էրթանք կոիվ:

Դավիթ լսավ եղ խոսքեր, ասաց.  
— Էն կոիվ իմ բանն է.  
Ես տ'ելնեմ, էրթամ կոիվ:

[Էջ 274]

Էլավ, Խանդուրի կամքն առավ, ասաց.  
— Ես գնացի կոիվ...  
Իրեք օր որ լըմընցավ, Էկա՝ Էկա,  
Որ չ'էկա, ես սպանվա.  
Գաս, սպանվածներու, մեջեն  
Իմ մարմին վերցնես, տաս թաղել:  
Իմ նշան էլ ի՞նչ է.—  
Խաչ Պատերազմին վեր իմ աջ թևին:  
Էն խաչով ինձի կը ճանչենաս,  
Իմ մարմին կը բերես, կը հորես:

Դավիթ գնաց, որ ձին քաշի, Խանդուր ասաց.  
— Վա յ, իմ մտեն գնաց քո ձին քաշեի դուրս:  
Ետև Դավթին վազեց, ասաց.  
— Դավի թ, Դավի թ, կանգնի.  
Ես գամ քո ձին քաշեմ դուրս:  
Դավիթ էնտեղ դադրավ:  
Խանդուր մտավ ախոռ  
Տ'եսավ էն քառսուն ձին էլ  
Փախած են վերին քունջ, կծկըված,  
Չեն իշխենա դուրս փախնի.  
Դավթի ձին մեկ սարի պես մեջ ախոռին կայնե:  
Խանդուր ձեռ թալեց ձիու վիզ  
Տի բռներ, քաշեր դուրս,  
Ձին իրիշկեց, չը ճանչեցավ, վիզ չ'ետու.  
Գլուխ էնպես թալեց,  
Խանդուր Էկավ, թռըփալով դիպավ գետին:  
— Վա իս, Դա վիթ,— ասաց,— քո ձին ինձի սպանեց:  
Դավիթ մտավ ներս, Խանդուրին գրկեց, ասաց.  
— Է յ ձի, աստված քո շնորհք կտրի.  
Ինչի՞, մարդ կնկան կը վարկի.  
Դու չը տեսա՞ր՝ կնիկ էր:  
Ասաց.— Խանդուր իթ, ձեռ տու, քաշի դուրս:  
— Միտք ունես ինձի քո ձիով սպանե՞ս:  
— Չէ՛,— ասաց,— ձին էլ ձեռ չի տա, քաշի,  
Էն գիտեր դու օտար էիր:

Գնաց, ձեռ էտու ձիու գլուխ, քաշեց.  
Ձին բան էլ չ'արավ. թամբ էդիր վերան:  
Դավիթ ինք փորքաշներ կապեց,  
Էլավ, հեծավ Քուռկիկ Ջալալին,

[Էջ 275]

«Հի՛ » էրավ, թռուց Քուռկիկ Ջալալին,  
Չպարհսպ անցավ, հասավ մեջ կովին:

10

Դավիթ մեկ քարի վրա կայնավ, իրիշկեց՝  
Տեսավ, ինչքան ծառ կա անտառ.  
Էնքան մարդ էկած մեջ դաշտին.  
Էնքան վրան զարկած են էնտեղ, ասաց.  
«Էնոնք տի զարթեցնեմ, նոր կովեմ»: Ասաց.— Է՛յ,

«Ով քուն էք, արթուն կացեք\*,  
Ա՛յս, հալա արթուն կացեք.  
Ով արթուն էք, ձեր ձիանք թամբեցեք,  
Ա՛յս, հալա ձիանք թամբեցեք.  
Ով թամբեր էք, էլեք հեծեցեք,  
Ա՛յս, հալա էլեք հեծեցեք.  
Չասեք՝ Դավիթ գող էկավ, գող գնաց  
Ա՛յս, հալա գող գնաց»:

Դավիթ քշեց Քուռկիկ Ջալալին,  
Շիտկավ թամբին, կանչեց, ասաց.  
«Հիշա Աարութա բարձր Աստվածածին,  
Խաչ Պատերազմի՛ն վեր Դավթի աջ թևին.  
Աջու էրթա, ձախու գա,  
Կտրելով, գորք չը թողա»:  
Ասաց, անցավ վրաններու մեջ, զարկեց:

Ինչ որ կարկուտ ընկնի՝  
Հասած արտ փչացու, ջարդի,  
Էնպես Դավիթ ընկեր է գորքի մեջ,  
Շարքով կը ջարդի, կը գա:  
Շապուհ արքան, որ Դավթին տեսավ,  
Գիլու պես կատղավ, ոռնաց:  
Շապուհ արքան գորքին ձենեց.  
«Էլե՛ք, պատրաստվե՛ք, ամուր կա քնե՛ք»:  
Էլան մեյդան, կոծիվ արին:  
Դավիթ դարձավ, զարկեց Շապուհին,  
Թուր Կեծակով գլուխ կտրեց.

-----  
\* Երգ է:

[Էջ 276]

Ձորք ահու չըխվւլաց:  
Էլավ, գնաց մեկ-մեկ էբեր՝  
Օղան-Տողան թագավորներ,  
Կտրեց մեկ-մեկ էնոնց վզներ,  
Դրեց էնտեղ:

Իրիկուն էկավ մոտ Խանդութին:  
Լուսուն էլ մ' էլ գնաց կռիվ:  
Չկարցան հետ Դավթին կռիվ անեն:

11

Դուշմաններ խորհուրդ արին,  
Հալապա թագավոր դրկեցին Սասնա քաղաք՝  
Մոտ Ձենով Հովան, ապին.  
— Մենք իմացեր ենք՝  
Սասնա քաղաք շատ կտրիճ փահլևան կա.  
Մեկ փահլևան ճամփես,  
Էստեղ մարդ մի կա, շատ կտրիճ է,  
Գա, էնոր սպանի, էրթա,  
Մենք յոթ քաղաք նվեր կը տանք:

Ցռան Վերգոյին մեկ տղա կար,  
Անուն էնոր Պարոն Աստղիկ:  
Պարոն Աստղիկ հեծավ իր ձին,  
Մեջ էրկինք, մեջ գետինք,  
Թռավ, գնաց, հասավ կռվուն:  
Դավիթ ճանաչեց էնոր:  
Իրիկուն էկավ, ասաց.— Խանդո՛ւթ,  
Ես չեմ էրթա լուսուն կռիվ:  
Խանդութ խանում դարձավ, ասաց.  
— Որ դու չե՛ս ամչենա, ե՛ս կ'երթամ կռիվ:  
Դավիթ ասաց.— Դե՛, էրդըվցի,  
Որ էրթամ կռիվ, դուրս չ'ելնես,  
Դուռ չը բանաս, էրդիս չը բանաս,  
Նոր ես կ'երթամ կռիվ:  
Խանդութ խանում ասաց.  
— Լավ, ես չեմ էլնի դուրս,  
Իմ դուռ կը շինեմ, կը նստեմ էստեղ,  
Ինձի համար քարզահ քաշեմ:

[Էջ 277]

Լուսուն Դավիթ գնաց կռիվ:  
Չուր կեսօրին կռիվ արեց,  
Կռիվ արեց հետ Պարոն Աստղկան:  
Թրի շառավիղք էգար մեջ էրդիսին:  
Խանդութ խանում մեկ էլ տեսավ՝  
Լուս մի էկավ իրեն սենեկ.  
Ասաց, «Էս ի՞նչ բան է, ես չեմ գիտի.  
Ամպ չի, անձրև չի գա,  
Գիշեր չի, կայծակ չի տա»:  
Խանդութ խանում չը դիմացավ,  
Էլավ, պատուհան էբաց, իրիշկեց.  
Տեսավ մեկ մի հրեղեն ձին հեծե,  
Դավթի գլխու վերև կը ֆրոա.  
Հավլունի թուր կը ֆրոացու,  
Կրակ կը թափի վեր Դավթի գլխուն:  
Խանդութ խանում իմաստուն, կարդացվոր էր.  
Գիրք էդիր էնտեղ, գիրք կարդաց.  
Տեսավ Դավթի հրողբոր տղան էր,  
Ինչ թուր կը շարժեր էնոր գլխուն,  
Կրակ կը թափեր վեր Դավթին, կ'երթար անդունդք:  
Դավիթ էնոր բան չէր անի:  
Խանդութ խանում երգեց, ասաց.

«Հրողբեր, դու էկիր բարով, հազար բարով\*.  
Կրակ թափեցիր մեր Դավթի գլխուն,  
Կրակ թափեցիր մեր Դավթի գլխուն,  
(լա՛) Տուն ավրեցիր Խանդութ խանումին»:

Դավիթ էնոր ձեն առավ, ասաց.  
— Վա յ, քո կնկան բախտ կտրի.  
Ես գիտեի դու չես մնա տուն:  
Դավիթ շատ բարկացավ,  
Նետ-աղեղ դեմ արավ  
Պարոն Աստղկա ձիու փորին,  
Ձիու փոր նետով ծակեց,  
Պարոն Աստղկան գլխու գագաթ վե դուրս էտու:  
Պարոն Աստղիկ ընկավ գետին, ձեն էտու, ասաց.  
— Ա՛ իս, ես մեր ազգականի զարկերն է ինձի հասավ —  
Էն չէր ճանաչի զԴավիթ:  
Դավիթ ասաց.— Ես իմ աչքեր կուրցուցի.

-----  
\* Երգ է:

[Էջ 278]

Մեր ադաթ էն է, ով մեռնի,  
Գլուխ դնի ազգականի ծնկան վերան,  
Հոգին տա աստրծուն:  
Դավիթ Աստղկան գլուխ եղիր վեր իր ծնկան  
Էնոր քոռոց ընկավ, հոգին էտու:  
Որ Պարոն Աստղիկ հոգին էտու,  
Դավթի ուշ գնաց,  
Ջորքեր էկան, որ էնոր բռնեն:  
Քուռկիկ Ջալալին տիրոջ բոլոր կայներ էր,  
Չէթող, որ Դավթին բռնեն,  
Չուր էնոր ուշ էկավ գլուխ,  
Էլավ, ձին հեծավ, ընկավ մեջ գորքին:  
Ջորք առջև Դավթին փախավ:  
Դավիթ կանչեց.— Դու մի՛ փախնեք,  
Ձեր թագավորի տեղ ինձի ասեք:  
Էնոնք կանգնան, էլ չը փախան:  
Մեկ մի դարձավ Դավթին, ասաց.  
— Մեր թագավոր Բապը ֆռենկին է,  
Էնիկ փախե, գնացե իր քաղաք:  
Դավիթ դարձուց ձիու գլուխ  
Էկավ Բապը ֆռենկու քաղաք,  
Մարդ ճամփեց թագավորին, ասաց.  
— Թող էլնի գա, իրեն տեսնեմ:  
Թագավորն էլավ, էկավ,  
Որ տեսավ էնտեղ Դավթին,  
Վախեցավ, ուզեց փախչի:  
Դավիթ ընկավ ետև,  
Բռնեց, էնտեղ գլուխ կտրեց:  
Քաղաքի մեջ ով մնացեր էր,  
Էնոնց համար թագավոր դրեց.  
Ջոջ մարդեր սպանեց,  
Պստիկներ տեղ դրեց, ասաց.  
— Քանի դու ժիր եք, կռիվ միք է՛րթա:  
«Օր դու նեղ կ'ընկնեք,  
Ինձի՛ թուղթ գրեք, ես կը գամ:  
Քաղաք ամեն ասաց.— Դավի՛թ,  
Չուր մեռնենք, քո խոսք տ'անենք:  
Դավիթ էլավ, էկավ դեհ գորք,  
Ասաց.— Դարձեք ձեր քաղաք,  
Ձեր թագավոր սպաներ եմ:

[Էջ 279]

12

Էն օր իրիկուն Դավիթ չէկավ Խանդուրի մոտ:

Խանդութ զիտցավ, որ Դավիթ սպաներ են,  
Կսկծուց իր սիրտ վառվավ:  
Լուսուն էլավ, մարդանակ շորեր հագավ,  
Նիզակ առավ, ձին հեծավ, ասաց.  
— Էրթամ Դավթի մարմին ջոկեմ, բերեմ, թաղեմ:

Գնաց, ընկավ մեջ լեշերուն:  
Ինչ կը տեսներ, որ մեծ լեշ է,  
Նիզակ կը տար, կը հաներ վեր,  
Կը տար առջև արեգական,  
Ու կ'իրիշկեր խաչ կա թևին:  
Մեկ էլ տեսավ՝ էն մեկ կողմեն,  
Մեջ լեշերուն մեկ մի էկավ:  
Դավիթ պրծեր իր կոտորած,  
Մեջ լեշերուն էլեր, կը գար:  
Իրիշկեց, տեսավ Խանդութ խանում  
Նիզակ կը զարկի մեջ լեշերուն,  
Լեշ կը վերցի, թև կ'իրիշկի:  
Դավիթ կանչեց.— Է՛յ, ի՞նչ կը փնտռես.  
Ում ետևեն տու ման կը գաս,  
Իրեք օր կա սպաներ եմ,  
Թե մարդ կուզես, ես քեզի մարդ:  
Խանդութ աչքեց, աչքեց, ասաց.  
«Էսա ձին Դավթի ձին է,  
Ամա ինք չը նըմաներ զԴավիթ, էս ո՞վ է»:  
Դարձավ ասաց.— Բերանդ շատ մի՛ ցրվի.  
Քենե ավել է, դու էն մարդ սպանես.  
Քսան քե պես, տասն էլ իմ պես  
Մատաղ կ'անեմ էնոր էղնգին,  
Էնոր սպանած լե՛շն էլ տեսնեմ,  
Քենե՛ ավել է ինձ համար:  
Դավիթ ասաց.  
— Որ էնպես է, մենք տի կռվենք:  
Էլան, կռվան.  
Թոզ ու դուման զղաշտ բռնեց:  
Հող ճղվավ ձիերու ոտքերու տակ:  
Շատ կռվան, իրարու չ'աղթեցին.

[Էջ 280]

Դավիթ սրտով չէր զարնի,—  
Ամա Խանդութ կ'ուզեր սպանի:  
Մեկ էլ տեսար իր գուրգ քաշեց,  
Արեց որ զարնի Դավթին,  
Դավիթ վահան դեմ էտու,  
Խանդութ դառավ, որ փախնի,  
Դավիթ քշեց Քուռկիկ Ջալալին,

Շիտկավ թամբին, դարձավ, ասաց.  
«Հացն ու գինին, տեր կենդանին»,  
Քաշեց իր գուրգ, որ զարներ,  
Խանդութ էտևանց ծամեր էթող,  
Թռավ ձիուց, իջավ գետին:

Էնոր ետևեն Դավիթ թռավ,  
Վերուց, գխանդութ էտու գետին,  
Չոքեր զարկեց էնոր սրտին:  
Խանդութ խանում ասաց.  
— Ամա ն, կտրի՛ճ, ինձ մի՛ սպանի, ես կնիկ եմ:  
Դավիթ ասաց.— Ես գիտեմ դու կնիկ ես,  
Էսիկ էն ավուր փոխ՝  
Մի՛ տղ է, ինչ դու բռունցքի մ՛ զարկիր՝  
Արուն-արնջուր էկավ բերնես:  
Խանդութ ասաց.— Դավիթ, դո՛ւ ես:  
Դավիթ ասաց.— Ես եմ, Խանդութ:  
— Որ էդպես է, ինձի թող դու.  
Տեսա՞ ր, Դավիթ, քառսուն փահլևան,  
Յոթ տարի կա էնտեղ նստած.  
Զիմ նշան ես տվի քեզի,  
Ինչ դու էկար, իջար իմ տուն.  
Դավիթ, ինձի թող դու,  
Դոր ես քե կնիկ, դու ինձի մարդ:  
Դավիթ Խանդութին թող էտու:  
Էլան մեկտեղ, էկան դեհ տուն:  
Ճամփեն Խանդութ Դավթին ասաց.  
— Դավի՛թ, բան մի պատմեմ քեզի,  
Էրկու-իրեք տարի կ՛ըլնի՝  
Ինձի տարան մեկ թագավորի տղի,  
Դրին մեկ սենեկի մեջ.  
Մարդս էլ էկավ, մտավ էնտեղ.  
Հետ իրարու հանաք արինք.

[Էջ 281]

Ձեռս թալի որ թև բռնեմ, տեղեն պրծավ  
Թագավորի տղա է, ասի,  
Չ՛երթա վար-ցանք ինձի համար.  
Անթև էլ ինձ բավական է:  
Ձեռս թալի էն մեկէլ թև,  
Համ մեջք կոտրավ, համ թև պրծավ,  
Շունչը փչեց, ընկավ, մեռավ:  
Ես նոր իմացա իմ ուժի չափ:  
Թագավորն էլ դարձավ, ասաց.  
«Վա՛ իս, էդա հարս մարդասպան է»:  
Ինձի նորեն մեր տուն ճամփին:

Էլ մ'էլ էկա իմ հոր տուն.  
Ուխտ արեցի, ասի էնտեղ՝  
«Ով իմ մեջք գետին դնի՝  
Ես էնոր կ'առնեմ»:  
Էսօր ես՝ դու կռիվ արինք,  
Դու դրեցիր իմ մեջք գետին.  
Էստուց ետքը՝ ես քե կնիկ, դու ինձի մարդ,  
Ուր կը տանես՝ ա ո ինձի տար:

13

Ինչ հասան տուն, Խանդութ կանչեց ծառաներին.  
Էկան Քուռկիկ Ջալալին տարան,  
Դավիթի արնոտ շորեր լվացին:

Դավիթ ու Խանդութ սեղան նստեցին.  
Կերան, խմեցին, էլան քնեցին...

Իրեք օր որ անցավ, Դավիթ քաշեց ձին,  
Մեկ ձի էլ Խանդութ բերեց.  
Էլան էրկսով հեծան էն ձիեր,  
Թև-թևի զարկին, էկան դեհ Սասուն:  
Որ էկան հասան Խլաթ՝  
Առջև Չմշկիկ Սուլթանի պատուհան տի անցնեին:  
Չմշկիկ Սուլթան զԴավիթ տեսավ,  
Էկավ էնոր առջև,  
Ասաց.— Թըլո՞ր Դավիթ,  
Դու ուխտ արիր ինձի առնեիր.  
Մենք մատնիքներ իրարու հետ փոխեցինք,  
Դու ինձի թողիր, գնացիր Խանդութին բերիր.

[Էջ 282]

Ինչի՞, ես խորոտ չե՞ի,  
Դու ինձի չը հավնար,  
Գնացիր էնոր բերիր:  
Տի գաս, ես դու կռիվ անենք.  
Կամ ես քեզի տի սպանեմ,  
Ես էլ, Խանդութ խանումն էլ մնանք որբևարի.  
Կամ դու ինձի սպանես,  
Նոր էրթաս Խանդութ խանումի ծոց պառկես:  
Դավիթ ասաց.— Չմշկիկ Սուլթան,  
Խնդիրք կ'անեմ քո մոտեն.  
Կնիկարմատ կա հետ ինձի.  
Թող ես էրթամ իմ տուն,  
Յոթ օր որ լրանա,  
Ես կը գամ, կռիվ անենք:



Չմշկիկ Սուլթան ասաց.  
 — Դե՛, էրդըվցի՛ Մարութա բարձր Աստվածածին,  
 Խաչ Պատերազմին վեր քո աջ թևին,  
 Ինչ յոթ օր լրանա,  
 Գաս հետ ինձ կռիվ,—  
 Որ թողնեմ դու էրթաս:  
 Դավիթ ասաց.— Մարութա բարձր Աստվածածին  
 Խաչ Պատերազմին, ինչ վեր իմ աջ թևին,  
 Ինչ յոթ օր լրանա,  
 Ես կը գամ, կռիվ անենք:  
 Ասաց, առավ զԽանդութ խանում, էկավ դեհ Սասուն:  
 Որ էկան, հասան տուն,  
 Բերեցին յոթ ձեռք գուսան,  
 Յոթն օր, յոթ զիշեր հարսնիք արին,  
 Դավիթ ու Խանդութ պսակեցին...  
 Ուտել, խմել, մեծ ու պստիկ ուրախացան...  
 Ինչ Դավիթ Խանդութ խանումի ծոց պառկավ,  
 Խաչ Պատերազմին, որ էրդում էր արե,  
 Մոռացավ:

ՄԱՍՈՒՆՑԻ ԴԱՎԻԹ

[Էջ 283]  
 ԴԱՎԹԻ ՄԱՀԸ

1

Ավուր մեկ Դավիթ ասաց.— Խա՛նդութ,  
 Էն, ինչ էս քեզի բերի՛  
 Էն քառսուն փահլևանի մեղաց տակ ընկա.  
 Իմ խիղճ չի տանի՛ քեզի էնոնց ձեռքեն խլեցի:  
 Ես լսեր եմ՝ Գյուրջիստան խորոտ աղջիկներ շատ կան,  
 Տ՛երթամ, գըտնեմ էն քառսուն փահլևաններ,  
 Քառսուն ազապ աղջիկ պսակեմ վեր էդոնց,  
 Ո՛ր աղջիկ իրենց քեֆ կ՛ուզի,  
 Նոր դառնամ, գամ Սասուն:  
 Խանդութ խանում ասաց.  
 — Դա՛վիթ, դու իմ մեղաց տակ մտար,  
 Ինձի հորե, մորե հանեցիր,  
 Ինձի բերիր, էս քաղաք դրիր,  
 Կը թողնես ինձի, էրթա՛ս:  
 Որ քեզի տղա մ՛էլավ, էս ի՞նչպէս տ՛անեմ:  
 Դավիթ ասաց.— Խանդութ խանում,  
 Որ ինձի տղա էլավ,  
 Անուն կը դնես Մհեր.  
 Իմ հոր անուն գետին չը մնա:

Հանեց մեկ ոսկի բազբանդ էտու,  
Անգին քարերն էլ մեջ:  
Ասաց.— Թե տղա էլավ,  
Կը կապես էնոր աջ թևին.

[Էջ 284]

Թե որ աղջիկ էլավ,  
Ասաց,— Կըտաս իրեն բաժինք:  
Ես որ շատ ուշացա, զՄհեր ճամփի, թող գա,  
Բազբանդ տեսնեմ, կը ճանչենամ:

Էլավ, հեծավ Քուռկիկ Ջալալին,  
Ընկավ ճամփա, քշեց գնաց:  
Էն քառսուն փահլևաններ,  
Քառսուն էրկիր մեկ-մեկ գտավ,  
Տարավ էնոնց դեհ Գյուրջիստան:  
Գնացին, գնացին հասան Գյուրջու քաղաք:  
Քառսուն փահլևանին աղջիկ գտավ:  
Դավիթ էնտեղեն դարձավ գնաց Ադրբեջան:  
Իրիշկեց, տեսավ, որ մեկ աղջիկ կա էդա տեղ  
Էն աղջկան պես էլ աղջիկ խորոտ չկա:  
Ասաց.— Տանեմ Խանդուր խանումին խըղամ:  
Էդ մեկ աղջիկ էլ վերուց  
Ասաց.

— Ամեն մարդ իրեն աստված,  
Էրթա իրեն էրկիր,  
Ես էլ կ'էրթամ դեհ Սասուն:  
Փահլևաններ առան իրենց աղջիկներ,  
Գլուխ տվին, ասին.  
— Շնորհակալ ենք քենե, Դավիթ,  
Որ հասուցիր մեր մուրազին:  
Կաց-բարև արին, գնացին:  
Դավիթն էլ առավ էն մեկ աղջիկ,  
Էդի ձիու գավակ, էկավ:  
Մենք խաբար տանք Խանդուրի մոտեն::

2

Դավիթ որ գնաց Գյուրջիստան,  
Վաչոն մարդ ճամփեց Խանդուրի ետև,  
Առավ, էկավ Կապուտկող:  
Խանդուր էն ժամանակ էրեխով էր.  
Որ էկավ իր հոր տուն,  
Պառկավ, տղա մի բերեց:  
Վաչոն ասաց Խանդուրին.  
— Թե որ էդ տղան Դավիթի տղան է,

[Էջ 285]

Էնոր մոտեն նշան մի, գորություն մի տ'ելնի:  
Էլան գտղեն բարուրեցին,  
Գութնի շղթաներ բնդի տեղ փաթեցին վեր էնոր.  
Տղան էր՝ ինչ էլաց ու ճակկաց մեջ ճղորիս,  
Էն շղթաներ կտոր-կտոր էղան:  
Դե՛ հ, Դավթից ու Խանդութից  
Մանդր տղա հո՛ չ'ըլներ...  
Տեսան որ՝ Ազնանցորդի՛ է:  
Համա տղան, որ կը լողկըցուցեն,  
Տեսան՝ մեկ ձեռք խուփ է:  
Ինչ ճար արին-չարին,  
Տղի ձեռք չը բացվավ,  
Քաղաք քաղքով չեն կա՛րնա էնոր ձեռք բանա.  
Վաչոն էլավ իրեն ահուն,  
Նամա՛ կ գրեց Դավթի քեռուն.  
«Թո՛րոս, աչքդ լուս ըլնի.  
Դավթին տղա մի էղեր է,  
Մենակ մի ձեռք խեղ է»:  
Թորոս որ էղ նամակ կարդըցավ,  
Էլավ, հեծավ Վեցոտնեն Լազգին,  
Էկավ, հասավ Կապուտկող.  
Էկավ Վաչոյի տուն, ասաց.  
— Հըլա տղի բարուր տվեք,  
Աչքեմ իմա՛ լ տղա է:  
Թորոս առավ ըզտղան, տեսավ.  
Զմանուկի ձեռք մաժեց, մատներ բացվան.  
Տեսավ, կաթ մի արուն ձեռքի մեջ.  
Ասաց.— Հա՛յ, հա՛յ, թե քար էսօր մուտ տա, մուտ տա,  
Հող չի կարնա պահի.  
Զաշխարք արեր է կաթ մի արուն,  
Դրեր է մեջ ձեռքին:  
Թե որ էղի մնաց,  
Էդոր մոտեն զարմանալի բան տ'ելնի:  
Մնաց էրկու-իրեք օր,  
Խանդութ տղան էտու կնքել,  
Անուն էղիր Մհեր:

Ինչ խալխի տղեք տարով կը ջոջանային,  
Մհեր օրով կը ջոջանար,  
Ինչ ամսով, Մհեր ժամով:

[Էջ 286]

Մնաց ժուկ մ' ու ժամանակ մի՛

Քեռի Թորոս էլավ, առավ զՄհեր,  
Առավ զԽանդութ խանում,  
Էկան, էլան Սասուն:

Տարին որ թամամավ,  
Մհեր էլավ, գնաց մեջ քաղքին ման կը գար:  
Ջոջ գետ մի Սասնու քաղքի առջևեն կ'երթար.  
Մհեր վեց էլից՝ կամուրջ կապեց վեր էն գետին  
Որ մարդիկ կ'երթային՝  
Վեր կամրջին ինի կ'երթային:  
Մհեր կ'երթար, մարդեր կը տփեր, կ'ասեր.  
— Շա՛ն որդիք, ես կամուրջ կապեր եմ,  
Ձե՛զ համար եմ կապե.  
Ինչի՞ վեր իմ կամրջին կ'երթաք:  
Մարդիկ կը դառնային, գային,  
Ջարկեին, ջրով անցնեին:  
Մհեր կ'երթար, կը տփեր, կ'ասեր.  
— Շա՛ն որդիք, ես կամուրջ կապեր եմ,  
Ձե՛զ համար եմ կապե,  
Դուք ինչի՞ կը տաք ջրին,  
Ջուր զձե տանի, մեղք ընկնի իմ վիզ:  
Քաղքցիք էկան մոտ Քեռին գանգատ:  
Քեռի Թորոս զՄհեր խրատեց:

3

Յոթ տարին լրացավ, Դավիթ չէկավ:  
Մհեր իր մորն ասաց.  
— Ի՛մ մեր, իմ հեր ո՞ւր է.  
Էրեխեք ինձի կ'ասեն  
Դու հեր չունես, բիճ ես,  
Ինձի հեր չկա՞, էրթամ ետև.  
Իմ հեր ո՞ւր է գնացե:  
Մերն ասաց. — Քո հեր Դավիթն է.  
Գնացե Գյուրջիստան էրկիր,  
Քառսուն փահլևաններուն պսակի, գա.  
Մեկ ոսկե բազբանդ էլ տվե,

[Էջ 287]

Որ իրեն տղա ըլնի՝ կապեմ թևին,  
Ճամփեմ գնա էնոր առջև:  
Մհեր ասաց. — Ես տ'երթամ իմ հոր գտնեմ:  
Մերն էլ էբեր ոսկե բազբանդ,  
Կապեց Մհերի թևին,  
Գյուրջիստանի ճամփան նշանց էտու:

Միեր գնաց ախոռ, ձի մի հանեց,  
Զենքեր առավ, հեծավ, ընկավ ճամփա:

Եկավ մեջ դաշտին, իրիշկեց՝  
Տեսավ թուխմորուս մարդ մի,  
Խորոտ աղջիկ մի առե ձիու գավակ, կուգա.  
Միեր կանչեց.— Է՛յ, մարդ,  
Դու միրուքավոր մեկ մի, էդ ջահել աղջիկ  
Քե վայել է, որ առեր, կը տանես:  
Էդ աղջիկ տի տաս ինձի:  
Ասաց.— Տղա՛, դու գյադա մի,  
Քեզի վայել է, ինձի վայել չէ՞:  
Ասաց.— Էնդուց ինձի վայել է,  
Ես ազապ, էն ազապ:  
Դավիթ արավ, որ անցներ,  
Միեր ձեռ էթալ, ասաց.  
— Չե՛մ իտա, տ՛առնեմ քո մոտեն:  
Էնտեղ Դավթի սիրտ էլավ, ասաց.  
— Հա՛յ–հո՛յ, հա՛յ–հո՛յ, իրիշկեցեք.

«Շատ ծովեր եմ մտե\*.  
Իմ ձիու ճանճեր չեն թացվե.  
Հիմիկ մեկ բարակ առու եմ տեսե,  
Չի թողնի, որ ես անցնեմ:  
Շատ սարեր, քարեր եմ ման էկե.  
Իմ առջև դեմ կանգնող չէր էղե,  
Մեկ բարակ բատան եմ տեսե,  
Շատ եմ մոտեն վախեցե»:

Դավիթ որ պրծավ, Միեր ասաց.  
— Գյուվա բարակ առուն է՞ս եմ,  
Գյուվա բարակ բատան է՞ս եմ:

-----  
\* Երգ է:

[Էջ 288]

Զիուց վեր էլի, ես դու կպնենք կուշտի:  
Դավիթ ձիուց վեր էկավ, ասաց.— Կայնի,  
Էս աղջիկ տանեմ էնտեղ,  
Նոր ես դու կովենք:  
— Էլի տար,— ասաց Միեր:  
Տարավ, աղջիկ էղիր սարի գլուխ,  
Ինք դարձավ, էկավ էնտեղ:  
Դավիթ, Միեր մտան կուշտի:

Էնպես զարկվան, կռվան իրարու հետ,  
Փռչին էլավ էրկնուց էրես բռնեց,  
Քրտինք իջավ գետին ցեխ արեց:  
Էնոնց գուրգի գորությունից  
Քամին զարկեց Դավթի թաշկինակ տարավ,  
Տարավ, թալեց առջև Խանդութի դռան:

Խանդութ խանում էլավ դուրս,  
Իրիշկեց, փռչին աշխարք բռներ է:  
Տեսավ էնտեղ մեկ թաշկինակ.  
Առավ, հոտ արավ, ասաց.  
«Ըհը՛, էս Դավթի թաշկինակն է»:  
Տեսավ՝ գրգռոց ընկե դաշտ:  
Էլավ, ձին հեծավ, քշեց գնաց.  
Տեսավ՝ թոզ-դուման կ'էլնի,  
Ինչ որ էրկու սար  
Կը գան, դիպնեն իրար,  
Էնպես էն Դավիթ, Մհեր առած իրար.  
Արընի մեջ լող կը տան:  
Մարդ չէր կարնա մոտենա:  
Խանդութ խանում առավ կանչի, ասաց.

«Դավիթ, դու մի՛ զարնի\*,  
Դավիթ, դու մի՛ զարնի,  
Մեր նորելուկ մեկ տակ մանուկին»:

Դավիթ ինք չի զարնի,  
Համա կուզի իր հոգին փրկի,  
Իր ահու կը զարնի Մհերին:  
Մհեր դարձավ, ասաց.

-----  
\* Երգ է:

[ներդիր]

Մելիք որ ճանաչեց գԴավիթ, Փչեց որ թոցնի տեղեն

[էջ 289]

— Մա՛րե, դու հոգ մի՛ անի,  
Էնոր զարկեր կը նմանի Ծովասարու քամի՛,  
Որ կը հասնի իմ մազերուն:

Խանդութ խանում դոր ասաց.

«Մհեր, դու մի՛ զարնի\*,  
Մհեր, դու մի՛ զարնի,  
Մեր թուխմորուս Դավթին»:

Մհեր իսկի չը լսավ:  
Խանդութ խանում դոր երգեց.

«Սարեր, հըմդաթ էկեք\*,  
Ձորեր, հըմդաթ էկեք,  
Հե՛ր, տղեն մե-մեկից քաժանեք»\*:

Սարեր, ձորեր հըմդա՞թ կը գան,  
Սարեր, ձորեր հըմդաթ չեն իգա:  
Խանդութ խանում կանչեց.

«Օրհնյա՛լ, բարերար աստված\*,  
Քո հրամանքն էր շատ.  
Հրաման էնես՝ Գաբրիել հրեշտակ վար իջներ,  
Հեր, տղեն մե-մեկից հետ կտրեր»:

Աստծու հրամանքով Գաբրիել հրեշտակ վար իջավ,  
Ձեռ էտու, հեր-տղան ետ կտրեց իրարուց,  
Ինչ որ էրկու աքլոր կռվեն, մեկ էրթա, ետ կտրի:

Դավիթ դարձավ, ասաց.  
— Ա՛յ տղա, դու ինձի տի սպանեիր,  
Իմ կտրիճի ձեռնեն ի՞նչպես տի պրծնեիր:  
Ասաց.— Քո կտրիճն ո՞վ է:  
Ասաց.— Իմ կտրիճ էն է,  
Ինչ ոսկի բազբանդ կո վեր թնին:  
Տղան իրիշկեց վեր իր թնին,  
Տեսավ՝ ոսկի բազբանդ կապած է.

-----  
\* Երգ է:

[Էջ 290]

Լացեց, հասավ Դավթի ձեռք պլագեց, ասաց.

— Իմ հեր դո՞ւն ես, ես քե մեղա:

Դավիթ կանչեց, ասաց.

— Մհե՛ր, որ դու հետ ինձի կռիվ արիր,

Ինձի ամանչեցրիր,

Կանչեր եմ քաղցրիկ աստված,

Անմահ ըլնիս, անժառանգ:

Ինչ Դավիթ անեծք էտու,

Միեր ըռըկավ, գնաց Կապուտկոդ:  
Քառսուն ազապ լաճ առավ,  
Քառսուն ազապ աղջիկ, նստավ,  
Յոթ տարվան նոան գինին դրին, խմեցին:

4

Դավիթ էլավ, առավ էն աղջկան,  
Առավ զԽանդութ խանում, էկան տուն:  
Ինչ կռիվ արին հետ Միերին,  
Մեջ արընին կարմրցեր էր.  
Ասաց.— Խանդութ խանում, ջուր բեր, լվացվեմ:  
Դավիթ շորեր էհան, տի լվացվեր,  
Կնիկ իրիշկեց՝ էնոր խաչ վեր թնին  
Սնցեր էր ածուխի պես,  
Էլաց, դժարացավ:  
Դավիթ ասաց.— Կնի՛կ,  
Ինչի՛ դժարացար, լացիր:  
Ասաց.— Խաչ Պատերազմին վեր քո աջ թնին՝  
Սնցեր է, էլեր է սն կուտ:  
Ասաց.— Խանդութ խանում,  
Էն չէր Միերի զարկեր կը գար վեր իմ գլխուն,  
Էն Խաչ Պատերազմին էր, ինձի կը զարներ:  
Կնի՛կ, ես տէրթամ Չմշկիկ Սուլթանի մոտ,  
Էրթում արի յոթ օր, գնաց յոթ տարի.  
Ես էրթմակոտոր եմ էլե,  
Կնի՛կ, ես գնացի...

Ասավ թե չե, էլավ,  
Քուռկիկ Ջալալին հեծավ,  
Թուր Կեճակին կապեց, գնաց:

[Էջ 291]

Հասավ առջև Չմշկիկ Սուլթանի քոշկին;  
Չմշկիկ Սուլթան տեսավ՝  
Դավիթ էկավ առջև իրեն սարին, ասաց,  
— Դավի՛թ, դու էրդում էիր արե յոթն օր,  
Քո էրդում տարար յոթ տարի.  
Ես մնացի առանց մարդ,  
Քո ճա՛մփան կ'իրիշկեմ:  
Ասաց.— Դե՛հ, քո պատրաստություն տես,  
Էլնենք մեյդան, կովե՛նք:  
Էն էլ ասաց.— Մեկ ժամ ժամանակ սալ,  
Զիմ շորեր հագնեմ, զենքեր կապեմ, գամ:  
Դավիթ կապեց գՔուռկիկ Ջալալին  
Վեր Չմշկիկ Սուլթանի դռան, ասաց.



— Ձին էստեղ թող մնա,  
Ես էրթամ գետ, լողանամ,  
Չուր քո շորեր հագնես, գաս:

Դավիթ շորեր էհան,  
Մտավ գետ, մեջ ջրին լողանա:  
Էդ ջրի ափ էղեգնուտ էր,  
Չուր Չմշկիկ Մուլթան կը գար,  
Էնոր աղջիկ առավ նետ-աղեղ,  
Էկավ էդ էղեգներու մեջ, պահ մտավ:  
Դավիթ որ լողանալու հետ էր,  
Էդ աղջիկ գողտուկ էլավ՝  
Թունավոր նետով էգար Դավթին,  
Որ էգար մեջքին, ծակեց,  
Մրտեն ինի էտու դուրս:  
Որ զարկեց Դավիթ բռռաց,  
Էնոր մոտեն յոթ գումշու ձեն էլավ.  
Գնաց, հասավ Սասուն.  
Քեռի Թորոս լսեց Դավթի ձեն,  
Ասաց.— Տղեկն է ր, էլ էք,  
Մեր Դավթին զարկեցին:  
Քեռի Թորոս, Ձենով Հովան, Ճնճղափորիկ,  
Խոր Մանուկ, Խոր Գուսան ժողվին իրար:  
Ձենով Հովանն էլ Սասնու բռռաց.  
— Դավիթ, կո մենք էկանք:  
Ու էկան Դավթին օգնության:

[Էջ 292]

Էկան, հասան էն ջրի մոտ:  
Քեռին հարցուց Դավթին.  
— Տղա՛, Դավիթ, քեզի ո՞վ զարկեց:  
Ասաց.— Չեմ գիտի ով զարկեց.  
Էն էղեգնուտեն մեկ մի էլավ, զարկեց:

Գնացին էղեգնուտի մեջ,  
Փնտռեցին, գտան, տեսան՝  
Մեկ չինի աչքերով աղջիկ.  
Ինչ Դավիթ բռռացեր էր, մեռեր էր ահու:  
Էդ աղջիկ Չմշկիկ Մուլթանի աղջիկն էր:  
Դավիթ որ իմացավ՝ ասաց.  
— Իմ ցեց իմ անձից է,  
Էդ իմ սերմն էր, որ ինձի սպանեց:  
Դավիթ էդ խոսք ասաց,  
Ու ինքն էլ էնտեղ մեռավ,—  
Արև էտու ձեր որդոց:  
Էն մեռավ, ձին էնտեղ ծռավ,

Ծռակապ կտրեց, ընկավ դուրս,  
Ինչքան մարդ պատահավ,  
Տավար պատահավ, ձի, կտրեց,  
Գնաց, կանգնավ առջև Խանդութ խանումի դռան:  
Խանդութ խանումն էլ էլավ, իրիշկեց,  
Տեսավ ձին էկե, տեր հետ չը կա.  
Շուտ մի խաբար արավ,  
Թե Դավիթ կորե, չը կա:

5

Քեռի Թորոս ասաց.  
— Տղեկնե՛ր, բերեք Դավթին,  
Քոթակ կապենք ձիու վերան,  
Էլնենք ջրինդ խաղալով էրթանք,  
Բայքի Խանդութ չը գիտնա, որ Դավիթ մեռեր է:

Համա Խանդութ էլած տանիք,—  
Բարձր էր իրենց տանիք,  
Քարերու վրա էր շինած,—  
Ամեն կողմ կ'իրիշկեր, տեսներ՝  
Դավիթ ո՞նչ կը գա, թե՛ մեռած:

[Էջ 293]

Խանդութ իրիշկեց, տեսավ, որ  
Ջրինդ խաղալով կը գան էդոնք:  
Դավիթ հեծեր է մեկ ուրիշ ձի,  
Իսկի չի խվլա իր տեղեն:  
Էն հասկացավ, որ Դավիթ մեռած է.  
Ասաց.

«Որ աժեց, էկավ\*,  
Որ չ'աժեց, էկավ,  
Իմ կանաչ կտրիճ Դավիթ չէկավ»:

Էն քոփակ Ցոան Վերգոն  
Էնտեղ տանքի վերան կայնած էր.  
Առաջ էկավ՝ վերցուց, ասաց,  
— Դավիթ մեռավ առանց կռիվ,  
Էն մեռավ, ես քեզի անուշ.  
Կը պակսի քե կտրիճ Դավիթ,  
Չի պակսի պարոն էրիկ:  
Խանդութ դարձավ ասաց.  
— Ըստուց ետև արև-լուս ինձի հարամ ըլնի,  
Ետև Դավթին ես աշխարք չեմ մնա:

Էս անգամ Խանդութ էլավ բերդի գլուխ  
Ու էնտեղեն իրեն թալեց.  
Գլուխն առավ վեր քարին, քար ծակեց, եղավ փոս:  
Էն փոսի մեջ՝ Սասունա կես շնիկ կորեկ  
Կը լցնեն ու կը ծեծեն սանդի տեղ:  
Էնոր ծծերի տեղ հիմի էլ էրկու աղբուր կը թալի:  
Յոթ ճուղ ծամի տեղ էլ հիմի կ'էրևա,  
Քանց յոթ սուն կը սնկըտի:  
Ու հիմի էլ սանդ էնտեղ է, բերդի առաջ:

Էկան տեսան, որ Խանդութ խանում ընկե մեռե:  
Մեկ դարդն էղեր է էրկու:  
Քեռի Թորոս հարցուց.  
— Էդ ո՞վ ասաց:  
Ասին, թե. — Վերգոն էր:  
Ասաց — Քոփա կ, ինչի՞ չը համբերիր՝ չուր գայինք:

-----

\* Երգ է:

[Էջ 294]

Բերին, էրկուսին էլ պատանքեցին,  
Էլան էրկսի նաշն էլ կապեցին իրարու,  
Քառսուն տերտերով, քառսուն վարդապետով,  
Քառսուն էլ սարկավագով,  
Քաղքի ժողովուրդն էլ բոլորը հետ.  
Լալով, գոռալով, ժամով-պատարագով,  
Տարան էրկուս մեկտեղ Ծովասար,  
Մարութա վանք թաղեցին,  
Յոթն օր սուգ կապեցին:  
Էնոնք մեռան, աստված օղորմի իրենց հոգուն,  
Դո՛ւք, ձեր անուշ ջան սաղ ըլնի:

ՍԱՍՈՒՆՑԻ ԴԱՎԻԹ

[Էջ 295]  
ՃՅՈՒՂ ՉՈՐՐՈՐԴ  
ՄՇԵՐ ՓՈՔՐ

[Էջ 296]

1

Տի տամ օղորմին Պատիկ Մհերին,

Տի տամ օղորմին Գոհար խանումին,  
Տի տամ օղորմին Ձենով Հովանին,  
Տի տամ օղորմին Քեռի Թորոսին,  
Տի տամ օղորմին յոթ ճուղ Դավթին,  
Ճղեճուղ էկանք վեր Մհերի ճուղին:

[էջ 297]

ՄԱՄՆ Ա

ՄՇԵՐՆ ԱՌՆՈՒՄ Է ԴԱՎԹԻ ԱՐՅԱՆ ՎՐԵԺԸ

2

Էն ժամանակ ինչ Դավիթ մեռավ,  
Իր արև էտու ձեր որդոց,  
Էնոր տղան՝ Մհեր, Կապուտկող էր.  
Մհեր չ'իմացավ՝ իր հեր մեռե:  
Քառսուն ազապ լաճ առեր,  
Քառսուն ազապ աղջիկ առեր,  
Յոթ տարվան նռան գինին դրեր, քեֆ կ'աներ:

Մնացին մեկ ժամանակ՝  
Քեռի Թորոս միտք արեց,  
Ասաց.— Ձենով Հովան, էլի՛,  
Չմշկիկ Սուլթան տի գա,  
Մասնա հող-քար տ'ողողի, տանի:  
Էլի էրթանք Դավթի տղա Մհեր առնենք, գանք,  
Թե՛ իր հոր վրեժ առնի,  
Թե՛ Մասուն չը մնա անտեր,  
Տեր կենա Ջոջանց տան:

Էլավ, առավ Ձենով Հովան,  
Յոթ հատ էլ գումշի կաշի,  
Գնացին, հասան Կապուտկող,  
Ու տեղի նստողին ասին.  
— Մեր աղբոր ու հարսին էդտեղ տղա մի կա, ո՞ւր է.  
[էջ 298]

Էնոնք էլ ասին՝ մեռեր է:—  
ՁՄհեր տարե յոթ դարգհով ներս,  
Պահապան են դրե վերան,  
Փող ու թմբուկ կը զարնեն՝  
Որ էն չը լսեր էրոնց ձեն, դուրս չը գար:  
Մհեր մեկ բերդի պես կայներ էր,  
Չէր թողնի, որ դուշման թագավորներ  
Ոտ դնեն Կապուտկողի հող:—  
Քեռի Թորոս ասաց.  
— Մեր մեռելներուն նշան կա.

Մեր տան մարդ որ մեկ տարեկան մեռնի,  
Էնոր տապան տաս Հալապա գագ է.  
Էրկու տարեկան մեռնի՝ քսան Հալապա գագ.  
Քանի տարեկան որ մեռնի՝  
Ամեն տարվան տաս-տաս գագ է Էնոր գերեզման  
Մենք մեր ցեղի գերեզման կը ճանչենանք:

Էլան, գնացին գերեզմաններ,  
Տեսան, որ իրենց շենքով գերեզման չը կար:  
Ձենով Հովան ասաց.  
— Բերե՛ք, կաշիք փաթթեք, որ ես բոռամ:  
Բերին յոթ գումշի կաշի փաթթեցին:  
Էլան, գնացին սարի գլուխ.  
Ձենով Հովան կանչեց.

«Տա՛ Մհեր, դու խմի՛\* ,  
Տա՛ Մհեր, դու խմի՛  
Նռան գինին.  
Քո հեր սպանած,  
Էսօր յոթն ենք արե»:

Ձեն էկավ, Մհերի ականջ ընկավ:  
Փող, թմբուկ ավելի զվեցին:  
Մհեր գուսաններուն ասաց.  
— Էդոնց ձեն կտրեք, էդ իմ ցեղի ձենն էր էկավ:

«Ձենիկ մի կը գար, չեմ գիտի\*  
Արևելն էր, թե արևմուտն էր.  
Ձեմ գիտի հարավա էր, հյուսիսա էր»:

-----  
\* Երգ է:

[Էջ 299]

Հրողրեր դարձավ, ասաց.

«Մեջ հյուսիսա էր\*,  
Մեջ հարավա էր,  
Մեջ արևմուտ էր,  
Մեջ արևել էր  
Քո հեր սպանած,  
Էսօր յոթն ենք արե:

Քո հոր վրեժ մնացե գետին.  
Հիմի դու չե՞ս գա Էնոր վրեժ առնենք:

Ախրր, դու էլ Մասնա տան խոյերեն ես»:

Գուսաններ ավելի զլեցին իրենց փող ու թմբուկ:

Մհեր ասաց.— Ես տ'էրթամ,

Իմ հրողբոր ձեն կը գա:

Արեց, որ տ'ելներ, պահապան ասաց.

— Էդ ձեր ցեղի ձեն չէ՛:

Ճժերն են ու թմբուկներն են. էնո՛նց ձենն է:

Մհեր իրեք անգամ որ ձեն լսեց,

Աքացի մ'էզար դարգահին,

Առաջի դարգահ կոտրեց.

Էնի հասավ մեկելին, մեկել մեկելին,

Յոթն էլ ջարդեց, էլավ դուրս:

Որ հասավ Քեռի Թորոսի մոտ,

Քեռի Թորոս ասաց.

— Ձենով Հովան, կայնի փորձեմ,

Թե Դավթի տղան է, կը տանեմ,

Թե Դավթի տղան չէ, կը զարկեմ,

Թողնենք էրթանք Մասուն:

Որ հասավ Քեռի Թորոսի մոտ,

Քեռին ասաց.— Տղա՛, էդ ո՞ւր էրպէս հպարտ, հպարտ:

Ասաց.— Ինձի էրկու մարդ կը կանչեն,

Էնոնք ո՞ր կողմ գնացին:

Ասաց.— Դու ի՞նչ մարդ ես, որ քեզի կանչեն.

Դու ճիժ մ' ես, տղա ես:

Մհեր ասաց.— Ինչի դու մարդ ես, ես մարդ չե՞մ:

-----  
\* Երգ է:

[Էջ 300]

Քեռի Թորոս ասաց.

— Ա՛յ տղա, քեզի գուրգ մի կը թալեմ,

Համա դու ճիժ ես, առաջ դու քո գուրգ թալ,

Ետն ես կը թալեմ իմ գուրգ:

Տղան որ իր գուրգ բերեց,

Քեռի Թորոս քշեց Վեցոտնեն Լազգին,

Մհերի գուրգ էնոր ձիու տակով պարապ գնաց:

Քեռի Թորոս կայնավ, օլըրավ, ասաց.

— Ա՛յ տղա, քեզի պատրաստ պահի,

Որ իմ գուրգ զարկեմ:

Թորոս որ գուրգ զարկեց,

Մհերի ճուռ բևեռեց թամբին.

Որ քաշեց, Մհեր իսկի օ՛ֆ չարեց:

Քեռի Թորոս ասաց.  
— Յա՛, տղա, քո հոր հերական ասա,  
Քո մոր մերական ասա.  
Յա, ես գիտեմ դու բիճ ես.  
Ես իմ գուրգ կը զարկեմ,  
Ապառաժ քարեր կը ձևի, կը թալի,  
Դու իսկի օ՛ք չ՛արիր...  
Մհեր ասաց.— Բիճ դու ես,  
Իմ հոր հերական Դավիթն է.  
Իմ մոր մերական Խանդութն է:  
Էդտեղ իրար ճանչեցան:  
Մհեր որ տեսավ քեռին, հրողբեր էկեր են,  
Հեր չկա, հարցուց էնոնց:  
Ձենով Հովան ասաց.  
— Քո հեր սպանած, քո մերն էլ մեռե.  
Չմշկիկ Սուլթան գահ է գա,  
Սասնա հող-քար ողողի, տանի:

Էլաց ու վեր քիթ ու բերնին ընկավ գետին:  
Մհեր որ ընկավ գետին,  
Քեռին ու հրողբեր թափան վերան՝  
Ինչ արեցին, չը կարցան շիտկել:  
Մհերի արտունք գետին արեց խանդակ, գնաց:  
Իրեք օր որ թամամավ, Մհեր նոր շիտկավ, ասաց.  
«Աչքեր, դուք կուրանայիք, տղա-տղա չ՛որբանայիք\*»,

-----  
\* Երգ է:

[Էջ 301]

Խնդայիք վեր ձեր հոր Գուտն ի գլխին,  
Աչքեր, դուք կուրանայիք, տղա-տղա չ՛որբանայիք,  
Խնդայիք վեր ձեր հոր Քամարն ի մեջքին,  
Աչքեր, դուք կուրանայիք, տղա-տղա չ՛որբանայիք,  
Խնդայիք վեր ձեր հոր Թուրն Կեծակին,  
Աչքեր, դուք կուրանայիք, տղա-տղա չ՛որբանայիք,  
Խնդայիք վեր ձեր հոր Շապիկն զրեհին.  
Աչքեր, դուք կուրանայիք, տղա-տղա չ՛որբանայիք,  
Խնդայիք վեր ձեր հոր Կոշիկն ի ոտին.  
Աչքեր, դուք կուրանայիք, տղա-տղա չ՛որբանայիք.  
Խնդայիք վեր ձեր հոր Քուրկիկ Ջալալին»:

Ասաց, հեծավ իր ձին՝  
Ու հետ Քեռի Թորոս, հետ հրողբեր  
Ճամփա ընկավ դեհ Սասուն:

Մասունա ճամփին մեկ վանք կար.  
 Էդ վանքի անունն էլ Մատղավանք էր:  
 Դավթի թշնամի թագավորներ  
 Իմացան, որ Մհեր պիտի գա,  
 Էդ ճամփով էրթա Մասուն,  
 Էլան, Էկան վանահորն ասին.  
 — Ինչ ժամանակ Մհեր գա, անցնի էստեղեն,  
 Մարդ դրկես, մեզի իմաց տա:—  
 Էնոնց միտք էն էր՝ ճամփան կտրեն,  
 Մհերին ըսպանեն:—  
 Որ Էկան, մոտեցան վանքին՝ իրիկվա կողմն էր,  
 Մեկ էլ Քեռի Թորոս կայնավ,—  
 Էն առաջ կերթար, Հովան ու Մհեր ետևեն,—  
 Մհեր որ տեսավ Քեռու կայնել, ասաց.  
 — Քեռի՛, ինչի՞ կայնար:  
 Ասաց.— Ջոջ գերաններ թալե, ճամփեն փակեր են,  
 Որ դուշման գա մեզի բռնի:—  
 Էդ թալաք վանահոր սարքածն էր:  
 Էրեր էր, որ Մհեր գերաններ թալելուց բեզրի,  
 Իջնի վանք հանգստանա,  
 Դուշմաններ գան, վրա տան:  
 Մհեր հարցուց. — Ի՞նչ հնարք կա՝ ճամփեն բանանք:

[Էջ 302]

Ասաց.— Հնարքն էն է, որ Դավիթ էստեղ ըլներ  
 Ես իմ նիզակով կը վերուցի էդ գերաններ,  
 Էն էլ կ'առներ, կը թալեր դեն:  
 Մհեր ասաց.— Քեռի՛, դու վերու, ես թալեմ:  
 Թորոսն էլավ նիզակ էտու  
 Մեկ ջոջ գերան վերուց,  
 Էտու Մհերին, ասաց.  
 — Ա՛ռ, էսա էն կողմ թալ:  
 Մհերն էլ, փաթթվավ գերան,  
 Տարավ ձորի բերան  
 Ու ոտքով քշեց անդունդք:  
 Էդապես մեկ-մեկ գերաններ վերուցին,  
 Չուր իրիկուն ճամփեն բացին.  
 Գնացի ն առաջ, հասան վանք:  
 Վանահեր էնոնց մեկ ջոջ սենեկ էտու.  
 Հաց էդիր որ ուտեն,  
 Ինքն էլ գողտուկ էլավ,  
 Խաբար դրկեց դուշմաններին:  
 Մհեր, Ձենով Հովան, Քեռի Թորոս



Իրիկնահաց որ կերան, քնան:  
 Քեռի Թորոս լուսուն շուտ մի զարթնավ,  
 Իրիշկեց, տեսավ՝ յոթ թագավորի գորք  
 Էկե, փաթթեր է վանքի բոլոր:  
 Թորոս որ էդ գորք տեսավ,  
 Ձեն էտու Մհերին, բռնաց.  
 — Մհե՛ր, վեր էլի, մեկ դուրս իրիշկի՝  
 Յոթ թագավորի գորք էկե,  
 Փաթթեր է վանքի բոլոր:  
 Մհեր զարթնավ, աչքեր տրորեց,  
 Ձենով Հովանն էլ էն կողմեն էլավ,  
 Էկան առջև պատուհան, իրիշկեցին.  
 Տեսան՝ անտառի ծառներին թիվ կա,  
 Էն յոթ թագավորի գորքին թիվ չկա:  
 Վանահերն էլ էնոնց մեջ:—  
 Մհեր ասաց.— Ես գնացի,  
 Դուք էլ իմ ետևեն էկեք:  
 Գնաց, հեծավ իր ձին, քշեց...  
 Քեռին ու հրողբերն էլ էլան՝  
 Իրենց ձիանք թամբեցին, քշեցին:  
 Մհերն ընկավ գորքի մեջ,

[Էջ 303]

Աջո՛ւ էգար, ձախո՛ւ էգար,  
 Էնպես ջարդեց, քշեց,  
 Ինչպես քամին մժիկի էրամ:

Քեռին ու Հովան էդ որ տեսան՝  
 Իրենց եռանդն էլ էկավ.  
 Մեկ-մեկ բարդի քոքհան արին,  
 Առան իրենց ձեռ, ընկան մեջ գորքին:  
 Մհեր որ տեսավ, հարցուց.  
 — Էդ ի՞նչ կանեք, ծառո՞վ կը կռվիք:  
 Ասին.— Բան չենք անի, տղա՛,  
 Տեսանք, որ դու կալի մեջ հաշան կ'անես,  
 Օրանը ցրիվ կը տաս,  
 Մենք էլ ափները վրա կը բերենք:

Զորքի քոք որ առան, պրծան,  
 Վանահոր հետ էկան վանք:  
 Մհեր մեկ ձեռքով վերուց վանքի գերան,  
 Մեկելով բռնեց վանահոր մագեր,  
 Գլուխ դրեց գերանի տակ,  
 Գերան թողեց վեր գլխուն, ասաց.  
 — Էս վանքի անուն ըստուց ետ՝  
 Մատղավանք չը պիտի ըլնի,

Մատնավանք պիտի ըլնի,  
Քանի որ վանահեր մատնություն արեց:  
Ու էլան իրեքով էկան դեհ Սասուն:

4

Որ էկան հասան Սասուն,  
Ձենով Հովան Սասնա տան շորեր,  
Ձենքեր հանեց, Մհերին էտու:  
Քուռկիկ Ջալալին բերեց,  
Ասաց.— Ո՛րդի, ա՛ն հագի, նստի,  
Սասնա տան խոյերեն դու ես մնացե,  
Էլ ես խնայեմ ո՞ւմ համար:

[Էջ 304]

Մհերն էր, էլավ վեր,  
Հագավ Դավթի Ջրեհի Շապիկ,  
Կապան Ղադիֆե, Կոշիկ Արզըրմին,  
Կապեց վեր իրեն Թրիկ Կեծակին,  
Առավ էն իր ձեռ Նիզակ կտրիճին,  
Դրեց վեր թնին Դուրզիկ ջոջանին,  
Սանձ պողպատին էղար Քուռկիկ Ջալալու բերան,  
Թամք սադաֆին էղիր Քուռկիկ Ջալալու մեջքին,  
Քաշեց դուրս որ հեծներ,  
Քուռկիկ Ջալալին լեզու առավ, ասաց.  
— Է՛յ, անիրավ, դու ո՛վ ես, որ ինձի հեծնես:  
Քո բերա՞ն է, ինձի հեծնես դու:  
Մհեր ասաց.— Քուռկիկ Ջալալի,  
Անբախտություն մի՛ անի հետ ինձ,  
Ես էլ Սասնա տան խոյերեն եմ:  
Քուռկիկ Ջալալին ասաց.  
— Դավթի խաթեր համար,  
Էդ մեկ խոսք ասիր,  
Քեզ ձեռ չեմ տա, էլի հեծի:  
Մհեր էլավ, հեծավ,  
Հրողբեր ու Քեռին էտու առջև,  
Գնաց Չմշկիկ Սուլթանի կովի մեջ:  
Ձենով Հովան ասաց.— Ես ի՞նչպես անեմ,  
Մհեր տղա է, բան չի հասկանա.  
Ես էլ ծերացեր եմ, չեմ կարնա կովի:  
Մհեր ասաց.— Հրողբե՛ր,  
Բա մենք Սասնա տնեն չե՞նք,  
Չէ՛ մենք Սասնա տնեն ենք.  
Մենք մեռնենք, մեր գերեզմանի վերա  
Թագավորներ չեն կարնա գա:  
Քշի՛, էրթանք, մեր կոնիվն անենք:

Քուռկիկ Ջալալին ասաց.  
— Է՛յ, անիրավ, ի՞նչ կը վախենաս,  
Իրեք էղբան զորք ըլնի, կը կոտորեմ:  
Էն ի՞նչ բան է, իմ պոչի առջև,  
Իմ ոտներու, իմ շնչի առջև,  
Էնոնք ամեն կը կոտորեմ:

Էլան գնացին, քաղաքին հասան:  
Միեր ասաց.

[ներդիր]

Էդա մեկ թուրն էլ ինձ բաշխի

[Էջ 305]

— Հրողբեր, դուք տ'երթաք դեռ քաղաք, թե՞ դեռ զորք:  
Էնոնք մտածեցին, ասին.  
— Էրթանք դեռ քաղաք՝ քաղաք ծանր է,  
Չենք կարնա ավերի:  
Միեր վերուց ասաց.  
— Ամեն մեկդ երկու անգամ ինձի կը կշռեք,  
Ես երկուսիդ դրկեմ մե կողմ,  
Մենակ էրթամ մե կողմ, ձեր սրտով չի՞:  
Ձենով Հովան, Քեռի Թորոս ասին.  
— Մենք տ'երթանք դեռ քաղաք: Գնացին:  
Միեր էլավ, Թուր Կեծակին քաշեց,  
Գնաց խառնվավ զորքին.  
Աջու էգար, ձախու էգար,  
Ո՛չ զորք թողեց, ո՛չ զորական,  
Ինչ որ կար, բոլոր կոտորեց, ասաց.  
— Էս իմ հոր փոխ:  
Չմշկիկ Սուլթան բերեց,  
Ծամեր կապեց Քուռկիկ Ջալալու պոչ.  
Ձին էնոր ամեն պատառ մեկ էրկիր թալեց,  
Ծամեր մնացին պոչ:  
Միեր ասաց. «Տ'երթամ տեսնեմ՝  
Իմ քեռին ու հրողբեր ի՞նչ են արե»:

Գնաց, տեսավ քաղաք ավերած,  
Մնացե մեկ կատու, թռե մինարի ծեր,  
Դադրած կիրիշկի:  
Միեր քաշեց չինարի մ' ծառ,  
Ջարկեց, կատուն էբեր տակ:  
Ու էլավ Նեմրոթա սարի գլուխ:

Իրիշկեց որ ծուխ կ'ելնի.  
Մեկ էլ դարձավ, գնաց,  
Տեսավ՝ մեկ ջադու պառավ է մնացե,  
Որ քաշված անկյուն մի ծուխ կ'անի:

Էլան իրեքով էկան էնոր քով,  
Հարցուցին.— Ինչի՞ ծուխ կ'անես:  
Պառավ ասաց.— Որ չ'ասեք թե՛  
Էնպես ավերեցինք Խլաթ,  
Որ հեչ մի տեղից ծուխ չ'ելնի:

[Էջ 306]

Միեր բռնեց էն ջադու պառավ,  
Ամեն ոտ կապեց մեկ ծառ  
Ու ծառեր թողեց:  
Խլաթի ծուխ ու մուխ կտրեց,  
Ասաց.— Օխա՛յ, իմ հոր վրեժ առա:  
Էլան իրեքով էկան տուն:

#### ՄԱՍՈՒՆՅԻ ԴԱՎԻԹ

[Էջ 307]  
ՄԱՄՆ Բ  
ՄՇԵՐԻ ԱՍՈՒՄՆՈՒԹՅՈՒՆԸ ԵՎ ՎԵՐՋԸ

1

Մեկ ժամանակ վրա անցավ,  
Միեր ասաց.— Հրողթեր,  
Տ'երթամ աշխարհի ման գալու,  
Ես չեմ կարնա էստեղ նստի,  
Ոչ ժառանգ կա ինձի, ոչ մահ ունիմ:

Էլավ, առավ Թուր Կեծակին,  
Հեծավ Քուռկիկ Ջալալին, գնաց:  
Շատ գնաց, քիչ գնաց,  
Տեսավ ճամփեն ընկեր է անտառի մեջ.  
Ծառներ չեն թողնի ինք էրթա:  
Ջարդեց զծառներ, անցավ առաջ:  
Գնաց, գնաց, չուր առավոտ.  
Դեմ ընկավ մեկ մեծ քարափի:  
Միեր չէր ուզի ետ դառնա,  
Ամա քարափ կտրեր էր էնոր ճամփան:  
Մեկ էլ տեսավ աղվես մի էնտեղով փախավ,

Միեր գնաց էնոր ետևեն,  
Էլավ քարափի գլուխ:  
Իրիջկեց, թագավորական քաղաք մի.  
Ճամփան էտու առաջ ու գնաց...  
Հասավ մեկ խորոտ էրի առաջ.  
Նստավ էնտեղ հանգստանա:  
Մեկ էլ տեսավ մարալ մի`

[Էջ 308]

Լեզուն թալե դուրս, կը վազի:  
Միեր քաջեց իր նետ ու աղեղ,  
Զարկեց մարալին, սպանեց:  
Աչքեց — տեսավ էն դեհեն`  
Քսանի չափ ձիավորներ էկան,  
Հայհոյանք կ'անեն, կ'ասեն.  
— Մասնա ծուռ Դավթի տղան  
Էլնի մեր թագավորի մարալ սպանի՛ ...  
Էդ որ լսեց Միեր, սիրտ համբեր չէտու,  
Էլավ, ընկավ էտևներ.  
Էնոնք որ տեսան Միերին,  
Զիերու գլուխ դարձուցին, փախան...

Միերն էր, շատ գնաց, քիչ գնաց,  
Մոտեցավ Պաճիկ թագավորի քաղաքին:  
Զիուց իջավ տակ, վրան զարկեց:  
Խաբար տարան Պաճիկ թագավորին,  
Թե՛ Մասունա Միեր էկե,  
Քո քաղաքի մոտ վրան զարկե:  
Պաճիկ թագավորն էլ առավ իր վազիր, վաքիլ,  
Առավ իր սինողներ,  
Էկավ Միերի առաջ, ասաց.  
— Էն ժամանակ, ինչ քո հեր  
Մըսրա Մելիքի հետ կռիվ արեց,  
Ես ու քո հեր ուխտ ենք արե:  
Թե. — Ի՞նչ ուխտ էք արե:  
Ասաց. — Ուխտ ենք արե քո հոր հետ,  
Որ ինձի աղջիկ ըլնի, քեզի տղա,  
Իմ աղջիկ տամ քո տղին.  
Որ քեզի աղջիկ էղավ, ինձի տղա,  
Քո աղջիկ տաս իմ տղին:  
Հիմի աստված քեզ քո հորն է տվե,  
Ինձի էլ աստված աղջիկ է տվե.  
Տեսնենք՝ դու կառնե՞ս իմ աղջիկ:  
Ասաց. — Որ աղջկան հավնա, կ'առնեմ.  
Թե չը հավնա, չեմ առնի:  
Էլան գնացին աղջկա մոտ.

Էնոր անունն էլ Գոհար խանում էր:  
Մհեր որ տեսավ, հավնավ.  
Աղջիկն էլ տղին հավնավ:

[Էջ 309]

2

Մնաց: Առավոտ Գոհար էլավ,  
Պատուհանեն իրիշկեց, տեսավ՝  
Մհեր վրանի տակ քնած է:  
Էնոր ոտներ չուրի չոքեր մնացե դուրս:  
Գոհար տեսավ, սիրտ ցավեց, ասաց.  
«Չըլնի՛ արև զարնի Մհերին»:  
Էլավ, հեծավ խարտեշ ձի մի,  
Հագավ կարմիր շորեր,  
Ձենք կապեց վեր իրեն,  
Էկավ դեմ ի Մհեր.  
Էկավ դռնեն բռռաց, ասաց.  
— Մհե՛ր, տե՛ս, արև քեզի կը զարնի:  
Մհերն ասաց.— Է՛, ես ի՛նչ անեմ, որ վրան պստիկ է:  
— Պստիկ չէ,— ասաց Գոհար,— ջոջ է,  
Համա դուն ազնահուրի ջան ունիս:  
Մհեր ասաց.— Լա՛վ, թող քնեմ:  
Ասաց.— Է՛լ, ես թագավորի տղան եմ,  
Էկեր եմ, որ քեզի փորձեմ:  
Հետ ինձի կո՞իվ տ՛անես.  
Թե դու ինձի հաղթեցիր,  
Լուսուն զիմ քուր Գոհար կը տամ՝ կ՛առնես կ՛երթաս:  
Թե դու ինձի չը հաղթեցիր,  
Ես քո գլուխ կը զարնեմ:  
Մհեր հեծավ, էլավ մեյդան:  
Գոհարն էլ էլավ մեյդան, կայնավ:  
Մհեր որ գուրզ թալեց, Գոհար վերուց.  
Գոհար որ թալեց, Մհեր վերուց:  
Մեկ մեկ ու չը կարցան հաղթեն:  
Գոհար ասաց.— Մհե՛ր, հերիք է,  
Էդ անասուններ սպանեցինք.  
Գնա, իջի քո տեղ, հանգստացի.  
Ես քեզի հաց ու ջուր կը ճամփեմ:  
Գոհար էլավ գնաց,  
Օչխար մի կարմրցուց,  
Տիկ մի գինի, հաց էլ հետ,  
Էտու իր առջևի ծառային,  
Տարավ Մհերի վրանի դուռ:  
Մհեր հաց կերավ, գինին խմեց,  
Պառկավ, քնավ չուրի լուս...

[Էջ 310]

Լուս որ բացվավ, Գոհար հագավ սև շոր,  
Ձենքեր կապեց վեր իրեն,  
Էլավ, Էկավ դեհ Մհեր:  
Էկավէ Էնոր վրանի դուռ կտրեց,  
Ասաց.— Դավթի տղա Մհեր դո՞ւն ես:  
Մհեր ասաց.— Հա՛, ես եմ:  
— Իմ քուր Գոհար որ Էկեր ես կ'առնես, դո՞ւն ես:  
Մհեր ասաց.— Հա՛, ես եմ:  
— Դ'էլի, արի քեզի պայման մի կտրեմ:  
Թե դու տարար, ասաց,  
Իմ քուր Գոհար կը տամ քեզի,  
Առավոտուն կ'առնես, կ'երթաս.  
Թե ես տարա քեզի,  
Ես գքո գլուխ կը կտրեմ:  
Ասաց.— Ի՞նչ է քո պայման:  
Ասաց.— Քո մատնիք դնենք, զարկենք,  
Նետ-աղեղ միջեն անցունք:  
Ով որ չը կարցավ, Էն տարված է:—  
Մհերի մատնիք պստիկ մատնիք չէր, որ չ'անցներ:  
Բերին, դրին մեջտեղ:  
Առաջ Գոհար զարկեց:  
Նետ Էնպես անցուց,  
Մատնիք իսկի չը խըլվաց:  
Էս անգամ հերթ Էկավ Մհերին:  
Մհեր որ զարկելու արեց,  
Գոհար Էկավ, կայնավ Էնոր առաջ:  
Մհեր աչքեց Գոհարի էրես,  
Գոհար Էնպես խորոտ էր,  
Աչք մնաց Էնոր էրես.  
Նետ էզար, մատնիք թռուց.  
Չը կարցավ միջեն անցուցեր:  
Գոհար գուրգ քաշեց, ասաց.  
— Խոսք խոսք է, ըզքո գլուխ տի զարկեմ:  
Մհեր վերուց, ասաց.  
— Չէ՛, դու իմ աչք խաբիր.  
Դու կայնար իմ առաջ,  
Որ աչքեցի քո էրես,  
Իմ նետ դիպավ մատնիքին:  
Բերեց, մեկ էլ էղիր, ասաց.  
— Մհե՛ր, Էս անգամ անցուցիր,

[Էջ 311]

Իմ խոսք խոսք է,

Իմ քուր Գոհար կը տամ քեզի.  
Չանցուցիր, քո գլուխ տի զարկեմ:  
Դրեցին. Միեր նշնեց, զարկեց,  
Մատնիքի միջեն անցուց իր նետ:  
Գոհար էդտեղ ասաց.  
— Դու արժան ես՝ Գոհարի մարդն ըլնիս,  
Համա էլի կ'ասեմ՝ տե՛ս, արև չը զարնի:  
Գնաց մեկ վրան էլ դրկեց, ասաց.  
— Ջարկեք Միերի ոտներին:  
Միեր գլխի ընկավ,  
Որ էն թագավորի տղան չէր,  
Աղջիկն էր, ինք Գոհարն էր:  
Մնաց քանի մի օր՝  
Բերին Գոհարին ու Միերին պսակեցին.  
Յոթն օր, յոթ գիշեր հարսնիք արին,  
Կերան, խմեցին, ուրախացան:  
Միեր գիշեր պատկավ Գոհարի մոտ.  
Գոհար բերեց, թուր էդիր մեջտեղ, ասաց.

— Արևմտից թագավոր մեր մոտեն խարջ կ'առնի  
Ասաց,— Էն խարջ որ կտրեցիր,  
Ես քեզի կնիկ, դու ինձի մարդ:  
Քնան: Լուս բացվավ, էլան,  
Միեր հեծավ ձին, քշեց:  
Հասավ արևմտից թագավորի քաղաք:  
Էտնք որ տեսան Միերին՝  
Մենակ ձիու վրա նստած՝  
Ինչպես մի մեծ սար էլնի սարի վերա,  
Շատ վախեցան էտր մոտեն:  
Էլան զորք արին, էկան Միերի վերան:  
Միեր քշեց Քուռկիկ Ջալալին,  
Մեկ կողմեն ինք, մեկ կողմեն ձին,  
Ջորքի ծերն առան, սկսին ջարդել...  
Ջարդեցին, կտրեցին չուրի իրիկուն:  
Իրիկուն Միեր ձիու գլուխ դարձուց,  
Էկավ տուն Գոհարի մոտ, ասաց.  
— Արևմտից թագավոր սպաներ եմ,  
Էլ քո հոր մոտեն խարջ տանող չ'իլնի:

[Էջ 312]

3

Մնաց ժամանակ մի՝  
Ձենով Հովան էլավ,  
Թուղթ ճամփեց դեհ Միեր, ասաց. «Միե՛ր,  
Կոզբաղնի թոռներ էլած են, կտրճացած,



Էկած Սասնա քաղքի վեճ կանեն.  
Ես չեմ կարնա, իմ ուժ չի հաղթի.  
Կ'էլնես, կը գաս, հասնես»:  
Մհեր ասաց.— Ա՛յ կնիկ,  
Կ'առնես զիմ գուրգ, դուռ կը դնես,  
Ինչ փահլևաններ կը գան,  
Քեզի նեղություն չեն տա.  
Կ'ասեն՝ Մհեր տուն քնած է:

Էլավ քշեց, Էկավ Սասնա քաղաք.  
Որ Էկավ, Սասնա քաղաքին մոտեցավ.  
Էլաց, դժարացավ:  
Իրիկվան ժամանակն էր.  
Հրողբեր դուռ շիներ, քներ էր:  
Կանչեց.  
«Հերահո՛տ հրողբեր, վե՛ր էլի\*,  
Քո անուշ քնուց վե՛ր էլի,  
Ա՛յս, հալա վե՛ր էլի»:

Ձեն ընկավ հրողբոր ականջ, մեջ քնուն ասաց.  
— Մեկ բարակ ձեն Էկավ, դիպավ ականջիս,  
Իմ խոր քնու մեջեն զարկավ:  
Կնիկ ասաց.— Ա՛յ աղբեր, ի՞նչ ձեն:  
Ասաց՝ Սասնա տուն է, դուռ շիներ ես,  
Դեռ էլի կը վախենա՞ս:  
Հրողբեր ասաց.  
— Հալբաթ կը վախենամ,  
Ծերացեր եմ, իմ ազգական մոտես հեռացած:  
Մեկ էլ գնաց՝ էրդսի վերա.  
Կանչեց.  
«Հերահո՛տ հրողբեր, վե՛ր էլի\*.  
Իմ տուն գետին եմ դրե,

-----

\* Երգ է:

[Էջ 313]

Իմ տուն իմ գուրգին պահ եմ տվե,  
Իմ գուրգ Պաճիկ թագավորի աղջկան պահ եմ տվե:

Հրողբեր վազեց, գնաց,  
Մհերի գլուխ պագեց,  
Ասաց.— Դու ի՞նչիս ես պահ տվե,  
Քո տուն թողե, էկե:  
Ասաց.— Ես էնպես եմ էկե,

Մեկ աստված խաբար էլե, մեկ հրեշտակ:  
 Ասաց.— Քո գուրգ դուռ դրեր ես, նշան ի՞նչ է:  
 Ասաց.— Ջավահիր քար կո էրեսին.  
 Ինչ արև դիպնի, լուս կը տա,  
 Մարդ չեն քըշի վեր իմ դռան.  
 Ինչ իրիկուն կը գա,— ասաց,—  
 Մեղրե մոմեր կը վառեն,  
 Էլի լուս կը տա, չեն իշխենա քըշի:  
 Ասաց.— Դու հազար բարով էկար.  
 Ես գիտեմ՝ քո հոր տեղ կը բռնես:  
 Ասաց.— Ո՞վ է՝ քեզի նեղություն կը տա:  
 Ասաց.— Կոզբադնի թոռներն են:  
 Չորս թոռ են, չորսն էլ նման են գազան:  
 Ասաց.— Ես էրթամ, չորսին էլ բռնեմ՝  
 Սպանե՞մ, թե ողջ-ողջ բերեմ:  
 Ասաց.— Էրկսից մեկն արա՝  
 Կ՛ուզես սպանի, կ՛ուզես բեր:

Մհերն էր, լուսուն էլավ,  
 Իր ձին հեծավ, քշեց, գնաց Լեռա դաշտ:  
 Տեսավ՝ Կոզբադնի չորս թոռներ էկան.  
 Որ տեսան Մհերին,  
 Իրենց նետ թալեցին.  
 Որ թալեցին, նետ մի էկավ,  
 Կպավ Քուռկիկ Ջալալու ոտին:  
 Մհեր Թուր Կեծակին էգար:  
 Կես կտրավ, կես մնաց ձիու ոտին:  
 Էլավ, չորս թոռներն էլ բռնեց,  
 Առավ, էբեր հրողբոր մոտ:  
 Քուռկիկ Ջալալին գոտ վերուց.  
 Որ վերուց, հրողբեր ասաց.  
 — Էդ ի՞նչ է էլե քո ձիու ոտաց:  
 Աչքեց, տեսավ՝ կո նետի կտոր մեջն է:

[Էջ 314]

Էլավ, էբեր յադութ, գմբութ,  
 Հալեց, էլից էնոր ոտաց վերք,  
 Ժրավ, էլավ քանց առաջ աղեկ:

Մհեր էբեր գԿոզբադնի չորս թոռներ,  
 Էրկուս բնեռեց դռան էն կողմ, էրկուս էն կողմ:

Էլավ, հեծավ Քուռկիկ Ջալալին,  
 Ճամփա ընկավ դեհ Գոհար խանում:  
 Շատ գնաց, քիչ գնաց,  
 Տեսավ Հալեպա թագավորի տղաներ,

Քառասուն փահիլան աղբերներ,  
 Իրենց հեծնելու ձին էլ ուղտ է:  
 Էդ քառասուն առջև Մհերին էկան:  
 Բարև էտու,— բարև առան:  
 Բարև առնելուց էտն ասին.  
 — Մենք քառասուն ենք, աղբեր ենք,  
 Դուն էլ ըլնիս մեզի աղբեր,  
 Ըլնենք քառասունմեկ աղբեր:  
 Ասաց.— Ես կ'ըլնեմ ձեզ հետ աղբեր,  
 Համա ասեք տեսնեմ՝ ձեր քաղաք ո՞րն է:  
 Ասին.— Հալեպ:  
 Ասաց.— Դուք էստեղ ի՞նչ կանեք:  
 Ասին.— Մենք մե քուր ունենք,  
 Մեր քուր մեր հոր թախտ զավթե,  
 Մեզի ճամփեր է էստեղ,  
 Ինք թագավորություն կանի:  
 Ասաց.— Դուք կը գաք, ինձի նշանց տաք,  
 Տեսնեմ ի՞նչ տեսակ քուր է,  
 Որ թագավորություն կանի:  
 Ասին.— Որ դու հարցնես,  
 Մեր քուր ինչ մորից էլավ, մարդակեր էր.  
 Մեր հերն էլ, մեր մերն էլ էն է կերե.  
 Քաղքի ժողովուրդ բոլոր կերե:

Մհեր գնաց, էն քառասուն փահիլանի քուր՝  
 Մարդակեր պատավին գտավ,  
 Մեկ ճըլխտրիկ էգար, գլուխ թռուց...  
 Էն քառասուն փահիլանների կուշտ էկավ, ասաց.  
 — Ձեր մարդակեր քուր սպանեցի,  
 Դարձեք ձեր քաղաք:

[Էջ 315]

Էնոնք Մհերի ոտ ու ձեռ պագեցին,  
 Ասին.— Մենք չէինք կարնա էդ պատվուն հաղթի,  
 Որ դու էտր սպանիր, մեզի ազատիր,  
 Կուզե՞ս, քաղքի թագավորություն առ,  
 Մենք քո ծառան մինչև օր մեռնելուն:  
 — Ես ձենե բան չեմ ուզի,  
 Ո՛չ թագավոր կ'ըլնեմ,  
 Ո՛չ քաղքի տեր կ'ըլնեմ:  
 Ես Դավթի տղա Մհե՛րն եմ,  
 Ես չեմ կարնա էստեղ նստի,  
 Ոչ ծառանգ կա ինձի, ոչ մահ ունեմ:

Միեր էնտեղեն ճամփա ընկավ, գնաց,  
Հասավ Բաղդադ քաղաք.  
Տեսավ՝ մեկ ծերանուկ մարդ էնտեղ նստած.  
Հարցուց, ասաց.— Ի՞նչ կա Բաղդադ քաղաք.  
Բաղդադա թագավոր ո՞ր մեկն է:  
Ասաց.— Ես թագավոր չեմ ճանչենա,  
Համա կասեն՝ թագավոր Խալիֆի թոռներն են:  
Ասաց.— Բաղդասարի գերեզման ո՞րտեղ է:  
Ասաց.— Թագավորի սենեկի դեմն է:  
Միեր ասաց.— Բաղդասար մեր ազգեն է,  
Մասնա տնեն է.  
Էնոր գերեզման ինձի նշանց կը տա՞ս:  
Նշանց էտու, տարավ էնտեղ,— տեսավ:

Միեր ձիուց իջավ բախչի մեջ,  
Գերեզմանին էրկրպագություն էտու,  
Աղոթք արավ:— Ինչ աղոթք արեր է,  
Ձեռն էլ զարկեր վեր քարին, տեղ կ'երևա:—  
Միերն էնտեղեն էլավ, գնաց,  
Էկավ հասավ Ջզիրու քաղաք.  
Ջզիրու քաղաք մեկ գետ կա,  
Անուն Ջզիրու Շատ.  
Կ'էլնի որ հարուր քառսուն գետ  
Իրարու կը խառնվեն, կ'էլնեն մեկ գետ:  
Էդ գետ իրեք անգամ զեն քաղաք ավերեց:  
Միեր էկավ էնտեղ,  
Մեկ մեծ, ահագին քար էրեր,  
Թալեց քաղքի քամակ, գետի մեջ.

[Էջ 316]

Գետ էլավ էրկու, ճուղ.  
Մեկ ճուղ էն կողմեն կ'երթա, մեկ՝ էն,  
Էլ քաղաք չի ավերի:  
Բրջա-Բալաքն էլ վեր էն քարին շինեց,  
Իսկի ավերել չը կա էն բերդին:

Միեր էլավ՝ զձին հեծավ,  
Քշեց, գնաց Պաճիկ թագավորի քաղաք:  
Գնաց տեսավ՝ գուրգ ինչպես դրեր էր,  
Էն էնպես մնացեր էր.  
Մարդ չէր գնացե էնտեղ.  
Գնաց, մտավ իր տուն,  
Տեսավ՝ կնիկ կո թախտին մեռեր է:  
Ձեռ էտու կնկան ձեռ,  
Տեսավ՝ թուղթ մի կա էնտեղ,  
Մեջ գրուկ. «Քենե կը խնդրեմ՝

Ինչ ժամանակ դու գաս, ինձի տեսնես,  
Ինձի տանես Սասուն,  
Խանդութ խանութի կուշտ թաղես»:

Միեր էլավ, էբարձ Գոհարի մարմին,  
Առեց, տարավ Սասնա տուն.  
Էկավ, տեսավ՝ հրողբեր մեռած.  
Գերեզման շինեց, զԳոհար Խանդութի կուշտ թաղեց,  
Էլավ, քառսուն պատարագ էտու անել,  
Սասնա տուն քանի որ մեռած կային,  
Բոլորին պատարագ արավ:  
Էլավ, որ տ'երթար,  
Տեսավ՝ ոտքեր չէր դադրի վեր հողին.  
Դարձավ, գնաց վեր մոր գերեզմանին, կանչեց.  
«Մերիկ, վե՛ր էլի, մերիկ, վե՛ր էլի\*,  
Միերն եմ, քո ծծի որդին,  
Ինն ամիս ինձի շահեր ես վեր քո սրտին,  
Շատ տանջան ես քաշե վեր աստնվորին,  
Շատ եմ ման էկե աշխարք, շվար եմ ման էկե,  
Չը տեսա քո պես քաղցրիկ մեր վեր աշխրքին»:

Մոր գերեզմանեն ձեն էկավ, ասաց.

«Ո՛րդի, վի՞նչըխ անեմ\*,  
Ո՛րդի, վի՞նչըխ անեմ,

-----

\* Երգ է:

[Էջ 317]

Գույն, կերպ թափե էրեսես,  
Լուս կտրվե աչքերես,  
Օձ, կարիճ բուն դրե վերաս:  
Բոլ է ման գաս վեր աշխրքին,  
Բոլ է ման գաս...  
Քո տեղ Ագռավու քարն է,  
Գնա Ագռավու քար»:

Միեր էնքան էլաց,  
Էլ ձեն չէլավ մոր գերեզմանեն:  
Դոր գնաց վեր հոր գերեզմանին,  
Էլաց, ասաց.

«Հերի՛կ, վե՛ր էլի, հերի՛կ, վե՛ր էլի\*,  
Սասնա Ջոջ տնեն անմաս եմ, էլի,

Աշխրքի էրեսեն անմաս եմ, էլի:  
Հերի՛ կ, վե՛ր էլի, հերի՛ կ, վե՛ր էլի,  
Էսօր մոմուռ ձուն էկեր է,  
Քո որդի Մհերի ոտքեր կը մոմռան:  
Հերի՛ կ, վե՛ր էլի, հերի՛ կ, վե՛ր էլի,  
Քո անուշ հոտուն փափագ մնացի,  
Քո անուշ խոսքերուն կարոտ մնացի,  
Էնքան մենակ աշխարք գնացի»:

Հոր գերեզմանեն ձեն էկավ, ասաց.

«Ո՛րդի, վի՞նչըխ անեմ\*,  
Ո՛րդի, վի՞նչըխ անեմ,  
Գույն, կերպ թափե էրեսես,  
Լուս կտրվե աչքերես,  
Օձ, կարիճ բուն դրե վերաս:  
Բոլ է ման գաս վեր աշխրքին,  
Բոլ է ման գաս...  
Քո տեղ Ագռավու քարն է,  
Աշխարք ավերի, մեկ էլ շինվի,  
Որ գետին քո ձիու առջև դիմանա,  
Աշխարք քոնն է»:

Էնքան էլաց, էլ ձեն չէլավ հոր գերեզմանեն,  
Էդ մեկ խոսք էլավ:  
Մհեր գնաց, հասավ Ոստանա կապան.  
Որ հասավ Ոստանա կապան,

-----

\* Երգ է:

[Էջ 318]

Էնտեղեն,— մեկ իշխան կար,  
Կապ էթալ, զՄհեր կապեց:  
Մհեր ձիով ընկավ կապ, ասաց.  
«Հիշա իմ հացն ու գինին, տեր կենդանին,  
Մարութա բարձր Աստվածածին»:  
Ասաց, էգար, կտրեց ըզկապ,  
Ազատեց Քուռկիկ Ջալալին:

Դարձավ աստծուց խնդրեց՝  
Որ կամ կռիվ մի տա իրեն,  
Կամ իրեն ամանաթ առնի:

Աստված յոթ ձիավոր հրեշտակ ճամփեց

Հետ Մհերին կովելու:  
 Կես օրվնէ չուր իրիկուն կովան,  
 Մհեր Թուր Կեծակին կը թալեր,  
 Հրեշտակներուն չէր բռնի.  
 Ձիու ոտ չէր դադրի վեր հողին,  
 Որ գոտքեր կը թալեր՝ կ'երթար մեջ հողին.  
 Հող առջև թուլացեր էր,  
 Չէր դադրի առջև Մհերին:  
 Մհեր ասաց. «Հա՛յ-հո՛յ, գո՛ւր է,  
 Գետինն էլ հալկորցեր է,  
 Իմ ձիու ոտաց տակ չի դիմանա»:  
 Օր կեսօր էր, քանի քշեց,  
 Ձին թաղվավ չուր իրիկուն:  
 Ձձին առավ, քաշեց էկավ,  
 Հասավ Վանա մոտ սարի մի տակ:  
 Մեկ քար մի պատահավ եղոր:  
 Էդ քարին Վանա քար կ'ասեն:  
 Ասաց. «Կանգնի, իմ թուր դարնեմ էդ քարին,  
 Թե կտրեց, ես չեմ մեղավորցեր.  
 Թե չը կտրեց, մեղավորցեր եմ»:  
 Թուր որ էգար քարին,  
 Քար էրկու կողմեն փեղկվավ,  
 Ինք, իր ձին գնացին մեջ.  
 Քար էկավ, իրար կպավ:  
 Քեդի Թորոս կսկծուց մեռավ,  
 Որ իմացավ Մհերի փակվել:

#### ՄԱՍՈՒՆՑԻ ԴԱՎԻԹ

[Էջ 319]  
 ՎԵՐՁԵՐԳ

Կ'ասեն՝ տարին էրկու անգամ  
 Էդ քար իրարուց կը բացվի.  
 Մեկ անգամ Վարդևորին,  
 Մեկ անգամ՝ Համբարձման:  
 Որ քար կը բացվի, Մհեր՝  
 Քառսուն ավուր ճամփա մեկ ժամվա կ'երթա.  
 Քառսուն օր վեր քարերին կ'երթա,  
 Ինչ հողի վերան ընկնի՝ ձին կը խանդկի,  
 Չը կարնա քելի, ետ կը դառնա:  
 Կ'ասեն՝ մեկ Համբարձման գիշեր  
 Հովիվ կ'երթա էդ քարի առաջ,  
 Մհերի քար իրարուց կը բացվի,

Հովիվ ներս կը մտնի, կը տեսնի՝  
Հսկա մարդ մի էդտեղ նստած.  
Հովիվ կը հարցու.  
— Միե՛ր, դու ե՞րբ տ'ելնիս էդտեղեն:  
Միեր կը դառնա՝ կ'ասի.  
— Ես որ էլնեմ էստեղեն,  
Հողն ինձ չի պահի:  
Քանի աշխարք չար է,  
Հողն էլ դալբցեր է,  
Մեջ աշխրքին ես չեմ մնա:  
— Որ աշխարք ավերվի, մեկ էլ շինվի,  
Եբոր ցորեն էղավ քանց մասուր մի,

[Էջ 320]

Ու գարին էղավ քանց ընկուզ մի,  
Էն ժամանակ հրամանք կա, որ էլնենք էդտեղեն:  
Հովիվ որ դուրս կ'ելնի,  
Քար կը գա, կը հասնի իրարու:

Ուրբաթե ուրբաթ, — կ'ասեն, —  
Ջուր կը գա, կաթի էդ քարեն:  
Կ'ասեն՝ Միերի ձիու ջուրն է:  
Ու ամեն ճամփորդ՝ ուրբաթ օրեր  
Կը լսի Քուռկիկ Ջալալու խրիսնջոցն էդ քարեն:

[Էջ 321]

Հիշենք զօղորմին Ծովինարին,  
Քառսուն օղորմի Սանասարին:  
Հիշենք զօղորմին Բաղդասարին,  
Քառսուն օղորմի Դեղձուն Ծամին:  
Հիշենք զօղորմին Քեռի Թորոսին,  
Քառսուն օղորմի Ձենով Հովանին:  
Հիշենք զօղորմին Ջոջ Միերին,  
Քառսուն օղորմի Արմաղանին:  
Հազար օղորմի էն Թառլան Դավթին,  
Քառսուն օղորմի Խանդույթ խանումին:  
Հիշենք զօղորմին Պստիկ Միերին,  
Քառսուն օղորմի Գոհար խանումին:  
Հիշենք զօղորմին, քառսուն օղորմի,  
Մեր փիր վարպետին, որ մեզի պատմեց:  
Հիշենք զօղորմին, հազար օղորմի  
Ականջ արողի հոր ու մոր հոգուն:

ՍԱՍՈՒՆՅԻ ԴԱՎԻԹ



[Էջ 331]

ՎԱՅՐԵՐԻ ԱՆՈՒՆՆԵՐ

ԱԳՌԱՎՈՒՔԱՐ, ԱԳՐՓՈՒՔԱՐ, ՎԱՆԱ ՔԱՐ, ՄՇԵՐԻ ԴՈՒՌ — Վանա մոտ մի քար է, ՚ հին սեպագրերով

ԱԽՄԱԽՈՒ ՍԱՐ — սարի անուն է

ԱՆԳՂԱ ԳԵՏ — Տիգրիսի վտակներից մեկը

ԱՐԶՐՈՒՄ, ԷՐԶՐՈՒՄ — Կարին քաղաքի անունն է

ԱՐՔԻԿ — գյուղ Սասուն գավառում

ԲԱՆԴՈՒՄԱՀՈՒ ԿԱՍ ԲԵՐԿՐԻ ԳԵՏ — գետ Վանի շրջանում

ԲԻԹԼԻՄ — քաղաքի անուն է Սասունի հարավ-արևելյան կողմը

ԲԱՂԴԱՂ — քաղաք Միջագետքում

ԲԱԹՄԱՆԱ ԿԱՄՈՒՐԶ, ԳԵՏ — կամուրջի և գետի անուն, Սասնա սահմանում

ԳՑՈՒՐԶԻՍՏԱՆ — Վրաստան

ԴԻԱՐԲԵՔԻՐ — քաղաք, նախկին Տիգրանակերտը կամ նախկին Տիգրանակերտի սահմաններում

ԴԵՂԴԻՍ ԿԱՍ ՏԵԽՏԻՍ — գյուղ Սասունում

ԴԱՇՏՈՒ-ՊԱՂԻԱԼ — գյուղ Սասունում

ԼԵՌՎԱ ՍԱՐ ԿԱՍ ԼԵՌԱ ՍԱՐ — սար Սասնա սահմաններում

ԽԼԱԹ, ԱԽԼԱԹ — միջնադարյան հայկական քաղաքի անուն, այժմ գյուղ

ԾՈՎԱՍԱՐ — սար Սասունում

ԾԾՄԱԿԱԿԻԹ — սար Սասունում

ԿԱԹԱՂԲՅՈՒՐ — առասպելական աղբյուր

ԿԱՆԱԶ ՔԱՂԱՔ — առասպելական քաղաքի անուն

ԿԱՊՈՒՏԿՈՂ — կապայտ բերդ

ԿԱՊՈՏԻՆ ԲԵՐԴ ԿԱՍ ԲԵՐԴ ԿԱՊՈՏԻՆ — բերդ Կաղզվանում

ՀԱԼԵՊ — քաղաք Միջագետքից արևմուտք, Սիրիայում

ՀԻԼԻ — վանքի անուն Ռշտունիքում

ՃԱԺՎԱՆ — հին ճոճվանը, տեղի անուն է

ՃԱՊԱՂԶՈՒՐ — տեղի անուն է, Տարոնի և Դիարբեքիրի մեջտեղը

ՄԱՆԶԿԵՐՏ, ՄԱՆԱԶԿԵՐՏ — միջնադարյան բերդ-քաղաք, այժմ գյուղ

ՄԱՌՆԻԿ, ՄԱՌԸՆԿԱ ԴԱՇՏ — գյուղ Տարոնում

[Էջ 332]

ՄԱՐՈՒԹ, ՄԱՐՈՒԹՈՒԿ, ՄԱՐՈՒԹԱ — սար Սասունում

ՄԱՏՂԱՎԱՆՔ — հին Հայաստանի վանքերից, մեկը

ՄԱՐԱԹԿԱԶՈՒՐ — Տիգրիսի վտակը

ՄԱՐՈՒԹԱ ԱՍՏՎԱԾԱԾԻՆ — վանք Մարութա սարի վրա

ՄՈՒՐԱԴ ԳԵՏ — Արածանի գետը, այժմ Մարադ-չայ

ՄՈՒՇ — քաղաք Տարոնում

ՄՍԸՐ — Եգիպտոս

ՆԵՄՐՈՒԹ — սար Սասունի և Մոկսի մեջտեղը

ՆՈՐԱԳԵՂ — գյուղի անուն Մուշում և Վանի մոտերքը

ՋԶԻՐ — պատմական Ադրակից դեպի հարավ ընկնող գավառ

ՇԱՄ — Դամասկոս քաղաքը

ՋԶԻՐՈՒ-ՇԱՏ – Ջզիրու գետի անունը  
ՊՂՆՁԵ ՔԱՂԱՔ – առասպելական քաղաք  
ՍԱՍՈՒՆ – Տարոն-Տուրաբերանի լեռնային գավառներից մեկը  
ՄԵՂԱՆՍԱՐ – սար Մուշի գավառում  
ՄԵՎՍԱՐ – սար Սասունում  
ՍՈՒՐԲ ԿԱՐԱՊԵՏ – Իննակնյան Գլակա վանքը  
ՎԱՆ – քաղաքի անուն է  
ՈՍՏԱՆԱ ԿԱՊԱՆ – Վանա ծովի հարավային ափին, պատմական Ռշտունյաց գավառի  
կենտրոնը, հայտնի Նարեկ գյուղի մոտ  
ՏՈՍՊԱՆ ԲԼՈՒՐ – տես՝ Ագռավու քար  
ՖԱՐԿԵՆ – Նփրկերտ քաղաքը, Դիարբեքիրի մոտերքը